

(विराटप्रकाशन चतुर्दशम्)

ॐ ह्रीं अर्द्रं नमः ॥

नमोनमः श्रीगुरुनेमिसूरये ॥

श्रीमत्तपागच्छगानदिनमणिश्रीदेवेन्द्रसूरिविरचित

सुदंशुण-चरियं

(सवलियाविहारो) आ श्रीते लग्यगगगगगरे गानमस्ति

द्वारा रापम भट ता

सम्पादकः

शासनसन्नाडाचार्यदेवश्रीमद्विजयनेमिसूरीश्वरपट्टलङ्काराचार्यप्रवर
श्रीमद्विजयानृतसूरीश्वराणा 'विराट' इत्युपाह्व शिष्याणुविशालविजयो मुनिः ।

प्रेरकः

कुमारश्रमणो मुनि राजशेखरविजयः

वीर संवत् २५१८

विक्रमसंवत् २०२८

मूय रूप्यकचतुष्टयम्

नेमिसंवत् २३

श्री तपागच्छ जैनसंघ-माडुंगा-मुम्बापुरी

प्रदत्त वित्तव्ययेन विराटप्रकाशनद्वारा प्रकाशितम् ।

प्राप्तिस्थानम्

(१)	(२)	(३)
श्री अमृतसूरिजीशानमन्दिर	श्री चन्द्रप्रभस्वामिशैलमन्दिर	सरस्वती पुस्तक भण्डार
दौलतनगर, बोरोवली (पूर्व), मुम्बई-६६	पार्थना समाज, मुम्बई-४	हाथीखाना, रतनपोल, अहमदाबाद
(४)	(५)	
सोमचंद जी शाह	श्री तपागच्छ जैनसंघ	
पालीताणा गुजरात	माडुंगा, मुम्बई-१९	

मुद्रकः-वैद्यराज स्वामीश्री त्रिभुवनदासजी शास्त्री, श्रीरामानन्द प्रिन्टिंग प्रेस, कांकरिया रोड, अहमदाबाद-२२

પ્રસ્તુત

તપાગચ્છના મહાન્ બ્યોતિર્ધર આચાર્યપ્રવરશ્રીમહ દેવેન્દ્રસૂરીન્ધરજી મહારાજજી વિન્ધવિખ્યાત સુદર્શનાચરિત્ર (સમળી વિહારને) લલિત માગધીલાખામા પદબદ્ધ આલેખી એક અતિ પ્રાચીન ઇતિહાસને સાંકળવા-સાચવવાનું શ્રેય લીધું છે અને પોતાની સર્વતોમુખી આગવી પ્રતિભાનો પરિચય પણ કરાવ્યો છે તેઓશ્રીએ કર્મગ્રન્થો, શ્રાદ્ધહિનકૃત્ય, સિદ્ધપ્રાપ્તવૃત્તિ, ચૈત્યવદનાહિ ભાલ્યો આદિ અનેક અતિ ઉપયોગી ગ્રંથોની રચના કરી છે સુદર્શનાચરિત્ર એક અદ્ભુત કથાગ્રંથ છે. તેમા લાખો વર્ષોનો સગીન ઇતિહાસ સમાવાયો છે. આને પણ લક્ષ્યમા તેનાં અવશેષો વિદ્યમાન છે

સુદર્શનામા અપૂર્વ જિનલકિત-ગુરુસેવા-ધર્મપરાયણતા અને આત્મા માટેના મહાન પુરુષાર્થનાં દર્શન થાય છે સુદર્શના વારે વારે વાચવી સાભળવી ગમે તેવી છે. તેનું અર્ચે હિદી, ગુજરાતી અને સંસ્કૃતમા સંસ્કરણુ કર્યું છે તેનો વિસ્તૃત ઇતિહાસ અર્ચે ગુજરાતી-હિદી પ્રકાશનમા આલેખ્યો છે સસારની સઘળી લાખામા “સુદર્શના” ઓપે એવી છે.

આ મૂળપ્રતિ ૪૦ વર્ષ પૂર્વે પૂજ્ય પન્થાસ પ્રવરશ્રી ઉમગ વિજયજી ગણિવર્ધે સંપાદન કરી અતિ પરિશ્રમે છપાવેલી-તે આને દુષપ્રાપ્ય અને જીર્ણપ્રાયઃ હોઈ મુંબઈ પ્રાર્થનાસમાજ શ્રી ચદ્રપ્રભસ્વામિ જ્ઞેન દહિરાસર તથા મુંબઈ માટુગા તપાગચ્છ જ્ઞેન સઘના ટ્રસ્ટ્રી મહાનુભાવોને છપાવવા ઉપદેશ આપતા તેઓએ જ્ઞાનદ્રવ્યના ખર્ચે આ પ્રત છપાવી, અતિ ઉપયોગી એક પ્રાચીનગ્રંથનું પુન પ્રકાશન કરાવી એક ક્ષતિની પૂર્તિ કરી છે ડો ધનજીભાઈ ગાલાએ આ ગ્રંથ છપાવવા સંબંધી શરૂથી અત સુધીનું બધું કાર્ય સેવાભાવે કર્યું છે, જે પ્રશંસ્ય છે.

અતે આ ગ્રંથ વ્યાખ્યાનાદિમા ખૂબ ખૂબ વંચાય, સંભળાય અને આ અદ્ભુત પ્રેરક વાર્તા જનસાધારણ સુધી પહોચે એ જ અભિલાષા
ર૦૨૨૮ અક્ષયનૃતીયા,
વિશાલ વિજય (વિરાટ)
ગોડીજી ઉપાશ્રય મુંબઈ-૩

श्री सुदर्शनाचरित्रस्य

विषयानुक्रमः ।

विषयः	पृष्ठम्	विषयः	पृष्ठम्
कथाक्षम	१	सुदर्शनाजातिस्मरणम् ।	१९
<u>प्रथमोद्देशः ।</u>	२	तरुत पूर्व (शकुनिका) भववर्णनम् ।	२१
हिरण्यपुरनिवासिवर्धमानश्रेष्ठिपरिवारादिवर्णनम् ।	३	<u>चतुर्थोद्देशः ।</u>	२३
धनपालकृत किन्नर्यात्मकथा ।	३	राजसभाया ज्ञाननिधिपुरोहितस्योपदेश ।	२४
भगनपोतमहसेनदृपस्य विमलशैलगमनम् ।	४	सुदर्शनाकृतनिर्घृत्तिधर्मनिरूपणम् ।	२६
तत्र चम्पकलताग्रे चण्डवेगमुनिकृतधर्मोपदेश ।	६	<u>पञ्चमोद्देशः ।</u>	३०
<u>द्वितीयोद्देशः ।</u>	७	जयवर्म्मदृपकथानकम् ।	३१
श्रीचण्डवेगमुनि कथितसुदर्शनाचरित्रम् ।	८	विजयकुमारागमनम् ।	३२
सिंहलद्वीपदृपपरिवारादिप्रबन्धः ।	८	शीलवती हरणम् ।	३३
राज्ञीचन्द्रलेखागर्भधारणम् ।	१२	कुमारखेचरयोर्युद्धम् । शीलवतीकन्दनम् ।	३४
पुत्रीजन्मोत्सव सुदर्शनेतिनामकरणम् ।	१३	सोमश्रेष्ठिसमागमः ।	३६
<u>तृतीयोद्देशः ।</u>	१५	<u>षष्ठोद्देशः ।</u>	४१
राजससदि ऋषभदत्तश्रेष्ठयागमनम् ।	१६	श्रीधर्मयशाश्चरणभ्रमणोपदेश ।	४२
सुदर्शनाकलाभ्यासपरीक्षणम् ।	१८	सुदर्शनायास्तृतीयपूर्वभववर्णनम् ।	४५
		नवविधपुण्य-द्वादशविधश्रावकधर्म-नवतत्त्वनिरूपण	

विषय

- षड्विधावश्यतादिवर्णनम् ।
 सप्तमोद्देशः ।
 सुरक्षेनाया शृगुकच्छनगरगामेच्छा ।
 सुरक्षेनाकृतसंसारदुःखरायणनम् ।
 सुरक्षेनापयाणम् ।
 अष्टमोद्देशः ।
 विमलशैलसम्पत्तिः ।
 तन्मुनिदर्शनम् उपदेशभवनं च
 बाल्ये विजयकुमारस्यापहरणम् ।
 रत्नाथल्या कुवार्थना ।
 कुमारोक्त सुबोधः ।
 कुणालानगरीपयाणम् ।
 जयवर्मगुणान्तिके कुमारगमनम् ।
 श्रीलवण्या सह विवाहसम्बन्धः ।
 विद्याधरकृतश्रीलवण्यापहरणम् ।
 किष्किन्ध्यागिरौ विद्याधरपलायनम्
 विजयकुमारदीक्षा-साधनोपमन्त्रः ।

पृष्ठम्

- ४६
 ५०
 ५०
 ५२
 ५८
 ५८
 ६०
 ६०
 ६१
 ६२
 ६३
 ६४
 ६४
 ६५
 ६५
 ६६
 ६९

विषयः

- चतुर्धाभिर्मनिरूपणम् ।
 ज्ञानदाने अनादत्त इष्टान्तः ।
 अभयदानमाहात्म्यं गेधशकथानकम् ।
 धर्मोपकरणमहिमा-वीरश्लोदन्तः ।
 वीरसम्पूर्णभवकथनम् ।
 शीलगतपभाव कलावतीकथा च ।
 तपसामर्थ्यरूपेण श्रीविष्णुजुमारमुनिदृष्टान्तः ।
 भावनार्थमनिरूपेण नरविमलदृष्टान्तः ।
 विमलशैले श्रीमुनिमुदतस्वामिवासाद निमर्णोपदेशः ।
 सुदर्शनाकारित महापासादः ।
 श्रीविजयकुमारसुनिनिर्वाणम् ।
 नवमोद्देशः ।
 शृगुकच्छे शागमनम् ।
 जितशत्रुपुण्ड्र-सुदर्शनाया नगरप्रवेशः ।
 तत्र मुनीन्द्राणा दर्शनम् ।
 दशमोद्देशः ।
 महागन्त्रानियमप्रभावः ।

पृष्ठम्

- ६९
 ७०
 ७४
 ८०
 ८९
 ९१
 १०९
 ११८
 १४८
 १४८
 १४८
 १४९
 १५०
 १५२
 १५३
 १५४
 १५५

विषयः

- समेद ज्ञाननिरूपणम् ।
 श्रुतज्ञाने श्रेयासकुमारकथा ।
 समेदसम्यग्दर्शननिरूपणम् ।
 श्रीमरुदेवीऋषभदेव-भरत चरित्रम् ।
 पञ्चविधमिथ्यात्ववर्णनं नरसुन्दरनरेशकथा ।
 सम्यक्त्वस्वरूप-प्रभाव-मेदवर्णनम् ।
 चारित्र्यैक विषयत्वादिपूर्वकतत्प्रभाववर्णनम् ।
 महाबलवृष्ट्यान्त ।
 धर्मधर्मविषये कुरुचन्द्रद्व्यान्त ।
 रत्नत्रयाराधने जीर्णवृषभकथानकम् ।
एकादशोद्देशः ।
 श्रीज्ञानभानुगुरुकृताश्वावबोधतीर्थवर्णनम् ।
 श्रीश्रुतिसुव्रतजिनेन्द्रस्याश्वेन सह सम्बन्ध ।
 अश्वस्य अवबोध ।
 जिनभवन-विम्बविधानपूजनादिफलवर्णनम् ।
द्वादशोद्देशः ।
 सुदर्शनाकारित श्रीश्रुतिसुव्रतस्वामि महाप्रामाद ।

पृष्ठम्

- १५६
 १५७
 १६६
 १६९
 १८५
 १९१
 १९५
 १९७
 २०४
 २१४
 २२२
 २२२
 २२३
 २२५
 २२७
 २२८
 २३०

विषयः

- प्रतिष्ठासमहोत्सव ।
 महाप्रामादस्य मर्वाजसम्पूर्णता ।
 सप्तक्षेत्रेयनव्यय ।
 शकुनिना विहारमहाप्रासादस्य प्रशस्ति ।
त्रयोदशोद्देशः ।
 शीलवत्यासह सुदर्शनाकृतविधियधनपोवर्णनम् ।
 मपरिवारमिहलनरेशस्य दीक्षा ।
 विशातासनमरणा सुदर्शना धर्मकृत्ये मावधाना ।
 अनशन प्रतिषथमा स्वर्गं समुपगन्ना ।
चतुर्दशोद्देशः ।
 चम्पकलताप्रे चण्डवैगमुनिना कथित शकुनिकाविहारस्य
 कालप्रमाणम् ।
 सुदर्शनादेवीकृतचण्डवेगविद्याधरोपदेशः ।
 तस्य श्रीशशुञ्जयमहार्तीर्थममसुतमहावीरजिनेन्द्रान्तिक
 गमनम् ।
 तत्त्वनिरूपणमारा श्रीजिनेन्द्रदेशना ।
 चण्डवेगस्य दीक्षा

पृष्ठम्

- २३१
 २३२
 २३३
 २३३
 २३५
 २३५
 २३६
 २३६
 २३९
 २४०
 २४०
 २४२
 २४३
 २४३
 २४७

विषयः

पञ्चदशोद्देशः ।

श्रीचण्डवेगमुनिकृतस्वात्मकथा ।

चम्पकलताया जातिस्मरणम् ।

महासेनदृपस्य जातिस्मरणम् दीक्षा च ।

मुनिदुर्गलस्यानुत्तरविमाने उत्पत्ति ।

षोडशोद्देशः ।

चम्पकलताया शकुनिकाविहारे गमन चान्ते किन्नरीत-

योत्पत्ति ।

धर्मपाल-धनपालरमक्ष किन्नरीकृतधर्माधमफलनिवेदनम्

श्री जितधर्मपालनापालने सुनन्दस्य दृष्टान्त ।

पृष्ठम्

२४७

२४७

२४८

२५३

२५४

२५४

२५५

२५६

२५८

विषयः

श्रीलमती-श्रीपुञ्जयोद्दिष्टान्त ।

सुनन्दधारिण्योद्देवत्वम्

तयो पुत्राणा चारित्रप्राप्ति सर्वार्थसिद्धिविमाने उत्पत्ति-च ।

किन्नरीप्रबुद्धधनपालगृहोत्तशुद्धिर्धर्म

किन्नर्यां शकुनिकाविहारैरगमनम्

सघसहितस्य धनपालस्य रैवतेगिरितीर्थयात्रावर्णनम्

रैवतेगिरिश्रीनिमिजिनभवनवर्णनम् ।

धर्मपालस्य दीक्षा ।

धनपालस्य गृहागमन तीर्थोत्थापन च ।

अन्यकारप्रशस्ति ।

पृष्ठम्

२५९

२७३

२७४

२७५

२७५

२७५

२७६

२८१

२८१

२८२

शुद्धिपत्रम् ।

पृष्ठम्	गाथा	अशुद्धिः	शुद्धिः	पृष्ठम्	गाथा	शुद्धिः	शुद्धिः
२	२०	नमि	नेमि	२१	१५	मा	शुद्धि
३	३१	सगामु	सगाम्	"	१६	कथयति-	कथयति
४	४१	नित्यम	त्यम	२७	२२	ही	ही
"	"	वपरहण	निवपरहण	"	२३	सौर	सौर
६	७२	सबाहि	सबाह	२६	४३	सगमगामो	सगमगामो
६	७४	उष्णगिद्धय्येण	उष्ण गिद्धय्येण	२९	८७	गम्ये	गम्ये
८	१०	प्राय	प्राय	"	८८	५	५
९	२७	परिहृषययच	परिहृषययच	"	८८	५	५
१२	७६	सहभारा	सहभारा	३७	६९	गम्ये-	गम्ये
"	८०	गळो	गळो	३८	१०७	कृति	कृति
१४	१००	सम्मल्लिङ्ग	सम्मल्लिङ्ग	४७	४८	मात्	मात्
१६	५७	भारणीयो	भारणीयते	४८	१०७	सपरिहृष	सपरिहृष
२१	१००	विलविजो	विलविजो	५०	३	मा	मा
२२	१०७	पत्त	पत्त	५१	१८	समीहित	समीहित
"	१०८	कञ्जोर्धोनि	कञ्जो होवि	५१	३७	पत्ति	पत्ति
"	११२	वयगवल	वयगवल	५२	३५	भत्त	भत्त
"	"	"	"	५५	७३	५	५
"	"	"	"	५६	८७	वयिकागण	वयिकागण

पृष्ठम्	गाथा	अशुद्धिः	शुद्धिः
५९	२१	वेडादुलो	वेडादुलो
६३	७५	नाराण	नराण
७५	२५९	घिइधर-	घिइधर
७६	२७७	खणमि	खणमित्त
७७	२९०	अमणेण	अभमणेण
"	२९२	भासापयपिरो	भासापयपिरो
७८	२९६	ईसाणिदेण	ईसाणिदेण
८२	३५७	चिय उयर (पछी	चिय उयर (पछी
		ता दायव्व दाण थोवाविहु थोवय ससत्तिए ।	भरणे वि ॥३५७॥
		इहलोए कीत्तिकरं सिवसुखकरं च परलोए ॥३५८॥	
"		नोटमा	वरात
९१	५००	सपारियणो	सपरियणो
९३	५३८	जवहुरयणा	ज बहुरयणा
९४	५३९	पडिच्छदा	पडिच्छदो
९७	५९५	किमिदयाल	किमिदयाल
१००	६३३	सखाराइणा	सखाराइणा
"	६३६	असखदवखत्तो	असखदुवखत्तो

पृष्ठम्	गाथा	अशुद्धिः	शुद्धिः
१०४	६९५	लज्जोनामियवयणो	लज्जानामियवयणो
१०८	७५८	वद्धावणय	वद्धावणय
१०९	७६९	रज्जमि	रज्जमि
११३	८२२	लच्छदेवीइ	लच्छदेवीइ
११६	८७०	तरसोवसमण	तरसोवसमण
१२१	९५०	तुम स	तुम
१२४	९९८	ज यतीइ	जयतीइ
१२५	९९९	परिविराज्जठ	परिविराज्जठ
"	१००३	पसिओ	पेसिओ
१२६	१०२६	मण्णुकूल	मण्णुकूल
"	"	अमित्तिष्ठ	अमित्तिष्ठ
१३८	११८४	वइयरं	वइयर
१३९	१२०३	पवलकलिओ	पवलबलकलिओ
१४४	१२६८	कप्पहुम	कप्पहुम
१४८	१३४१	अदठमुइसो	अदठमुइसो
१४९	२	विघ	विघ
१५०	२३	उस भदत्तो	उसभदत्तो

पृष्ठम्	गाथा	अशुद्धिः	शुद्धिः
१८४	४३१	भहर	भरह
१८६	४६८	विपीगाम्मि	विष्पी गामग्मि
"	४७१	वि म्हुय	विम्हुय
१८७	४७४	उडभसोहिय	कुडभमसोहिय
"	४७५	नियस्स	निवस्स
"	४७८	भिस	भिस
१८९	५०६	महुरा	महुरगिरा
१९२	५४०	त्त	च
१९४	५७१	पुच्छिऊण	पुच्छिऊण
"	५७५	सुयपारावारगो	सुयपारावारपारगो
१९६	६०९	मेयसमिई-	मेय समिई-
१९७	६२०	उत्तरकुरासु	उत्तरकुरसु
१९९	६४५	सुह असुह-	सुहअसुह-
२०५	७३३	ल्लिवाठ	ल्लिवाठ
२१०	८०८	अणवच्छिण्णो	अणवच्छिण्णो
२११	८१७	कपजली	कपजली
२१२	८२८	अट्ठभव	अट्ठभव
"	८३५	पचत्त	पचत्त

पृष्ठम्	गाथा	अशुद्धिः	शुद्धिः
१५४	८०	वज्जलीए	वच्चतीए
"	५	वहरकल्लण	वरकरल्लण
१५५	७	कयत्थो	कयत्थो
१६०	८५	मगलावई	मगलावई
१६१	९६	करुणारस	करुणारस
१६२	१११	हुपावुदण	हु पावुदण
१६४	१४७	वणिओ	वणिओ
१६८	२०४	सम्मपत्तो	सम्मपत्तो
१६९	२१६	ववत्तो	ववत्तो
"	२१८	सारगचट्टु	सागरचट्टु
१७०	२३३	तक्खण	तक्खण
१७७	३३८	उस भसाभिस्स	उसभसाभिस्स
"	३४२	वित्तूण	वित्तूण
१७८	३४५	क्काम्णि	क्काम्णि
१८०	३८५	रत्ति	रत्ति
१८२	४०६	न	नद्वे
१८३	नोटमा	पात्र	पौत्र

पृष्ठम्	गाथा	अशुद्धिः	शुद्धिः
२१५	८७४	कर	कर
२१७	८९६	यत	य त
२२१	९६८	सुधम्पवा	सुधम्पवा
२२७	७९	रागाइदोसचता	रागाइदोसचता
"	८२	भणिण	भणिय
२२८	९३	अमररमणीमिहि	अमररमणीहि
२३३	६९	नम्ररपति	नम्रसुरपति
"	"	घृष्टपद	घृष्टपद
२३४	७९	तीर्थकुते	तीर्थकृते
"	८७	विहावरे	विहारवरे
२३६	२६	अतणो	अतणो
"	२८	अताण	अताण
२४७	१००	इह	इह
२४८	९	तिरथाह	तिरथाइ
२४९	२२	घण निविड	घणनिविड
२५०	३८	कयग्धा	कयग्धा

पृष्ठम्	गाथा	अशुद्धिः	शुद्धिः
२५०	४९	पावसकालुब्ध	पावसकालुब्ध
२५६	२८	वायति	वायति
२६०	८१	वीयदिणे	वीयदिणे
"	८२	वुत्तु	वुत्तु
"	८७	समदेयसे	समइयदेसे
"	८९	सीलमइ	सीलमई
२६१	९३	सपता	सपता
"	९५	अच्चत	अच्चत
"	९६	सिज्जइ	सिज्जइ
२६३	१२२	णिइयणेसु	णिइयमणेसु
२७०	२२४	तिवन्ना	तिवग्ग
"	२२९	मगल	मगुल
२७६	३०७	सहस्सव	सहस्सव
"	३०९	घित्ठण	घित्ठण
"	३१४	असरि	असरिस
"	"	णणिहि	णणिहि

गमो सिरिखुणिसुव्वयजिणत्स ।

शासनसम्प्राद् ह्यरिचक्रचक्रवर्तिवाल्लव्रह्मचारि तपागच्छाधिपति आचार्यदेवश्रीभद्
विजय नेमिह्वरीश्वरसद्गुरुभ्यो नमः

सिरिदेविदसूरिइयं

। सुदंसणाचरियं ।

(सवलियाविहारो)

(कहांगं)

वंदिचु सुव्वयजिणं, मुदरिसणाए पुरम्मि भरुअच्छे । जह सवलियाविहारो, करावियो क्किपि तह
बुच्छं ॥१॥ जह तीइ पढमजम्मे, विजयाखयरीइ मारियो सम्पो । जह सा संतिजिणगिहे, पूयं दइदुं पुलइयंगा
॥२॥ पत्ता सुवोहिवीयं, वेयावच्चं च कासि समणीणं । हरिउं च नेउरं जह, भरुअच्छे सवलिया जाया ॥३॥
जह वाणहया नवकारसवणओ सिंहलेशरस्स सुआ । उप्पन्ना जाइसरा, जह भरुअच्छम्मि संयत्ता ॥४॥
अस्साववोहित्त्ये, कारवियो सवलियाविहारवरो । विहियाणसगा पत्ता, जह ईसाणे तह कहेमि ॥५॥ इय सुय-
णकमलवोइणरविव्व सुकहा अदिट्ठदोसेयं । अलंकया य नवससहरुव्व सज्जणमणाणंदा ॥६॥ एयं कहांइ अंणं, बुह-

जणमणजणियचंगसंवेगं । अवणेइ विसयसंगं, कुणइ सुणंताण सिवरंगं ॥७॥ अह एयं सब्वंपि हु, साहिस्सें
वित्थरेण सपसंगं । भवभयभीया भव्वा !, ता निमुणह सावहाणमणा ॥८॥

अह पढसो उदेसो ।

तथा हि—अत्थि इह भरहखित्ते, मज्झिमखंडम्मि दाहिणहुस्स । नामेण नंदिवद्धण-गिरि समुत्तुंगघणसिंगो ॥९॥
तस्सग्गेयदिसाए, वरणयरं अत्थि सुत्थियजणइहं । सयलसिरीए ठाणं, दिअवरठाणं हिरणउरं ॥१०॥ तत्थत्थि
वद्धसाणो सिट्ठी जिणधम्मपालणपहाणो । धणवइनामेण पिया, जिणधम्मधणप्पिया तस्स ॥११॥ जीवा-
इधुणियततो उत्तमसत्तो पमायपरिचतो । निम्मलदढसम्मत्तो, सामइयपोसहपसत्तो ॥१२॥ जिणवरनाम-
सुटुट्ठो, चउगइंससारसरणसंतट्ठो । देवगुरुविणयलट्ठो, जिण्णिदधम्मम्मि लद्धट्ठो ॥१३॥ सिवसुहकारणसम्मत्तरणि-
करनियरदलियतमतिमिरो । दाणाइशुणपवित्तो, धणपालो ताण वरपुत्तो ॥१४॥ उवसंता सुविणीया, सब्भा-
वओ भाउवच्छला सच्छा । तस्सत्थि धम्मनिरया, धन्ना नामेण लहुभइणी ॥१५॥ पर्यइइ भइओ भाविभइओ
भइधम्मसवणरुई । धणपालस्स वयंसो, अत्थि वरो धम्मपालो त्ति ॥१६॥ अह अन्नदिणे सहसा, रोगायं-
केहि पीडिया धन्ना । पंचनसोक्कारपरा, मरिउं सग्गे समुप्पन्ना ॥१७॥ तो तीइ मयगकिच्चं, काउं वेरणसं-
गओ मइमं । रेवयगिरिम्मि पत्तो, धणपालो भित्तंसजुत्तो ॥१८॥ वंदिय नेमिजिणंदं. समागओ नियगि-
हम्मि पत्थावे । विमिहयमणाइ पुट्ठो, पियाइ सो धणसिरीइ इमं ॥१९॥ उज्जिते नेमिजिणो, तुम्हेहि नमं-
सिओ पुरा बहुसो । इण्हि पि समित्तेहि, तो हं पुच्छामि इय तुम्हे ॥२०॥ सच्चं तत्थ सुणिज्जइ, ककरकै-

१ सत्तट्ठो० सन्नस्त । २ कम्मकर कप्फाड० कठिन गुहा ।

फाडविसमसिहरेसु । ज्ञाणद्वियसुणिणो, किणरेहि अज्जवि थुणिज्जंति ? ॥२१॥ सच्चं अज्जवि सिरिने-
मिनाहभवणम्मि रथणिसमयम्मि । पारद्धपिच्छणाओ, सुरंगणाओ पणच्चंति ? ॥२२॥ सच्चं अहरावयखर-
सुरगगुंम्मियसुखोणिदेसाओ । सुणइञ्जरंतनिज्झरञ्जंकारवो सया तत्थ ? ॥२३॥ तं निसुणिज्जण पमणइ,
धणपालो सुयणु । सच्चमिह सच्चं । अन्नं पि महच्छरियं, जं दिट्ठं तं निसामेह ॥२४॥ अहमिणिह पिय-
मइणिसरणसमुप्पणगरुयवेरणो । मित्तजुओ संपत्तो, उज्जिते वंदिदं देवे ॥२५॥ पक्खालियनियअंगो,
सियवत्थो विहियउत्तरासंगो । पूओवगरणसहिओ, पविसिय जिणमंदिरे विहिणा ॥२६॥ काउं पयाहिणतिगं
पत्तो पूएवि नेमिजिणनाहं । भत्तीए भुवणगुरुं, सयलदिणं पच्चुवासेउं ॥२७॥ दसआसायणभीरू, निसामुहे
ज्जिणिगिहाओ जा णिहरे । पिच्छामि दिव्वरूवं, ता नारि जिणहरे पत्तं ॥२८॥ तीएवि सुसरवीणं,
तंति सारेवि कररुहगेहि । थुणिज्जण वीयरायं, अहं पि संभासिओ महुरं ॥२९॥ भणियं च मए सुंदरि !,
तं संपइ आगया इहं कत्तो ? । देवी व माणुसी वा, कासि तुमं ? किं च तुह नामं ? ॥३०॥ तो
तीइ इमं भणिय, भाउय ! एसा हि मह कहा महई । ता सुणासु तुमं धणपाल !, इत्थ उवविसिय मित्त-
समं ॥३१॥ तो हं विम्हियमणो, पिए ! पएसम्मि तत्थ उचियम्मि । मित्तजुओ उवविट्ठो, अह तीइ पयं-
पियं एवं ॥३२॥ मणुयत्तपरिभट्टा, भाउय ! किणरपयं अहं पत्ता । मिच्छत्तमोहिया परिभसामि जह तं
निसामेह ॥३३॥

तंजहा-दाहिणदिसाइ इह अत्थि, मलयगिरिसंदिओ मलयदेसो । रिद्धित्थिमियसमिद्धा, मलयवई नाम

तत्थ पुरी ॥३४॥ तत्थ य महसेगनिवो, सोभामितं तु जस्स किल सेणा । केवलपयावनिज्जियदुज्जयपडिवक्ख-
वग्गस्स ॥३५॥ अह अन्नदिणे एसो, पाडल्लिपुत्ताहिवेण जयरन्ता । भणिओ दूयमुहेणं, सप्पणयं एरिसं
वयणं ॥३६॥ भुवणच्छेरयभूया, वरूवा अत्थि मज्झ निव ! धूआ । नामेण चंपगलया, पाणिग्गहणं
न सा मेहई ॥३७॥ अन्नदिणे तुह रूवं, मह चित्तयेण दंसियं तीए । दट्ठण साणुराया, तं सहसा सा
तओ जाया ॥३८॥ नाउण इमं च मए, सा कण्णा नरवरिद ! तुह दिण्णा । तीए परिणयत्थं, आगच्छसु
अमुगदियस्मि ॥३९॥ इय सोउं महसेणो, राया सचिवाण साहिउं णियं कज्जं । चलिओ हरिसियहियओ,
पंचहि वुहणेहि सुमुहुत्ते ॥४०॥ पडिक्कल्पवणपिच्छियदसदिसिखित्तसु जाणवत्तेसु । क्ह क्हवि विमलसेले,
त्रिलग्गा^१ वपवहणं भणं ॥४१॥

अवि य-सुहकंखिरो नरिदो, पडिओ विसमावईसु किह ? अहवा । विसयासत्ता सत्ता, लहंति
दुक्खाइं किं चोज्जं ? ॥४२॥ जलसंगयं दुरंतं, विहडियसंधाणतुट्टगुणजालं । कुकलत्तं व कुजाणं, खणेण
चत्तं निवेण तयं ॥४३॥ शुद्धिरे अणोरपारे, भवजलहिम्मि व दुहावहे तहियं । पत्तो सुमाणुसत्तं, व क्हवि
रन्ना विमलसेलो ॥४४॥ छुहत्तहासुसियत्तणू, सणियं सणियं स तत्थ जाव निवो । आरूढो गिरिसिहरे, ता
पिच्छइ जिणहरं रम्मं ॥४५॥ तस्स य दुवारदेसे, वार्वि दट्ठुं स तत्थ पविसेउं । सलिलं पिएवि सुत्थो, संजाओ
निग्गओ वार्वि ॥४६॥ सिंसिरच्छायारूइरे, उवविट्ठो तीइ मत्तवारणए । ता जिणभवणदुवारे, पलोयए पाउ-
याजुअलं ॥४७॥ चित्तइ जो इह भवणे, कोवि सया एइ देवयाभत्तो । सिद्धस्स तस्स एयं, मन्नि-

ज्जइ पाउयाजुयलं ॥४८॥ तत्तो विम्भियचित्तो जा सहसा नियइ जिणगिहस्संतो । ता तत्थ इत्थिररणं,
ददुंइ इय चित्तए राया ॥४९॥ लायणरूवसोहणसंगथा जेण निम्मिया एसा । गुणक्कित्तणे समत्थो, इमीइ
नारीइ जइ सो वि ॥५०॥ अह सा कयमुहकोसा, सिरिमुणिसुव्वयजिणं गरुयहरिसा । एगगमणा पूअइ,
सुगंधिवरसेयकमलेहिं ॥५१॥ उच्चियट्टुणम्मि ठिया, विहिंपुव्वं वंदिऊण जिणनाहं । भत्तिब्भरनिब्भरंगा,
एवं थोउं समाहत्ता ॥५२॥

तंजहा—संपत्तविमलकेवल !, केवलबलहणियतिहुयणतमोह ! । मोहमहाभडभंजय !, जय जय मुणिसुव्वय-
जिणिद ! ॥५३॥ जेहिं न तुह मुहकमलं, पलोइयं पुलइएहिं कइआवि । पिववंति परमुहाइं, सयावि ते हीण-
दीणमुहा ॥५४॥ जेहिं न तुह पयकमलं, पणयं भत्तीइ ते नमंति एए । सव्वेसिंपि जणाणं, पवणपाणा-
सियवय व्व ॥५५॥ तिहुयणपहुणो पहु ! तुह, सेवा विहिया न जेहि मूढेहिं । ते जिय जियं ! भणंता,
सामणजणंपि सेवंति ॥५६॥ तुमच्चिबो न जेहिं, न संथुओ जीइ जेहि य न दिट्ठो । ताणि नणु पाणि-
वाणीनयाणि जणाण विहलाइं ॥५७॥ मणवयतपूहि जेहिं, पुव्वं नाराहिओ तुमं नाह ! । ते आहिवाहि-
विहुरा, सहंति दुरसहं दुहं सुइरं ॥५८॥ तं संपइ मह माया, ताओ वंधू प्ह गुरु सरणं । तं पइ एगगस्स
उ, जीयस्स जं होइ तं होउ ॥५९॥ सिरिमुणिसुव्वयसामिय !, देविदमुणिदनमियकमकमल ! । खमिउं
अविणयनिवहं, वियरसु लहु मज्झ सिन्नसुक्खं ॥६०॥ इय थोऊण जिणिदं, भाउअ ! जा जिणहराओ नीह-
रइ । ता एगम्मि पएसे, पिच्छइ सा महरिसिं एणं ॥६१॥

सो य केरिसो—चंदुव्व सोमलेसो, सूरुव्व फुरंतउणातवतेओ । धम्मसुव्व मुत्तिमंतो, उवविट्ठो वर-

सिल्लवट्टे ॥६१॥ ददरूणं परिखुट्ठा, गंतुं सा तत्थ भत्तिसंजुत्ता । तं चंडवेगसाहुं, वंदइ विहिणा सबहु-
माणं ॥६३॥ अइसयनाणसमग्गो, सुणी वि चंपगलय त्ति जंपंतो । नरसुरसिवसुहहेउं, वियरइ सो धम्मलाभं
से ॥६४॥ नियनामसवणसंजायविम्हया सावि सायरं पुरओ । कयकरअंजलिउडा, उवविट्ठा सुद्धमाहिबट्टे
॥६५॥ राया उण महसेणो, तीए रूवेण मोहिओ अहियं । किंकिल्ललयंतरिओ, तं पिच्छइ सुणइ सुणि-
वयणं ॥६६॥ ददरूणं महसेणं ओहिनाणेण सुणिय तच्चरियं । तप्पडिवोहणहेउं, भणइ सुणी एरिसं वयणं
॥६७॥ अइदुलहं मणुयत्तं, भट्टे ! चंपगलए ! इमं लहिउं । धम्मकहा कायव्वा, विकहा पुण दूरओ वज्जा
॥६८॥ रोइत्थिभत्तैजणवयकहा न सोअन्विया न कहियव्वा । धम्मन्हाओ चउद्धा, अक्खेवणिमाइ कहियव्वा
॥६९॥ गंभीरमहुरसदा, सुजुत्तिजुत्ता अपुव्वचित्त्था । अक्खण्णइ जीइ जणो, जिणवयणे सा कहा पढमा ॥७०॥ जं
जं सुणमाणो जीवो, परववएसेण कुसमएहितो । विक्खिण्णए विरज्जइ, संयंपि विक्खेवणी एसा ॥७१॥ जं
सुणिऊण सयणो, सिवमयलमणंतमक्खयमवोहं । अहिलसइ मुक्खसुवखं, सा खलु संवेइणी भणिया ॥७२॥
बहुआहिवाहिगेहा, जाइजरासरणदारूणाओ य । जं निव्विज्जइ जीवो, भवाओ निव्वेइणी सा उ ॥७३॥
चऊहि इमाहि कहाहि, विणीयपरिसाइ सोउकामाए । जइणगीयत्थेणं, जिणधम्मो होइ कहियव्वो ॥७४॥
भणियं च—भवसयसहस्समहणो, विवोहओ भवियुण्डरीयाणं । धम्मो जिणपणत्तो, पगप्पजइणा कुहे-
यव्वो ॥७५॥ इह तिण्णि कहा कारणभूया तुरिया उ कज्जभूअ त्ति । वेरग्गभावजणणी, निसुणह निव्वे-
इणी तम्हा ॥७६॥

तथाहि—जीवो कालो कम्मं, अणाइ तिहुयणगुरूहिं निदिट्ठं । कालस्स इमं विस्सं, उवयारे वट्टए सव्वं

॥७७॥ जीवो देहं पावइ, अणाइनियकम्मसंगदोसेणं । पुढवीजलजलणवाऊवणस्सईसु भमइ तत्तो ॥७८॥ मुइरं थावरकाए, जीवो तो कहवि पावइ तसत्तं । लहुकम्मो य तओ जइ पावइ पंचिदियत्तं च ॥७९॥ मणुअत्तं च तओ जइ, पुण्णविहूणो न अज्जखित्तम्मि । लद्धेवि अज्जखित्ते, न कुलं जाई वलं रुवं ॥८०॥ एयस्मि वि संपत्ते, अपाऊ होइ अहव वाहिल्लो । दीहाउओ निरोगो, हविज्ज जइ पुण्णजोगेणं ॥८१॥ पत्तेवि निरोगत्ते, आलस्साईहि णवरि हेऊहिं । न य पावइ जिणधम्मं, विवेयपरिवज्जिओ जीवो ॥८२॥ लद्धूण वि जिणधम्मं, दंसणसोहणियकम्मउदण्णं । संताइकल्लुसियसणो, जिणवयणं नेय सहइ ॥८३॥ अहिगयसम्मत्तो वि हु, उस्त-
गाववायसंगयं सुत्तं । नाणावरणस्सुदए, संसिज्जंतं न बुज्जेइ ॥८४॥ अह संसियं पि बुज्जेइ, सयं पि सद-
हइ वोहए अन्नं । चारित्तसोहदोसेण, संजमं न य सयं कुणइ ॥८५॥ खीणे चरित्तसोहे, विमलत्तवं संजमं च जो कुणइ । सो पावइ सुत्तिसुहं, इय भणियं धुयकिलेसेहि ॥८६॥ 'बुल्लगपासंगयंन्ने, *जूए रयंणे य सुमि-
णचक्के य । चम्मजुंणे परंभाणू, दस दिट्ठता सुयपसिद्धा ॥८७॥ एएहि इमं सव्वं मणुयत्ताईकमेण दुल्लभं । लद्धुं करेह सहलं, काऊण जिणिदवरधम्मं ॥८८॥ एवं जिणधम्मकहा, तह जिणमुणिसंघजिणगिहाणुगया । भावेण कीरमाणी, निहणइ चिरसंचियं पावं ॥८९॥ इय सिरिसुदरिसणाए, कहाइ बुहकमलदिणयरपहाए । नामेण कहावंधो, समत्थिओ पढमउदेसो ॥९०॥ [पढसो उदेसओ सम्पत्तो]

अह बीओ उदेसो ।

भाउअ ! सोऊण इमं, भणियं चंपगलयाइ केण इमं । जिणभयणं कारवियं, तो भणइ स चण्डवेगसुणी ॥९१॥

एयं वरजिणभवणं, । कारवियं जीइ नियगभावेणं । देवीसुदंसणाए, तीए चरिय निसामेह ॥२॥

तंजहा—इह अत्थि जंबूदेवे, भारहखित्तस्स दाहिणइहम्मि । धम्मत्थकाममोक्खाण, कारणं मच्चिम्मं खण्डं ॥३॥ तस्स य दाहिणभाए, रम्मो रयणाथरस्स तीरम्मि । सिंघलनामो दीवो, दीवाण सिरोमणी अत्थि ॥४॥ तत्थत्थि पवरणयरं, नामेणं सिरिउरं सिरिनिवासं । मन्ने जं वन्नेउं, मंदमई सुरगुरू वि जओ ॥५॥ कणयमयसरतोरणविरइयसिहिकीरसारियाईहि । सरिसत्तणओ न मुणइ, नियभवणाईं पि जत्थ जणो ॥६॥ भव-
पुच्छंणे सरणागयं पि रविकिरणपसरभयभीयं । कवलज्जइ जत्थ तंमं, थंभट्टियमणिमऊंहेहि ॥७॥ सुकईहि सया वंधो जत्थ परं किज्जए सुकव्वाणं । कयदोसो जत्थ परं, गसिज्जए राहुणा चंदो ॥८॥ दण्डो जत्थत्थि परं, सुछत्तविधाण न उण लोयाणं । जत्थ परलोयभीरू, साहुजणो न उण नरनाहो ॥९॥ तत्थच्छरियमिणं जं, कसा-
यपरिणामदुक्खभीयाहिं । अवि माणिणीहि माणो, चइज्जए ग्गणयकुवियाहिं ॥१०॥ तत्थ नरिंदो दुस्सह—पयाव-
पडिवक्खदप्पनिदलणो । नामेण चंदगुत्तो लोयपसिद्धो सिलामेहो ॥११॥ सत्तित्तयसंजुत्तो, गुरुसत्तो सोममुत्ती सियकित्ती । चौयनयसच्चविक्रमबलेण परिवड्ढियपयावो ॥१२॥ जुवईण बुहजणाणं, सत्तूणं जो मणे वसइ कमसो ।
कामुव्व गुरुव्व रविव्व, रइसुविज्जापयावेण ॥१३॥ सत्तूणं भयं भयवज्जिओ वि जो जणइ हरिकिसोरुव्व । सुयणकुसुआण सारयससिव्व जो कुणइ हरिसभरं ॥१४॥ अकलंका जणसुहया, तस्सत्थि नवीणचंदलेहव्व ।
नामेण चंदलेहा, किं तु अवक्का महादेवी ॥१५॥ दट्टूण जीइ रूवं, निरुवमसोहगसगयमुदारं । विलिँयाउ व्व न कस्सइ, अमरीओ दंसणं दिति, ॥१६॥ तीए कमेण संपुण्णपुण्णलायणसुंदरा भदा । गुरुसत्ता सत्तसुया, जाया

१ सट्ठात्वात् । २ मऊह० मयूख-किण । ३ चाय० त्याग-दान । ४ त्रीडिता इव ।

सिरिचंदलेहाए ॥१७॥ अह अन्नदिणे सिरिउर-नयरम्मि तम्मि चेइयहरम्मि । नामेण चंदसिद्धी, कारइ अट्टा-
हियामहिंमं ॥१८॥ रत्थाचउक्कतियचचरेसु घोसावए अमारिं च । साहूण देइ दाणं, करुणाए दुत्थिययाणंपि
॥१९॥ तस्स य वद्धावणए, वच्चइ आणंदिओ नयरलोओ । आवंतजंतमग्गण-ग्गणेण लब्भइ न मग्गो वि ॥२०॥
कमलाथाई भणिया, तं नाउं देवीचंदलेहाए । एयं वद्धावणयं, सिद्धियरे केण कज्जेणं ? ॥२१॥ सा भणइ
इमस्स सुओ, सोमो नामेण सोमसमवयणो । अज्जियपभूयविहवो, पत्तो कुसलेण अब्ज इहं ॥२२॥ देवीइ तओ
भणिया, सा तुज्झवि तत्थ जुज्जए गमणं । उचियपवित्तिविमुक्को, पावइ गरुओवि जमवणं ॥२३॥

उक्तं च-आरङ्गाद्भूपति यावदौचित्यं न विदन्ति ये । स्पृहयन्तः प्रभुत्वाय, खेलनं ते सुभेधसाम् ॥१॥
एवं आइडाए, कमलाए गंतु चंदसिद्धी सो । वद्धाविज्जण तुरियं, आगंतुं तीइ विणत्तं ॥२४॥ सामिणि ! धणि-
यस्स घरे, माइज्जइ नेय पउरलोएहिं । देवीइ तओ भणियं, भहे ! किं कारणं इत्थ ? ॥२५॥ सा भणइ तत्थ
एगा, समत्थइत्थीपसत्थगुणकलिया । तमसेसजणो वच्चइ, इत्थीरयणं पलोएउं ॥२६॥ सा पुण जुवई सामिणि !,
इहाणिया तेण सिद्धिपुत्तेणं । अमरच्छराण परिहवपत्थे जा वहइ रूवेण ॥२७॥ नवि हसइ नेव जंपइ, पलो-
यए नेय पमुइयंपि जणं । हरिणिव्व ज्रहमट्टा, चिट्ठइ अवहरियचिट्टा सा ॥२८॥ जा पुण सुंदरी सुंदरुत्ति
नामेणं भणइ जणेहिं । सा सायरंपि पुट्टा, न कहइ नामाइयं निययं ॥२९॥ जो पुण तीए रूवं, निएइ सो
लहु पणट्टमणलक्खो । पासट्टिओ य चिट्ठइ, निच्चिट्टो चित्तलिहिओ व्व ॥३०॥ तव्वयणजणियगुरुक्कोउयाइ
देवीइ पभणियं कमले !, जइ एवं ता वच्चसु, पुणो वि चंदस्स भवणम्मि ॥३१॥ सिट्ठिस्स तस्स पुत्तो, सप-
रियणो लहु पभायसमयम्मि । आमंतसु तीइ समं, भोयणकज्जेण सह गेहे ॥३२॥ देवीवियणेण तओ, गंतूणं

तत्थ तीए कमलाए । सो सिद्धिसुओ सोमो, निमंतिओ परियणसमेओ ॥३३॥ जाए पभायसमए, सरसाए रसवई विहियाए । आहूओ सपणयं सपरियणो चंदसिद्धिसुओ ॥३४॥ सा सुंदरीवि कहमवि, निरुवमसुंदे रिमा तहिं पत्ता । दूराड च्चिय कलिया, देवीए चंदलेहाए ॥३५॥ सुंजाविऊण गुल्लउरवेण सह परियणेण सिद्धिसुओ । सम्माणिऊण वत्थाइएहिं संपेसिओ भवणे ॥३६॥ सा सुंदरी सहरिसं, भणिया देवीइ महुर-वयणेहिं ! चिद्धसु भइणि ! सुहुत्तं, जाबुच्चियं तुज्ज उवणेसि ॥३७॥ एवं भणसाणीए, देवीए गहेवि दाहिण-करणे । कह कहवि निययभदासणम्मि उववेसिया एसा ॥३८॥ एगंते मिउवयणेहि, पमणिया एरिसे वए रूवे । का तुह मणम्मि चिंता ? , खीणतणू जेण लक्खियसि ॥३९॥ कि दुक्खं तुज्ज मणे ? , विच्छायं कह णु तुज्ज सव्वंगं ? । चिताउरा कलिज्जसि, सिसिरे हिमदइढनल्लिणिव्व ॥४०॥ अण्णं जं भणसि तुमं, साहीणं साहिमो तयं सव्वं । ता मा मणम्मि थेवंपि, कुणसु खेयं कुरंगच्छि ! ॥४१॥ कह कहवि जंपियं तीइ, सुयणु । लज्जापएण एण्णं । साहुजणनिदिएणं, किं मम चरिएण सुणिएणं ? ॥४२॥

किंच-विसयासत्तो पियविरहजलणजालावलीइ डज्जंतो । पावइ इहेव दुक्खं, तिव्खं ता कि वियारेण ? ॥४३॥ तं निसुणिऊण भणियं, देवीए सुयणु ! सव्वमलमिमिणा । किंतु मह अज्जपभिई भइणी तं होसु किं बहुणा ? ॥४४॥ इत्थंतरम्मि सिट्ठी, वि आगओ तत्थ पाहुडविहत्थो । सासंको सो सभओ, देवि विणवइ विणएणं ॥४५॥ सामिणि ! समुहमज्जे, विमलमहापव्वयस्स सिहरम्मि । एगाणिणी भमंती, एसा दिट्ठा मह सुएणं ॥४६॥ विज्जाहरेण हरिया, सुणेवि कस्सइ निवस्स वरधूया । पडिविज्जिऊण भइणिं, इहाणिया सुंदरी एसा ॥४७॥ मज्झवि नियधूया इव, विसेसओ नियगुणेहि गउरविया । जा चिट्ठइ तुह पासे, तुमंपि गउरवपयं

दिज्जा ॥४८॥ सुणिऊण तस्स वयणं, पर्यंपियं देवीचंदलेहाइ । तुह दुइयाइहं धूआ, सिद्धि ! भयं मा करिज्जासु ॥४९॥ सम्माणिऊण सिद्धी, विसज्जिअओ अह गिहम्मि तत्थ दिणा । वच्चंति ताण दुण्हवि, सुहेण नणु एग-
चिच्चाणं ॥५०॥ अणम्मि दिणे सा सुणमाणसा जाव चिट्ठए देवी । ता सुंदरीइ भणिया, सुयणु ! तुहं केरिसी
चिंता ? ॥५१॥ अवमाणं कि नेहच्छलेण तुह दंसियं सदइएण ? । पणइजेणं केणवि, किं वा तुह खंडिया
आणा ? ॥५२॥ इय सोउं ती उत्तं, न इमं दुक्खस्स कारणं कितु । सुंदरि ! सत्तसुयाणं, एगावि सहोयरी
नत्थि ॥५३॥ ता एगा मह धूआ, पुण्णनिओगेण होज्ज जइ कहवि । तदियहाओ मह विसयसंगसुक्खेहिं पज्जत्तं !
॥५४॥ ता सुयणु ! कुणसु तं किंपि वइअरं ओसहं व संतं वा । एगा मह हवइ सुया, जेण लहुं तुह पसाएणं
॥५५॥ इय सुणिय सुंदरीए, पर्यंपियं नणु मभावि जणणीए । पुत्तथे बहुया देवयाओ आराहिया बहुसो
॥५६॥ विहियाइं तिलयाइं, ष्हाणाइं ओसहाण पाणाइं । तह वि न जाओ मणनयणनंदणो नंदणो तीए ॥५७॥
ता सुयणु ! विउलरिद्धीओ हुंति पुत्ता य पत्तदाणेणं । देहं च वाहिरहियं, पाविज्जइ अभयदाणेणं ॥५८॥
नवरं कुलदेवीए, विहीइ आराहणं तुमं कुणसु । अज्जरयणीइ एसा, संसइ दाणं नियाणं वा ॥५९॥ भणियं च
चंदलेहाइ, सुयणु ! तुह संतियं इमं कज्जं । जो तुज्ज कुलदेवो, मज्जवि सो अज्जदियहाओ ॥६०॥ तो गंतुं
सिद्धिगिहे, उवांसं सुंदरीइ काऊण । सिरिमुणिमुव्वयत्तिये, नरदत्ता सुमरिया देवी ॥६१॥ तो देवी अप्पाणं,
दंसिय इय भणइ तुज्ज भइणीए । होहिइ धूआ एयं च सुविणयं पाविहिइ सा उ ॥६२॥ कहिऊण तीइ तं तह,
सेसं दाउं तिरोहिआ देवी । तो सुंदरी पहाए, गिहे गया चंदलेहाए ॥६३॥ देवीदिणं सेसं, तीए हत्थम्मि दाउं
इय भणियं । होहिइ तुह धूआ खल्ल, जं इय दिट्ठो तए सुमिणो ॥६४॥ कणयमयसवल्लियाए, निसाविरामम्मि

सुहृथसुत्ताए । चंचूइ कुसुममाला, खिविया तुह खंधदेसम्मि ॥६५॥ इय सोउं भणइ इमा, अवितहमेयं कहं तए नायं ? । तो सुंदरीए निसिगयबुत्ततो साहिओ सब्बो ॥६६॥ भणियं च तीइ सुविणं-तरस्स एयस्स सुयणु ! तम्केमि । दहंपंचदियहमज्जे, निसंसेदहं फलं जम्हा ॥६७॥ सुहसुत्ता पढमनिसाइ, जे नरा सुविणयाइं पिन्झंति । पावेंति ते फलं वरिससुहयं नूण सुहमसुहं ॥६८॥ वीयम्मि रयणिजामे, फलाइं पावेति अट्टमे मासे । वरिसाइ तह तरए, चउत्थजामम्मि पुण पक्खे ॥६९॥ जो पियखइ अप्पाणं, ष्हायं लिच्चं अलंक्रियं हसिरं । गायंतयं च सुमिणे, सो लहइ अणत्थमंदायं ॥७०॥ जो पुण असुइ विलिच्चं विलीणगत्तं सयं तयं नियइ । सो पावइ अब्भुदयं, अर्चितियं दिव्वजोएणं ॥७१॥ हयगयरहवासहगयं जो अप्पं नियइ पवरविहगं वा । कणयमयं वा वत्थुं, तस्स पभूया हवइ रिद्धी ॥७२॥ जो पउमसरवरगओ, नलिणीपत्तम्मि पायसं हिट्ठो । सुंजइ सो लहइ लहुं, रज्जे दासो वि पुहवीए ॥७३॥ जइ कहवि देवभवणे, धवलहरे खीरपायवे चडिओ । पडिबुज्जइ ता पावइ, रिद्धि सक्कारसम्माणं ॥७४॥ सरदहलीलाइ लहुं, सुयाहि जो तरइ सागरमपारं । नरसुरसुहाइ भुत्तं, कमेण सो लहइ सिद्धिसुहं ॥७५॥ वेयालभूयडाइणीनाहरसिगिसुत्तिखसत्थेहिं । भेसिज्जइ जो सुविणे, सो पुण पावइ महावसणं ॥७६॥ जेसि तु सुराहिसियकुसुममालिया कोवि खंधदेसम्मि । पक्खिखइ रयणिविरेमे, तेसि रिद्धी य पुत्ता य ॥७७॥ चंचुकय-कुसुममाला, कणयमया सवलिया सुविणयम्मि । जं पत्ता तुह भवणे, भविस्सए तुज्ज तं धूआ ॥७८॥ सियसुर-हिक्कुसुममाला, पक्खित्ता जं च तीइ तुह खंधे । तं निम्मलसीलगुणा, सा तुज्ज सुहंकारा होहिइ ॥७९॥ निसु-णेवि इमं देवी, तुट्ठा दिवसाइं जा गमइ कइवि । ता कम्मधम्मजोएण, तीए गब्बो समुब्भूओ ॥८०॥ तो संतुट्ठा)

देवी, सुहेण उव्वहइ जाव तं गव्वं । ता डोह्लओ तीए, जाओ सुहहअगो पवरो ॥८१॥ रत्थाचउक्कचचरत्तिगेसु
दुहियाण देइ दाणाइं । जिणभंदिरेसु अट्ठाहियाओ महिमा करावेइ ॥८२॥ साहूण भत्तपाणोसहासणाइंणि परमभत्तीए ।
अणवरयं कालोचियफासुयदाणाइं सा देइ ॥८३॥ हरिसियहिया देवी, संपुन्नसणोरहा इमं भणइ । भुवणत्तए वि
सुंदरि ! सुहओ तुह संतियो धम्मो ॥८४॥ भणियं च मुंदरीए, धम्मो जो जिणवेरहिं षणत्तो । सुच्चिय सिव-
सुहमूलं, सोहस्स वियंभियं सेसं ॥८५॥ उण्यायठिइविणासो, जीवाणं कम्मपरिणइं विविहा । तह पुगलपरिणामो,
जाणिज्जइ जिणसए चैव ॥८६॥ तह जीवदया सम्मं, नज्जइ सत्तीइ किज्जइ सुयणु ! । देवीइ तओ भणियं,
अवितहमेयं न संदेहो ॥८७॥ इय तीय देवीए, सुहेण वोळिति जाव नव मासा । ता सोहणस्मि दिवसे, सुसु-
हुत्ते इसविया देवी ॥८८॥ गुरुदियहे रिक्खे वीसेइस्मि सुहए सुसिद्धिजोगेसु । उच्चट्टाणगएसुं, गहेसु सुर-
गुरुपसुअखेसुं ॥८९॥ सयलज्जणजणियहरिसा, पीइकरा जणणिजणयपमुहाणं । संपुन्नंगोविंणा, जाया से सोहणा
धूया ॥९०॥ वद्धावियो नरिदो, कमलाथाइइ तुरियगमणाए । रन्ना वि तीए दिन्नं, सव्वंगाहरणसविअपं ॥९१॥
आइहं नरवइणा, वद्धावणयं च सिरिउरे नयरे । भिल्लाविया उ गुत्ती, माणुस्माणाण बुद्धिहकया ॥९२॥ कणग-
मयखंभसंठियमणिमयपंचालियापंचवेण । मणिरयणासयतोरणमऊहमालाहि चिचैइयं ॥९३॥ मंचाइमंचकलियं,
वंदणमालासहस्ससंकिन्नं । सुरहिघणवु^१सिणरसपसरसित्तनीसेसभूमितलं ॥९४॥ सुविरइयहइसोहं, चंदणघडसुक-
यचारुसोहिल्लं । ठाणट्टाणारंभियअणेणवरनाडइज्जजुयं ॥९५॥ उज्झंतागुरुगुरुमघमवंतघणधूमधूसरदियंतं । अमि-
लाणमल्लदामं, अणेगतालायाराणुगयं ॥९६॥ सुविरइयफारसिंगारसारसंभार^२अविहववहूहिं । वद्धाविज्जइ राया,

^१ विशतित्तमे पूर्वाषाढानक्षत्रे । ^२ शोभितम् । ^३ बुसिण० बुक्खण-केसर । ^४ अविहवा० सधवा ।

सुदंसणा-
चरियस्मि

॥१४॥

करयलकलियक्खवत्ताहिं ॥९७॥ धोसावेइ अमारिं, राया दुहियाण देइ दव्वाइं । सक्कारइ सुयणजणं, सम्मा-
णइ नयरलोयं च ॥९८॥ वज्जंततूरुमंगलरवेण णच्चंततरुणिसत्थेणं । एवं दसदिवसाइं, वज्जावणयं कयं रणा
॥९९॥ देवीइ तओ सम्मणिऊण गुरुगउरवेण सा सुमई । भणिया एसा वाला, वड्डउ लहु तुह पसाएणं
॥१००॥ एगस्मि गए मासे, सुमुहुत्ते सुंदरीइ पियरेहि । बालाइ तीइ विहियं, हरिसेण सुदंसणानामं ॥१०१॥
दियहे दियहे लायणकंतिपूरिज्जमाणगत्तेहि । नवनक्कलाहि वैड्डइ, सियक्खे चंदलेहव्व ॥१०२॥ चंदेण
जहा रयणी, सरोवरं सुरहिसेयक्कमलेहि । सोहइ तह सा जणणी, उच्छंगगयाए वालाए ॥१०३॥ कुमुयाण
ससी क्कमलाण दिणयरो सिहिकुलाण जह मेहो । उल्लासं जणइ तहा, सुदंसणा वंधुवग्गस्स ॥१०४॥ एवं सुहेण
जा जंति तीइ वरिसाईं पंच अहियाइं । ता सोहणम्मि दिवसे, निवेण भणिओ उवज्जाओ ॥१०५॥ पुण्णब्भ-
हिया एसा, धूआ अइवल्लहा तओ सम्मं । लिविगणियपप्पुहाओ, कलाउ सयलाओ सिक्खवह ॥१०६॥ आमंति
तेण वुत्ते, वज्जंते गहिरसइतूरुगणे । गिज्जंतमहुरोए, नच्चंतविलासिणीसत्थे ॥१०७॥ दिज्जंतमहादाणे,
मागहगणपुट्टजयजयारावे । कयकोउयमंगल्ला, मंगलरवभरियमुवणयला ॥१०८॥ सिवियाळ्हा सहिसयणविद-
सहिया महाविभूईए । वाला सुदंसणा सा, पत्ता उवज्जायसालाए ॥१०९॥ इय बुहजणसवणसुहासमाइ जम्म-
णपवंधसंबद्धो । भणिओ सुदंसणाए कहाइ उदेसओ वीओ ॥११०॥ [इइ वीओ उदेसो]

१ सुदरी । २ प्रत्यन्तरेणु 'वट्टइ' इति दृश्यते ।

जम्मणपवं-
धसंबद्धो
वीओ
उदेसो ।

॥१४॥

अह तइओ उहेसओ ।

अणम्मि दिणे सामंतमंतिभडचडंगरेण परियरिओ । विजयापडिहारीए, विणत्तो चदगुत्तणिवो ॥१॥
सो देव ! चरो वेलाउलाओ रयणांयलाओ संपत्तो । पहासियवयणो तुह दंसणसुओ चिट्ठइ दुवारे ॥२॥ तो नर-
वइणा भणियं, सो साहइ पवरपवहणागमणं । ता तुट्टिदाणजोगो, भहे ! लहु एस पविसेउ ॥३॥ तीइ वि
तहेव विहिए, सो णिवइं नमिय विणवेइ इमं । पहु ! तुम्ह निओगेणं, सयावि निवसामि रयणगिरि ॥४॥ तत्थ
ठिओ बहुपोए, निएमि न य मज्झ कोउयं होइ । जा अज्जपभाए पुण, निएमि उत्तरदिसाहुत्तं ॥५॥ ताव
महल्लपमाणं, पवहणमेणं निएमि दूराओ । तं दइटुं अहं जाओ, अतुच्छअच्छरियभरभरिओ ॥६॥

तं च एरिसं-धवलथयलत्तचामरचउपासलसंतवाउवहेहिं । तुंगट्टालोमालियधएहिं जं सुरविमाणं व्व ॥७॥
चउपक्खेसु नरेसर !, पक्खरियं पक्खराहिं निविडाहिं । ठाणे ठाणे दहसत्तभडसमूहेहि दुग्गिज्जं ॥८॥ तिन्नि
य कूवाखंभा, सत्त सिढा लोहणंगरा तीसं । कूवाखंभोवरियंजराइं सुहडाण जुज्झत्थ ॥९॥ चउदिसिउल्लंवि-
खण्णंतकोदंडतूणजुयलेहि । विसमीकयं समंता, विसमपरिग्भमिरजंतेहिं ॥१०॥ पत्तासा (?) वीस तहिं, वीसं
हट्टाइं पणिअणुणाइं । कट्टाहराइं पंचास, तत्थ गुरुमंदिरं एणं ॥११॥ चत्तारि वाडियाओ दस दस पेच्छाहराइं
दोपासे । धयतिल्लसस्सवत्थियणाण संखा वि न हु तत्थ ॥१२॥ इअ एरिस च तं जाव, पवहणं सच्चवेमि
नरणाह ! । अफ्फालियजयतूरं, संपत्तं मंदिरे^१ ताव ॥१३॥ निज्जामयस्स वयणेण देव ! तं पवहणं पडिक्खलियं ।

१ चडंगर० समूह । २ वन्दरात् । ३ रत्तगिरेः । ४ आइया । ५ आहुत्त० सन्सुल । ६ पय्यामि । ७ वन्दरे ।

खंचेवि रिङ्गा शु फ़्फ़ा, चउदिसिं नंगरा ऋत्ति ॥१४॥ जो तत्थ धणेसो देन ! देवि निज्जामयरा परिओसं ।
उचरिओ रयणायरतडम्मि कयमंगलचारो ॥१५॥ सो तुम्ह दंसणत्थं, भणवई जा एइ पातुडविहत्थो । तो
पढमं देव ! गर, तुमं सि वद्धाविओ एवं ॥१६॥ चरयणेण गरिदो, साणंदो जाव किंफि उल्लवइ । ता विज-
याए पडिहारियाइ आगम्म विण्णत्तं ॥१७॥ देव ! तुह रीहवारे, सत्थवाहो उसभदत्तनामुत्ति । पहुपायकमल-
दंशणरामूओ चिह्नए सिद्धी ॥१८॥ भणइ गरिदो भडे !, लहुं पवेसेह इत्थ तं सिद्धिं । तो तीइ सो धणेसो,
पवेसिओ रायअत्थाणे ॥१९॥

अवि य-सो सहइ उसभदत्तो, पाहुडहत्थो पसण्णवरमुत्ती । कम्मविवरेण सिद्धो, णिवस्रा जिणधम्म-
दओ व्व ॥२०॥ पारसियतेजिगज्जणायसंभवे ढोइऊण वरतुरए । दिण्णाराणो वइद्धो, कयप्पणामो गरिदस्स
॥२१॥ गुरूगउरवेण दाउं, तंवोलं तस्स पभणियं रण्णा । सपरीवारस्स वि सत्थवाह ! नणु सागयं तुज्झ ? ॥२२॥
भणइ धणेसो गरवर !, कुसलं मह तुम्ह दंसणेणावि । सव्वत्थ सागयं तह, परियणसहियस्स सविसेसं ॥२३॥
पुणरवि रण्णा भणियं, सप्पणयं तुम्ह सागयं कत्तो ? । कत्थ य वासो ? साहेह, कोउयं अम्ह अइगरुयं ॥२४॥
अह भणियमुसभदत्तेण, देव ! उचरदिराइ अइरम्मो । नामेण लाहदेसो, तत्थ पुरं नाम भरुअच्छं ॥२५॥
कविसीसजयंतड्डालएहि वलणेहि जत्थ दुल्लंओ । चाउदिसिं पायारो, विणिम्मिओ फालिमसिलाहिं ॥२६॥
निम्मलजलोहपूरियदुल्लंघा खाइआ सहइ तत्थ । कलिकलुसपडिनखलणे, णिवेसिया धम्मरेहव्व ॥२७॥
मुणिसुव्वयसामिणिदिपायपडिविजययपवित्तं जं । ताओ भरुअच्छपुराओ, आगओ तुह पयमूले ॥२८॥

दाऊण कणयकचोल्याउ सिद्धिस्म पुणवि तंवलं । उल्लवियं णरवडणा, धणवइ ! तुरया इमे कत्तो ! ॥२९॥
 तो भणइ उसभदत्तो, पारसगज्जणयतेजिया एए । उत्तरदिसिप्पहूआ, बहुतेआ जच्चतुकघोरा ॥३०॥ वज्जंति
 जस्स वारे, सत्तुसिरी नूण तस्स साहीणा । ता लक्खणसव्वस्सं, निसुणसु सामिय ! तुरंराणं ॥३१॥ अथ-
 लक्षणनिरूपणम्-मुहमंडलम्भि तुरया, निम्मंसा दिस्समाणनसजाला । उरसि विसाला मज्जैस्मि, परिमिया पिहु-
 लभालयला ॥३२॥ लहुकण्णा कण्णतरसंक्रिणा पिहतरा य पिट्ठीए । पीणा पच्छिमपासे, दुव्वलया पांसुलि-
 देसे ॥३३॥ रोमोणमम्मि निद्धा, वंधुरखंधा सुजायघणकेसा । सुपमाणवाल्लिहाणा, वट्टुबुरा पवणसमवेगा
 ॥३४॥ रचच्छिणो सुदप्पा, सिरोरसुपसत्थदाहिणावत्ता । परिभवपयं रिऊणं, जुज्जम्मि जयंकरा पहुणो ॥३५॥
 अशुभलक्षणम्-आसणकक्खावत्ता, जे पुण तुरगा कल्लाइयाहीणा । किरहुट्टालुदेसे, सिरसिणा छायादुकबुरा य
 ॥३६॥ जे वि य वासावत्ता, वियडे तह हुंति पुच्छमूले वा । ते तुरगा नियपहुमहिलियाण दरिसंति सियवत्थं
 ॥३७॥ इय राया तुरयाणं, लक्खणे सुणइ सिद्धिवयणाओ । पढिऊण सओज्जाया, सुदंसणा ता तहिं पत्ता
 ॥३८॥ दूराउच्चिय पुहईसरेण साणंदलोयणजुएण । सच्चविया सा विज्जाहरिव्व देहस्स कंतीए ॥३९॥ चिर-
 कालदंसणुककंठमाणसा माणगंज्जिरसरा सा । पिउपायवंदणपरा, उच्छंणे ठाविया रणा ॥४०॥ पिच्छंतस्स
 य धुअं निवस्स नयणाइं पिम्मपसरेण । पावेंति नेव तित्तिं चूयवणे छप्पयकुल वीं ॥४१॥ णाऊण मणं रणा,
 सा भणिग्या मा तुमं कुणसुं माणं । विज्जाकरण वच्छे !, न मए तत्ती कया तुज्ज ॥४२॥ उक्तं च तथा
 तात !, प्रत्यक्षं धर्मविनयविघ्नकरम् । ज्ञात्वा करोति क इह श्रुतशीलविनाशनं मानम् ? ॥४३॥ ज्ञात्वा कवि-

१ तुरगविशेषाः । २ उदरे । ३ वाल्लिहाण० वाल्लिधान-पुच्छ । ४ कलाइया० कलाचिका-हस्तावयव । ५ गल्लिज० गर्जित । ६ सादृश्यार्थवाचक

त्वपडुता, ऋतृत्वं दक्षता च जगतीशः । हृष्टो वदति गुणाढ्ये, ! प्रश्रमिमं कथय कीदृक्षम् ? ॥१४४॥
तद्यथा--कः क्रमते गगनतलं, ? किं क्षीणं वृद्धिमति च नितांतम् ? । को वा देहमतीव, स्त्रीपुंसां रागिणां
दहति ? ॥१४५॥ [व्यस्तं समस्तं च]

ततः--ज्ञात्वा कथितं च तथा, गगने विर्यीति तात ! विख्यातः । अहरेति वृद्धिमनिशं, प्रियरहितं
दहति विरहश्च ॥१४६॥ भणियं सुदरिस्पर्णाए ताय ! इमं मञ्ज संतियं एगं । पणोत्तरं वियाणह, निरूवियं रूव-
सिद्धीए ॥१४७॥ बोध्यो देववरः कथं बहुपु वै ? कः प्रत्ययः कर्मणां, ? संबोध्यस्तु कथं सदा सुररिपुः ? किं
श्लाघ्यते भूयताम् ? । किंत्वन्यायवतामहो क्षितिभृतां लोकैः सदा निद्यते ? । व्यस्तन्यस्तसमस्तकंचनततः शीघ्रं
विदित्वोन्यताम् ! ॥१४८॥ तो भणियं णरवइणा, पुत्ते ! पणोत्तरं इमं विरामं । विडसाण वि दुब्भेयं, ता
साहसु कोउयं मञ्ज ॥१४९॥ [कथितं च तथा-अयथाः] तां बुद्धिमतो दग्गा, दध्यो राजेति मानसे सुचिरं । कः
स्यादंगमूर्तिः, ग्राहः शूरश्च भर्त्ताऽस्याः ? ॥१५०॥ तीए विज्जाइसयं, रूवाइसयं च ददुं सिद्धी वि । चितइ
किं पच्चक्खा, सरस्सई तह सिरी य इमा ! ॥१५१॥

इत्थंतरंमि तिकैडुअतिहलासंजविओ ओसहविहत्थो । सत्थत्थसत्थकुसलो, समागओ अवसरे विज्जो
॥१५२॥ आसणविज्जतिव्वोसहाण गंधेण उसभदत्तस्स । कह कहवि खलंतस्स उ. नीहरिया उक्कडा छीया
॥१५३॥ हाळीइ भणेवि नमो अरिहंताणं ति तेणमुल्लवियं । इय सोउं संभंता सुदंस्पर्णा तवखणे जाया ॥१५४॥
चितइ देवविसेसो अरिहंतो सिट्ठिणा समुच्चरिओ । एसो मए वि निसुओ कस्सवि पासाओ किं कइया ?

१ पक्षी । * तिकट्टक-(सट्टमरोचपीपर) । ३ सजविअ० वद्ध । ४ विहत्थ० कुशल ।

॥५५॥ इय जाव रुद्धमणवयणंकायपसरा विंचितए वाला । मणसा वंधइ लक्खं पुव्वभवो सुमरिओ ताव ॥५६॥
ता तिरियजोणिवाणप्पहारगुरुवेयणाभवं दुक्खं । सुमरेवि कंपियंगी, थसत्ति थरणियपुण्णैपडिया ॥५७॥ ददूण
महीवडियं, तं सहसा मुच्छिओ नरिंदो वि । जणणी वि वंधवा परियणो य अक्कदए दुह्मिओ ॥५८॥ तं
तारिसं अवत्थं, अदिट्ठपुवं णिवस्स वालाए । ददूणत्थाणजणो, सहसा सब्वो वि संखुहिओ ॥५९॥ अह
हाहारवविरसो, महंतकलकरवो समुच्छलिओ । अक्कंदरवरउदो, पलावसदो पयदो य ॥६०॥ तो खुहिओ
णयरजणो, तक्कालुप्पणगरुयभयभीओ । तरलनयणो असरणो, सुणामणो वुणवयणो अ ॥६१॥ णाणावि-
यप्पसंक्कप्पणाकंपमाणकररणा । ठाणे ठाणे मंतंति थेरवणिया निहुअनिहुअं ॥६२॥ णेसत्थियप्पसारा,
सहसा सब्वेवि संवरिज्जंति । दोसियहट्ठणं तो, सिवयचया लहु चइज्जंति ॥६३॥ सोवणिययपुत्तेहि, पुत्ता-
विज्जंति सुवणरुप्पाइं । खडकिज्जंति खणेणं, कंसारियकंसउक्करडा ॥६४॥ पसरन्ति तक्करनरा, तह तालि-
ज्जंति हइसंधाया । धावंति गंठिओडा, पुट्टलिया लहु पलायंति ॥६५॥ भयसंभमभरिभिंभलउट्ठितपडंतजंत-
भजंता । जरजुन्नबुद्धवणिया, संवाहिज्जंति तरुणेहि ॥६६॥

अन्नं च—अत्थाणसमीवे निमुणिज्जण भिच्चेहि कलकलरावं । अण्णायकज्जमज्जेहि संभरिज्जंति
सत्थाइं ॥६७॥ कुंजरयडा गुडिज्जंति पक्खरिज्जंति सारतुक्खारा । सज्जिज्जंति रहवरा, सणाहिज्जंति वर-
मुहडा ॥६८॥ पुव्वविणिज्जियपडिवक्खलक्खदपुट्टुरा महावीरा । मागहणेहि गिज्जंति, उवहसिज्जंति
काउरिसा ॥६९॥ वज्जंति विजयहक्का, अप्फालिज्जंति समरतूराइं । भंकारभरियमुवणा, तह पूरिज्जंति

१ वुण्ण० त्रस्त । २ निमृत्तस्तम्-गुप्तम्-प्रच्छन्नमित्यर्थ । ३ भिमल० व्याकुल । ४ अण्णाय० अज्ञात ।

भेरीओ ॥७०॥ हवकंता वगंता सुहडा उट्टंति खणवणकरा । खणखेडखडभीया, कायपुरिसा पलायंति ॥७१॥ निवडंतनिविडददगूधयवडसुहसंकुडंतकुंभयडा । नासंति कायरगया मोडंता विडहिसंघायं ॥७२॥ इत्थंतरंमि कहमवि सिसिख्यारेण लद्धचेयणो । सिहासणे निसन्नो, सुत्थावत्थो पुणो राया ॥७३॥ तो तक्खणेण संबुहियपट्टणं जाणिऊण विजयाए । सहसत्ति कुट्टवालो, आणत्तो रायवयणेण ॥७४॥ तेणावि सुणिअक्खजेण, सायरं झत्ति कुट्टवालेण । उब्भियाथिरघोरकरेण, धीरविज्जंति पुल्लोया ॥७५॥ नासंति धुत्त-गोहा भयभीया तक्करा निळुवकंति । वज्जंति गंठिछोडा य, कणतोडा हणिज्जंति ॥७६॥ गयतुरयरहा पाइवकजोहसासंतमंतिभडनिवहा । सव्वेवि सुणियक्ज्जा सुत्थावत्था खणे जाया ॥७७॥ अह कप्पूरसुवासा-यहरियंदणमयनाहिसित्तंगा । सिसिरसमीरणसुत्था, रायसुया नियइ दिसिभागं ॥७८॥ पुणरागयचेयन्ता, सुवि-वेया उट्टिऊण लज्जंती । सुदरिसणा उवविट्ठा, निवअंके सुणियजिणधम्मा ॥७९॥ सिट्ठिस्स तस्स संसुहं, भव-भयभीया पुणो पुणो नियद । हरिणिव्व जूहमट्ठा, चिट्ठइ अवहरियचित्ता सा ॥८०॥ दुहियं पि जणणिज-णयं न य दुहियं धीरवेइ सयणजणं । एणं च उसमदत्तं संभासइ महुरवयणेहिं ॥८१॥ अँव्वो सुधम्मवं-धव ! जिणिदमयकुसल ! कुसलमिह तुज्ज ? । भरुअच्छमहानयरओ, संपयं सागयं तुम्ह ? ॥८२॥ निव्वुइर-याण तत्थ य, कंदप्पणयिदहरिकिसोराण । कुसलं परोवयारिक्कदिण्णचित्ताण साहूणं ॥८३॥ सुणिऊण तीइ वयणं, सो सिट्ठी विमहउम्महियहियओ । चित्तइ इमीइ कइया भरुअच्छे वंदिया सुणिणो ॥८४॥ अहव न चुँज्जं संसाररणवसवत्तियाण जंतूण । तं नत्थि जं न दढक्कम्मरज्जुवद्धाण संभवइ ॥८५॥ ता नूणं तत्थ

१ खडक्खडं खटखट-खटखट आवाज । २ हरियदनं केसर । ३ मयनाहिं कस्तूरी । ४ 'अँव्वो' इति समाषणार्थसूचकोऽ-
व्यय । ५ चुज्जं आश्चर्ये ।

पुरे पुव्वभवे सुणिवराण पासंमि । कइयावि सुयं एयं जाईसरणेण तं सरियं ॥८६॥ इय चित्तिज्जण भणियं हरिसियचित्तेण उसभदत्तेण । भइे ! भरुअच्छपुरे, कुसलं तेसिं सुसाहूणं ॥८७॥ धन्नाऽसि तुमं कयलखणाऽसि आसणसिद्धिगमणाऽसि । जं खल्ल कुदिट्ठिकुलसंभवा वि सहसत्ति पडिबुद्धा ॥८८॥ इय एरिसअस्सुय-पुव्वदिट्ठगुरुकरोउयो य णरिंदो वि । जंपइ पुत्ति ! क्रियेयं, कइया दिदं सुयं च तए ? ॥८९॥ भणियं सुदरि-सणाए, आयण्ह ताय ! तत्थ भरुअच्छे । सरिनम्मयासमीवे, कोरिंटा नाम उज्जाणं ॥९०॥ मज्झे य तस्स तुंगो, विसालगहिरो वडहुमो अत्थि । बहुसउणगणावासो तत्थेगा सवलिया वसइ ॥९१॥ सा तत्थ कयावासा, समए गुरुगन्भवेयणक्कंता । अइदूसहसल्लुप्पणवेयणा पसविया दुहिया ॥९२॥ पसवुव्वभवरुवेयणकरोलियाए पिओ वि न सहाओ । अहव सया दुहियाओ आजम्मं हुंति महिलाओ ॥९३॥ विलवंताइं सुदुक्खं, पंखाजुय-लेण झंपिवि सुयाइं । तम्मोहमोहियमई, मणंमि जा किंपि चित्तेइ ॥९४॥ ता सुक्कचंडपणो, दसदिसिउ-च्छलियधूलिसंघाओ । पसरंतमेहजालो, संपत्तो पाउसो कालो ॥९५॥ अलिउलक्कज्जलकोसलतमालदलसाम-लेहिं मेहेहिं । अच्छाइयं नहयलं, कुपुरिस अयसेण व खणेण ॥९६॥ हरंगलसामलगयणे, चवला किह विज्जुला चमक्केइ ? । खणादिट्ठनट्ठरिद्धिच्च, चंचला मंदपुण्णाणं ॥९७॥ फोडंता विव वंभंडमंडवं निविडचंडउड्डमरा । गुरुपयट्ठिय व्व नीया, गज्जंति घणाघणा सुघणं ॥९८॥ वरिसंति निरंतरगरुधधारसंभारनिव्वमरा मेहा । विर-हियजणहिययाणं, हुयासतिल्लव्व दाहकरा ॥९९॥ कह कइ वि सत्तरत्ति वरिसित्ता जा विलंविओ मेहो । छुहसुसियतथू सा ताव सवलिया नियइ दिसिभाअं ॥१००॥ संकुइयसव्वगत्ता वि कइ वि गयणंगणं समुड्ढेवि ।

१ करालिया० करालिता-दन्धुरिता । २ आच्छदयित्वा । ३ हरगल० महेशकण्ठ ।

आमिसकएण संकरंमिच्छवाडंमि संपत्ता ॥१०१॥ बहुहडुचम्मवसरुहिरपूयदुग्गंधंमंसगिद्धेहिं । विकरालकरं-
कोवारिनिवृद्धिगिद्धेहि भीसणए ॥१०२॥ भमिऊण भूरि सा तत्थ मिच्छवाडंमि सवलिया कह वि । गहिऊण
मंसखंडं इडत्ति जा गयणमुड्डीणा ॥१०३॥ मिच्छेणिवकेण पयंडचावगुणानिसियतिकखसरलेण । आयणणविस-
ज्जियमग्गणेण निहया उरे ताव ॥१०४॥ सरविद्धा वि हु सा ताव सवलिया वेयणाविहुरगत्ता । उडुंतपडंता
कहवि, काणणुद्देसमणुपत्ता ॥१०५॥ डिभोवरि गुरुनेहा वि, सवलिया निवडिया महीवीढे । विलवेइ विअं
लिया सा, अइकरुणं करंयरसरेणं ॥१०६॥ चितइ हा विहि ! निग्घिण !, मए विणा तुज्झ किं न पज्जत्तं ? ।
दीणाए मह सरिसो तुह साहीणो न किं अणो ? ॥१०७॥ किं वा मए कयाइ वि, तुज्झ कओकीवि गरुय-
अवराहो ? । एमेव निवराहा जेण हयाडहं तए पाव ! ॥१०८॥ अह ताइं डिंभरुवाइं अकयउण्णाइं पंखरहियाइं ।
छुहियाइं देव ! संपइ मह विरेहे कह भविस्संति ? ॥१०९॥ विलवेइ जाव एवं, वाणहया सवलिया अहोरत्तं ।
सुहंसंगसुव्व ता साहुजुअलयं तत्थ संपत्तं ॥११०॥ उंभेविकरं अभयंकरेहिं सुवणस्स तेहिं भणियमिणं । अभओ
भेदे ! तुज्झ अम्ह गंयं मा भयं कुणसु ॥१११॥ किं तु चइत्ता मोहं, उभयभवदुहावंहं तथा कोहं । एगण-
मणा निसुणसु, परसहिगं अम्ह वयणवूर्त्तवो ॥११२॥ ठाऊण कणमूले, तेहिं सुणिपुंगवेहिं इय भणियं । अरिहंतो
तुह सरणं, जगुत्तसो मंगलं च तथा ॥११३॥ कम्मकलंकविमुक्का अणंतसुहनाणंडसणसरुवा । लोयणपइट्टाणा,
तुह सरणमणंतया सिद्धा ॥११४॥ परिचत्तंपंचविसया, पंचमहव्यधरा महावीरा । पंचसमिया तिगुत्ता,
सुसाहुणो हुंतु तुह सरणं ॥११५॥ पंचासवपरिसुक्को, पंचिदियविजयलद्धमाहप्पो । केवलिकहिओ रम्मो,

१ करक० अस्थिपञ्जर । २ पतिता । ३ 'करकरे' ति स्वरेण । ४ करसुद्धिस्वा । ५ विजाताम् ।

तुह सरणं होउ जिणधम्मो ॥११६॥ एवं क्यचउसरणा, भद्दे ! भवगयसमत्तभयरहिया । रागद्वोसवि-
मुक्कं देवं सुमरेह अरिहंतं ॥११७॥ अरिहंतनमोक्कारं, इक्कं चिय कुणह परमभत्तीए । इहलोए अत्ति-
हरं, सुहजणयं नूण परलोए ॥११८॥ किंच तइलोयसारं, एयं चिय सरह पंचनवकारं । जम्मंतरे वि दुक्खाण
भायणं जेण न हु होसि ॥११९॥ चउविहकसायचत्ता विसयविरत्ता मत्तपरिचत्ता । संजसनियमुज्जुत्ता तह
चयसु चउव्विहाहारं ॥१२०॥ सयलं पि दिण सा तत्थ, सबलिया गलियसयलमोहमला । कणंजलीहि घुंठइ,
अमयं व तयं सुसाहुगिरं ॥१२१॥ मुणिवयणवद्धलक्खा, मणेण नयणेहि तह य सवणेहि । मरिज्जण समुप्पन्ना,
सा तुह धूआ अहं ताय ! ॥१२२॥ सैइसुमरियमित्तेण वि, जिणिवयणेण एरिसी रिद्धी । जइ पुण सया
सरिज्जइ, तो हुंति अणंतसुक्खाइं ॥१२३॥ सुणिज्जण संपइ नमो अरिहंताणं ति सिद्धिसुहपडियं । जायं जाई-
सरणं ताय ! मह विवेयतस्वीयं ॥१२४॥ इय सुदरिसणाकहाए, बुहाण चिंतामणि व्व सुहयाए । जाईसरण-
निवद्धो, समत्तओ तइयउद्देसो ॥१२५॥ [इइ तइओ उद्देसो]

अह चउत्थो उद्देसो ।

जह तत्थ तथा तीए कहियं तह तं मए वि तुह इत्थ । इय किणरीइ भणियं भाउय ! सुण अग्गओ
इण्हि ॥१॥ तं पुव्वजम्मसंभरण भावियं नियसुयं मुणेज्जणं । चितइ राया नणु कि सच्चं वालाइ जं कहियं ? ॥२॥
अहवा तं कत्थ पुरं ?, ते कत्थ मुणी ? वडो वसो कत्थ ? । कह सबलिया मरिउं, उप्पणा इत्थ मह धूआ ?
॥३॥ इय चित्तिज्जण राया, सप्पणयं सायरं सवहुमाणं । जंपइ पुत्ति ! किमेवं अलियमिणं कुणह वेरणं ? ॥४॥

एसा जणणी गुरुदुःखदुःखिया परियणो य कयसोओ । एयाउ वि वालवयंसियाउ संठवह निद्धणिया ॥५॥ एयाइं तुंगवरसंदिराइं एसा य विउलरायसिरी । उवमुंजह सबोवाहिसंजुया कि न तं वच्छे ! ? ॥६॥ जाइकुलरूववी-रियविज्जाविन्नाणपमुहगुणफलिया । आणावडिच्छए परियणे वि कह कुणसि वेरणं ? ॥७॥ सुणिउण राय-वयणं, रुदंसणा भणइ ताय ! सब्वमिणं । अथिरससारं परिणामदारुणं विसमविससरिसं ॥८॥ क्किपागफल-समाणेहि तेहिं किं विसयसंगसुखखेहिं ? । सयणेहि वि कि तेहिं ? अदंसणं जाण मरणंते ॥९॥ जाइकु-लेहिं वि किं तेहि ? इत्थ जे हुंति असुहकम्मणे । विप्पो वि होइ 'मिच्छो, मिच्छो वि दिओ सुकम्मणं ॥१०॥ रुवेण तेण कि ? जुव्वणंमि जं होइ भूसणाईहिं । रोगेहि होइ अबलो, बलेण कि तह असारणं ? ॥११॥ विज्जाविन्नाणगुणेहि तेहि किं ? जे न अप्पकज्जमि । ता कह कीरउ गव्वो, कुलवलसिरिजाइरूवेहिं ॥१२॥ परमत्थओ य नियजणणिजणयसुहिवघवा वि दढबंधो । पिच्छणयभूसणाइं, रंगे नडवेससरिसाइं ॥१३॥ म्मीय भणियं च—सव्वं, विलवियं, सव्वं नइं विडंवणा । सव्वे आभरणा मारा, सव्वे कामा दुहावहा ॥१४॥ अह नाणनिही नामं पुरोहिओ आगओ तमत्थाणं । दिन्नासणो वइट्ठो, मंतं भणिउण रायस्स ॥१५॥ भणिय णिवेण दियवर ! धम्मो धम्मत्थियाण को सुहओ ? । जेणेसा मह धूआ, धम्मत्थे सरइ अरिहंतं ॥१६॥ तो नाणनिही जंपइ, नरिद । धम्मो इह समयखाओ । सामणणेण अट्टविहो जेण इय भणियमारणे ॥१७॥ इज्या १ उध्ययन २ दानानि ३ तपः ४ सत्यं ५ क्षमा ६ दमः ७ । अलोभ ८ इति मार्गोयं, धम्मश्चाष्टविधः स्मृतः ॥१८॥ भणिओ य विसेसेणं, चउरासमनिस्सिओ पुराणेसु । ते वैभयारिणिहिवारणंपत्थजइभेयओ हुंति ॥१९॥

१ म्लेच्छ । २ सुहि० सुहद ।

तथाहि—यावत्तु नोपनयनं, क्रियते वै द्विजन्मनः । कामचेष्टोक्तिभक्ष्यस्तु, तावद्भवति पुत्रकः ॥२०॥
कृतोपनयनः सम्यग्ब्रह्मचारी गुरोर्गृहे । वसेत तत्र धर्मोयं, कथ्यते तन्निवोध मे ॥२१॥ सत्यं शमस्तपः
शौचं, संतोषो ह्रीः क्षमाऽऽर्जवं । ज्ञानं दया दमो ध्यानमेप धर्मः सनातनः ॥२२॥

ततश्च - गार्हस्थ्यश्रमकामस्तु, गृहस्थाश्रममावासेत् । वानप्रस्थाश्रमं वापि, चतुर्थचेच्छयाऽऽत्मनः ॥२३॥
अह माहणखत्तियवइसमुद्दश्यचाउवणभेएणं । होइ गिहासमधम्मो चउप्पयारो इहं तत्थ ॥२४॥ छक्कम्मरया
धिप्पा, पढंति पाढंति दिंति दाणाइं । गिणहंति अप्पदाणं, कुणंति जणणे करावेंति ॥२५॥ तह खत्तिया वि
नरवर ! हवंति अहिगारिणो तिकम्मेषु । दाणाइं दिंति विज्जं पढंति जणं करावेंति ॥२६॥ नाएण सयल्लोयं
सया वि पालेंति हुंति धम्मपरा । रक्खंति अणायारं, करेण लोयं न पीडंति ॥२७॥ जूअं मंसं मंज्जं, वेसो
पारैद्धि परंधणं पैरिस्थि । इहपरलोयविरुद्धं चयंति निव ! खत्तिया दूरं ॥२८॥ विज्जावाणिज्जकलानिवसेत्राई-
पसत्थकम्माइं । वइसा कुणंति नरवर !, नयधम्मपरा य हुंति सया ॥२९॥ वंभणखत्तियवइसाण वज्जियं करि-
सणंतिवणस्स । एयं किलिड्ढकम्मं, पामरलोयच्चिय कुणंति ॥३०॥

उक्तं च स्मृतिषु—संवत्सरेण यत्पापं, कुरुते मत्स्यबंधकः । अधोमुखेन काष्ठेन, तद्विनैकेन लांगली
॥३१॥ सुहा वि देवगुरुभित्तिपपरा हुंति दिंति दाणाइं । एसो उ गिहत्थासमधम्मो कहिओ समासेण ॥३२॥
भूमिशय्याब्रह्मचर्यतपोभिश्चात्मकर्षणं । वानप्रस्थस्य धर्मोऽयं, यत्तिधर्मस्त्वसौ पुनः ॥३३॥ सर्वसंगपरित्यागो,
ब्रह्मचर्यमकोपिता । जितेंद्रियत्वमावासे, नैकत्र वसतिश्चिरं ॥३४॥

यतः—ग्रीष्महैमंतिकान्मासानष्टौ भिक्षुर्विचक्रमेत् । दयार्थं सर्वभूतानामेकत्र वर्षास्वावसेत् ॥३५॥ अनारं-
भस्तथाऽऽहरो- भैक्षान्नेनानकल्पता । आत्मज्ञानावबोधेच्छा, तथा चात्मावलोकनम् ॥३६॥ इय चउररासमवि-
सओ, धम्मो चउवण्णनिस्सिओ तह य । सिरिचंदगुप्तनरवर !, संखेवेणं मए कहिओ ॥३७॥ एसा पुण तुह
धूआ, धण्णा जीए णु वालभावे वि । निव्विण्णकामभोगोचियंसि धम्ममे मणं रमइ ॥३८॥

अवि य—दाल्लिदियस्स दाणं, पहुणो खंती विउस्स न हु गव्वो । जुव्वणवंतस्स तवो, दया य
धम्मस्स कसव्हो ॥३९॥

तथापि—सर्वेषामपि धर्माणामादिधर्मो गृहाश्रमः । गृहमाश्रित्य यत्किञ्चित्, क्रियते धर्मसाधनम् ॥४०॥
यथा नदीवहाः सर्वे, सागरं यांति संश्रिताः । तथैवाश्रमिणः सर्वे, गृहस्थे याति संस्थितिम् ॥४१॥ इय सोढं
दियवयणं, भणइ णिवो पुत्ति ! एरिसो धम्मो । घरवाससठिया वि हु, करेहि मा वच्च वेरणं ॥४२॥

किंच—मज्झत्थो नीरागी, घरवासठिओ वि जं लहइ पुणं । नीसंगो वि हु न तहा, सरागभावो वि ॥४३॥
अण्णं च—जाइकुलरूवविक्रममाईहिं जो णिवो णिवपह्णो । सो पवरवरो वच्छे ! तुह जुणो लहु गवेसिस्सं
॥४४॥

ता मा कुणसुव्वेयं, निरत्थयं सयणजण्णिजणयाणं । अण्णं पि जं तुमं भणसि, पुत्ति ! सव्वं करेमि तयं
॥४५॥ तो जंयइ सुदरिसणा आरंभपवत्तणेण कहं ताय ! । पवरो गिहत्थधम्मो ?, सुयसंवाए वि जं भणियं
॥४६॥ तात ! दुःखं गृहारंभो, दुर्भरः पार्थिवैरपि । पातयंति नरा मूढास्तात ! पापे गृहाश्रमे ॥४७॥ स्वामि-

नामुपकारं हि, धृत्याः कुर्वति नित्यशः । स्वामिनो हि प्रधानत्वं, धृत्यानां नोपपद्यते ॥४८॥ मिथुकाः स्वामिनो ज्ञेया, गृहस्थाः क्रिकराः स्मृताः । गृहस्थाः सर्वतो निन्धाः, स्तुत्याः सर्वत्र मिथुकाः ॥४९॥ मेरु-सर्पयोर्यद्वद्भानुखद्योतयोरिव । समुद्रसरसोर्यद्वत्, तद्वद्भिर्भुगृहस्थयोः ॥५०॥ गृहस्थानां कुतो धर्मस्ताता-ऽऽरम्भजुषां सदा । पोषणे परिवारस्य, रतानां च यथोदितं ॥५१॥ खंडनी पेयणी चुल्ली, जलकुंभः प्रसा-र्जनी । पंच हूना गृहस्थस्य, तेन स्वर्गं न गच्छति ॥५२॥

अवि य—हुज्जा जलणे वि जलं, विसहरदाढाइ होज्जा ससस्स सिंगं, न हु धम्मो जीवहिंसाए ॥५३॥ अकएहि महातवसंजमेहि पाविज्जए कहं सगो ? । किं कुद्वाण खित्ते, कइयावि छुणि-ज्जए साली ? ॥५४॥ जइ सुरनरसिवसुक्खं, लब्भइ गिहवाससंठिण्हिं पि । ता किं रज्जं चइउं, तर्पति तवं णिवा तिव्वं ? ॥५५॥

अणं च—तुंभे य ताय ! इत्थ, किमत्थमित्थं निरत्थयं खेयं । उव्वहह ? किंतु धम्मं, सुणेह परस-त्थवित्थारं ॥५६॥ जो जाणइ जस्स गुणे, सो तं दूरट्ठियं पि अहिल्लसइ । गयणट्ठिए वि चंदे, दिट्ठे विहसंति कुमुयाइ ॥५७॥ सो सोहणुत्ति धम्मो, जो कीरइ दिट्ठपच्चयगुणेहि । ता कह कीरइ धम्मो, अमुणियगुणगु-रुसयासाओ ? ॥५८॥ सुगुरूवएसरहिओ, परलोणहिओ न होइ सो धम्मो । इहलोए वि हसिज्जइ, अगूढ-गुज्झं व सिहिनइ ॥५९॥ निसुणेह ताय ! तइया, सुणीहि जं मज्झ साहियं तेहिं । भवजलहिजाणवचं व देवगुरुधम्मतत्तियं ॥६०॥

१ सूना० प्राणिवधस्थानम् । २ 'धम्मस्स' इति प्रथन्तरे ।

तथाहि— जो पुत्तकलत्तासानिवद्धदबंधणेहि न य वद्धो । वच्छत्थलंमि न हओ, कयावि जोऽणं-
गवाणेहि ॥६१॥ जो सब्वभयविसुक्को, कयावि न करेहि पहरणं धरइ । पहखीणो वि हु न कयावि चडइ
जो जाणवाहणयं ॥६२॥ बुद्धुव्व मंतमालाकयहत्थो गहियजोगमुहकरो । न य ज्ञायइ जोऽमूढो, हत्थे न य
पुत्थयं धरइ ॥६३॥ जो दुज्जयकासगंडंविद्यडकुंभयडपाडणहरिव्व । कोहमहानलउल्लहवणपुक्खलावचमेहुव्व
॥६४॥ सोयभुयंगमगरुडव्व मोहतरुंभंजणेक्कहत्थिव्व । गुरुमाणमहीहरचूरणेक्कदहवज्जदंडो व्व ॥६५॥ जो
चत्तसव्वसंगो, जिइंदिओ निम्मसो निरभिसाणो । समसत्तुमित्तिचित्तो, सो देवाणं महादेवो ॥६६॥

अवि य--सर्वदयः सर्वगुरुः, सर्वीयः सर्वसौख्यदाता च । सर्वनतपादपद्मा; , सर्वज्ञः सर्वदर्शी च ॥६७॥
अन्यच्च--क्रोधो मनो भय द्वेषो, रंगो मोहश्च चित्तं । जरा रुजां च हांसश्च, खेदः^{१२}स्वेदो
भेदो भ्रंतिः ॥६८॥ वंचनं जननं निद्रा, लोभश्चाष्टादशाप्यमी । दोषा यस्य न विद्यन्ते, परमात्मा स उच्यते
॥६९॥ इय अट्टारसगुरुदोसवड्जिओ सयलक्कम्ममल्लमुक्को । वणकलासररहिओ, निरंजणो कोइ परमप्पा ॥७०॥
जो देवाण वि देवो, केवलवरनाणलोयणवलेणं । लोयालयं करयलकलियामलयं व्व जो कळइ ॥७१॥
सासयसुक्खनिहाणं, अप्पडिहयनाणदंसणचरित्तो । तियसिंदपणयचलणो, अरिहतो ताय ! सो देवो ॥७२॥
निसुणेहि तहा गुरुणो, उज्झियघरिणिपुत्तपरिवारा । समसुहुदुक्खा अवगयजीवाइपयत्थपरमत्था ॥७३॥
दुद्धरंपंचमहव्वयगुरुभारुव्वहणधीरधुरधवला । सीलांगद्वारससहसभारनिव्वाहाणसमत्था ॥७४॥ दूसहदावीसपरी-
सहाण सहणुज्जाया महासत्ता । विज्झवियकोहजलणा, निरुद्धमणवयणकायपहा ॥७५॥ सज्जायज्झाणवक्खि-
त्तामाणासा विविहनियमसंजुत्ता । खमदमसंतोसपरा, समतिणमणिसत्तुमित्तगणा ॥७६॥ छज्जीवदयापरमा,

महुअरवितीइ दोसपरिसुद्धं । संजमजत्ताहेऊं, भिक्खामेत्त पि गिण्हंति ॥७७॥ अप्पानइइ संजमजलपुण्णाए दयातरंगाए । ण्हायंति सीलकूलाइ सच्चसोयाइ जे णिच्चं ॥७८॥ जेसिं चउरो सोआ सच्चं तवैकरण-निग्गहो कर्षणा । गरुयं पि पावपंकं, हरंति किं तेसिं सल्लिखेण ? ॥७९॥ उवसमविवेगसंवरपवित्तकुंडाइं त्तिण्णि काऊणं । ज्ञाणजलणं च जालंति नाणघयसित्तमणवरयं ॥८०॥ कोहो माणो माया, लोहो कामो य रागदोसो य । हुण्णिऊण इमे पसवे, भक्खंति खमापुरोडसं ॥८१॥ वंभचेरमहव्वयपवित्तमुहरातिवाणियज-लेणं । खालंति पावपंकं, पुणो वि जह तं न संभवइ ॥८२॥ अभओ सव्वजियाणं, दिंति सया दक्खिणा वि खल्ल एसा । तारंति परं अप्पं च ताय ! एयारिसा गुरुणो ॥८३॥ धम्मो वि देवगुरुण(गुण)अभिन्न-रुवो चि एत्थ विन्नेओ । भिन्नसरुवो य पुणो, इय भणियं जिणवरिदेहि ॥८४॥ जीवेषु दया निच्चं, सच्चं त्रयणं अदिण्णअग्गहणं । तिगरणसुद्धं सीलं, परिग्गहारंभपरिहारो ॥८५॥ खंती गुत्ती मुत्ती, इंदियवि-जओ कसायविजओ य । समसत्तुमित्तभावो, सिवसुहफलओ इमो धम्मो ॥८६॥

किं बहुना--वीतरागीअहोदेवओ, ब्रह्मचर्य महाव्रतं । महादातं दया नित्यं, ब्रह्मचारी महागुरुः ॥८७॥
अण्णं च--नवजोवणगुणकल्लिओ, ताय ! तए जे वरो समुवइट्ठो । तं पुव्वभवे वि मए, अणुभूअं विस-यसुखफलं ॥८८॥ सुत्तं संसारफलं, दिट्ठो दइयस्स नेहपरिणामो । अलमिसिणा ताय ! धुवं, विडंबणाभि-त्तसोक्खेणं ॥८९॥ ता गंतव्वं खु मए, भरुअच्छे ते मुणी पणमियव्वा । कायव्वं जिण भवणं पज्जत्तं विस-यसोक्खेहिं ! ॥९०॥ लद्धे सुमाणुसत्ते, बुहेण तं कि पि होइ कायव्वं । जेण जरमरणवाही, पुणो वि देहे

१ सोअ० सोतस-प्रवाह । २ शौचानि । ३ पुरोडाश० अवशिष्टहव्यद्रव्य ।

सुदंशणा-
चरियस्मि

॥३२॥

नद्धा ॥२२॥ तह वि न तीए पुत्तो जाओ सिरिचंदगुत्तनरणाह ! कालेण पुणो धूया जाया से सोहणा इक्का ॥२३॥ कुलदेवयाए, रयणीए साहियं कुवलयाच्छि ! तुह धूया । सव्वजणवंदणिज्जा, भविस्सए साहुणी एसा ॥२४॥ जमदियहाओ लायणरूवसोहागगुणसमिद्धिजुया । कयसीलवईनामा, कमेण सा जुव्वणं पत्ता ॥२५॥ दट्टूण तीइ रूवं राया चितइ इमीइ बालाए । अणुरूवो को वि वरो पावेयव्वो मए कत्थ ? ॥२६॥ इय चितासंतत्तो, जयम्मनिवो पहाणपुरिसेहि । अवलोयइ रायसुए, बहुए वि न रूच्चए को वि ॥२७॥ चितइ विसणचित्तो, जइ विसयणाउ होंति धूयाओ । तह वि हु चितासंताणकारणं पंडियाणं पि ॥२८॥

यतः—जातेति चिता महतीति शोकः, कस्य प्रदेयेति महान्विकल्पः । दत्ता सुखं स्थास्यति वा न वेति, कन्यापितृत्वं खलु नाम कष्टम् ! ॥२९॥ इय चितागयपहुणो, ओलंणत्थं कुणालनयरीओ । आहव-मल्लस्स सुओ, विजयकुमारो तहिं पत्तो ॥३०॥ दूराओ कयणामो, पुच्छिओ तो स राइणा कुसलं । दिन्नासणो वइड्ढो, नहविज्जालद्धमाहप्पो ॥३१॥ रूवेण तस्स वक्खित्तमाणसो नयरनारिनरनिवहो । तइसणत्थ-मखिलो, इओतँओ धावए खुहिओ ॥३२॥ इत्थंतरंमि जयम्मराय धूया नरिद ! सील्वई । पिउपायवंद-णत्थं, सहीहि सह तत्थ संपत्ता ॥३३॥ दट्टूण तं कुमारं, सा चितइ नियमणंमि जीइ इमो । होहिइ दइओ सच्चिय, नारी नारीसु कयउण्णा ॥३४॥ भावरहियाइ तीए जइवि कुमारंमि पेसिया दिट्ठी । पासट्टिए वि तह वि हु, तहचि परिभावियं सहसा ॥३५॥

१ सेवार्थ २ इत्तस्त

सीलवइ
विहाणो
पंचसु-
इसो ।

॥३२॥

अणं च—रूवेण दिट्ठिपसरो, पसरेण रई रईइ संसग्गो । तेण खलु गलइ सीलं, पणट्ठसीलाण संसारो ॥३६॥

किंच--रसर्णिदियवंभवयं, मणगुत्ती तह य मोहणियकम्मं । चउरो इमाइ नूणं, जिप्पंति जइक्कवी-
रेहि ॥३७॥ इय सोउं संभंतो, भणइ तहि चदगुत्तननाहो । किं तत्थ पुरे जायं ?, तो एव सुंदरी
भणइ ॥३८॥ अह सा निहूयं निहूयं, जणाण मिउजंपियं कलेऊणं । लज्जंती तह पिउणो, नियआवासं गया
बाला ॥३९॥ राया वि तीइ भावं असुणंतो देवयाइ वयणं च । असरंतो सीलवइं, विजयकुमारस्स सो
देइ ॥४०॥ गणिऊण सुहसुहुत्तं, विवाहकंजुज्जया जणा जाव । विमलीकुणंति रत्थासुहाइं धवलंति भवणाइं
॥४१॥ ता अणदिणे उज्जाणपालपुरिसेण तस्स नरवइणो । विणत्तं संपइ देव ! सिसिरकालस्स पज्जंतं
॥४२॥ कलयंतो महुरसरपूरियंबरो सुरहिपाडलांगंधो । पत्तो वसंतराओ, माणंसिणिमाणविद्वणो ॥४३॥
इय सोउं तस्स निवो, तुट्ठो उज्जाणपालानरस्स । दाऊण पारिओसियदाणं मणवंच्छियब्भहियं ॥४४॥ सय-
लंतेउरसहिओ, विजयकुमारेण सह परियेण । पुप्फकंहुज्जाणे, कयसिगारो निवो पत्तो ॥४५॥ जलकी-
लाईहिं तहि, जा कीलइ नरवई सपरिवारो । ता खयरेणं हरिया, कुमाररूवेण सीलवई ॥४६॥ सा निज्जंती
गयणे, कुमारसंकाइ भणइ इय वयणं परिहासो वि न जुत्तो, असुणियचलचित्तनारीहि ॥४७॥ ता सुंच
ममं लहु जा, न कोइ पिच्छइ सहीण मज्झंमि । लज्जामि अहं नियजणणिजणयपमुहाण वि जणाणं ॥४८॥
सोउं खयरो ससंको जाणंतो विक्कमं कुमारस्स । वेयइइपहं मुत्तुं, चलिओ रयणायराभिमुहं ॥४९॥

१ निमृत्तम्-प्रच्छन्नम् । २ विवाहकिञ्चुजुया इत्यपि ।

जा पत्तो सो सभओ, समुहमञ्जद्विए विमलसेले । ता कवालाविहत्थो, पत्तो पिट्ठीए सो कुमरो ॥५०॥
दुट्ठोदुभिउडिभीसणमुत्तिधरो उद्धकेसरत्तच्छो । जंपतो रे तियहर ! जमेण कि अज्ज संभरिओ ? ॥५१॥
तो दोवि सरिसरुवा पिच्छंती सरिसवसणआहरणा । सा चित्तई सीलवई इमाण मञ्जमि को कुमरो ? ॥५२॥
मन्ने विजयकुमारो, एसो जो आगओ कुंढे पच्छा । ता जइ मज्झ सइत्तं, जयवंतो होउ तो कुमरो ॥५३॥
अह सो खयरो चकं कुविओ जा खिवइ विजयकुमरस्स । सहसत्ति ता कुमरो, इयरो वि नहं समुप्पइओ
॥५४॥ अह खिप्प तिकखेणं, खगेणं तस्स पाडिओ मउडो । कुमरेण तओ खयरो निवधूयं मुत्तु लहु
नट्ठो ॥५५॥ पिट्ठीइ तस्स कुमरो वि धाविओ कोवजलणपज्जलिओ । रे ठाहि ठाहि तियहर !, जंपतो
फरुसवयणाई ॥५६॥ सा बाला सीलवई दिसिभायं दट्ठु तं अपुवं ति । जा नियइ ता न पिच्छइ, न सा पुरी
न य तमुज्जाणं ॥५७॥ न य जणणी नेव वयंसियाउ ताओ वि नेव जयवम्मो । न य रज्जं हयविहिणा खणेण
दूरीकयं सव्वं ॥५८॥ अह सो वि नत्थि कुमरो, आसांवधो व्व जो कुढे पत्तो । अहिययरं तं दुक्खं, जणीहि
कि एसं जिन्विहिए ? ॥५९॥ तं सव्वमपिच्छंती, जा पासं नियइ कत्थई ताव । गंगूलफालियधरणिमंडलं नियइ
पंचमुहं ॥६०॥ कत्थ य धुरधुरंतं नियइ वराहं च सम्मुहमवितं । कत्थइ उक्खिवियकरं करिरायं नियइ गज्जंतं
॥६१॥ सिंगगखणियसिल्लं, धावंतं नियइ कत्थई महिसं । कत्थइ चवलं कुवियं, कुविजूहं नियइ रत्तच्छं ॥६२॥
फणफुक्कारमुयंतं, दुप्पिच्छं नियइ कत्थइ सुयंगं । कत्थ वि य किलकिलतं, वेयालं नियइ विगरालं ॥६३॥ कत्थइ
रउइसइं, नियइ पिसायं विभीसणागारं । कत्थइ कत्थियहत्थं, नियइ महासाइणिसमूहं ॥६४॥ एवं समंतओ

१ तियहर !० स्त्रीकाचौर ! । २ कुढ० दुरायो हुई वस्तु की खोज मे जाना । ३ नारीभि । ४ जेब्यते ।

तं, सावयवेयालरुदसदेहिं । पडिसददीहरोरालिभीसणं यव्वयं नियइ ॥६५॥ पवणाहयटुपत्तं-विव, भएण कंपंत-
सव्वगत्ता सा । चित्तेइ असरणाऽहं, कि काहं ? कत्थ वच्चामि ? ॥६६॥ हा विहिनिट्टुरनिग्घिण !, सुक्का
एगागिणी तए कत्थ ? । कि कोइ मए कइया, तुज्झ कओ गरुयअवराहो ? ॥६७॥ एणं पि जणो दुक्खं, सहसा
सहिउं न सक्कए पायं । कह हेलाए ठवियाइं मह तए सयलदुक्खाइं ? ॥६८॥ अहवा हयविहि ! गहिय
जणस्स पासाओ सव्वदुक्खाइं । वीसंभसुवगयाए, समपियाइं मह तए किं ? ॥६९॥ इय एवं सा भयवेविरी
वि गुरुआवयासु पडिया वि । धीरवद कह वि नरघर ! अत्ताणं अत्तणा चेव ॥७०॥

तंजहा—कि अन्नभवे नियसो, काऊण न पालिओ मए विहिणा ? नासो य कस्स वि मए किं
अवहरिओ हयासाए ? ॥७१॥ वीसंभसुवगओ वा, कि को वि हु वंचिओ मए कइया ? । अहवा कया
वि कस्स वि कुमई कवडेण मे दिन्ना ? ॥७२॥ अहवा किं जणणीए, परिहासेणावि पियअवच्चाइं ।
*विच्छेइयाइं कि वा आहरणं कस्स वि हरियं ? ॥७३॥ जं पुव्वभवनिवद्धं, तं खलु वेयंति पाणिणो सव्वे ।
ता सहियव्वं सव्वं रे जिय ! कि विलविण्णेवं ? ॥७४॥ जह संपयाइ हरिसो, विवेयवंतेहिं नेव कायव्वो ।
तह आवयागएहिं वि न विसाओ गरुयसत्तेहि ॥७५॥ इय सा विवेयकलिया, सीलवई सुद्धसीलसम्मत्ता ।
उवसगववणासंसगासंगथा धरइ धीरत्तं ॥७६॥ विसमदसा पत्ता वि हु, सहावओ असमसाहससहाया । भय-
मोहसोयरहिया एगगमणा अदीणमुहा ॥७७॥ कम्मट्टगंढिनिट्टवणजिट्टपरमिट्टियुट्टनवकारा । भवजलहिजाणवत्तं

१ ओराली० वाब्द । २ वेविरी० वेपित्री कापनेवाली । ३ नासो० न्यास । ४ विरहितानि ।

व न राइ सा सुव्यजिणिंदं ॥७८॥ तह धीरमणा नवर !, सील्वई सा तहिं ससुब्भेइ । तणपूलं तरुसिहरे,
आरा दुर्परिचया जम्हा ॥७९॥ जह कोइ कयाइ इहं, करुणाए दइठु भिनपोयमिणं । आगळ्ळिज्ज तओइहं,
तेण सभं जामि वेसिगथुव ॥८०॥ अह एणंमि पएसे, सिलायले आलिहेवि जिणपडिमं । सिरिमुणिसुव्वयपहुणो,
सपरियरं चंदणरसेण ॥८१॥ सुरहिसयवैचकुसुमेहिं भावओ विरइऊण वरपूयं । कयपंचगणामा, भत्तिब्भरुक्करि-
सिया थुणइ ॥८२॥

तंजहा — सिरिमुणिसुव्वय ! सुव्वय !, सुव्वयमुणिविंदिसियसिवमग्ग ! । सिवमग्गरहसुसारहि ! रहियजराम-
रणवरनाण ! ॥८३॥ वरनाणपयासियपुण्णपाव ! पाविधणोहंसंजलण ! । संजलणकोहजलहर ! जलहरनिघो-
ससमराइ ! ॥८४॥ समसइसुवोहियसव्वजीव ! जीवाइकहियनवत्त ! तत्तव ! तवविणासियासियगुरुहम्ममय !
गयणइय ! ॥८५॥ इयथुणिउं चउणइगमणनास ! नासवियभवियभवदुक्ख ! । भवदुक्खकैक्खपावय ! पीवय !
थुत्तीइ जयसु । चिरं ॥८६॥ [संकलिकावधः] इय थोउं जिणनाहं, पंचनमोक्कारत्परा देव ! । जा चिट्ठइ
सील्वई, जिणपुरओ वरसमाहिए ॥८७॥ ता तरुणतरणिक्करनियरसुसियतरुत्तसुरसुरारो । कंसालज्जुणिस-
रिसो, सुइविवरे आणओ तीए ॥८८॥ अह एणो वरपुरिसो, वरत्थाहरणभूसियसरीरो । परिमियपरियणसहिओ,
संपत्तो तत्थ तं न्चियइ ॥८९॥ चित्तइ य इमा अमरी खयरी वा माणवी व निवधूया । सावयकुलप्पहया,
केण व हरिउं इहाऽऽणीया ? ॥९०॥ ता धीरवेमि एयं, भयसंभंतं विओयदुक्खत्तं । इय चित्तिय सो

१ भग्गप्रवहणान्तिहम् । २ दुण्णरित्ताजा । ३ वासरथाने । ४ सयवत्ता० वत्तपत्त-क्खमल । ५ कवरा० तृण । ६ पावक ! पविन
करवैवाला ।

वि जिणं, वंदित्ता शुणइ भत्तीए ॥९१॥

तंजहा—विन्नायसयलजयजीयकम्मपरिणामाठिइइसहाव ! । दंसियसासयसुहठाण ! जय जयाणंद ! जिणइंद ! ॥९२॥ एग्गमणा जे पहु ! धरंति असणं पि नियसणंमि तुमं । परिचत्तसयलजोगा, ते झाइज्जंति जोगीहि ॥९३॥ कुंठाइ वि वाणीए शुणंति उक्कंठिया तुमं जे उ । शुव्वंति सब्वकुसला, ते खल्ल सुयकेवलीहिं पि ॥९४॥ अणिमिसनयणा जे पुण, तुमं नियेच्छंति हरिसयंदिहत्था । तेसिं भत्तीइ सुहं अणिमिसपहुणो वि पिच्छंति ॥९५॥ तुह कमकमल्लहीणा, लीलाइ विमाणसुवक्खमल्लहीणा । ते भवसुहनिरवेक्खा, हवंति साहीण-सिवसुक्खा ॥९६॥ इय संथुओ सि सामिय ! मणवयकाएहि सुव्वयजिणिद ! । कुणसु पसायं मणवयकाया-णमभावदारेणं ॥९७॥ इय सो वि जिणिंदं संथुणित्तु कयपहमवंदणो तीए । दिन्नासणे वइट्ठो नासन्ने नाइ-दूरंमि ॥९८॥ भणियं तेण सविणयं, कासि तुमं भइणि ! ? कत्थ व वसेसि ! । एग्गिणी कलिज्जसि, किं जूहमद्दा कुरंगिव्व ? ॥९९॥ विसमेरिसंमि सेले, उयहीमज्झइए कंहं पत्ता ? । कि नामा ? कस्स सुया व ? किं व दुहकारणं तुज्ज ? ॥१००॥

अवि य- उच्छुट्टुचिहुरभरकुसुमदामाणिजरियकुंकुमसुवत्था । किं भइणि ! नणु कलिज्जसि, मज्जण-जलभिन्नसुहसोहा ? ॥१०१॥ तव्वयणजणियगुरुमाणगंठिपूरिज्जमाणकंठाए । नियपयययदिट्ठीए, कह कह वि इमीइ उल्लवियं ॥१०२॥ भाउय ! जे विसयसुहाभिलासिणो विरइसुक्खमलंहंता । पावेंति महावसणाइं, तेसिं किं होइ कहियव्वं ? ॥१०३॥

१ पइयन्ति । २ पडिहत्थं पूर्णं । ३ अणिमिसपहुं इन्द्र । ४ अल्लीणं आलीन-तल्लीन इति । ५ चिहुरं चिकुर-केश ।

तहाहि—फरिसरसंगंधरूचञ्चुणिजणियसुहसंगवाउलियचित्ता । जह जीवा जंति खयं, तुमं पि तह निव !
 निसामेहि ॥१०४॥ सयणासणसंवाहणवरंगणासंगसुक्खतल्लिच्छो । फरिसिदियसुहल्लुद्धो, करि-व्व पावेइ गर-
 यदुहं ॥१०५॥ महरन्नपाणभोयणविविहरसासत्तमूढो मच्छुव्व । रसणिदियसंगिद्धो, पावइ अन्नो हि खल्लु मरणं
 ॥१०६॥ मयणाहिकुसुमंडुमकालागुरुरुहिगंधल्लुद्धमणो । नासमुहासत्तो छप्पउ व्व पावेइ खल्लु वसणं ॥१०७॥
 विब्भमविलाससोहणरूवलायणाकंतिकल्लिएसु । रूवनिरूवणपवणो, पावइ मरणं पर्यंशु व्व ॥१०८॥ कलमहुर-
 नेयवरजुवइनेउरारावअवहरियचित्तो । सवणसुहाऽऽसंगपरो, पावइ हरणु व्व लहु दुक्खं ॥१०९॥ इक्किक्को वि
 हु विसओ, इहयं पि दुहावहो परत्थ पुणो । जीवं पाडइ नए, किं पुण पंचेव य पउत्ता ? ॥११०॥ एवं
 भाउय ! पंचविहविसयसुहकंखिरो सया जीवो । अलहंतो विरइसुहं, पुणो पुणो भमइ संसारे ॥१११॥ परिभा-
 विऊण एयं, तुमं पि मा भाय ! पुच्छिहिसि जम्हा । एसा महरं खु कहा, जाणिहिसि जणस्स पासाओ ॥११२॥
 किच—नियदुक्खया वि वत्ता, साहिज्जंति परस्स कमवि गुणं । न कुणइ सपरस्स पुणो, विसेसओ
 जणइ संतावं ॥११३॥ अह भणइ सिट्ठिपुत्तो, अवितहमेयं तए समुल्लवियं । उवहांसं जणइ जणे, जं निय-
 दुक्खं कहिज्जंतं ॥११४॥ किं तु सदुक्खे अइदुक्खयं परं पिक्खिखळण विहसेइ । सुक्खे पुण अइसुहियं, हरि-
 सविसाओ न कायव्वो ॥११५॥

अणं च—जे आवईसु धीरा विहवमि अगव्विया अमच्छरिणो । परवसणेसु सहाया, ते पुरिसा पुरिस-
 गणणाए ॥११६॥ किं चुज्जं ? जं खल्लु आवयाओ बहुआओ हुंति मणुआणं । खंडणगहणत्थमणं, पावइ चंदो
 वि दिव्ववसा ॥११७॥ इट्ठविओगो वहवंधणाइं विहवक्खओ अब्वित्ती । ठाणब्भंसो मरणं विहिणा विहियं इमं

सुलहं ॥११८॥ ता मा कुणसु विसायं, जं नियइ नरो जियंतो भइसए । अहव गरुए वि वसणे, अकायरा हुंति जे गरुया ॥११९॥ सुहियं पि विही विनडइ दुहियं पि विडंवाए विसेसेण । न गणइ वालं बुइढं न मुयइ रायं च रंके च ॥१२०॥ न य संतंतवाइं विज्जं नीरोगमहव वाहिल्लं । छड्डेइ निग्घिणो एस हयविही किं च सोएण ? ॥१२१॥ किंचियमेत्तं एयं, सोयव्वं इत्थ मणुअजम्ममि ? । संसारी जं नूणं, दुक्खनिहाणं कओ विहिणा ॥१२२॥ नणु तणविलग्गजल्लवतरलं जीयं चलं च लायणं । अइचवलतरा य सिरी धम्मसु च्चिय निच्चलो एगो ॥१२३॥ जिणधम्मे पुण सारो, नवकारो तस्स गुरुपभावेण । जलजलणाइं पसमंति सयलइट्ठाइं सिज्जंति ॥१२४॥ अन्नह समुद्धमज्जे कत्थेसो विमलगिरिवरो तुंगो ? । कत्तो य इत्थ महपवण-पिल्लियं पवहणं पत्तं ? ॥१२५॥ कत्तो मह संजायं, दंसणयेयस्स भिन्नयोयस्स ? । ता एयं तुह सव्वं नव-कारपभावओ मिलियं ॥१२६॥ ता डहइ सयणविरहो, दुहचिंताडाइणी वि ता छलइ । ता पडइ भवसमुदो, जिणनवकारं न जा सरइ ॥१२७॥ ता साहम्मिणि ! नियमाणसंमि मा कुणसु किं पि उव्वेयं । तुज्ज क्कणिट्ठो बंधू अज्जप्पभिइ अहमवस्सं ॥१२८॥ संसारव्व समुदो, विसमो वि इमेण जाणवत्तेणं । जिणवयणसमेण तुमं तरह मए लहु सहाएण ॥१२९॥ इय एवं सोहरं, वणियक्कुमारस्स वयणसप्पहियं । सुणिज्जण तीइ भणियं, भाउय ! सुहयं तुमे भणियं ॥१३०॥

जओ--जो विहलियमासासइ, आवइपडियं च जो समुद्धाड । सरणागयं च रक्खइ, तीसु तेसु अलं-क्रिया पुहवी ॥१३१॥ लायणारूवजोव्वणविहवाइगुणेहि संजुया वि जए । परदुक्खदुक्खिया जे हवंति ते सज्जणा निरला ॥१३२॥ इय संतगुणे सा संसिज्जण निव ! जाणवत्तमारुढा । थोवदियहेहि जलहि, तरेवि

सा इत्थ संपत्ता ॥१३३॥ सा चंदसिद्धिपुत्तेण, तेण सोमाभिहाणवणिण्ण । साहेवि तीइ वत्था, समप्पिया देव ! नियपिउणो ॥१३४॥ जा जयवम्मनराहिवधूया नामेण आसि सीलवई । साऽहं संपइ नामेण सुंदरी इत्थ विक्खाया ॥१३५॥ नामस्स य परिविडिया, तुह भवणे मुहपियाइं कुव्वंती । सिरिचंदगुत्त ! चिट्ठामि इच्चिरं निव ! परायत्ता ॥१३६॥ पैच्चंतवासगुरुदुवखदुविस्या सयलसुवखपरिचत्ता । नियसयणवगत्तुक्का, चिट्ठामि नरिंद ! दुक्खेण ॥१३७॥ ताव कुलीणा गुर्या विउसा सोहग्गख्खगुणकलिया । सुहधम्मसीलनिरया, जा नियठाणं न मुंचंति ॥१३८॥

अवि य—हिमणिरिवरप्पह्या, रयणायरसंगया जयपयडा । सुहिया वि सया महिला वहइ जलं अमर-सरिअव्व ॥१३९॥ ता नरवर ! नियदुक्खं, साहिज्जइ कहं जणंमि एमेव ? । पत्थावसुवगयं तुम्ह साहियं गउरवाहितो ॥१४०॥ सहि ! चंदलेहि ! तइया, तए वि जं पढमदंसणे पुटं । तं अज्ज मए सव्वं एयं तुह पणयओ कहियं ॥१४१॥ अहव कुलदेवयाए न पालियं जं मए तया वयणं । तं एयं दूसहवज्जपडणदुक्खं मए पत्तं ॥१४२॥ ता जे विरइविरत्ता, रइमयत्ता विसाययचित्ता । विसयासत्ता सत्ता निव ! पत्ता पउ-रदुक्खाइं ॥१४३॥ दिट्ठेवि विसयविसए, जाया मह देव ! एरिसा वत्था । जइ सेविज्जंति पुणो तो दुक्खं दिति नरयंमि ॥१४४॥ एरिसदुक्खाइं मए, विसयपसाएण देव ! पत्ताइं । विसयसुहभीरुयाए इमीइ साहेमि कहं विसए ? ॥१४५॥ एसा निव ! तुह धूया, सुदरिसणा मुणियपुव्वभवदुक्खा । मज्झ वयणेण सहसा, पाणिग्गहणं कहं मैहइ ? ॥१४६॥ सत्थत्थनयसमत्था, जिणिंदधम्मोवल्लद्धपरमत्था । संभरियपुव्वजम्मा, पर-

म्सुही विसयसुक्खाणं ॥१४७॥ ता निव ! इमीइ धम्मो, पत्तो सिवसोक्खसाहणो तं च । ता कह मह वय-
णेणं, मुंचइ पत्तं व वररयणं ? ॥१४८॥ अह कहमवि मह वयणं तुह धूया जइ न कुणइ नरनाह ! । तोऽहं
जणाण मज्जे, तिणं व सहसा हविस्सामि ॥१४९॥ जंपतो वि हु अत्थं, न गणिज्जइ जं तिणं व लोएण ।
निदोसस्स वि दोसं, ठवंति जं अलियवायाए ॥१५०॥ जं जम्मो नीयकुले, जोव्वणवंतस्स जं च दालिइं ।
वरसीलरुवरहियं, जं च कलत्तं च पडिक्कलं ॥१५१॥ जं वाहिल्लं देहं, जं च विओगो समं संवधूहिं । जं च
पवासो वसणं, सेवाविचीइ निव्वहणं ॥१५२॥ जं मुखत्तं दूयत्तणं जं भोयणं परायत्तं । तं एयं संव्वं पाव-
पुंजकडुरुक्खफलमसुहं ॥१५३॥ एएण कारणेणं, न भणामि नरिंदि ! किपि तुह धूयं । अब्भत्थणाइ भंगो,
आजमं उहइ गरुयाणं ॥१५४॥ इय सुदरिसणकहाए चुहकाणणअमयकुल्लतुल्लाए । सीलवइसंविहाणो, भाय !
इमो पंचमुहेसो ॥१५५॥ [इड पचमुहेसो]

अह छट्ठी उदेसो ।

नयहेउजुत्तिकलिय, सीलवइए कहाणयं सोढं । भणियं सिंघलवइणा, भंदे ! संगयमिणं किं तु ॥१॥
महिनिवडिया वि करिणो तीरंति न लंघिउं तुरंगेहिं । इयरेहिं समा विसमठिया वि न हु हुंति जे गल्ला
॥२॥ ता मा कुणसु विसायं, तुमं सुयाऽसि सयल्लुहइनाहस्स । जस्साऽऽणं नरवइणो, सिरेण तिल्ल उ व्व
धारंति ॥३॥ अम्हाण वि सो मित्तो, तुमं पि ता कुवल्यच्छि ! गउरविया । एसा मह रायसिरी, साहीणा
तुज्ज सव्वा वि ॥४॥

अवि य—आवइगया वि गयसंपया वि देसंतरंमि पत्ता वि । ठाणच्चुया वि गरुया, ठाणं पावेंति गरुययरं ॥५॥ अह भणइ उसभदत्तो, एसा जयवम्मरायपियधूया । जियसत्तुभोइणेई कम्मवसा इत्थ निवसेइ ॥६॥ मज्झ वि य भाइणेई इत्थ मए पाविया सुपुणेहिं । कुंठिल्लगंमि कुमारे, सव्वत्थ गवेसिया तइया ॥७॥ रणा भणियं एसा, वालाइ सुदरिसणाइ माउंसिया । अहमेगो इत्थ परो तुम्हे सव्वे वि नियसुयणा ॥८॥ इय सपणयं सोआवहायणेहि सुंदरी ठविया । भणियं निवेण भदे !, जिणधम्मो केरिसो ? भणसु ॥९॥ जाणेयव्वं सव्वं, कायव्वं जं तु होइ अप्पहियं । पढमं नाऊण जणो, पच्छा कज्जं समायरइ ॥१०॥ इत्थंतरंमि चरणसमणो नंदीसरंमि वरुचंतो । धम्मत्थियं नरिदं, गयणत्थो नियइ धम्मजसो ॥११॥

सो पवरओहिनाणी भावं नाऊण तस्स नरवइणो । चितइ जिणिदधम्मोवएसदाण महात्तियं ॥१२॥

जओ—जिणभवणबिबपूयादाणादयातवसुत्तियजत्ताणं । धम्मोवएसदाणं, अहियं भणियं जिणिदेहि ॥१३॥ एणं पि जो पवोहइ, पावासत्तं जिणं धम्मंमि । सव्वजियाण वि दिन्नं, अभयमहादाणमिह तेण ॥१४॥ धम्मोवएसदाणं, जिणेहि भणियं इमं महादाणं । सम्मत्तदायगाणं, पडिउवारो जओ नत्थि ॥१५॥ सम्मत्तमहादाणं, जीवे जो देइ धम्मबुद्धीए । तन्त्थि जए जं तेण न य विदत्तं सुहं पणं ॥१६॥ तिय-सिंदनमियचलणा वि जिणवरा जंति जोयणसयाइ । जीवस्स वोहणत्थं, एगस्स वि पावदुहियस्स ॥१७॥ पडिबोहिओ य जीवो, धम्मं आयरइ वज्जए पावं । जम्मे जम्मे सुहिओ, हवेइ सासयसुहं लहइ ॥१८॥ ता पडिबोहेयव्वो, सपरिवारो वि एस नरनाहो । जाईसरणपहाणा, सुदरिसणा पुण विसेसेण ॥१९॥

१ भागिनेयी । २ पृष्ठलम्ने । ३ मातृस्वसा । ४ श्रोत्राणहारवचनै । ५ परमावधिशान्ती । ६ अर्जितम् ।

इय चित्तिऊण निउणं, चारणसमणो जणेहिं थुवंतो । जिणधम्मं उवइसिउं, अवयरिओ रायपरिसाए ॥२०॥ अब्भुट्ठिओ य सहसा, वरासणे णीणिंयमि नरवइणा । पडिलेहिय पमज्जिय, उवविट्ठो मुणि-पवरो तत्थ ॥२१॥ तो उसमदत्तंसुरिसुदंसणापमुहरायपरिसाए । नमिओ पुणो वि विणएण पुच्चिओ राय-धूयाए ॥२२॥ भयवं ! भवभयभीसियपभूयमव्वाण सिद्धिसुहकरणं । धन्नाऽहं जं दिट्ठं, पावहरं तुम्ह पयक-मलं ॥२३॥ ता साहिज्जउ भयवं ! भयच्छे सवलियाइ पुवभववे । जं च मए तं दुक्खं, केण वि कम्मणेण अणुभूयं ? ॥२४॥ केण वि नियडिभाणं, विओइया पसविया य दुक्खेण ? । वाणेण हया कम्मणेण केण अक्यावराहा वि ? ॥२५॥ करुणं कंदंतीए, आवइपडियाइ दीणवयणाए । पत्तं सुसाहुवयणं, अत्तिहरं केण सुकरणं ? ॥२६॥ मा भाहि जंपमाणेहि तेहिं सपरोवयारनिरएहिं । नवकारो नियमजुओ, महाणुभागेहि मह दिण्णो ? ॥२७॥ केण य पुण्णेण तओ, मुणिवयणं भावओ य भावंती । मरिऊण समुप्पणा, इत्थ अहं रायभवणंमि ? ॥२८॥ एवं सुमाणुसत्तं, लहिऊण मुणिंद ! केण कम्मणेण । दुल्लहजिणिदधम्मे पुणो वि पत्ता मए वोही ? ॥२९॥ सुणिऊण तीइ वयणं मणइ मुणी मुणियकम्मपरिणामो । लब्भंति दुक्खसुक्खाइं, जेण कम्मणेण तं सुणह ॥३०॥

तंजहा--रागदोसवसगओ जीवो चउविहकसायपज्जलिओ । दढमोहरज्जुवद्धो, आरंभपरिणहासत्तो ॥३१॥ परयरिहवपरनिदापरधणपरदारपरविवायरओ । जीववहबंधनिरओ, निवद्धकम्मो भवं भमइ ॥३२॥

तंजहा--पुढविनिकाए सत्तसु, सत्तसु लक्खेसु आउकार्यमि । तेउनिकाए सत्तसु सत्तसु तह वाउका-

एसुं ॥३३॥ दससु य पतेयवणे, चउदसलक्खेसुऽर्णतकायवणे । दुसु दुसु लक्खेसु पुढो, वित्तचउरिदीसु
जोणीणं ॥३४॥ सुरनरयतिरिवासे, पतेयं चऊसु चऊसु लक्खेसु । ईसाविसायवहबंधपसुहदुक्खाइं विसहेइ
॥३५॥ मणुयत्तंमि चउदसलक्खेसु सकम्मनियल्लिओ जीवो । परिभमइ सरणरहिओ जम्मणमरणेहिं
अक्कंतो ॥३६॥ इय एवमाइदूसहचउरासीजोणिलक्खदुक्खाइं । विसहंतो भमइ जिओ, सुइरं संसारकंतारे
॥३७॥ एवं सामणणेणं, सहंति जीवा अणंतदुक्खाइं । इक्को वि जिओ जं पुण सहेइ तं संपयं
सुणसु ॥३८॥

तंजहा—मणवयणकायदुद्धो, परिण्हं कुणइ हणइ बहुजीवे । वसणासत्तो लोही निस्सीलो वच्चए
नरयं ॥३९॥ सढचित्तो गूढमणो, समग्गणासणो ससल्लो य । न गणइ परलोयहिंयं वच्चइ तिरिएसु
माइल्लो ॥४०॥ दुट्ठक्खाओ कुरो मायाक्खडेहिं जो परं सुसइ । पुरिसो वि होइ महिला, दोहग्गकलंकिया
दुहिया ॥४१॥ धम्मपरा रिउभावा, गुरुभत्ता सीलगुणसमाउत्ता । महिला वि होइ पुरिसो सोहग्गसुख-
गुणकल्लिओ ॥४२॥ हयकरहवसहपसवाण कुणइ निल्लंछणं अहम्मो जो । परभवइ परं वेसी, नपुंसओ होइ
दुट्ठमई ॥४३॥ अक्खुहो दाणरओ न कुणइ कोहं न भासए अलियं । मज्झत्थमणो वंधइ मणुयत्तं सब्वजीवी-
हिओ ॥४४॥ दुक्करतवनियमसुसंजमेहिं । दुद्धरमहव्वएहिं च । उवसमणुणेहिं जुत्तो, देवत्तं पावए जीवो
॥४५॥ खवियकसायचउक्को, परिसोसियपुणपावपब्भारो । उप्पणविमलनाणो, सिद्धिसुहं सासयं लहइ
॥४६॥ इय संखेवेण मए तुह कहियं पुणपावफलमेयं । इण्हिं जह तत्थ तए पत्तं दुक्खं तह सुणेहि ॥४७॥

तहाहि—इत्तो तं तइयभवे, जंबूहीवस्स भारहे वासे । वेयइढसेलसिहरे दाहिणसेढीइ रम्माए ॥४८॥
 नयरंमि गणणवल्लहनामे रम्मंमि अमरनयरिच्च । अमियगई तत्थ निवो, देवी जयसुंदरी तस्स ॥४९॥ ताण
 य कमेण जाया विजयानामेण तंऽसि वरधूया । जणजणियचमुक्कारा, वरजोच्चणरूवलायणा ॥५०॥ उत्तर-
 सेढीइ पुणो, सुरम्मनयरीइ सहिसगांसमि । वच्चतीए कइया कुक्कुडसप्पो तए दिट्ठो ॥५१॥ उप्पणकोउ-
 याए तुमए संघियसराए सूढाए । अवसउणुत्ति कलंतीइ तिकखवाणेण सो पहओ ॥५२॥ मरिऊण समुप्पणो,
 भरुयच्छपुरंमि सप्पजीवो सो । मिच्छो अतुच्छपावो तुच्छमई मच्छरच्छणो ॥५३॥ जं च तए सो कुक्कु-
 डसप्पो निहओ गथावराहो वि । कमेण तेण मिच्छेण तेणं तं सवलिया निहया ॥५४॥ अह अन्नया कयाई
 तत्थ य वेयइढसेलसिहरंमि । सिरियणसंचयपुरे, सुवेगविज्जाहरनिवेण ॥५५॥ सिरिसंतिनाहभवणे, पूया
 काराविद्या अइसुरग्गमा । तत्थ य तुमं पि दइडुं, सपरीवारा गया संती ॥५६॥ पिच्छंती जिणपूयं सहसांजं
 पुलइयाऽऽसि भावेण । जिणधम्मवोहिवीयं, तेण तए अडिजयं तइया ॥५७॥ तह तत्थ जिणाययणे पूयं
 दइडुं तथा समितीणं । पहखिन्नसाहुणीणं, दुक्करतवचरणनिरयाणं ॥५८॥ विहियं वेयावच्चं, जं च तए
 सुद्धभत्तपाणेहिं । भत्तिभरनिब्भराए सुस्ससणं वंदणाईहिं ॥५९॥ तव्वसओ पुव्वभवे नवकारो नियमसंजुओ
 तुमए । इह जम्मे जिणयम्मो जाईसरणेण तह पत्तो ॥६०॥

अवि य—सुरमणुयसिद्धिसुवखं, जीवा पावंति जं च लीलाए । तं जिणपूयागुरुनमणधम्मसहहणकरणेण ॥
 ॥ ६१॥ भावेण सुणीण कए वेयावच्चंमि जं हवइ पुणं । भरहाहिवं पि वल्लपोरिसेण तं तुलइ लीलाए ॥६२॥

भणियं जिणेहि सुहबोहिकारणं नवविह जए पुण्ण । संवेगभावियाणं, समणाणं सावगाणं पि ॥६३॥
तंजहा—वेयावच्चं संघस्स पैयणं जिणकहाए औणंदो । वत्थेणंपत्तिसिज्जास्यरण्णासणंसंपयाणाइं ॥६४॥
एयाणं समगाणं पुण्णनिमित्ताण तह य अन्नाणं । उत्तमपुण्णनिमित्तं वेयावच्चं जाओ भणियं ॥६५॥ पडिभ-
ग्गस्स मयस्स व नासइ चरणं सुयं अगुणणाए । न हु वेयावच्चकयं सुहोदयं नासए कम्म ॥६६॥ अह
अन्नदिणे दिट्ठं, दक्खावणमज्झसंठियं तुमए । सिरिसहनाहभवणं चउवारं तत्थ रमणीयं ॥६७॥ अह तत्थ
सुरवरिदो सहिओ सुरसुंदरीहिं पिच्छणयं । दिट्ठो तए कुणंतो उप्पणं कोउय तुज्झ ॥६८॥ तत्थ ठिया जा
पिच्छसि पिच्छणयं जिणहरंमि कयहरिसं । अमरच्छराइ सहसा उक्खित्तवित्तरणाए ॥६९॥ चलणाउ तीइ
तुट्ठेवि नेउरं निवडियं तुहुच्छंगे । संगोवियं तए तं अतुच्छुच्छाभिभूयाए ॥७०॥ भीया सुरंगणाणं, वरत्ते-
उरमुच्छिया तुरियतुरियं । तो गगणवल्लहपुरे, समागया गगणमग्गेणं ॥७१॥ अट्टवसट्ठा तत्तो, विजया विज्जा-
हरी तुमं मरिउ । भरुयच्छे उप्पन्ना वडरुक्खे सवलिया तुंगे ॥७२॥

भणियं च—अट्टेण तिरियजोणी, रोइज्झाणेण गम्मए नरयं । धम्मणे देवलोए सुक्कज्झाणेण निव्वाणं
॥७३॥ तंमि भवे खलु तेणं, नेउररयणावहार दोसेणं । तुह सवलियाओ जाओ विच्छोहो सह सडिभेहिं
॥७४॥ इत्थंतरंमि राया सपच्चए नियसुयाइ पुव्वभवे । सोऊण साहुकहिए विसुद्धसद्धो इमं भणइ ॥७५॥
धम्मोवएसंवंधव ! भयवं ! जाणंति नाणिणो सव्वं । सच्चं जिणिंदधम्मे, न तवस्स दुस्सज्जयं किं पि
॥७६॥ ता भवसमुदमज्जे, पडियं जत्तेण मं समुद्धरह । भवजलहिजाणतुल्लं, संसह जिणदेसियं धम्मं ॥७७॥
भणइ सुणिंदो नरवर ! जइ एवं ता सुणेह अप्पहियं । सुवियेयगुणपहाणा, जिणधम्मपरायणा हुंति ॥७८॥

जस्स न सयं विवेओ, भवसयदुलहं पि सो लहेऊण । कह वि जिणधम्मरयणं, हारइ जम्मंधरोख्व
॥७९॥ सो पुण धम्मो दुविहो, जिणेहि भणिओ अणंतनाणीहिं । सिवनयरगमणमगो व्व, साहुधम्मो य
गिहिधम्मो ॥८०॥ तत्थाइममि सावज्जकज्जपरिवज्जणुज्जओ उज्जू । पंचमहव्ययपव्ययगुरुभारसमुव्हणपवणो
॥८१॥ समिइगुत्तिपविचो, अमसत्तो सत्तुमित्तसमचित्तो । परपरिवायविरत्तो, अव्रगयत्तो महासत्तो ॥८२॥
एवं गुणसंजुत्तो, गुरुभत्तो कुणइ जो वयं सत्तो । सो अचिरेणं पावइ, सुमणालगो पवणपुरं ॥८३॥ तदक-
रणासत्तेहि सावगधम्मो वि होइ कायव्वो । कालेण सो वि सिवसुखदायगो सुणसु तं इण्हिं ॥८४॥

तथाहि—तसजीवहनिविंत्ती कण्णालीयाइभासणनिसेही । परदव्वपरिच्चाओ परिहोरो परकलत्तस्स
॥८५॥ परिमाणं संतपरिणहस्स इच्छाइ दुविहतिविहाए । निव ! एयाइं अणुव्वयाइं भवजलहिमहणाइं ॥८६॥
दिसिपरिमाणं पढमं, वीयं भोगोवभोगमाणं च । जत्तेण वज्जणीओ चउव्विहोऽणत्थदंडो अ ॥८७॥ सामाइयं
च देसावगसियं पोसैहो चउब्भेओ । साहूण संविभोगो, चउरो सिक्खावयाइं च ॥८८॥ इय दुल्लहंपंचअणुव्वयाइं
सुणुणवयाइं निव ! तिणि । सिक्खावयाइं चत्तारि एस खलु सावगो धम्मो ॥८९॥ महुमज्जमंसमवखण-
पंचुवररियणभोगणं चयह । जीवाजीवपयत्थे, निसुणेवि करेह सइहणं ॥९०॥ तत्थ य जीवा नरवर ! दुविहा
संसारिणो तहा मुत्ता । संसारिणो य दुविहा, तसा य तह थावरा भणिया ॥९१॥ वेइंदियतेइंदियचउरो
पंचिदिया तसा चउहा । भूजलजलणानिलवणपंचविहा थावरा जीवा ॥९२॥ मुत्ता पनरसभेया ^१ तित्थे सिद्धा
अतित्थंसिद्धा य । तित्थंगरठाणसिद्धा अतित्थंगरठ्ठाणसिद्धा य ॥९३॥ सयमेवबुद्धसिद्धा, अन्ने पत्तेयबुद्ध-
सिद्धा य । तह पत्तंबोहिसिद्धा, सर्लिंगसिद्धा य जे अन्ने ॥९४॥ तह अन्नलिंगसिद्धा, गिहत्थंलिंगेण जे पुणो

१ अत्र सप्तमी स्थाने द्वितीया श्लोका । २ सप्तमीस्थाने द्वितीया । ३ सइ० शत४ निदा ।

सिद्धा । ईत्थील्लिगे सिद्धा, नेरल्लिगेणावि जे सिद्धा ॥९५॥ जे य नेपुंसगसिद्धा, इक्कक्का इक्क-
समत्थसिद्धा जे । इक्कसमये अंगेगे, जे सिद्धाऽणेगसिद्धा ते ॥९६॥ एए जीवा जाणह, पंचविहा हुंति
तहा अजीवा य । धम्मोऽधम्मोऽपुण्णल्लेहत्थिकाया तहा कौलो ॥९७॥ जीवस्स सुहं पुण्णं पावं दुहहेउयं
विणिद्धिं । पंचिदियाणि रागो, दोसो वा आसवो एसो ॥९८॥ तह संवरो उ पंचिदियाणि इच्छानिरोह-
करणं जं । तवसा अब्भित्तरवाहारेण इह निज्जरा भणिया ॥९९॥ संसारवासकारणकम्माण समुच्चयो हवइ
बंधो । सयल्लसुहासुहकम्माण जो खओ सो पुणो सुंखो ॥१००॥ नवतत्ताइं नरेसर !, मूलं धम्मस्स हुंति
एयाइं । जीवाण रक्खणट्ठा, जाणेयव्वाइं जत्तेण ॥१०१॥ नाऊण य जीवेहि, जहसत्तीए बुहेहिं नियजीवो ।
पालेयव्वो सययं, अहरेणं सुखखंखीहिं ॥१०२॥ लोयविरुद्धाइं तहा, वज्जेयव्वाइं सईपयत्तेणं । आवइअण-
त्थमूलं, हवंति धम्मे विरुद्धाइं ॥१०३॥

तंजहा—सगुणाण निग्गुणाण य, निदा सव्वाण नेव कायव्वा । जणपूयाअरिहाणं, बाढं रीढं विव-
ज्जेह ॥१०४॥ रायपहाणनराणं, वज्जह निदाइं तह विसेसेण । लोयविरुद्धेण समं संसग्गो नेव कायव्वो
॥१०५॥ नेय कुठाणनिवासो, देसाचारो न चेव चइयव्वो । सामत्थमि उक्खिखा, गुणिणो वसणे न कायव्वा
॥१०६॥ इहपरलोयविरुद्धं, राप्रविरुद्धं च तह य विकहाओ । सुविवेइणा हियत्थं, वज्जेयव्वं विसेसेणं ॥१०७॥
इयमेवमाइं नरवर !, परिहरणाऽऽसेवणेण जहजुणं । एसो संखेवेणं, गिहिधम्मो तुह मए कहिओ ॥१०८॥ अण्णं
पि राय ! निसुणसु, पइदियहं सावएण कायव्वं । जम्मि कए सत्तीए पयेणुतरो होइ संसारो ॥१०९॥

१ अत्र सप्तमीस्थाने द्वितीया द्वेया । २ सप्तमीस्थाने द्वितीया । ३ सह० शत । ४ निदा ।

तंजहा—निसिचरिमासमए, बुद्धो सुमरित्ति पंचनकारं । जाइकुलदेवगुरुधम्मसंगंयं चित्तए सइहो ॥११०॥ तो छविहमावस्सयमणुट्टिं अह दिणोदए ण्हाउं । सियवत्थो सुहकोसं काउं पूएइ गिहविंवे ॥१११॥ सुमरिय पच्चक्खणं, इद्धिहजुओ जाइ जिणहरं तत्थ । पविसिय विहिणा पूइय जिणविंवे वंदए तत्तो ॥११२॥ गंतूण गुरुसमीवे, वंदिय गुरुसक्खियं च संवरणं । काउं निमुणिय धम्मं, ववसायं वज्जइ विरुद्धं ॥११३॥ मज्झणहे पुण काउं, जिणपूरं ढोइऊण नेवेज्जं । पडिलाभइ मुणिवसहे, फासुयएसणियदाणेणं ॥११४॥ साहम्मियवच्छल्लं, काउं दीणाइयाणमणुकंपं । बहुवीयाइविविज्जियमाहरइ सरिय संवरणं ॥११५॥ देवं गुरुं च वंदिय संवरणं काउं कुणइ सज्जाय । इगभत्तो पुण सइहो, भुंजइ दिवसट्टमे भागे ॥११६॥ संझासमए गिहचेइयाइं पूइत्तु पुण वि वंदेइ । विहियवस्सयकम्मो, सज्झायं कुणइ सुहभावो ॥११७॥ नियमाणुसाण तत्तो जहारिहं धम्मदेसणं कुणइ । पायं विसयविरत्तो पव्वदिणे पालए सीलं ॥११८॥ कय-चउसरणगमाई, सावज्जं चइय गंठिसहिणं । पंचनमुक्कारपरो, सेवइ थेवं तओ निहं ॥११९॥ निदाविगमे चित्तइ, क्किपागफलोवमं विसयसुक्खं । तह सिवपुरगमणरहे, चारित्तमणोरहे कुणइ ॥१२०॥ एवं पइदिणकिरियं, कुणमाणो माणवो विगयमाणो । गिहवासे वि वसंतो, आसणं कुणइ सिवसुक्खं ॥१२१॥ इय सोउं गिहिधम्मं, पडिवज्जइ चंदगुत्तनरनाहो । तह विसयसुक्खविमुहा, सुदरीसणा सीलवइसहिया ॥१२२॥ देस-विरइअसत्ता सत्ता गिणहंति के वि सम्मत्तं । महुमज्जमंसविरइपमुहे य अभिगहे के वि ॥१२३॥ इय पडि-वोहिय भव्वे, चारणसमाणो तओ समुपइओ । नंदीसरवरदीवं पइ चलिओ गयणमग्गेणं ॥१२४॥ इय सुदरि-

सणकहाए बुहकइवसरयसिसिकलनिहाए । छट्टुदेसो निवचंदगुत्तपडिवोहओ भाय ! ॥१२५॥ [इय छट्टुदेसो]

अह सत्तमुदेसो ।

अह सा पुणरवि नेमिउ सुदरिसणा सविणयं भणइ जणयं । काउं महापसायं भरुयच्छे मं विसज्जेह ॥१॥
 जं तत्थ ताय ! पायं मुणियो गुणियो सया वि सेविसं । तत्थयमणिरयणमयं जिणभवणमवि करावि-
 स्सं ॥२॥ सोऊण इमं रण्णा दाऊण पारितोसियं सुवहुं । धूयाइ कलायरिओ विसज्जिओ सो निया-
 वासं ॥३॥ उल्लसियविवेएणं जिणवयणासयपवित्तचित्तेणं । संभासिऊण उचियं पुरोहिओ पेस्सिओ
 सगिहं ॥४॥ तह सक्कारिय बहुयं सामंताईजणं पि पट्टविउं । परिमियसहानिविद्धो नरनाहो भणइ धरणंनहं
 ॥५॥ एसा मह पियधूया सुदरिसणा जीवियस्स अब्भहिया । अप्पत्तविओयदुहा अदिट्टपरमंडलाचारा ॥६॥
 अमुणियविएसभासा अदिट्टवसणा अमुक्कसहिसयणा । अणुभूयवमाणा कयसम्माणा सया सुहिया ॥७॥ ता
 कह भरुयच्छे उसभदत्त ! बाला गमिस्सए एसा । सुहलालिया य सययं सिरीसकुसुमं व सुकुमाला ? ॥८॥
 ता तुज्ज मए सव्वायरेण एसा समप्पिया भइ ! । कुसलेण जहा वच्चइ तत्थ तुमं तह करिज्जासु ॥९॥
 अह उसभदत्तवणिणा भणियं एवं ति किं पुणो सामि ! । पूईजंति जणेणं गुणियो सव्वत्थ जत्तेणं ?
 ॥१०॥ रणुंभव पि कुसुमं वज्जइ सीसेण सुरहिगघइहं । उज्जिज्जइ अविंसंकं नियअंगसमुभवो वि
 मलो ॥११॥ एसा य पुणो दढसीलरयणक्कवयाडवगूहियसरीरा । नयकारपहावपणट्टुट्टसव्वोविसग्गणा ॥१२॥
 अवगयसमग्गतत्ता विसयविरत्ता सुधम्मपरिरत्ता । तियसग्गणा वि पुज्जा सुदंशणा ताव सयमेव ॥१३॥ किं

१ ऋषभदत्तश्रेष्ठिनम् । २ अणुभूय० अनुभूत-अज्ञात इति । ३ अरण्योद्भवम् ४ अंगहिय० कालिङ्गित ।

पुण एसा वरसीलसालिणी सामिसाल ! सीलवई । जियसत्तुभाइणेई सहाइणी तुञ्ज धूयाए ? ॥१४॥
सुकयपढमोवयारं सीलवईए सुणेवि वुत्तंतं, तुञ्जोवरि सपणओ हविस्सए राएजियसत्तू ॥१५॥ ता मा
करेह खेयं सो सुदरिसणाइ सब्वमवि काहिइ । धम्मपरो य कयणू साहम्मियवच्छलो राया ॥१६॥
सीलवई सपणयं निवेण संभासिउं इमं भणियं । तुम्ह सकज्जं एयं अम्हेहि न किपि, भणियव्वं
॥१७॥ इय जाणिऊण एयं जइवि सुदुक्खं ठिया तुमं इत्थ । तहवि समीहियकज्जे सहाइणी हुज्ज
वालाए ॥१८॥

अवि य--तुंगा वि वसणपडिया हयपयावा हवंति कि चोज्जं ? । तुंगयरमणुसरंता माणं पावंति
भाणुव्व ॥१९॥ भणियं सीलवईए पुणो पुणो कह नरिद ! तज्जेसि । एसा कुसलपउत्ती थोवदिणेहिं
पि निसुणेसि ? ॥२०॥ ता वच्चउ एसा नरवरिद ! सुहयं समीहियं कुणउ । सयसुकखडुकिखायाए इमाए
पढमं हविस्सामि ॥२१॥ इय गमणिकमणाए धूयाए सब्वनिव्वुई काउं । आएसिऊण तह पवहणाहिवं
उट्ठिओ राया ॥२२॥ तो उसभदत्तसहिओ पढमं काऊण मज्जणं सुहयं । देवच्चणं च विहिणा करेइ
तं मुणिवसदिठं ॥२३॥ उचियं^१ देवि दाणं सुहेण सुहभोयणं च काऊणं । जा ठाइ सिट्ठिसहिओ अक्खित्तो
धम्मवत्ताहि ॥२४॥ ता तुरियतुरियमहसमययडियपहरेहिं निज्जियपयावो । आवइपडिओ व रवी अवरदि-
साँसरणमावणो ॥२५॥

अवि य--मउलिज्जंति समाणं सूरव्वसणेण पंकयवणाइं । अहवा नियपहुविरेहे झिञ्जइ विहवो किमच्छ-

१ स्वामिश्रेष्ठ । २ सम० प्रायन्तरे इत्यपि दृश्यते ३ देह० इत्यपि । ४ मरणमावणो इत्यपि पाठ । ५ क्षीयते ।

रियं ? ॥२६॥ कत्थइ सउणाकुलाइं सुपत्तञ्जायादुमे निलुक्कंति । अहवा सया वि ठाणं ह्वंति सउणाण जे तुंगा ॥२७॥ नासियरविकरविहवो पसरइ घणकसिणतिमिरसंघाओ । जह मिञ्छत्तपवाहो सम्मत्तजंढाण विप्फुरइ ॥२८॥ इत्थंतरस्मि विमलेण गोसैमूहेण तिमिरमवर्णितो । कुवलयआणंदररो सगुरुव्व समुगाओ चंदो ॥२९॥ पुब्बावरदिसिपसरंतचंदजुहा पयासए गयणं । उभयकुलुज्जोयकरी निम्मलसीला सुनारिव्व ॥३०॥ वियसंति सत्तिकरासासियाइं कुमुयाइं लद्धविहवाइं । अहव पहुदंसणाओ पावइ सब्वो वि खल्ल रिद्धि ॥३१॥ इय एरिसरयणिसमागमस्मि देवीइ चंदलेहाए । गुरुमोहमोहियाए सुदरिसणा सायरं भणिया ॥३२॥ कुलदेवयाइ दिण्णा मज्झ तुमं पुत्ति ! गरुयपुण्णेहिं निरुवमरूवाइयुणे मणोरहे सुयणु ! पूरेहि ॥३३॥ अज्जवि न तुमं सुवयंसियाहिं सह विउलभवणरत्थासु । दिट्ठा मएं किसोयरि ! कंदुयकीलाइ कीलंती ॥३४॥ अज्जवि कयसिगारा न मए दिट्ठा वसंतमासस्मि । पियसहयरीहिं सहािया मज्जणजलभिण्णसुहसोहा ॥३५॥ अज्जवि न मए परिणयणलच्छिवच्छंक्रिया ससिगारा । दिट्ठा दाणं दिती थुव्वंती वंदिविदेहिं ॥३६॥ ता मा वच्चसु वच्छे ! एयं सव्वं पि तुज्झ साहीणं । अण्णं पि जं दुसज्झं तं सव्वं तुज्झ साहेमि ॥३७॥ भणियं सुदरिसणाए मणुयत्तं जइवि सव्वगुणकलियं । तहवि जिणधम्मरहियाण निपफलं रणकमलं व ॥३८॥

अण्णं च—अम्मो ! चित्तसु सम्मं बालत्ते जुव्वणस्मि बुइहत्ते । असुइअणिच्चयरस्मि एयस्मि य मणुयजम्मो वि ॥३९॥

॥५२॥

तथा हि—असुइविलीत्तसरीरो पयपाणाउंलियवयणदुग्गंधो^१। मच्छीहिं भणिहिंणंतो कह धम्मं कुणइ बालत्ते ? ॥४०॥ विसयासत्तो सत्तो वामारत्तो सुभोगायचित्तो । परधणदारपसत्तो विसयमहाजलणसंतत्तो ॥४१॥ नवजोव्वणमयमत्तो जीवो संसारदुक्खमगणंतो । अलहंतो विरइसुहं कह धम्मं जोव्वणे कुणइ ? ॥४२॥ बुइहत्तणे वि बालुव्व वयणलालाविलीणसव्वंगो । जंपइ लल्लविल्लं गयदंतो कंपियावयवो ॥४३॥ सद्विज्जंतो य पुणो पुणो वि कह कहवि देइ षड्वियणं । बहुविहवगव्वओ ईसरो व्व बुइहत्तणे पुरिसो ॥४४॥ जरजज्जरिय-सरीरो पुत्तायत्ताइ सयलरिद्धीए । अगणिज्जंतो नियपरियणेण कह कुणइ सो धम्मं ? ॥४५॥ अस्सो ! एरिसदोसा हवंति मणुयत्तणस्स पच्चक्खा । ता जोव्वणे वि धम्मो किज्जइ इच्छानिरोहेणं ॥४६॥ जम्मो जम्मो जीवो अविस्संतो लहइ सुवखदुक्खाइं । सासयसुहं न पावइ जम्मणमरणेहि अक्कंतो ॥४७॥ अण्णं पि तुमं निसुणसु कुटुंबवासं ठिओ जणो मूढो । अण्णुणं पि न याणइ गयागइं अत्तणो जम्हा ॥४८॥

तंजहा—देवाणं को वि चविउं समागओ कोवि नरयवासाओ । तिरियगइए अण्णो अण्णो इह मणुय-वासाओ ॥४९॥ आहारवत्थभूसणसयणासणालहलोहन्नडियाइं । गुरुमोहमोहियाइं निवसंति कुटुंबवासम्मि ॥५०॥ वच्चंति पुरो मरिउं खणं पि न रंहति अण्णमण्णस्स । नियकम्मनियलियाइं पुणो वि जो जत्थ सो तत्थ ॥५१॥ माया मरेवि धूया धूया माया पिया वि पुण पुत्तो । पुत्तो मरेवि जणओ उप्पज्जइ कम्मदोसेण ॥५२॥ बंधू वि रिऊ सत्तु वि बंधवो नियसुओ वि भत्तारो । भत्तारो वि हु पुत्तो मरिऊण हवेइ कम्मवसा ॥५३॥

अवि य—अइगरुयकिलेसावज्जिओ वि अत्थो सया विरोहकरो । पयमेगं पि असारो न वच्चए सह

१ आउल्लिअं आकुल्लित । २ गव्विको इत्थपि पाठ । ३ अविस्सन्तो इत्थपि । ४ णडिअ० वधित ।

मरंतेहिं ॥५४॥ सुयणा वि मरणकाले सकज्जनिरया परम्मुहा ठंति । पुत्ता वि अत्थल्लुद्धा कुद्धा गेहं विलुंपंति ॥५५॥ ससिणेहा वि सभज्जा होहिति अंसगलं च मण्णंती । न छिवइ मयपइदेहं गवेसए अत्थठाणाइं ॥५६॥ ता मा करेह खेयं असारदेहेण सारमप्पहियं । जं किज्जइ तं लाहो भाडयकयसगडतुल्लेणं ॥५७॥ अधिरेण थिरो समलेण निम्मलो परवसेण साहीणो । देहेण जइ विहंपपइ धम्मो ता किं न पज्जत्तं ? ! ॥५८॥ ते धण्णा जे निज्जियसुरवहुंरूवाहि तरलनयणाहिं । मोहिज्जंति न मणवल्लहाहि रइकुसलइइयाहि ॥५९॥ ते धण्णा पंचिदियतुरंगमे जे तिगुत्तिवणाए । संतोसमहानंदणवणम्मि खंचेवि धारेति ॥६०॥ ते धण्णा जे काम-गइंदवियडकुंभत्थलं दलेऊण । वंभवयनियमसहिया कुर्वंति तव महासत्ता ॥६१॥ ते धण्णा जे चउव्विहक-सायजलणं खमाइसल्लिलेणं । विज्जविऊणासेसं कुणंति कम्मक्खयं खिप्यं ॥६२॥ ते धण्णा रागादोसमोहिदि-ढ्वांसबंधणं निविडं । संसारकारणं तोडिऊण वच्चंति परमपयं ॥६३॥ ता नूणमिणं मुणिडं मए वि जर-मरणवाहिभीयाए । धम्मो सिवसुहकारणमणुसरियव्वो पयत्तेणं ॥६४॥ जइ मह उवरि सिणेहो अम्मो ! ता जिणहराइं कारिज्ज । दाणं च देज्ज विविहं जीवेसुं दयालुया होज्ज ॥६५॥ मुत्तुं जिणिदधम्मं न य सुयणो को वि कस्स संसारे । अत्थवसा सैयणजणो ससिणेहो होइ लोहेणं ॥६६॥ इय जा जणणि बाला पडिबोहइ धम्मसारवयणेहि । ता वीणासंखपहायतूरसदो समुच्छलिओ ॥६७॥ जयजयसदो मागहजणेण भदेहि कव्वनिगवोसो । विहिओ वरवारविलासिणीहि सुहंसगलुंगारो ॥६८॥ इत्थंतरम्मि तक्कालसमुच्चियं हिय-करं च भवियाणं । एणेणं मागहेणं पढियं कालणुणा एवं ॥६९॥ दिणरयणिघडियपहरच्छेण मणुयाणं

१ उपार्ज्यते । २ पावबन्धण इत्यपि । ३ सयलजणो इत्यपि । लोयम्मि इत्यपि ।

आउयं गलइ । इय जाणिऊण तुरियं सुधम्मकम्भुज्जया होह ॥७०॥ नक्खचकुमुयल्लच्छी मउल्लज्जइ मउल्लि-
यम्मि रयणियरे । अहव सकलंसंगेण परिहवो होइ कि तुज्जं ? ॥७१॥ रविकरनियरोसारियतिमिरं संचरइ
गिरिवरगुहासु । सरणं पंचं खुइं पि अहव रक्खंति जे गरुया ॥७२॥ दिणयरकरनियरासासियाइं वियसंति
कमलसंडाईं । अविषप्यं होइ फलं अहवा पडिवाणनिव्वहणे ॥७३॥ जाए पहायसमए पुव्वनिउत्तेण कडयवा-
लेण । दिण्णा पयाणढक्का घुटं वेलाउलाभियुहं ॥७४॥ लहु सणज्जंति भडा तुरया पुरिसेहिं पक्खरिज्जंति ।
सज्जिज्जंति रहवरा गंज्जंति गया गुडिज्जंता ॥७५॥ इय सणद्धे कडए राया देवच्चणं करेऊण । लहु
उसभदत्तसहिओ आरूढो संदेणे सुहए ॥७६॥ तह चंदलेहदेवी उच्छंगठियाए नियघूयाए । सीलवईए सहिया
सिवियारयणे समारुहिया ॥७७॥ रायकुमारा सत्त वि मंतियणो वरविलासिणीनिवहो । सव्वो वि नयरलोओ
सुदरिसणाए समं चलिओ ॥७८॥ तूरवपसरकलयलवेण पूरंतओ सयलभुवणं । पुरजणपरियणसहिओ पत्तो
वेलाउले राया ॥७९॥ सव्वो सव्वत्थ सुवित्थरेण सुपएसकयसुहावासो । गुडुरगुलणियपडमंडवेहि आवासिओ
लोओ ॥८०॥ इत्थंतरम्मि निज्जामएण पत्थावमुवगयं पहुणो । विण्णत्तं निव ! पउणीकयाइं वरपवहणसयाइं
॥८१॥ सोऊण तस्स वयणं नरनाहो उसभदत्तधणवइणो । सुत्तूण सव्वदाणं पँउरं पडिपाहुंडं देइ ॥८२॥
वररथणकणयकपूरवत्थहरियंदणाइदाणेहिं । तं पूइऊण सिट्ठिं समप्पिया तस्स नियधूया ॥८३॥ मंकणयनेत्त-
पट्टनियवत्थदोछडियपडियपट्टाणं । एणं वोहित्थसयं भरियं धूयाकए रण्णा ॥८४॥ मैयणाहिनित्तकपूरचीण-
पट्टंसुयाइं वत्थाइं । कुंकुमकालागुरुपउमसाररथणाइं खविऊण ॥८५॥ पवहणसयाइं रण्णा तिण्णेव य कणयर-

१ सुकुलिते-सङ्कुचिते इति । २ गया गुडिज्जति नज्जता इत्यपि पाठ । ३ रथे । ४ प्रचुरम् । ५ मयणाहि० मृगनाभि-
कच्छरी, मयणित्त० मृगनेत्र-गोरोचन-पीतवर्णद्रव्यवशेष ।

यणभरियाइं । एगस्मि तथा पवहणसयस्मि विण्णाणिया चडिया ॥८६॥ घयतेल्लससवर्धियधणाण वाणियग-
दासचेडाणं । गायणवायणसुविलासिणीणं पवहणसयं एगं ॥८७॥ एलाकंकोलतमालपत्तपोफलसुनालिकेराणं ।
खज्जूरदवरुजाईफलाण खरैकुल्लिया तीसं ॥८८॥ नारायंकुंतमुगरसव्वलूणाखुरप्पखग्गाणं । सण्णाहकवयस-
ण्हियाण वावीस वेदुल्लो ॥८९॥ सण्णज्जवद्धकवयाण भिच्चसासंतमंतिसुहडाणं । आवत्ता तीस सुपंडियाण
पडणीकया रण्णा ॥९०॥ जंपाणसुहासाणखट्टूलिचाउरिमस्सरियाणं च । अट्ट खुरप्पा गुड्डरगुलणियपडमंडवाणं
च ॥९१॥ बहुकणयरयणनितंसुयप्पमुहपाहुडाण पडराणं । जियसत्तुनिवस्स कए निरुविया पंच खरकुल्ला
॥९२॥ कापूरदक्खंचंपयहरियंदणजाइपोफलितरूणं । खुरप्पाणं पंच तह पवहणाइं सुभरियाइं ॥९३॥ इय
सत्तसयाइं पवहणाइं धूआकए नरिदेण । पडणीकयाइं धणकणयवत्थरयाणाण भरिज्जण ॥९४॥ इय एवमाइं
सव्वं सुदरिसणा सज्जियं मुणेज्जण । विहियकरयंजलिउडा संभासइ सविणंयं जणयं ॥९५॥ जं तुज्ज मए
न कओ विणओ दुल्ललियगोद्विरसियाए । तं खमसु मज्झ सव्व अण्णाणघरं खु वालत्तं ! ॥९६॥ अम्मो !
तुम पि हु मए गन्भप्पभिइं पि जं किलेसिविया । तं खमसु मज्झ जम्हा पडिउवरिउं न सवकामि ॥९७॥

अवि य—जणणीइ पसवसमए जं दुक्खं होइ नारयाणं च । तस्स न लक्खंसेणावि इमाइं खलु सव्व-
दुक्खाइं ॥९८॥ आजम्मं सुकयं पि हु एगस्स वि जणणिगन्भल्लस्स । न समं संपइ अम्हाणं तं पि न हु
मंदउण्णाण ॥९९॥ सुणिज्जण तीइ वयणं गलंतनयणंसुसित्तवच्छयलो । जंपइ राया वच्छे ! पुणो तुमं कत्थ

दीसिहिसि ? ॥१००॥ तुह दीहविओयजलंतजलणडञ्जंतयस्स मह तणुणो । विञ्जवणत्थं पुण तुञ्ज दंसणा-
मयरसं कत्तो ? ॥१०१॥ जणणी वि माणमुग्गरगरुयपहाराहव्व सहसावि । वियलंतसव्वगत्ता थसत्ति धरणी-
यले पत्ता ॥१०२॥ चंदणजलेण सित्ता सुहुमानिललद्धवेयणा देवी । भणिया सीलवईए अंसंगलं कुणह मा
सुयणु ! ॥१०३॥ धूयाविओयहुयवधूमसिहाउलियवयणनयणाए । कह कहवि चंदलेहाइ जंपियं गगररगि-
राए ॥१०४॥ जइवि मह सत्तपुत्ता तहवि तुह विरहजलणजलियाइं । अंगाइं तुञ्ज संगमजलेण कह विञ्ज-
विस्संति ? ॥१०५॥ भणियं सुदरिसणाए अम्मो ! मा तुमं पुणो पुणो रुयसु । एसा धाईकमला लहु एसइ
कुसलकहणत्थं ॥१०६॥ तो सीलवई आलिंगिऊण देवीइ सायरं भणिया । सुंदरि ! नासो व्व मए समप्पिया
एस तुह धूया ॥१०७॥ अह सप्पणयं देवी जंपिया कहवि सीलवईयाए । अज्ज समप्पइ नेहो एयं पुण दंसणं
दुलहं ॥१०८॥ वज्जघडियं व्व पियसहि ! मह हिययं जं न जाइ सयखंडं । तं अज्जवि तुञ्ज विओयपउ-
रदुक्खं सहेयव्वं ॥१०९॥ तुम्हह दीहविरहग्गिजालिओ कुवल्यच्छि ! नेहदुमो । दुक्खिधणसंजलिओ अवि-
स्संतो उज्झइ वराओ ॥११०॥ एयारिसं असारं संसारं सुणेवि दुक्खभंडारं । सारे जिणिदधम्मे समुज्जया
हुज्ज सुयणु ! तुमं ॥१११॥ एयारिससुहैयसुहासिएहिं संभासिऊण सा देवी । खामेवि नयरलोयं सीलवई
पवहणे चडिया ॥११२॥ नियजणणिजणयबंधवनयरजणं सहियणं च खामेवि । सीलवईए सहिया सुदसणा
तत्थ आरुहिया ॥११३॥ सा तत्थ सहइ सुहया सीलवईए समं सुहमईए । पवरविमाणाख्खा लच्छिव्व सरस्स-
इइ समं ॥११४॥ सिट्ठी य उसभदत्तो नरवइणो चंदलेहेदेवीए । विणएण कयपणामो चडिओ नियए गरुय-

१ न्यास इव । २ अतिसरल इत्यपि । ३ सुयदसुभाषिते । ४ राजते ।

॥११७॥ [इ सत्तमुद्देशो]

अह अट्टमुद्देशो ।

पोए ॥११५॥ इय पुणरवि पुण दंसणपणामज्जणियजणमणचमुक्कारा । रायसुया भरुयच्छे सिंहलीदीवाओ संचलिया ॥११६॥ इय सुदरिसणकहाए बुहकप्लयाइ मंडवनिहाए । सिरिचंदलेहदेवीविगोहओ सत्तमुद्देशो

इत्तो भाउय ! काहलकंसालहुडुककढकभेरीणं । भंभामउंदमइलपडुपडहपंचिपणवाणं ॥१॥ वाइज्जंताण तहा पूरिज्जंताण जमलसंखाणं । उच्छलिओ गहिरवो जयजयवपूरियदियंतो ॥२॥ गायंति महुरसरगायणाउ मेयं चउव्विहं सुहयं । नच्चंति सारसिंगारसंगया चारुतरुणीओ ॥३॥ अह तेसु पवहणेसुं सज्जा निज्जामया करिज्जंति । उब्भिज्जंति महंता कूयंखंभा गयणलज्जा ॥४॥ ताडिज्जंति सिढवरा संसारिज्जंति हरिणिणं ठीओ । हरिणीओ वज्जिज्जंति उक्खिविज्जंति नंगरया ॥५॥ धवलधयचिधचमरा उब्भीकिज्जंति बहुसियप-
डाया । तह सुहुमवाउवट्ठा वित्थारिज्जंति घणवणणा ॥६॥ निज्जामएहि बहुसो दिवसे दक्खेहिं दिसिविदि-
सिमाओ । जोइज्जइ धुवचकं निसाइ तह निच्चलं सययं ॥७॥ संकेयलक्खणत्थं परुपरं तह य किणहरय-
णीए । दरिसिज्जंति पुणो पुणो लोयाणं जलणसरियाओ ॥८॥ अप्फालिज्जंति तूरं कत्थइ गुरुमच्छमगरभय-
जणणं । चोरवहणाइं ददुं वहणाइं पक्खरिज्जंति ॥९॥ पुव्वि कयसम्मणा तह तज्जिज्जंति सुहडसंघाया ।
संसिज्जंति पुणो जे निव्वडिया समरसंघे ॥१०॥ सणणद्धवद्धकयया रणरसिया उल्लसंतमुहसोहा । तिव्खाइं

१ उवलणसरिका —आम्मि विशेषकी मालाये दीवाउडियो इंत भाषायाम् ।

आउहाइं खिपं गिण्हंति निययकरे ॥११॥ तह पंजरेसु के वि खंभगण्ठिसु आरुंति भडा । ददुं नहे
तवकरवहणे तह हुंति सुत्थमणा ॥१२॥ निज्जामएण भणिया सव्वे सव्वायेरेण भिच्चगणा । नियनियवह-
णेसु दहं नियनियकिच्चेसु लग्गंति ॥१३॥

तहा हि—मुचंति के वि हरिणीओ के वि सारंति हरिणिण्ठीओ । के वि गैब्भला आवलगाइं
वाहंति अणवरयं ॥१४॥ वत्तवइवयणेणं पवहणाच्छड्डुवल्लोयत्थं. तु । खारवेया पुणो पुण बुडुंति जले तर-
णनिउणा ॥१५॥ सुवकाणगाइं चालंति के वि सुंकाणकिरियनामाणो । अण्णे पुण कम्मयरा कुणंति गामत्तम-
पमत्ता ॥१६॥ इय दाहिणपवणाउरियाइं जणनिवहजणियसुक्खाइं । निज्जियवाणगइपवहणाइं गच्छंति निव्विग्घं
॥१७॥ गुरुलहरिमच्छकच्छवभुयगजीवाइंसकुलं रुहं । ददरूण समुदं भणइ निवसुया सीलवइ ! अम्मो !
॥१८॥ संसारु व्व समुदो दुचारो दुस्सहो दुरालोओ । दुरहिगमो दुक्खनिही विउयह धीराण खलु सुतरो
॥१९॥ अह पिसुणो व्व सकल्लसो दुप्पडियारो जडत्तकयसंगो । रुहो अलद्धमज्झो अणोवयारी य विसनिलओ
॥२०॥ एयारिसं समुदं रुदं जा सा सुदंसणा नियइ । ता तम्मि विमलसेले वेडोदंडो लहुं पत्तो ॥२१॥
खलिउण इत्थ ते पवहणाइं निज्जामएण आइट्ठा । इंधणजलस्स तुरियं चडिया कम्मोरया सेले ॥२२॥
भणियं रायसुयाए अम्मो ! सीलवइ ! उयहिमज्झम्मि । वणसंछणो दीसइ को एसो पव्वओ रम्मो ? ॥२३॥
सीलवइए भणियं वच्छे ! विज्जहरेण हरिउण । सुक्काडहं जत्थ पुरा सो विमलगिरी इमो पयडो ॥२४॥
तं निमुणिउण भणियं तीए जइ एवमं व ! अविलंबं । ता दट्ठव्वो एसो सो य पएसो विसेसेण ॥२५॥ तो

१ कर्णधार । २ जहाजके धारोका कत्ता काष्ठ, गुजरातीमें 'सुकान' । ३ वित्त । ४ प्रवहणसैन्यम् । ५ कर्मकारका ।

सीलवइसमेया कमलाए खधदेसमणुल्लागा । चडिउं तं निमलगिरि सुदंसणा नियइ चउपासं ॥२६॥
 सो य केरिसो ?— निज्जरत्तरंतसल्लिप्पवाहंकारतसियगंधव्वो । गंधव्वविस्सरमहुरसरहरियसुरजुवइमणा-
 भावो ॥२७॥ मणभावुल्लसियपणच्चमाणसुरजुवइरम्मसुएसो । सुएएससीणमहोरंगणागेयरमणीओ ॥२८॥
 इय विज्जाहरसुरासिद्धजखगंधव्वकयनिवासिम्मि । सा कमलाइ समेया रायसुया भमइ जा तत्थ ॥२९॥ ता
 एगम्मि एसे फुरंततवतेयतुलियतरणिकरो । सोमत्तसुकंतीहिं अहरीकयसरयनिसिनाहो ॥३०॥ रूवविणिज्जि-
 यमयणो धम्मज्जाणट्ठिओ मुणी एणो । सहसत्ति तीइ दिट्ठो उवविट्ठो वरसिलावट्ठे ॥३१॥ दट्ठूण तं मुणिदं
 सा तुट्ठा कमलिणिव्व दिणनाहं । चितइ एस महप्पा कोइ इमं तवइ तिव्वतवं ॥३२॥ नासणानिसियनयणो
 उवसणपरिसहेहिं अक्खोहो । देहे वि निम्मसत्तो अहरीकयसोहमाहप्पो ॥३३॥ धण्णाऽहं जीइ मए इह सेले
 सेलरायथिरचित्तो । सुरअसुरपूयणिज्जो महासुणी जं इमो दिट्ठो ॥३४॥ इय चित्तिय विहिंसारं सा तं पण-
 मित्तु ठाइ जा पुरओ । संवरियज्जाणसुणिणा ता दिण्णो धम्मलाभो से ॥३५॥ भणियं मुणिणा भदे ! सुदं-
 सणे ! मुणियपुव्वनियजम्मा । भस्यच्छे मुणिवंदणकए तुमं संपयं चलिया ॥३६॥ रायसुयाए भणियं भयवं !
 एवं ति विम्व्हयमणाए । सयलजयजीवभावं पि नाणिणो अहव जाणंति ॥३७॥ संसेह मह पसायं काउं वय-
 गहणकारणं निययं । स्थणायस्स मज्जे समागओ कह व तं इत्थ ? ॥३८॥

अवि य—इय एरिसनवजुवणसिरीए सवंगदिप्पमाणो वि । निम्मलतवरयणफुरंतलच्छवच्छंकिओ कीस ?
 ॥३९॥ लायणाऽमयसोहगारूवनिज्जिणियमयणरूवो वि । कंदप्पगइंदकुससरिसं कह वहसि चारित्तं ? ॥४०॥

तवसिंहिपज्जालियपावपुंजवरनाणलद्धमाहप्पो । अह भणइ मुणी भदे ! जइ एवं तो निसामेह ॥४१॥ सव्वो वि
विसयविसहरकरालदाहगडसियवच्चलयलो । विसयविसघारियंगो निवडइ विसमाऽऽवइकोडिल्ले ॥४२॥ तह
पावेइ सुदुक्खं हवंति गुरुवेयणाउ दुक्खेणं । गुरुवेयणाविसण्णो वेरगं वच्चए जीवो ॥४३॥ वेरगाउ सुवोहो
हवइ विवेओ सुवोहमइज्जणओ । सुविवेयभावियमई जीवो जिणधम्ममणुसरइ ॥४४॥ सो पुण धम्मो दुविहो
जइधम्मो दसविहो समाइट्ठो । वारसविहो य भणिओ सावयधम्मो जिणिदेहि ॥४५॥ घरवाससंठियाणं भोगा-
सत्ताण कत्थ परलोओ ? । इय भाविज्जण सम्मं गिण्हंति तवं महासत्ता ॥४६॥ एवं संखेवेणं विसयविवारो
मए समक्खाओ । विसयासत्ता सत्ता दुक्खं पावति जह सुणसु ॥४७॥

तंजहा—अत्थित्थ भरह्वासे कुणालनयरी जयम्मि सुपसिद्धा । जीए जिणचलणकमलंक्रिया धरा सरइ
सक्को वि ॥४८॥ तत्थ नरिदो दुव्वारवइरिवारणणिवारणमइंदो । सुयणजणकुमुयचंदो आहवमल्लो जए पयडो
॥४९॥ तस्स पिया कमलसिरी चंदुज्जलिविमलसीलयसोहा । इक्कुच्चिय तीइ मुओ विजयकुमारो समुप्पण्णो
॥५०॥ बालत्तणे वि रूवत्तणाओ विज्जाहरेण हरिज्जण । पुत्तत्थिएण नीओ सुरम्मनयरीइ वेयइडे ॥५१॥
तेणाऽमियतेएण रण्णा रयणावलीइ देवीए । दिण्णो पुत्तत्तं पडिवण्णो तीइ हिट्ठाए ॥५२॥ संवइहओ सुहेणं
समए य समप्पिओ गुरुस्स इमो । पिउणा तेण वि विहिओ समत्तसुत्तत्थगहियत्थो ॥५३॥ सुकलाकलाव-
कलियं कीलंतं नियइ जह जह कुमारं । रयणावलीइ तह तह मणम्मि मयणो वियंभेइ ॥५४॥ दइहं
विजयकुमारं उदग्गसोहग्गसंगयमुदारं । लायणामयपुणं पडिवण्णसुपुणतारुणं ॥५५॥ अकुलीणयाइ

१ कडिल-अउवी । २ जणिओ इत्यपि । ३ अकुसलयाए इत्यपि ।

सीलस्स अनिम्मलयाइ चरणरयणस्स । अपउणयाए नियपइविणयस्स सिणेहसारस्स ॥५६॥ दुग्गइपहगमि-
रीए । सुग्गइपुरीपंथगमणपंगूए । अविवेयभूमियाए अच्चासत्तीए कामस्स ॥५७॥ रयणावलीइ देवीइ
रहसि सहसा सरागहियाए । लज्जमज्जायवज्जियाइ भणियं इमं कुमारस्स ॥५८॥ भो सुवियक्खण !
सुपुरिस ! न जंघिउं जइवि किं पि जाणामि । सब्भावसारहियाइ तहवि मे सुणसु हियवयणं ॥५९॥

तहाहि—अप्पहियमारंता जणावायाओ नेव वीहंति । गिण्हंति असारओ सारं च वियक्खणा
पुरिसा ॥६०॥ अब्भत्थिया य हूरा दक्खिणमहोयही महाभागा । परकज्जकरणनिरया सहावओ होंति
सपपुरिसा ॥६१॥ ता इत्थ सुरम्माए नयरीए भुवणतिलयभूयाए । दुल्लहरायसिरीसुहसंपत्तिकरं सुणसु
वयणं ॥६२॥ मणुयत्तणस्स सारं जं देहं रोगवज्जियं रम्मं । वित्तस्स पुणो सारं भोगुवभोगो तहा दाणं
॥६३॥ नवजोव्वणस्स सारं पियसंगो ता सुणेहि परमत्थं । न हु होसि महं पुत्तो पुरिसुत्तम ! सुहय !
निब्भंतं ॥६४॥ कि तु कुणालपुरीए कमलसिरीए य अग्गमहिसीए । आहवमल्लस्स सुओ इहाऽऽणिओ
मह पिण्ण तुमं ॥६५॥ सीहग्गारूवजोव्वणमेयं मह संगमेण तं सुहय ! । सहलीकरेह दौहामि जेण तुह
सव्वविज्जाओ ॥६६॥ विज्जाहरचक्कवई होउं नयरीइ इह सुरम्माए । उवयुंजसु रज्जसिरि मए समं विसय-
सुक्खं च ॥६७॥ इय सोउं तव्वयणं विजयकुमारो विणिज्जियकुमारो । लज्जानलसंततो चित्तिउमेवं
समाढतो ॥६८॥ इत्थिकालं पुत्तत्तणेण जमहं इमीइ पालेउं । ववसियकज्जमेयं धिरत्थु इत्थीसहावस्स ! ?
॥६९॥ संपइ पुण गिण्हस्सं इमीइ पासाओ सयलविज्जाओ । इय चित्तिज्जण कुमरेणजंपियं देहि मह

विज्जा ॥७०॥ दिण्णा उ तीइ ताओ विजयकुमारेण तो इमं भणियं । इच्चिरमंवे । जणणि त्ति मणिया ता नमो तुज्ज ॥७१॥ अणं च तुह पसाएण जं मए जाणियाउ विज्जाओ । ता अब्जदिण्डाउ तुमं विसेसओ मह गुरुट्ठाणं ॥७२॥ ता एयं दुच्चरियं अम्मो ! दुव्ववसियं असम्भावं । जाव न जाणइ ताओ ता विरमसु एययावाओ ॥७३॥ नाज्जण निच्छयं तस्स तीइ रोसेण जंपियं सहसा । कामासत्तो जइवि हु मा पत्थह मह तुमं पुत्तो ॥७४॥ अहवा न तुज्ज दोसो रक्खइ सीलं कुलं चिय नराणं । अकुलीणो को वि तुमं सच्चमजाया कहं पुत्ता ? ॥७५॥ तव्वयणजणियगुरुकोउएण कुमारेण चितियं महिला । कामासत्ता कवडेण नत्थि तं खलु न जं कुणइ ॥७६॥ हारेइ धणं मारेइ नियपियं अहिलसेइ पुत्तं पि । भक्खेइ अब्भक्खं पि हु मेइलियचित्ता सया महिला ॥७७॥

अवि य—असुइत्तं अलियत्तं णित्तिसेत्तं च वंचगत्तं च । अइकामाऽऽसत्तित्तं एयाणं महिलिया टाणं ॥७८॥ मरणं विएसगमणं दारिदं बंधणं च दोहणं । चिरसंसारनिवासो हवइ महिलण संगेणं ॥७९॥ ता जइ तायस्स इमं संसिज्जैइ तो न सइहइ ताओ लीलावयणेण वि महिलियाण सब्बो वि पत्तिहिइ ॥८०॥ चिट्ठामि जइ विरोहो अहवा वच्चामि सच्चयं एयं । इय वण्णघटुत्तडीवसणनिवडिओ कि करेमि हहामि !!! ॥८१॥ तह वि हु ताएण समं नूणं धम्मत्थमुक्खविघयरो । दोसनिलओ विरोहो परिहरियव्वो पयत्तेण ॥८२॥

अणं च—कोहाऽऽविट्ठो मारइ लोहाऽऽसत्तो य हरइ सब्वस्सं । माणिट्ठो सोयकरो मायावी डसइ

१ मइल्लिय० मल्लिन्ति । २ निक्खिक्खम्म । ३ ससेमि इत्यपि । ४ वग्घटुत्तडी० व्याघ्रटुत्तटी ।

सप्यो व्व ॥८३॥ एसा कामाऽऽसत्ता मायाबहुला य कूडकवडनिही । चत्तनयलज्जकरुणा सव्वपयत्तेण मुत्तव्वा ॥८४॥ इय चिंतिऊण एयं विज्जाविण्णाणलद्धमाहप्पो । गहिऊण खगरयणं उप्पइओ गयणमग्गेण ॥८५॥ पिच्छंतो पुरपट्टणगामाऽऽगरनगरगिरिवरिविसेसे । पत्तो कुणालणयरिं विजयकुमारो खणद्धेणं ॥८६॥ दट्टूण निययजणणि कमलसिरिं सोयणल्लुक्यहत्थं । अत्ताणं पयडंतो अवयरिओ तीइ पयमूले ॥८७॥ कयसु-पणामो नियजणणिजणयपमुहाण सयल्लोयाणं । नाऊण निययतणयं सा देवी बुंवाए सीसे ॥८८॥ हरिसिय-हियओ जणओ कुमरं मूलाओ पुच्छिओ सुद्धिं । जा सो साहइ सव्वं ता दूओ आगओ तत्थ ॥८९॥ आह-वमल्लो दूएण भणिओ लहु अवज्जनयरीए । जयम्मनिवेण तुमं ओल्लणकए समाहूओ ॥९०॥ सोऊण दयवयणं विजयकुमारेण पभणियं रेरे ॥१॥ अम्हाण वि किं सामी अत्थि परो भरहवासम्मि ? ॥९१॥ भणिओ निवेण कुमरो वच्छ ! सया अम्ह सो प्हू राया । साहम्मिओ सुमित्तो सुपसाओ तह विसेसेण ॥९२॥ ता गंतव्वं खु मए जयवम्मनराहिवस्स पयमूले । चिरदंसणसुहज्जणओ चिट्ठ तुमं निययजणणीए ॥९३॥ सुणिऊण रायवयणं विजयकुमारेण सविणयं भणियं । जइ एवं ताऽहं तत्थ ताय ! गमणं करिस्सामि ॥९४॥ आणत्तो सो पिउणा हयगयरहभडसमूहपरियरिओ । थोवदिणेहि पत्तो अवज्जनयरीइ सो कुमरो ॥९५॥ आवासियम्मि कडए सहिओ भिच्चेहिं अवसरे पत्तो । रायस्स कयपणामो कयसम्मणो य उवविट्ठो ॥९६॥

अवि य—विण्णाणकलालयणणरुवनयवायविक्रमगुणेहि । वित्थरिओ विमलजसो विजयकुमारस्स नयरीए ॥९७॥ इत्थंतरम्मि जयवम्मरायधूया सैहाइ सीलवई । बहुपरिवारसमेया समागया तायनमणत्थं ॥९८॥

कुमरं विलीयमाणी विजयं सहियाहि सा हसिज्जंती । लज्जंती नियपिउणो पुणो गया निययभवाणम्मि ॥९९॥
ददूढूणा तस्स ख्वं सीलवई रायणा कुमारस्स । सहसत्ति तेण दिण्णा पारद्धो तह य वीवाहो ॥१००॥ इत्थं-
तरम्मि भदे ! वसंतसुहमज्जणुज्जैओ राया । सपरियणो संपत्तो पुक्ककरंडम्मि उज्जाणे ॥१०१॥ तत्थुज्जाणे
रण्णो मज्जणकीलापसत्तचित्तस्स । विज्जाहरेण हरिया सीलवई कुमारख्वेण ॥१०२॥ अलियं अमुणंतीए खयरं
पइ जंपियं इम तीए । मा कुणसु सुयणु ! हासं लज्जामि अहं लहुं पुंच ॥१०३॥ सुणिउण तीइ वयणं
अपिच्छमाणाहि तत्थ सीलवई । बीयं कुमारख्वं निएवि संभेतचित्ताहि ॥१०४॥ सह परियणेण सहियाजणेण
सभएण झत्ति पुक्करियं । उप्पिच्छ देव ! गयणे निज्जइ केणावि सीलवई ॥१०५॥ सहसत्ति इमं सोढं राया
खणं करेण गहिउण । मज्जणखैयं चइत्ता ईओतओ धावए कुद्धो ॥१०६॥ सव्वे वि भडां चइउण
मज्जणं आउहाइं गहिउण । पहणंता महिवीढं समुट्ठिया जुब्बसज्जमणा ॥१०७॥ इय वज्जपडणसरिसे
भदे ! सहसा तहिं दुहे पडिए । उच्छलिओ अइकरणो हाहाऽऽरवगब्भियो रोलो ॥१०८॥ एयारिसं असारं
संसारनिबंधणं च विसयसुहं । विलसाण निदणिज्जं सुदंसणे ! होइ चइअवं ॥१०९॥ अह सो स्रो वि
निवो कि कुणउ महीचरो नहयरेण ? । अहवा गुरुया वि ल्हंति परिभवं नूण धूयाहिं ॥११०॥

अवि य—नियघरसोसा परगेहमंडणी कुल्लेहर कलंकाणं । धूया जेहि न जाया जयम्मि ते सुत्थिया
पुरिसा ॥१११॥ चितेइ मज्ज संपइ जलक्रीलाभिर्मिलस्स अवंसस्स । सत्थत्थनयपरस्स वि संजाओ परिभवो
एसो ॥११२॥

१ निहुय इत्यपि । २ उच्छुओ इत्यपि । ३ राय० कुण्ड । ४ इतस्ततः । ५ कुल्युहम्-पितृशुहम्-पिताका घर । ६ भिमल०
व्याकुल । ७ अवशास्य-पराधीवस्य ।

अवि य—धाउव्वायरसायणजंतवसीकरणखणवाएहि । कीलावसणेण तहा गरुया वि पंडति गुरुवसणे
॥११३॥ अहव कुलदेविवरणं जं न कयं धम्मसंगयं तेण । एसो दुक्खनिहाओ मज्झोवरि निवडिओ सहसा
॥११४॥ इय सोइऊण सुइरं भणियं तं कुमरवियडमुयदंडं । वच्च लहु मा विलंवह नहगमणं जं तुह सहीणं
॥११५॥ जोडियकरो कुमारो जंपइ पहु ! पंचदिवसमज्झम्मि । जह तुह धूर्यं नाऽऽणेमि तो धुवं लेमि पव्वज्जं
॥११६॥ भणिऊण इमं कुमरो असिहत्यो नहयलं समुपइओ । विज्जाहरपिटीए जा वच्चइ कयपयन्तो सो
॥११७॥ ता इत्थ विमलसेले निएवि विज्जाहरो कुमारेण । रुट्टेण हक्किओ सो निद्रूरवयणेहि दठुट्टो
॥११८॥ रे ठाहि ठाहि तियहर ! सरणं कत्थेत्थ वच्चसि दुरप्प ! ? । मज्झ वलं न वियाणसि अवहरसि नरि-
दपियधूर्यं ? ॥११९॥ विज्जाहरो वि तव्वयणजणियगुरुमच्छरो सचक्केण । पहेरेइ जाव कुमरस्स तिक्को-
वाऽनलपलित्तो ॥१२०॥ ता वंचेवि कुमारो चक्कं तडितरलतिकखखणेण । पाडइ तस्स सिराओ मउडं
विज्जाबलसमिद्धो ॥१२१॥ नाऊण कुमारवलं नरिदधूर्यं चएवि तत्थेव । विज्जाहरो सरोसो पत्तो
किक्किंविगिरिसिहरे ॥१२२॥ कुमरो वि अमरिसेण पधाविओ तयणु तस्स पिट्टीए । मिलिओ य तक्खणेणं
तम्मि नगे गरुववेगेणं ॥१२३॥ ते जुज्झंता गाढं तत्थ ठिया दोवि पंचदियहाइं । तो कुमरेणं कह कहवि
निज्जिओ खेयरो नट्टो ॥१२४॥ कुमरो वि तस्स पिट्टीइ धाविओ जा खणंतरं इक्कं । ता पिच्छइ
वेयइहे सुरम्मनयरीइ तं भवणं ॥१२५॥ एसो सो मह ताओ एयं भवणं इमा य सा जणणी । चितइ
हा ! दुदुक्कयं ताए जं पहरियं तिव्वं ? ॥१२६॥ एएण अहं वालत्तणाउ वच्छल्लयाइ बहुमाणं । पुत्तुव्व

१ निहाय० निघात-भाघात इत्यर्थ ।

पालिओ लालिओ य सुकलाउ सिक्खविओ ॥१२७॥ ता सव्वहा वि एसो ताओ पुज्जो गुरुव्व मज्झ
साया । जं एस रणे विजिओ कलंकिओ तं मए अण्णा ॥१२८॥ एवं जाव कुमारो चितइ गुरुसोयसायर-
निसणो । ता विज्जाहरपहुणा भणिओ सोयं परिच्चयह ॥१२९॥ पढुकज्जे पहरिज्जइ जणयसस वि एस
खचियाऽऽथारो । किंच न नायं तुमए जह एसो मज्झ सो ताओ ॥१३०॥ अण्णं च तुह पसायणकए मए
आगएण तुह पिट्ठिं । तत्थेसा सीलवई दिट्ठा रइंभसमरूवा ॥१३१॥ ता तीए अणुरत्तेण तुज्झ रूवेण
सा मए हरिया । तहवि तएऽहं विजिओ पुहईए इक्कवीरेण ॥१३२॥ अण्णं च तुज्झ सीलं कहियं सव्वं
पि मह परियणेणं । जह एसा तुह जणणी कुविया तुज्झोवरि सकामा ॥१३३॥ तो खल्ल इट्ठवियोगो
अणिट्ठंसंगिआवईओ य । अत्थब्भंसो सरणं पि होइ महिलाकुसंगेण ॥१३४॥

अवि य—(जाइकुलविणयसुयसीलचरणसम्मत्तचित्तदेहाइं । महिलाआसत्तमणो हारेइ नरो खणद्धेणं
॥१३५॥ भरिया वि सिणेहेणं सकज्जलज्जासिणेहखयकारी । दीवसिहव्व सकल्ला मल्लिकरी चयह खल्ल
महिला ॥१३६॥ जलसंगया दुरंता दोपक्खखयंकारी दुरायारा । सरियव्व विसमपहनीयागामिणी महिलिया
चयह ॥१३७॥ पयपूरिया वि सविसा चरणविहीणा वि गूहपयचारा । कुडिलगई दुस्सीला दुजीहसप्पिव्व
चय महिला) ॥१३८॥ इय साहिउं सरूवं इत्थीणं अभियतेयनरइणा । विजयकुमारो भणिओ संसारविरत्त-
चित्तेण ॥१३९॥ अज्जदिणाउ इमीए भज्जाए इमस्स तह य रज्जस्स । नियमो मह जाजीवं समप्पियं तुज्झ
कुण रज्जं ॥१४०॥ तं निसुणिज्जण कुमारो जंपइ इय एरिसम्मि संसारे । मज्झ वि एयं जुत्तं एयं खु
निदरिसणं ताय ! ॥१४१॥ को इत्थ जाणमाणो निदयवहुकुडकवडभरियाणं । दुट्ठाणं महिलाणं अत्ताणं

खाइउं देइ ? ॥१४२॥ तो सो खयरनरिदो रज्जं चइऊण सुगुरुपयमूले । जइधम्मं पडिवणो कुमरो पुण
आगओ इत्थ ॥१४३॥ जाव य किल सीलवई जयवम्मनिवस्स सो सम्पेइ । पडिवज्जिस्सइ दिक्खं न
पिक्खए तं पि ता इत्थ ॥१४४॥ चित्तइ विसणचित्तो निरत्थयं मज्झ जीवियं विहलं । कज्जे इमीइ जम्हा
ताओ वि विडंविओ जुज्जे ॥१४५॥ एसा वि नेव पत्ता जयवम्मनिवो वि नेव तोसविओ । सुहडत्तणं च
नट्टं भट्टपइणस्स जणमज्जे ॥१४६॥ अणं च सुपुरिसाणं कित्ती तिविहा बुहेहि पणत्ता । विक्कमकचित्त-
चाएण ताण इक्कं पि न हु मज्झ ॥१४७॥ एवंविहम्मि कज्जे असमत्ताए सकज्जसिद्धीए । कत्तो विक्क-
मकित्ती ? असिद्धकज्जस्स हसणिज्जा ॥१४८॥ (सुकवित्तणेण कित्ती साहीणं छंदलक्खणं जइवि । सुसमत्त-
कव्वबंधेण तहवि नो किंचि जीवस्स ॥१४९॥ गुणदोसगुंफणेणं पराणुवत्तीइ संतऽसंतेणं । राणदोसकरेणं
जियस्स किं कव्वकरणेणं ? ॥१५०॥ चाएण य जा कित्ती सा कत्तो चंचलाइ लच्छीए ? । आजम्मं
ताऽवस्सं निरत्थयं जीवियं मज्झ ॥१५१॥ परिभाविऊण एयं जिणचलणाऽऽराहणेण जा कित्ती । सासयसु-
क्खनिहाणं कायव्वा सा मए इण्हि ॥१५२॥ सा पुण दुविहा जिणभरणविवकरणऽच्चणाइदोणेहिं । बीया
पंचमहव्वयदुवकरतवचरणकरणेणं ॥१५३॥ तत्थ पहमा असारा असासया परवसा य जीवस्स । बीया पुण
विवरीया सच्चिय विबुहेहि कायव्वा ॥१५४॥

जओ—चित्तमणिव्व दुलहं लहिं खणमंगुरं च मणुअत्तं । धम्मो चिय कायव्वो सासयसिवसुक्ख-
संजणओ ॥१५५॥ ता बारसविहतवचरणजलणजालावलीहिं कम्मवणं । दहिऊण जयपडाणा गहियव्वा तिहु-
यणम्मि मए ॥१५६॥ इय चित्तिऊण सम्मं विजयकुमारेण विजियमारेण । सुट्टियगुरुस्स पासे पडिवण्णा

तेण पव्वज्जा ॥१५७॥ कुणमाणो तिव्वतवं एगल्लविहारपडिमपडिवण्णो । उप्पणओहिनाणो इहाऽऽगओ
विहरमाणो सो ॥१५८॥ जो आहवमल्लसुओ जयवम्मनराहिवरस वरभिच्चो । जइधम्मं पडिवण्णो सोऽहं
वयकारणं एयं ॥१५९॥ इय सोउं कमलाए धाईइ सुदंसणाइ सीलवई । देवच्चणं कुणंती गंतुं वद्धाविया
सहसा ॥१६०॥ अम्मो ! सो तुज्ज वरो विजयकुमारो खु इत्थ निवसेइ । उणं तवं कुणंतो उप्पिच्छह किं
वियारेणं ? ॥१६१॥ भणियं सीलवईए अलं हले ! सोवहासवयणेहिं । वायाए वि हु पेमं एरिसट्टुक्खाइं
दरिसेइ ? ॥१६२॥ इय जंपंती एसा तीइ समं आगया तहिं दइठुं । विजयकुमारं तवलच्छिभूसियं नमइ भत्तीए
॥१६३॥ दाउण धममलाभं भणियं सुणिणा सुसाविए ! धणा । संजमकए तुमं मह सुपुव्वपुण्णेहि संघडिया
॥१६४॥ तो सीलवई जंपइ तुब्भे लहुकम्मणो पहु ! सयं पि । अम्हारिसा इहं पुण निमित्तमित्तं जइ भवामो
॥१६५॥ भणियं सुदंसणाए कायव्वं कहसु जं मए एवं । जेण कएणं न हवइ पुणो वि दुक्खं अइसुतिकखं
॥१६६॥ मणइ सुणिंदो भेइ ! जइ एवं ता करेहि जिणधम्मं । पाविज्जइ जेण अणंतमक्खयं सासयं सुक्खं
॥१६७॥ सो पुण चउहा धम्मो जिणेहि भणिओ तिलोयमहिएहिं । दाणं सीलं च तवो य भावणा तह
चउत्थी उ ॥१६८॥ तत्थ य दाणं त्तिविहं नाणपयाणं च अभयदाणं च । धम्मोवण्णहदाणं च नाणदाणं पुणो
एवं ॥१६९॥

जीवाऽजीवसरुवं सव्वपयस्थाण अहव परमत्थं । जाणंति जेण जीवा तं नाणं होइ दायव्वं ॥१७०॥
उवलद्धविमलनाणो जीवो परमत्थकारणं सुणइ । तह नाणीण सुणीण देवा वि कुणंति सुस्संसं ॥१७१॥ नाण-
सहिओ सुसाहू थोवदिणेहि पि खवइ जं कम्मं । तं कत्तो अण्णाणी बहुयाहि वि वासभोडीहिं ? ॥१७२॥

अण्णाणंधो जीवो दुक्करतवचरणकरणनिरओ वि । जयणं अयाणमाणो पुणो भमइ संसारे ॥१७३॥ सव्व-
सुहाण निहारणं जीवाणं सव्वदाणसुपहाणं । दितेण नाणदाणं वसीकयं सिवसुहं दुलहं ॥१७४॥ दित्तेण नाण-
दाणं भुवणे जिणसासणं समुद्धरियं । भुवणभभहिओ अप्पा कओ सुवित्थारिया कित्ती ॥१७५॥ तित्थंतरेसु
विजओ जाईसरणाइणा समुष्पणं । णाणं सया पहाणं जिणयम्मधुरंधरं भणियं ॥१७६॥ सण्णाणसुणियतत्ता
जीवा दौलक्कनिम्मलतवेण । खविज्जण कम्मरासिं खणेण वच्चंति निव्वाणं ॥१७७॥ ते थणा ताण नमो
तेसिं कित्ती सुनिम्मला भुवणे । तेसिं कयत्थो जम्मो जे णाणं दिति जिणभणियं ॥१७८॥ जाइकुलरूखव-
लकंतिवडिजओ निद्धणो वि नाणेण । सव्वत्थ सया पुरिसो हवेइ पूआरिहो लोए ॥१७९॥ अधणस्स कओ
दाणं ? कओ तवो होइ सत्तिरहियस्स ? । थोवं पि बहुफलमिणं ता देयं नाणदाणं तु ॥१८०॥ दंसणचरिच-
भट्ठो नाणेण पुणो इमं समुद्धरइ । नाणेण विणा जीवो ताणि पुणो लहइ न कया वि ॥१८१॥ ता दायव्वं
णाणं अणुसरियव्वा सुनाणिणो सुणिणो । नाणस्स सया भत्ती कायव्वा धम्मकामेहिं ॥१८२॥ किं जंपिएण
बहुणा ? नाणपयाणेण केवल्लोयं । लहिय्जण पावइ सिवं अण्णदत्तो इहं नायं ॥१८३॥

तहाहि—इह अत्थि मगहदेसे रायगिहं पुरवरं सिरिइ गिहं । तत्थ निवो जयचंदो देवी कमलावई तस्स
॥१८४॥ ताणं च दुण्णि पुत्ता परुष्परं ते उ ईसिसच्छरिणो । पढमो य विजयचंदो वीओ पुण चंदसेणु
चित्ति ॥१८५॥ अह अण्णया कयाई जयचंदनरेसरस्स सामंतो । सीमालो पवलवलो विउच्छिओ से बलो नाम
॥१८६॥ वारित्तु निवं गंतुं तत्थ सयं विजयचंदवरकुमरो । जुद्धम्मि संपल्लगे पराजिओ से वलेण इमो
॥१८७॥ तो चंदसेणकुमरो विसेसकयमच्छरो सनिव्वंधं । पुच्छित्तु निवं पत्तो अइसंभेण तस्सुवरि ॥१८८॥

जुञ्जिता सव्ववलेण तेण सो कववि से यलो गह्घिओ । वंधिता आणेउं समप्पिओ तायपायाणं ॥१८९॥
 तो जयचंदनिवेणं सन्नकारिता विसज्जिओ एसो । जुवगयपए ठविओ अ चंदसेणो पहिट्ठेणं ॥१९०॥ तो
 विजयचंदकुमरो परिभूओ निग्गओ गिहाउ भुवं । भमडंतो निरंतो क्कित्तिगगऱयरियपासम्मि ॥१९१॥
 कमसो समत्तमुत्तथपारगो नियपयम्मि म्मरीहिं । ठविउं तहाऱुणसिद्धो दाणे नाणस्स सो एवं ॥१९२॥
 सगयं नाणं नयणं इक्कं वीयं तु गुरुगयं भविणो । जो पुण तदुभयहीणो भवाऱवडे पडड णि चुज्जं ?
 ॥१९३॥ ता सव्ववलेण तए तदुभयभूएण सव्वजीवाणं । अपपत्ताएणं जडयव्वं नाणदाणम्मि ॥१९४॥
 ता गुणगुरुणो गुरुणो अणमणविहिणा मया गया सगं । सो नवसूरी मम्मं ऋवि दिणे साएग् गन्डं
 ॥१९५॥ अण्णदिणे पडिभग्गो सो मुत्तत्थपयाणविसयम्मि । पुच्चिज्जंतो वि अणेगसो वि न पयं पि
 साहेड ॥१९६॥ अणुसिद्धो धरेहि अणेगवंदुत्तागइं तो कुणड । भणड य मासतुसाई नाणेण विणा न किं
 सिद्धा ? ॥१९७॥ एवं नाणाऱऱ्यारं विराहिज्जण ऋमेण काळगओ । सो विजयचंदसूरी सोहम्मे मुरारो
 जाओ ॥१९८॥ तो चविय पडमसंडे नयरम्मि धणंजयस्स सिद्धिस्स । भज्जाड सिवाड मुओ अणंरादत्तो
 त्ति सो जाओ ॥१९९॥ समयम्मि क्कलाऱयरियस्स अप्पिओ सो महाविभूए । पिउणा सो वि तयं पुण
 सिक्खवइ सयं पयत्तेण ॥२००॥ सव्वायरेण तह सयल्लत्तिदिवसं पि पहणनिरयस्स । नाऱऱगच्छड किञ्छेण
 वि इक्कं पि हु अन्नपरं तस्स ॥२०१॥ परिसंतो ओज्जाओ एवं अण्णो वि जाय पंचमया । तो सिद्धी तस्स
 मुओ वि सोयभरनिवभरा जाया ॥२०२॥ अण्णदिणे तम्मि पुरे अडसयनाणी ऋमेण विहरंतो । नाणदियाय-
 रसूरी वहुपरिवारो समोसरिओ ॥२०३॥ तण्णमणत्थं सिद्धी धणंजओ पुत्तंसजुओ पत्तो । नम्मिउं गुरुं निसण्णो

पत्यावे पुच्छए एवं ॥२०४॥ भयवं ! मह पुत्तेणं इमेण किं दुक्कयं कयं पुब्बि ? । नाऽऽगच्छइ जेणिकं
 पि अक्खरं कहवि एयस्स ॥२०५॥ तो गुरुणा वागरिओ पुव्वभवो तस्स सिट्ठिपुत्तस्स । जह तेणाऽऽयरि-
 यए नाणं च विराहियं सुइरं ॥२०६॥ तक्कम्मविवागेणं नाणं एयस्स भइ ! न वि एइ । इय सोउ ऽणं-
 गदत्तो जाईसरणं सञ्चुप्पणो ॥२०७॥ भयसंभंतो सो पुण पणमित्ता विण्णवेइ गुरुमेवं । भयवं ! कहसु
 उवायं जेण तयं खिज्जए पावं ॥२०८॥ भणइ गुरु वच्छ ! तए सब्बपयत्तेण नाणवंताणं । वंदणनंसं-
 णाईवेयावच्चं विहेयव्वं ॥२०९॥ तह दाणं दायवं जहारिहं फलयपुत्थयाईणं । नाणस्स पूयणं लेहणं
 च सत्तीइ कायव्वं ॥२१०॥ इय सोउं गिहिधम्मं गहिओ सो पिउजुओ नभिय सूरि । संपत्तो नियगेहे
 विहरइ अणत्थ सूरि वि ॥२११॥ गुरुउवइइं सव्वं सम्मं परियाळिउं कयाइ इमो । पव्वज्ज पडिवणो
 सिरिणुत्ताऽऽयरियपयमूले ॥२१२॥ तिब्बतवचरणरओ विसेसओ णाणवंतभत्तिपरो । नाणवहुभाणसारो नाण-
 ऽब्भासे कयपयत्तो ॥२१३॥ नाणावरणे कम्मे क्रमेण पत्ते खओवसमभावे । सुवहुं पि सुहेण सुयं पढइ
 तथा सुणइ तस्सऽत्थं ॥२१४॥ कम्मसो पयाणुसारीत्तणेण सुयजलहिएरणो जाओ । सो ऽणंगदत्तसाहू सूरि-
 पए ठाविओ गुरुणा ॥२१५॥ पंचपमायविमुक्को पंचविहाऽऽयारपालणपहाणो । पंचविहे सज्जाए पवत्ततो
 भवियलयं ॥२१६॥ कइया वि खवगसेहिं आरुढो सुक्कज्जाणजलणेण । खवियघणथाइकम्मो उप्पाडइ
 केवलं नाणं ॥२१७॥ विहरित्तु वहुं कालं सचरियकहणेण नाणसुवइसिउं । कम्मकलंकविमुक्को सो पत्तो सासयं
 ठाणं ॥२१८॥ जंपइ विजयकुमारो सुदंसणे ! नाणदाणपरमत्थो । एवं दिट्ठंत जुओ समासओ तुह मए
 कहिओ ॥२१९॥

दुइयं तु अभयदाणं तं पुण अभएण सब्वजीवाणं । अभओ य दयामूलं दयाइ धम्मो पसिद्धमिणं ॥२२०॥ सब्वजियाणं जीयं इट्ठं जह होइ दुक्खियाणं पि । न तथा भज्जा न सुया न वंधवा नेव लच्छीओ ॥२२१॥ बलरूवजुव्वणेण य हवंति जे त्तिहुयणे वि अब्भहिया । जुवइमणजणियहरिसा ते सब्वे अभयदाणेणं ॥२२२॥ रज्जे पि चयइ जीवो जीवियेहेउं न तं तु रज्जहा । महइ जियं भयभीओ अमिज्झकीडो वि न हु मरणं ॥२२३॥

यतः--अमेध्यमध्ये कीटस्य सुरेन्द्रस्य सुरालये । समाना जीविताऽऽक्रांक्षा तुल्यं मृत्युभयं द्वयोः ॥२२४॥
एवं च--सधणाण निद्धणाणं दुत्थियसुहियाण बालबुद्धाणं । सब्वाण पिया पाणा ता पाणा सब्वाहा रक्खा ॥२२५॥ जे अंधकाणमूया हीणंगा पंगुला विणट्टनहा । करचरणसडियनासा ते सब्वे जीवहिसाए ॥२२६॥ करचरणनासकणुट्टसीसपुच्छाउच्छेयणं जं च । नयणुद्धारो उल्लंघणं च हिसाफलं सब्वं ॥२२७॥ नरतिरियनरयवासे वहवंधुक्कचणाइ वि सहंता । हिडंति आरडंता जीवा जीवाण दुक्खकरा ॥२२८॥ मारंति निरवराहे जीवे खायंति जे नरा मंसं । ते निरयतिरियदुक्खं अणंतकालं पि विसहंति ॥२२९॥ नाऊण इमं भयभीरुयाण जीवाण सरणरहियाणं । दायव्वमभयदाणं जीवेहि सया सुहत्थीहिं ॥२३०॥

अवि य--विज्जाइ-नाणदाणं साहीणं तह धणेण धणदाणं । रोराण वि साहीणं एवं खल्लु अभय-
दाणं ति ॥२३१॥ परिययस्स दाउं भयसंतत्तस्स अभयदाणमिणं । जाओ मेहरहनिवो चक्की तह धम्मचक्की
वि ॥२३२॥

१ काङ्क्षति । २ उल्लम्बनम्-उद्धन्धनम् प्राप्ती ल्याकर लटकनो ।

तहाहि—इह दीवे पुव्वविदेहमंडले पुक्खलावईविजए । सीयानईइ तीरे नयरी पुंडरगिणी अन्थि
 ॥२३३॥ ओहिजुओ संतिजिओ दसमभवे पियमईइ अंगरुहो । घणरहत्तिथयरसुओ मेहरहो नाम तत्थ
 निवो ॥२३४॥ तस्स पिया पियमित्ता ताण सुओ मेहसेणनामु त्ति । राया कयाइ पत्तो उज्जाणे देवर-
 मणम्मि ॥२३५॥ पारद्धे पिच्छणए तप्पुरओ तण्णिउत्तलोएहि । इत्थंतरम्मि भूया करंति अइविम्हयकरं
 तं ॥२३६॥ जा ते नच्चंति तहिं पवरविमाणं नहेण ता पत्तं । तत्थेणं वरपुरिसं वरजुव्वइसंजुयं दददुं
 ॥२३७॥ पियमित्ता भणइ निवं देव ! इमा का मणोहरा नारी ? । को व इसो वरपुरिसो ? केण व
 कज्जेण इह पत्तो ? ॥२३८॥ अह जंपइ मेहरहो इह दीवे भारहम्मि खेत्तम्मि । मलया नामेण पुरी
 उत्तरसेह्ठीइ वेयवूहे ॥२३९॥ विज्जुरहो तत्थ निवो माणसवेगा पिया य से ताणं । सीहरहो नाम सुओ
 वेगवई तस्स वरभज्जा ॥२४०॥ कइया वि भवविरत्तो पुत्तं रज्जे ठवित्तु सीहरहं । गुरुपासे निक्खमिदं
 विज्जुरहो सिवपयं पत्तो ॥२४१॥ विज्जाहरचावई कयाइ चितइ निसाइ सीहरहो । जम्मो मह अकयत्थो
 जह रणे मालइकुसुमं ॥२४२॥ जं न जिणो दिट्ठो मे कयाइ न य पूइओ विहरमाणो । तह तम्महकमलभवा
 अमियसमा देसणा न सुया ॥२४३॥ तो गंतुं सकलत्तो धायइसंडम्मि वरविमाणगओ । अवरविदेहे विजए
 सुवणुनामम्मि खगपुरे ॥२४४॥ नामेण अभियवाहाणजिणं तहि पणमिदं सुहनिसणो । धम्मं सोउं तुट्ठो
 वंदिय सामि पडिनियत्तो ॥२४५॥ जा एइ इत्थ उवरिं ता खलियं तस्स तं वरविमाणं । तो तेण नियंतेण
 हिट्ठा सहसत्ति दिट्ठो ऽहं ॥२४६॥ तो सो सव्ववलेणं कुट्ठो उप्पाडिदं ममं लग्गो । ता अक्कंतो वामो
 वामकरेणं मए मणैयं ॥२४७॥ तो विरसमारसंतं सीहवकंतं गयं व तं ददुं । सरणं मं पडिवण्णा तब्भज्जा

सपरिवारा वि ॥२४८॥ करुणाइ मए सुक्को सो तुट्ठो काउं विविहरूवाणि । भूयाणं सकलत्तो पिए ! इमो
 कुणइ पिच्छणयं ॥२४९॥ इय सोउंविम्हइया पियमिच्चा पुणवि पुच्छए रायं । किमणेण कयं सुकयं पुब्बि
 जेणेस्सि रिद्धी ? ॥२५०॥ अह पमणइ मेहरहो भरहे पुक्खरवरद्धपुब्बस्मि । संघपुरे कुलपुत्तो नामेणं रज्ज-
 गुत्तु चि ॥२५१॥ दुत्थो परकम्मकरो पइभत्ता तस्स संखिया भज्जा । अण्णदिणे संघनगे फलहेउं ताइ
 पत्ताइ ॥२५२॥ पिच्छंति सब्वगुत्तनामुणिं खयरपरिसमञ्जत्थं । भत्तीइ तयं नमिउं तो तप्पुरओ निस-
 ण्णाइ ॥२५३॥ सुणिणा वि तेसि धम्मो विसेसओ साहिओ तवपहाणो । जं दुत्थिएसु गुरुयाण होइ वच्छ-
 छयं गरुयं ॥२५४॥ भत्तीइ पुणो वि नमिउं भवभयभीयाइ ताइं पुच्छंति । अम्हारिसाण जोगो पावाण
 वि अत्थि को वि तवो ? ॥२५५॥ वत्तीसइक्कल्लाणो नाम तवो तेण तेसिसुवदिसिओ । ताइं तयं पडिव-
 ल्लिय गयाइं मेहे गुरुं नमिउं ॥२५६॥ तो ताइं पहिद्धाइं अट्टमभत्ताइं दुण्णि कुब्बंति । वत्तीसचउत्थाइं
 पंसंतचिचाइं तम्मत्तवे ॥२५७॥ पारणगदिणे दुण्णि वि निष्फण्णे भोयणस्मि पवरस्मि । चक्खुं खिवंति
 बाहिं जइ अत्तिही कोइ इह एइ ॥२५९॥ तो तत्थाऽऽगच्छंतं धिइधरनामं तवोहणं दट्ठुं । पडिलाभयंति
 तुट्ठाइं भत्ताणेहि सुद्धेहि ॥२५९॥ अह सब्वगुत्तसाहू पुणो वि पत्तो कयाइ तम्मि पुरे । तप्पासे सुयधम्माइं
 ताइं दिक्खं पवणाइं ॥२६०॥ सो रज्जगुत्तसाहू तवमं विलवद्धमाणनामाणं । काउं अणसणविहिणा मरिउं
 वंभे सुरो जाओ ॥२६१॥ दससागरोवसाइं दाणपभावेण सुत्तु भोगाइं । चविउं सो उप्पणो सीहरहो एस
 खयरपहू ॥२६२॥ सा संखिया वि समणी कयतिव्वतवा मया गया वंभे । चविउ इमस्स जाया वेगवई नाम
 भज्जेसा ॥२६३॥ एयाण देवि ! तेणं सुपत्तदाणेण सुरभवे रिद्धी । पुण्णाणुवंधिपुण्णाऽणुभावओ इह

वि संजाया ॥२६४॥ इत्तो इमाई सपुरे गंतुं पुत्तं निवेशित्तं रज्जे । दुण्णि वि वेच्छंति वयं मम पिउज्जि-
णायणारहसमीवे ॥२६५॥ तवसंजमजोगेहिं अणुत्तरेहिं खविच्चु कम्ममलं । उप्पणकेवलाइं दुण्णि वि गमिहिंति
निव्वाणं ॥२६६॥ इय सोत्तं सिंहरहो मेहरहं नमिय नियपुरे गंतु । पुत्तं रज्जे ठविंत्तं निक्खंतो तीइ सह
सिद्धो ॥२६७॥ अह सो मेहरहनिवो उज्जाणावो गिहाऽऽगवो कइया । पोसहिओ पोसहसालसंठिओ
कहइ जिणधम्मं ॥२६८॥ अह गयणमडलाओ भयसंभंतो पक्कपिरो दीणो । पारेवओ रंत्तो पड्डिओ
रायस्स उच्छेजे ॥२६९॥ अभयं च जायमाणं माणुसभासाइ तं खगं राया । करुणारसनीरनिही मा भाहि
पुणो पुणो भणइ ॥२७०॥ एवं तुत्तो रणा पसंतमुत्ती विहंगमो एसो । पिउउच्छेजे वालुव्व निब्भओ
चिहए जाव ॥२७१॥ मम भवखं भुंच इमं राय ! न जुत्तं इमं ति जंपंतो । तप्पिटीए सेणो पत्तो सप्पस्स
गरुडव्व ॥२७२॥ तो भणइ भूमिनाहो सेण ! इमं तुह कं सप्पेमि ? । एस न खत्तियधम्मो सरणा-
ऽऽगयअप्यणं जमिह ॥२७३॥ किंच न तुज्ज वि जुत्तं जुत्ताऽऽजुत्तोवएसकुसलस्स । परपाणपहाणेणं सपाण-
परिपोसणं एवं ॥२७४॥ जह उस्खणिज्जमाणे पीडा पिच्छे वि हुज्ज तुह गरुई । अणस्स वि कि न
तहा ? मारिज्जंतस्स का वत्ता ? ॥२७५॥ अणं च भक्खिएणं खणमित्तमणेण तुह भवे तित्ती । एयस्स
पुणो जम्मो वच्चइ सयलो वि एमेण ॥२७६॥ पंचिदियघाएणं नए ज नूण गम्मए तम्हा । खणमित्तु-
हनिमित्तं को जीवे हणइ छुहिओ वि ! २७७॥ सा पुण छुहा समिज्जइ अवरेण वि भोयेणेण जह पित्तं ।
पवरसियासमणिज्जं पि किं न पयसा उवसमेइ ? ॥२७८॥ न उ उनसमंत केण वि जियवहपभवाउ नर-
यवियणाओ । ता भुंचसु जीववह कुणसु दयं सयलसुहजणयं ॥२७९॥ सेणो वि भणइ नरवर ! सरणं तुह

एस आगतो भीओ । किमहं करेमि सरणं कहसु महाभाग ! छुहाहिलो ? ॥२८०॥ जह रक्खसि दुक्खत्तं
 एअं करुणाइ तह ममं पि न किं ? । अइसुक्खियस्स पाणा वृणम्मिमे मज्झ वच्चंति ? ॥२८१॥ धम्माऽध-
 म्मविचिता वि चिद्वए सुद्विए सरीरम्मि । तं नत्थि जं न कुणइ बुभुक्खिओ कूरमवि कम्मं ॥२८२॥ तद्ध-
 म्मवत्तयाऽलं अप्पसु मह भक्खभूयमिणमइरा । को धम्मो जं इक्को रक्खिज्जइ हम्मए अवरो ? ॥२८३॥
 न य मज्झ हुज्ज तित्थी कहमवि भुज्जंतरेहिं जं सययं । सैज्जो सयं हयं जियफुरंतमंसाऽसणो अहयं
 ॥२८४॥ भणइ निवो जट एवं ता तुह वियरेमि सेण ! नियमंसं । पारेवएण तुलियं । होसु सुही मा तुमं मरसु
 ॥२८५॥ आमि ति परे सेणे तुलाइ एगत्य ठावइ कपोर्यं । अणत्थ खिवइ राया छित्तुं छित्तुं नियमंसं ॥२८६॥
 जह जह खिवेइ मंसं राया उक्कच्चिऊण नियतणुणो । तह तह भारेण इमो वइइइ पारेवओ अहियं ॥२८७॥
 भारेण वइइमाणं तं पक्खि पिक्खिऊण अक्खुहिओ । सयमेवाऽरुइ तहि तुलाइ राया अतुलसत्तो ॥२८८॥
 तुलमारुहं सहसा रायाणं दट्ठुं परियणो सयलो । हाहारवं करंतो आरूढो संसयतुलाए ॥२८९॥ सामतमं-
 त्तिपमुहा सव्वे वि भणंति भूइं एवं । अम्हाण अमेयेणा नाह ! किमेयं समारद्धं ? ॥२९०॥ खित्तिणिमिणा निखिला
 रक्खेयव्वा खयाउ खलु खोणी । तं कह खणेण खुणंसि रक्खंतो पक्खिणं खु इमं ॥२९१॥ किच इमो
 लक्खिज्जइ माणुसभासायंपिरो पक्खी ! देवो व दाणवो वा को वि धुवं तुम्ह पडिक्कलो ॥२९२॥ तो भणइ
 निवो भोभो ! दीणसुहो एस दीणवयणो य । अच्छउ जी वा सो वा रक्खेयव्वो मए ऽवस्सं ॥२९३॥ इय
 निच्छयमवर्गच्छय निवस्स एगो अमच्छरो अमरो । वरमउडकुंडलधरो पयडीहोउं भणइ एवं ॥२९४॥ इक्को

१ सव्वम्-शीघ्रम् । २ खित्तेण-सरीरेण । ३ चूर्णीकरोषि ।

चिय तं धणो सुपुरिसचूडामणी तिहुयणम्मि । चालिज्जसि न सुरेहिं वि सट्टाणाओ सुरगिरिव्व ॥२९५॥ इय ईसाण्णिदेण वि वण्णिजंतं तुमं निसुण्णिज्जा । तुह सत्तपरिक्खत्थं इहाऽऽगओ असहमाणो ऽहं ॥२९६॥ ता जुञ्जते दट्ठं वेराओ इमे खगे अहिट्ठिता । तुह उवसग्गमकाहं ते सव्वं खमसु पसिऊण ॥२९७॥ इय भणिय निवं सज्जं काउं नमिउं सुरो गओ सगं । सामंतमंतपमुहा निवमह पुच्छंति विमहइया ॥२९८॥ देव ! इमे पुव्वभवे विहं-गमा केरिसा? किमेसि वा । वेरनिमित्तं ? को वा देवो ऽयं आसि पुव्वभवे ? ॥२९९॥ राया जंपइ दीवे इह एर-वयम्मि पउमिणीसंडे । नयरे सागरदत्तो महाइिहओ आसि वरसिद्धी ॥३००॥ तस्म य भज्जा नामेण-विजयसेणा विसुद्धगुणकालिया । ताणं च दुण्णिण पुत्ता धणो य तह नंदणो नाम ॥३०१॥ ते अण्णदिणे जणयं पुच्छिय बहुपणियसत्थसंजुत्ता । देसंतरम्मि चलिया पत्ता नाणउरणयरम्मि ॥३०२॥ तत्थ पणायतेहिं कुओ वि तेहिं माररणमेगं । पत्तं सुमहासुल्लं भक्खं पिवं सारमेएहिं ॥३०३॥ तस्स कए जुञ्जता सखनईए तडम्मि ते छुद्धा । महिसा विव दुदंता कुद्धा सहसा देहे पडिया ॥३०४॥ मरिऊण समुप्पण्णा सेणो पारेवओ य ते विहगा । पुव्वभववेरवसओ इत्थ वि जुञ्जंति एवमिमे ॥३०५॥ अण्णं च इत्थ दीवे पुव्वविदेहे नईइ सीयाए । तीरे रमणीयक्खे विजए सुभगा पुरी अत्थि ॥३०६॥ तत्थाऽऽसि थिमियसागरनामनरिदो भवाओ एयाओ । अहमा-ऽऽसि पंचमभवे पुत्तो अपराजिओ तस्स ॥३०७॥ रामोऽहं तह भाया अणंतविरिओ हरी तथा मज्झ । अम्हेहिं तहि निहओ दमियारीनामपडिणिहू ॥३०८॥ सो भमिय भवं अट्टावयस्स नियडम्मि नियडिनइतीरे । सोमप्प-हकुलवइणो ससिप्पहो नंदणो जाओ ॥३०९॥ सो बालतवं चरिउं सुइरं चरगतणेण मरिऊणं । ईसाणदेवलोए

सुरुत्बनामसुरो जाओ ॥३१०॥ सो एस सुरो संपइ ईसाणिदेण मह पसंसाए । विहियाट मच्छरेणं इहाऽऽगओ
मस परिकखत्थं ॥३११॥ इय निवकाहियं सोउं ते विहया सुच्छिया महीपडिया । लोए विहिया सत्था जाईसरणं
समणुपत्ता ॥३१२॥ पभणंति समासाए अम्हेहिं तया न केवलं रयणं । लोभाओ जुञ्जमाणेहि तारियं मणुयजम्मं
पि ॥३१३॥ इह जम्मे नरयदुहं नियडं पि निसेहियं तए अम्हं । कि करणिज्जं अम्हेहि नाह ! इण्हि समाइ-
ससु ? ॥३१४॥ ता मेहरहो तेसि देह सयं अणसणं इमे वि तयं । पडिअज्जिय मरिऊणं उप्पणा भवणवासीसु
॥३१५॥ राया वि पोसहं पारिऊण रज्जं च पालए सुइरं । सुमरंतो रगचरियं वच्चट परमं च वेरगं ॥३१६॥
अह विहरंतो तहियं घणारहतित्थं करो समोसरिओ । तणमणत्थं पत्तो मेहरहन्नियो सपरिवारो ॥३१७॥ वंदिय
पहुं निसणा धम्मं सोउं तओ गिहे गंतुं । रज्जस्मि मेहसेणं ठवइ कुमारं भवविरत्तो ॥३१८॥ पहुपासे निक्खंतो
संजमजोगेसु निच्चयुज्जुत्तो । इकारसअंगधरां सुटुकरं कुणइ तवचरणं ॥३१९॥ तित्थयरनामगोत्तं वीसहि
ठाणेहि तर समज्जेइ । सुयविहिणा कुणइ तव च सीहनिक्कीलियं नाम ॥३२०॥ अह आरुहिउं अंवरतिलयगिरिं
गिरिवरुव्व थिरचित्तो । काउं तत्थाऽणसणं मरिउं सब्वट्टमणुपत्तो ॥३२१॥ तत्तो चविउं जाओ उह भरहे हत्थिणाउरे
एसो । निवविस्ससेणअइरा देवीणं संतिनामसुओ ॥३२२॥ पंचमचक्कहरपयं पालिय कालेण गहियसायणो ।
सोलसमधम्मचकी होऊण इमो सिंव पत्तो ॥३२३॥ इय भइ ! तुह कहियं सुदंसणे ! अभयदाणमाहस्पं । धम्मो-
वगहदाणं एगगमणा सुणसु इण्हि ॥३२४॥

तं पुण चउहा दायगगाहगतहकालभावभेएहिं । परिसुद्धं नेयव्वं दायगसुद्धं इमं तत्थ ॥३२५॥ नाओ-
वज्जियविहवो उदारचित्तो अमच्छरो धीरो । *सद्धाविसुद्धबुद्धी अकूरहियओ गहियवक्को ॥३२६॥ पुरपच्छ-

कम्मसुक्कं वायालीसाइदोसपरिसुद्धं । पिडं सिज्जं वत्थं पत्तं च चरित्तरक्खट्ठा ॥३२७॥ अट्टमयठाणरहिओ
जो दाया देइ दाणाविहिकुसलो । साहूण सुद्धहियओ दायागुद्धं तयं दाणं ॥३२८॥
गाहगसुद्धं तु इमं, मूळुत्तरगुणजुओ उ जो साह । पंचसमिओ तियुत्तो खंतो दंतो सया संतो
॥३२९॥ गुरुपयसेवानिरओ, निरीहचित्तो मुणी जमाइयइ । संजमज्जाहेउ, गाहगसुद्धं तु तं नेयं
॥३३०॥ मुणिजणउवयारकरे काले दिण्णं बहुफलं दाणं । किरिकम्मं पिव कोडुवियस्स तं कालसुद्धं तु
॥३३१॥ भावविसुद्धं तु इमं, पुवुत्तरुणेहिं संजुओ सइढो । आंससाइ विरहिओ, कयत्थमऽप्यं च मण्णंतो
॥३३२॥ हरिसवसवियसियसुहो, सद्धारोमंचकुइज्जंतो । साहूण देइ दाणं, भावविसुद्धं तु तं भणियं ॥३३३॥
इय चउहा परिसुद्धं, पिंडप्पमुहाण जो खलु इमाणं । एणं पि देइ दाणं, महिइिढओ होइ सो पुरिसो
॥३३४॥ तित्थयरचक्कवट्ठी बलदेवा वासुदेवमंडलिया । जायंति जगन्भहिया, सुपत्तदाणप्यभावेण ॥३३५॥
जह भयवं रिसहजिणो, वयदाणफलेण सयलजयनहो । जाओ जह भरहवई, भरहो य सुसाहुदाणेण
॥३३६॥ दंसणमित्तेण व मुणिवराण नासेइ दिणकयं पावं । जो देइ ताण दाणं, तेण जए किं न सुविदत्तं ?
॥३३७॥ तं सुपवित्तं भवणं, मुणिणो विहरंति जत्थ समभावा । न कयाइ साहुरहिओ, गिहिधम्मो पायडो होइ
॥३३८॥ ता तेसि साहूणं, सुसाहुगुणसंजुयाण सयकालं । सव्वविसुद्धं दाणं, सव्वपयत्तेण दायव्वं ॥३३९॥

अवि य—न तवो सुट्ठु गिहीणं, विसयपसत्ताण होइ न हु सीलं । साऽऽरंभाण न भावो साहारो दाणमेव
तओ ॥३४०॥ आरंभजुएण सया, चत्ताऽऽरंभाण भावसुद्धीए । देयं मुणीण दाणं, खित्तं कालं च नाऊणं
॥३४१॥ दुब्बिक्खदेसभंगे, पंथे रण्णे ऽवगाढगेलण्णे । बहुलाभमप्पत्थियं, देयं समओचियं दाणं ॥३४२॥

† प्रत्यन्तरे भरहो भत्ताइदाणेण इत्यपि । १ साधार —आलम्बनम् । २ अप्राथितम् ।

जओ—संथरणस्मि असुद्धं, दुण्हवि गिण्हंतदितयाण ऽहियं । आउरदिट्टेणं तं चेव हियं असंथरणे ॥३४३॥

अणं च—अणुकंपोचियदाणं पि देइ सद्धो जहासमयेसो जम्हा सामणेणं, दाणं भणियं सुए दसहा ॥३४४॥ दव्वत्थंभव्वैरियणभयाऽणुकंपोर्वयारपावत्थं । ळज्जाऽभयंधम्मत्थं च दसविह दाणसुद्धिं ॥३४५॥ तत्थऽणुकंपादाणं, जं दिज्जइ दीणदुत्थियजणाणं । छुहतिण्हपीडियाणं, दयाइ दाराऽऽयाण तथा ॥३४६॥ पवयणपसंसणकरं, पवयणलाघवनिवारणत्थं च । जं खलु दिज्जइ दाणं, तं भणइ उचियदाणं तु ॥३४७॥ सव्वेसिं तु पहाणं, धम्मत्थं जं सया सुपत्तेसु । दिज्जइ दाणं तं होइ कारणं सासयसुहाणं ॥३४८॥ निज्जरकरं सुपत्ते, दाणं करुणाइ होइ रिद्धिकरं । पवयणपभावणकरं दाणं उचियं पि निदिट्ठं ॥३४९॥

किं बहुणा ?—जाइकुलसीलसुयवलगुणरूवकलाइ वज्जिओ जइवि । दाणं दित्तो पुरिसो, होइ सुराणं पि थोयव्वो ॥३५०॥ नासंति आवईओ अणुणस्स वि हुंति गुणसमिद्धीओ । दाणं दित्तस्स नरस्स होइ सत्तू वि लहु मित्तो ॥३५१॥ सूरुो वि पंडिओ वि य, राया वि य सयल्लोयपुज्जो वि । जायइ दायारस्स उ, विणीयभिच्चुव्व वयणकरो ॥३५२॥ पियमित्तसंभुंधवपुत्तकल्लाइसयल्लसयणजणो । ससिणेहो होइ लहुं नरस्स दाणेकवीरस्स ॥३५३॥ जिणंभवणविंबुत्थयंसंधसरूवेसु सत्तखित्तसु । जे दिति ते उ नूणं, लहति सुरनरसिवसुहाइ ॥३५४॥ इयरे पुण काज्जणं, धणवंतनराण चाडुसयाइं । उयरं पि भरंति सया, परकम्मकरा नरा दुहिया ॥३५५॥ हुंति निरासा निच्चुस्सवेसु परिभवसयाइं पावंति । पुरिसा अदिण्णदाणा,

खणे खणे/जंति वेरुगं ॥३५६॥ अञ्जु तंवीलाऽऽहरणवत्थपमुहा विलाससंपत्ती । दाणरहियाण चिता, निच्चं
चिय उयरम्वोवाहिविसुद्धं, मुणिणो सत्तोइ दिति जे दाणं । पावेंति भूरिमहाइ वीरमहुव्व ते ऽवस्सं ॥३५९॥
तहाहि—इह भरहे कुरुदेसे, नयरे नामेण पउमिणीसंडे । सहसंभवणुज्जाणे, अरनाहजिणो समोसरिओ
॥३६०॥ पहुणा कहिए धम्मो, पढमाए पोरिसीइ कहइ तओ । सिद्धंताऽमयकुंभो, धम्मकहं गणहरो कुंभो
॥३६१॥ सागरदत्तो सिट्ठी, अह तत्थ समागओ समवसरणे । वासणगजुओ वंदित्तु गणहरं देसणं सुणइ
॥३६२॥ पत्थावं लहिय पुणो, जंपइ सो कुंभगणहरं नमिडं । भयवं ! अत्थि न अणो, मह सरिसो दुक्खिओ
को वि ॥३६३॥ जं जिणमईइ भज्जाइ मज्झ पियदंसणा सुया जाया । सा सव्वकलाकुसला, वरूवा जुव्वणं
पत्ता ॥३६४॥ अणुरूवं तीइ वरं, अपिच्छमाणो अहं विसणमणो । भणिओ पियाइ पिययम ! तुममेवं तम्मसे
कीस ? ॥३६५॥ खेयनिमित्ते कहिए, मए तओ तीइ इय पुणो भणियं । पच्छा पच्छायावो, न होइ जह
तं तह करिज्ज ॥३६६॥ इय चितासंतत्तस्स, अणया मज्झ आवणे मिलिओ । सत्थाहउसभदत्तो, समागओ
तामलिचीए ॥३६७॥ साहम्मिओ महिद्धिह चि तेण सद्धि मए कया मित्ती । अह ददुं मह धूयं, तेण
इमं जंपिओ अहयं ॥३६८॥ मह अत्थि वीरभदो, निरुवमरूवाइगुणजुओ पुत्तो । गंधव्वकव्वगुडियापओगमा-
इसु पत्तहो ॥३६९॥ तस्सऽणुरूवं कण्णं, मणंतेण इमा मए दिट्ठा । ता एस होउ जोगो, मए वि भणियं
पमाणमिणं ॥३७०॥ तुट्टेण तेण गंतुं, सपुरीए पेसिओ विवाहत्थं । इहइं स वीरभदो महइए जैणजत्ताए
॥३७१॥ ददरूण तस्स रूवं, सुदुठु पहिट्टेण नियसुयाइ समं । परिणाविओ मएसो, महाविभूइइ सुमुहुत्ते

॥३७२॥ कइवि दिणे ठाडमिहं, धिहुं पियदंसणं गओ सपुरिं । जं ससुरगिहे सुइरं, चिट्ठति न माणिणो
पुरिसा ॥३७३॥ अणदिणे निखुयं मे, जं सो जामाडओ विणा हेउं । पियदंसणं पसुत्तं, निसाइ सुत्तुं कहि
वि गओ ॥३७४॥ का वि पउत्ती संपइ, कहिया मह वामणेण एएण । परंमव्वत्ता भयवं ! ता कहसु फुड-
कखरं मज्झ ॥३७५॥ अह कुंभो भणइ तया, स वीरभदो इमं विचिंतेइ । वावत्तीकलाणं, पारं पत्तो अहं
ताव ॥३७६॥ सिद्धा य मज्झ मंता, विण्णाणाणि य मए अवयायाणि । नाया य दिव्वशुडिया,
जोगा विमहयकरा बहवे ॥३७७॥ एयं निरत्थयं पुण, पिउलज्जाए अपायडंतस्स । देसंतरस्मि गंतुं,
पयडेमि इमं तओ सव्वं ॥३७८॥ इय चिंतिय निगंतुं गिहाउ गुडियापओगओ अपं । काऊण सामवणं,
पच्छा सेच्छाइ भमइ महिं ॥३७९॥ सा तुह धूया ससुरं, पुच्छिय इह आगया विसायगया । जम्हा कुलना-
रीणं, पइं विणा पिउगिहे ठाणं ॥३८०॥ सो पुण कयाइ पत्तो, सिंहलपत्तस्मि रयणउरनयरे । तत्थ य कह-
मवि पत्तो, हेइ सिद्धिस्स संखस्स ॥३८१॥ पुट्ठो तेण कओ तं, इहाऽऽगओ वच्छ ! ? तेण पुण भणियं ।
अहमागओऽमि रूसिय ताय ! इहं तामलित्तीओ ॥३८२॥ संखेण तओ भणियं न सुट्ठु तुमए कयं ? पुण
इयाणिं । मज्झ अपुत्तस्स तुमं पुत्तो भुंजसु इमं विहवं ॥३८३॥ इय भणिय वीरभदो, सप्पणयं तेण निय-
गिहे नीओ । पुव्वकयसुकयवसओ, चिट्ठइ नियजणयगेहव्व ॥३८४॥ अह तत्थ अत्थि कणा, निवस्स रयाणा-
यरस्स वरूवा । साऽणंगसुंदरी पुरिसैवेसिणी सव्वगुणकलिया ॥३८५॥ तीए पासे वच्चइ, पइदियहं संख-
सिद्धिणो धूया । विणयवई नामेणं, विणइक्कगिहं सही तीए ॥३८६॥ पुट्ठा य वीरभद्रेण भइणि ! तं जासि

कृत्य निच्चं पि ? । तीइ कहिए सरूवे, भणइ इमो तं पुणो एवं ॥३८७॥ सा कह गमेइ कालं ?, भणइ इमा वीणवायणाईहिं । सो भणइ तुह सहीए, पासे सद्धिं तए एमि ? ॥३८८॥ भणइ इमा सा पिवखइ नरस्स ख्वं न बालगस्साडवि । तो भणइ इमो ख्वं, अहं करिस्सामि इत्थीए ॥३८९॥ आमं चि तीइ बुत्ते, इत्थी-ख्वं नहुव्व सो काउं । रायसुयाइ सगासे, विणयवईए समं पत्तो ॥३९०॥ निवधूयाए पुट्टं, सहि ! केयं दीसए पवरजुवई ? । ती उत्तं मज्झ ससा एसा तं दट्ठुमिह पत्ता ॥३९१॥ अह रायसुयाइ तहिं, वरेहिं नववणएहि फलयस्मि । माणससरस्मि हंसी, विरहत्ता लिहिउमाहत्ता ॥३९२॥ तं भणइ वीरभदो, तए इमा विरहविहुरिया हंसी । आरद्धा न्हिल लिहिउं न तारिस्सं दिद्धिमाइं पुणो ॥३९३॥ अह लिहसु तुमं एयं ति तीइ फलयं ससप्पियं तस्स । तेण वि लिहिया हंसी रायसुया दट्ठुमिय भणइ ॥३९४॥ अंतब्भावपयासग-मिमीइ आलेहकोसलमउवं । उअ अहो ! हंसीए दिट्ठी नणु बाहज्जलभरिया ॥३९५॥ सिढिल्लुणालाचंचू सिढिला गीवा मिलणयं वयणं । सिढिला पक्खा उप्पणअक्खमा खल्ल सुलक्खा य ॥३९६॥ सुणमवत्था-णमिणं, कि बहुणा ? अकहिया वि एईए । विरहाड्डकुला अवत्था सयं पि नज्जइ सुहेण अहो ? ॥३९७॥ विणयवइ ! इच्चिरं ते कलाविज्ज दरिसिया न मे एसा ? । तो भणइ वीरभदो, नाडणीयाडहं गुरूण भया ॥३९८॥ रायसुया भणइ इमीइ नास किं सहि ! ? तओ भणइ एसो । वीरमई मे नामं ति बुत्तु ताओ गया सगिहं ॥३९९॥ निच्चं पि तत्थ तेणं, वच्चंतेणं तु इत्थिरूवेणं । वीणापसुहकलाहिं; रायसुया रंजिया बाढं ॥४००॥ गिहमागओ य पिउणा, भणइ तं वच्छ ! इच्चिरं कत्थ । चिद्धसि ? जमहं न तैरेमि उत्तरं दाउ

लोयाणं ॥४०१॥ तो तेण तं सरूवं करिहं मा ताय ! तं भयं कुणसु । निर्वंघ्रे पुण रणो, मणिज्ज विवा-
हमवि तीए ॥४०२॥ अह निवसहाइ वत्ता, जाया जह इत्थ संखसिद्धिगिहे । को वि वररूवगुणवं, संपत्तो
तामलिच्चीओ ॥४०३॥ भणइ निवो ता होही, पवरवरो एस नणु मह सुयाए । अणुरूवजोयणेणं तह
विहिणो नूण निउणत्तं ॥४०४॥ अह तेण रायधूया, एगंते जंपिया कयाड इमं । एसिसरूवाइगुणा, वररहिया
चिद्धसि किमेवं ? ॥४०५॥ सा भणइ जं न लब्भइ वरोडणरूवो तओ वरेणाडलं ! । वरमुंव्वसा वि साला.
तवकरमरिया न उ कया वि ॥४०६॥ तो भणइ वीरभदो भदो ! दंसेमि तुह वरं उचियं । सा जंपइ जइ
सच्चं, ता लहु दंसेसु तं मज्झ ॥४०७॥ तो तेण जुवइरूवं सुत्तूण पयडियं च त रूवं । तो आह इमा परि-
णसु ममं ति तो जंपए एसो ॥४०८॥ एवं जणाडववाओ, तो तं आहय निवसमीवाओ । अब्भत्थिय मह
जणयं, कारवसु निययवीवाहं ॥४०९॥ एवं च तेहि विहिए परिणीया डंगंसुंदरी तेण । रण्णा वि दिण्ण-
मेयस्स पवरपासायमार्इयं ॥४१०॥ पुव्वभवचरियसुचरियगुरुयसरूळसिरगरियरिद्धिमरो । सो तत्थ तीट सद्धि,
सुंजइ भोए सुरवरूव ॥४११॥ तस्स य संसग्गेणं, सा जाया साविया निवइधूया । न परमिह संतसंगो,
सुहओ नूणं परभवे वि ॥४१२॥ अह तीए पडिल्लिहिउं जिणयडिमा दरिसिया तहा संघो । जाणाविअं च
तेणं, जिणसुणिवंदणपमुहकिच्चं ॥४१३॥ सा अण्णदिणे तेणं, पीइयस्सिखाकए इमं भणिया । गंतुं पिऊण
मिलिउं, एमि अहं चिद्ध तुममिहं ॥४१४॥ ती उत्तमिमं सोउं पिइं सरिज्जइ ? हवेमि तुह सरिसी ! । तो
तेणुत्तं मा कुव पिए ! तुमं सह नइस्सामि ॥४१५॥ तो आपुच्छिय निवइं, पोयगओ तीइ संजुओ चलिओ ।

जलहिम्मि इमो अह पवलवाउणा पवहणं भग्गं ॥४१६॥ पत्तं च तीइ फलयं, तेण विलग्गा समुदुत्तरिउं ।
एग्गिम्मि आसमपए, पत्ता कुलवइसमीवमिमा ॥४१७॥ अह तत्थ ठाविउं कइवि वासरे तेण पेसिया सद्धि ।
एणेण तावसेणं नयरे इह पउम्मिणीसंडे ॥४१८॥ सुव्वयगणिणि एसा, सररीचितागयं वहि दट्ठुं । पडि-
लिहियदिट्ठसमणीउ सुमरिउं हरिसिया जाया ॥४१९॥ पुव्वभासेण तयं वंदिय सह तीइ आगया वसहि ।
सा तत्थ तुह सुयाए, दिट्ठा पियदंसणाइ तथा ॥४२०॥ पुट्टाइ सुव्वयाए वुत्तं चो तीइ साहिओ नियओ ।
पियदंसणाइ पुट्टा, केरिसवण्णो तुह स भत्ता ? ॥४२१॥ सा भणइ सामवण्णो, तो सा पियदंसणा भणइ
भइणि ! । संवयइ सब्वमण्णं, कणयपहो सह परं कित्तु ॥४२२॥ धम्मभइणीओ ताओ सुहेण चिद्धंति दोवि
तुह गेहे । धम्माणुट्टाणपरा सेवंतीओ सया गुरुणि ॥४२३॥ अह सो वि वीरभदो भग्गे वहणम्मि कयसहज-
रूवो । दिट्ठो फलयविलग्गो, रइवट्ठहखेयरिदेण ॥४२४॥ आरोविउं विमाणे, नियाए वेयइढपव्वए तेणं । वेणेण
गयणवल्लहपुरम्मि नियमंदिरे नीओ ॥४२५॥ तो वज्जवेगवइकुविखसंभवाए सुयाइ सह तेण । रयणपपहाना-
माए विवाहिओ गरुयहरिसेण ॥४२६॥ अह अण्णादिणे रणा, पुट्ठेणं तत्थ तेणिमं भणियं । जह वत्थव्वो अहयं
सिंहलदीवम्मि सिद्धिसुओ ॥४२७॥ नामेण बुद्धदासो, भत्तो बुद्धाण तह य बुद्धस्स । तह ऽणंगसुंदरी मे, भज्जा
सुरसुंदरीसरिसा ॥४२८॥ अण्णादिणे सकलत्तो, आगच्छंती ठिओ पवहणम्मि । भग्गे वहणे दिट्ठो तुमए
अहमाऽऽणिओ इहय ॥४२९॥ ता क्हसु तुमं नरवर ! इण्हि सा कत्थ चिट्ठइ पिया मे ? । तेण वि क्हियं विज्जा
बलेण जह इत्थ सा अत्थि ॥४३०॥ अह तेणं बहुखयरे वच्चंते दट्ठुमंवरपहेणं । पुट्टा सा कत्थ पिए !
वर्यंति विज्जाहरा एए ? ॥४३१ ती उत्तं जत्तत्थं, सिद्धाययणम्मि इत्थ जंति इमे । तो सो वि विमाण-

गथो तीइ समं तत्थ सपत्तो ॥४३२॥ मासयजिणपडिसाओ भत्तीए तत्थ तेण नमियाओ । पुट्ठा सा कहमु पिए !
को देवो ? केरीसो च इसो ? ॥४३३॥ तीए भणियं पिययस ! किं न तुमं मुणसि एस अरिहंतो ? ।
जियरागदोसमोहो, देवो देवाहिदेवु त्ति ॥४३४॥ सो भणइ बुद्धपुत्तो, पिए ! अहं कहमिमं वियाणामि ? ।
सिंहलदीवे जं बुद्धदंसण दीसए बहुयं ॥४३५॥ अहं हिट्ठेणं रइवल्लहेण जत्तागयस्स तस्स सयं । दिण्णाओ
विज्जाओ बहुयाओ पडियासिद्धाओ ॥४३६॥ सो अण्णादिणे कीडामिसेण सह तीइ आगओ इहय । संजइ-
वसहिसमीवे, रयणप्पह मुत्तु ओसरिओ ॥४३७॥ सा तं अपिच्छमाणी रुयमाणी सुव्याइ सुणिऊण ।
करुणाए निगंतुं, धीरविया 'तेडिया वसहि ॥४३८॥ मिलिया तासिं दुण्ह वि क्कहिं न्णियपइविओगबुत्तं ।
ताण समीवे चिट्ठइ इमा वि सधम्मकम्मरथा ॥४३९॥ अहं ऽणंगंखुंदरीए पुट्ठा पियदंसणाइ रयणपहा ।
साहसु सहि ! तुह भत्ता स केरिसो ? किमभिहाणो य ? ॥४४०॥ सा भणइ बुद्धदासो नामेण स आग्नि-
ईइ कणयपहो । सिंहलदीवनिवासी अणेणगुणगणरयणखाणी ॥४४१॥ तोऽणंगंखुंदरी सा भणइ इमं भइणि !
मिलइ मह पइणा । सब्वं पि कित्तु विहडइ धम्मनिवासाऽऽग्निनामं ॥४४२॥ पियदंसणा वि पभणइ, न
घडइ मह धम्मनामवासिंतं । इय बुत्तु ताओ तिण्णि वि भयणि व सुहेण ठंति तहि ॥४४३॥ तं नाउं निव्वु-
यमणो स वीरभदो कुऊहलपहाणो । काउं वामणरुवं, विहरइ सिच्छाइ इह नयरे ॥४४४॥ विण्णाणनाण-
नवनकलाहि कोउयसएहि पुरलोयं । विम्हाविंतो चिट्ठइ गुरुजणकयगरुयसम्माणो ॥४४५॥ ईसाणचंदराया,
सुणित्तु एयं तयं समाहूय । गरुएण गउरवेणं, नियपासे ठवइ वामणयं ॥४४६॥ अहं अण्णादिणे रण्णा,

१ तो गया इत्यपि पाठ ।

निसुयं जह इत्थ तिण्णि जुवईओ । संजइउवस्सयगया, चिंइति सुरंगणाउ व्व ॥४४७॥ पुरिसेण समं ताओ, केण वि न हसंति नेव जंपति । न निरिखंति य समुहं, चिंइति सया वि धम्मरया ॥४४८॥ तो रण्णा वामणओ, सो भणिओ भइ ! तह तुमं कुणसु । जंपति जह इमाओ, तो एसो भणइ आमं ति ॥४४९॥ तत्तो पहाणपुरिसेहि परिखुओ पउरलोयपरियरिओ । वामणओ संपत्तो, वाहि वसहीइ समणीणं ॥४५०॥ ठाऊण तहि नियसहचरण कहिऊण जह ममं तुब्भे । पुच्छिज्ज किं पि कहं ति वुत्तु मज्झे गओ तत्थ ॥४५१॥ वंदित्तु साहुणीओ, वसहीसुहमंडवम्म उवविट्ठो । वुत्तो तेहि नरेहिं, चित्कहं कहसु किं पि तुमं ॥४५२॥ अह तत्थ ताओ तिण्णि वि किमेस कहिहि ? त्ति साहुणीहि समं । सोउं समागयाओ तो जंपइ वामणो एवं ॥४५३॥ जाव न रण्णोऽवसरु त्ति ताव किंचिवि अहं कहिस्सामि । तेहि वि तहत्ति भणिए भणइ इमो निसुणह जहित्थ ॥४५४॥ भरहम्मि तामलिच्चीइ उसभदत्तस्स वीरभइसुओ । जह तेण सिट्ठि सागरदत्तसुया इत्थ परिणीया ॥४५५॥ जाव तयं सुत्तुणं, पत्तो देसंतरे पई तस्स । ताव कहित्ता सो भणइ उट्ठिमो निवखणो जाओ ॥४५६॥ उट्ठित्तु समंभंतं, भणिओ पियदंसणाइ सो एवं । साहसु सुपुरिस ! पच्छा स वीरभइो गओ कत्थ ? ॥४५७॥ तो वामणेण भणियं, नाऽहं जंपेमि परमहेलाहिं । सट्ठिं कहि पि निय-कुलकलकमीओ सयाकालं ॥४५८॥ सा भणइ अत्थि एवं, कहइ कुलं तुह विसुद्धसील पि । सुक्खलीण ! तहवि साहसु जं गरुया नहि निदक्खिणा ॥४५९॥ जइ एवं तो कल्ले, कहिस्समिय वुत्तु निण्णओ एसो । कहिए निवस्स पुरिसेहि वइयरे सो वि विमइओ ॥४६०॥ तह वीयदिणे वि इमो कहइ तवो नियपुरी नीहरिउं । गुडियाइ सामवणं, अप्पं काउं परिभसंतो ॥४६१॥ जह पत्तो रयणउरे, परिणीयाऽणंगसुंदरी

तत्थ । जह तेण ताण इताण सायरे पवहणं भणं ॥४६२॥ तोऽणंगसुंदरीए उट्ठतो सो पर्यपिओ एवं ।
सो कत्थ वीरभदो ? सो आह सुए कहिस्सामि ॥४६३॥ तइए वि दिणे एवं कहऽ इसो पवहणम्मि भणम्मि ।
सो विहियसहजखवो, दिट्ठो रइवल्लहेण जहा ॥४६४॥ इच्चाऽ जाव इहयं रयणपहं सुत्तु सो गओ तुरियं ।
तीइ वि पुट्ठो पाओ कहिस्समिय बुत्तु नीहरिओ ॥४६५॥ इय सोऽ सव्वाओ भणंति सव्वासि तूनसम्हाणं ।
एगुच्चिय भत्तारो संपइ पुण कत्थ सो अत्थि ? ॥४६६॥ सो एस सिट्ठिसागर ! जामाळ वामणो ऽसो
तुज्झ । तिण्हं पि तासि भत्ता कीलाए विरहदायारो ॥४६७॥ इय सोऽ भणइ एवं ति वामणो कुंभगणहरं
नमिओ । नाणनयणाण तुम्हं अगोयरं नत्थि किं पि जए ॥४६८॥ अह सिट्ठी तुट्ठमणो वंदिता गणहरं समं
तेण । पत्तो पडिस्सर्यम्मि ताओ तयं दट्ठुमुट्ठिति ॥४६९॥ सिट्ठी भणइ स एसो तुम्ह पई वीरभदनामु त्ति ।
कह ? ताहिं ति पभणिए कहइ तयं गणहरुट्ठिं ॥४७०॥ गणिणी इह मंताओ विम्हइयाऽ ऽसो वि वामणत्तं ।
मुत्तूण सहजखवो जाओ ताओ हारसियाओ ॥४७१॥ अह गणिणी भणइ इमं इक्कं चिय सुंदरं जए पुणं ।
नेहे रणे जलहिम्मि पव्वए अहव अणत्थ ॥४७२॥ लवित्तु आवयाओ विसेसओ ल्हऽ संपयं पुरिसो ।
किमणेण कयं सुकयं पुब्बि जस्सेरिसा रिद्धी ! ॥४७३॥ भोगा य दाणवसओ ता दिण्ण कस्स दाणमेएण ?
एयं पुच्छिस्सामो अरनाहजिणेसरं तत्तो ॥४७४॥ सा गणिणी सो सिट्ठी स वीरभदो पियाहि संजुत्तो ।
गंतूण समोसरियं नमंति सव्वे वि अरनाहं ॥४७५॥ पुट्ठं पवत्तणीए किमणेण वीरभदकुमरेण । विहियं
सुकयं पुब्बि ! अरनाहो भणइ तो एवं ॥४७६॥ तइयभवे इह दीवे वच्चे विजयम्मि धणवट्ठनिवोऽहं ।

पव्वइउं विहरंतो संपत्तो रयणउरनयरे ॥४७७॥ अह आसि तत्थ नयरे नयरपहाणो महिड्डिओ सिट्ठी ।
जिणदासो नामेणं सुसावओ समयविहिक्कुसलो ॥४७८॥ सो तं धणवइसाहुं दइउं चउमासखवणपारणए ।
गिहमितं अब्भुट्ठिय गच्छइ समुहं पहिट्ठमणो ॥४७९॥ तिपयाहिणी करेउं वंदिय तिगरणविसुद्धभावेण । नेऊण
मेहमज्जे निहाणमिव तं पयत्तेण ॥४८०॥ वंदित्तु सपरिवारो स महप्पा त सुणि विचिंतेइ । धणोउं मह
भवणे जं रायरिसी इमो पत्तो ॥४८१॥ तं अज्ज मज्झ मेहे समुग्गओ कप्पपायवो नूणं । चिंतामणी पहाणो
अहवा मह करयले चडिओ ॥४८२॥ ता पडिल्लाम्भित्तु इमं महासुणि सुद्धमत्तपाणेहिं । सहलीकरेमि निययं
जीयं जम्मं च वित्त च ॥४८३॥ इय चिंतिय पडिलाभइ दाइस्सामि त्त्त ताव परितुट्ठो । दित्तो चिअ परि-
तुट्ठो सद्धारोमंचियसरीरो ॥४८४॥ दिण्णे वि य परितुट्ठो कयत्थमप्पाणयं ति मणंतो । जं एरिसम्मि पत्ते
दाणं दिण्ण मए^ए एवं ॥४८५॥ इय सब्वसुद्धदाणप्पभावओ झत्ति पाउब्भूयाइं । अब्भुअभूयाइं तहिं आगासे
पंचदिव्वाइं ॥४८६॥ देवेहिं ऱया बुट्ठी गंधोदगपंचवणकुसुमाणं । तह रयणाहिरणाणं चेलुवखेवो कओ गयणे
॥४८७॥ पहायाओ दुंदुहीओ गयणे घुट्ठं अहोसुदाणं ति । सुरअमुरखयरनियरेहिं पूरियं नहयलं सयलं ॥४८८॥
मिल्लिओ य तत्थ नरवइपमुहजणो पुरजणो य विम्हइओ । तह जिणदासो सिट्ठी पसंसिओ सयललोएहि
॥४८९॥ दाणं दित्तेण ताया तेण जिणदाससावएण पुणो । देवाउयं निव्वइं कओ परित्तो य संसारो ॥४९०॥
धणवइमुणी वि अज्जिय कइहिं वि ठाणेहिं तित्थयरगोयं । मरिउं महिड्डिहयगुरो उप्पणो नवमगेविज्जे
॥४९१॥ तो चविउं इह भरहे सुदरिसणनिवस्स देविदेविसुओ । हत्थिणउरम्मि जाओ सोउं अरनामजिण-
नाहो ॥४९२॥ जिणदासो वि हु सिट्ठी चिरकालं पालिऊण गिहियम्मं । मरिउं अमरो जाओ महइिहओ वंस-

लोगस्मि ॥४९३॥ तो चविडं इह भरहे कंपिलपुरस्मि इभगेहस्मि । उप्पण्णो सो पुत्तो महिद्धिओ परम-
 सइहो य ॥४९४॥ तत्थ वि उत्तमभोएहि संगओ पालिऊण गिहियम्मं । सो मरिं उप्पण्णो अच्चुयकप्पस्मि
 पवरसुरो ॥४९५॥ तत्तो चविडं जाओ तेणं पुण्णाणुवंधिपुणेणं । जिणदाससिद्धिजीवो एसो सो वीरभहु चि
 ॥४९६॥ इय पहुक्कहियं सोउं स वीरभदो सरित्तु नियजाइं । पणमित्तु पहुंच पभणइ भयवं ! सव्वं पि सच्च-
 मिणं ॥४९७॥ तो गिहियम्मं गहिं सकलत्तो सिद्धिसंजुओ एसो । संपत्तो पुरमज्जे विहरइ अणत्थ सामी
 वि ॥४९८॥ अह सो पुच्छिय समुरं सयिओ उक्कंठिओ नियपिऊणं । पवरविमाणाऽऽरूढो संपत्तो तासलि-
 तीए ॥४९९॥ ओयरिय विमाणाओ सपरियणो सह पियाहि सप्पणयं । अम्मापिऊण पणओ आणंदियसय-
 लपुरल्लोओ ॥५००॥ भुंजित्तु पवरभोए तेण सुचिण्णेण पुव्वपुणेण । पालित्तु इमो सुइरं सावयधम्मं च
 सुविसुद्धं ॥५०१॥ समयस्मि सुगुरुपासे संविग्गमणो स वीरभदजिओ । पव्वज्ज पडिक्कं अकलंकं पालि-
 ऊण वयं ॥५०२॥ सुरलोए संपत्तो भोत्तु भोगाइं तत्थ दिव्वाइं । तत्तो बुओ चरित्ता चरणं लहिही स
 निव्वाणं ॥५०३॥ तिविहो वि दाणधम्मो भेइ ! तुह साहिओ मए एवं । विवरियसिवसुहलीलं संपइ सीलं
 निसामेह ॥५०४॥

नियकुलनहयलममलं सीलं सारयससिच्च धवल्लेइ । सीलेण य जंति खयं खिप्यं सव्वे वि दुरियगणा
 ॥५०५॥ जाइकुलरूववलसुयविज्जाविण्णाणलच्छिरहिया वि । सव्वत्थ पूयणिज्जा निम्मलसीला नरा लोए
 ॥५०६॥ जाइकुलरूववलसुयविज्जाविण्णाणलच्छिसहिया वि । पावति नेव ठाणं सव्वत्थ वि सीलपब्भट्ठा

१ विवरिय० विवृत-विख्यात ।

॥५०७॥ लब्ध्वाइ सीलेण कुलं सीलं न कुलेण पायडं होइ । तम्हा सीले सिवसुहनिब्वंधणे आयरं कुणह
॥५०८॥ तं पुण सीलं दुविहं देसे सव्वे य होइ नायव्वं । देसे गिहीण दंसणमूलाणि दुवालसवयाणि ॥५०९॥
साहूण सव्वसीलं सीलांगंहारससहस्सा जं । वृञ्चंति निरइयारा जाव्वजीवं अविभसामं ॥५१०॥ ता कायव्वा भत्ती
साहूण विसुद्धसीलवंताणं । नियसत्तीए य त्हा पालेयव्वं सया सीलं ॥५११॥ तत्थ वि उस्सण्णेणं सुसानवो
धरइ निम्मलं सीलं । पालइ पव्वादिणेसु च काकण सदारंस्तंसं ॥५१२॥ अहवा वि ससत्तीए एगेगविहीय-
भेयपडिभिणं । नरयपुरनिविडदारं परदारं चयइ पुण निच्चं ॥५१३॥ लहुक्कम्मा गरुसत्ता पविचसीला कला-
वइव्व जिया । पावंति पुण्णवंता किति च सुहं च सुगइं च ॥५१४॥

तहाहि—अत्थित्थ भरहवासे देसे सिरिमंगले सिरिनिलए । संबुज्जलग्गणजणयाविराइयं संखउरनयरं
॥५१५॥ तं परिवालइ पबलप्पयाववलदलियसयलपडिवक्खो । असंरारणनिवासो संखो नामेण नरनाहो ॥५१६॥
अह अणया कयाइ अत्थाणायस्स तस्स नरवइणो । गयसिद्धिमुओ दत्तो पडिहारनिवेइओ पत्तो ॥५१७॥
नमिय निवं उवविट्ठो पुट्ठो रण्णा चिरावो कि दिट्ठो ? । स भणइ दिसिजत्ताए गओ चिरेणडज्ज इह पत्तो
॥५१८॥ भणियं निवेण भो दत्त ! किं तए तत्थ दिट्ठमच्छरियं ? । भणइ इमो डहं पत्तो कयाइ पहु !
देवसालपुरे ॥५१९॥ तत्थ मए जं दिट्ठं अच्छरियं तं न सक्कए वुत्तं । इय भणिय चित्तफलं निर्दंसियं तेण
नरवइणो ॥५२०॥ रण्णा निरिखिखुक्कणं पुट्ठो तं कहसु का इमा देवी ? । सो भणइ इमा देवी पहु ! न
हु कि पुण ? इमा मणुई ॥५२१॥ रण्णा भणियं ता कहसु का इमा कण्णया ? किमभिहाणा ? । दत्तेणुत्त-
मिमा पहु ! कलावई नाम मह भइणी ॥५२२॥ कहमेयं ? ति निवुत्ते भणइ इमो देव ! सत्थपुरओडहं । वच्चामि

चोरसंकाइ मग्गसोहणकए जाव ॥५२३॥ ताव मए मग्गतडे पडिओ मयतुरगपिट्टिदेसठिओ । अमरकुमारुव्व नरो कंठाऽऽगयजीविओ दिट्ठो ॥५२४॥ पवणप्पयाणपदपाणमोयगार्इहि विहियसज्जतणू । पुट्ठो स मए कत्तो तं पत्तो ? कह व वसणमिमं ? ॥५२५॥ सो भणइ देवसालनयरओ अंइ इहं समाणेउं । विवरीयसिक्खवतुरएण पाविओ एरिमं वसणं ॥५२६॥ तुब्भे वि भणह कत्तो कत्थ व संपट्टियत्थ ? तेणुत्ते । भणियं मए गमिस्सं संखउग इवसालपुरं ॥५२७॥ तो दोवि सत्थसहिया पवरसुहासणगया पुरो जंता । पिक्खंति तक्खणेणं चउरंगदलं समुहसितं ॥५२८॥ जा खुहियो सत्थजणो पहियं एणेण वंदिणा ताव । जयइ जयसेणकुमरो विजयसहारायअंगरुहो ॥५२९॥ दट्ठुं विजयनरिदं कुमरो वि सुहासणाओ उत्तरिउं । पणमः मए समाणं नियजणयं जणियगुरुहरिसो ॥५३०॥ जयसेणकुमारेणं भणियमिणं ताय ! सत्थवाहेणं । जीवाविओऽमि अहयं दत्तेणिमिणा सुपुरिसेण ॥५३१॥ तुट्ठेण तओ रण्णा भणियं तं मज्झ पढमपुत्तु त्ति । काळण सत्थसुत्थं नीओ सह अप्पणा सपुरं ॥५३२॥ तह कहवि तेहि हरियं रायकुमारेहि देव ! मह हिययं । जह जणणि-जणयनियनयरदेसवासस्स नो सरइ ॥५३३॥

अवि य—ते केइ मिलंति महीयलमि लोयणमहुसवा मणुया । हिययाओ खणं पि न ओसरंति जे टंकवडियाओ ॥५३४॥ अत्थि पुण तस्स रणो धूया सिरिदेविकुच्छिसंभूया । लक्खणधरी सुख्खा अणुया जयसेणकुमरस्स ॥५३५॥ तुलियतिल्लत्तमतेया कलाकलावमि सुट्ठु पत्तद्दा । जणमणहरणसुचरिया कलावई सच्चवियनामा ॥५३६॥ तीए अणुख्ववरो सव्वत्थ गवेसिओ न उवलद्धो । चितानलेण उज्झंति तेण पिउ-भायहिययाइं ॥५३७॥ भणियो तेहिं तओऽहं भट्ठणीए लहसु किं पि वरसुचियं । जंवहुवरयणा पुहई तह वहु-

दिद्वोऽसि दत्त ! तुमं ॥५३८॥ एवं ति भगतेणं मए वि लिहो इमो पडिच्छंदौ । तयणुणाओ कमसो कल्ले गेहम्मि पत्तोऽम्हि ॥५३९॥ फुरइ पुण मज्झ हियाए एसा देवस्स चैव उच्चिय ति । नियसामियं पप्पुत्तुं रयण को संहइ अण्णस्स ? ॥५४०॥ कुलगिरिसमुभवाणं ठाणं रयणाथरो हु सरियाणं । सुत्तूण पव्व-
णिदुं गहंतरं घडइ कि जुण्हा ? ॥५४१॥ एवं विभाविऊण अपडिरुवाइ तीइ पडिरुवं । देवस्स दंसियं मे संपइ देवो पमाणं ति ॥५४२॥ इय सोउं संखनिवो तीए वालाए, जायअणुराओ । जा चिट्ठं वाउलिओ ता कालनियेएणुत्तं ॥५४३॥ उल्लसियेयपसरो हुरो जणमत्थयं कमइ एसो । तेयगुणव्भहियाणं किमसज्झं जीवलोगम्मि ॥५४४॥ तो राया अत्थाणं विसज्झिउं देवपूयणं काउं । सुत्तुं सयणीयगओ चिट्ठइ तं चैव चित्तं तो ॥५४५॥ दत्तो पुण तम्मि पुरे गंतुं विजयस्स राइणो कहइ । सब्बं पि जहावत्तं संखणुरायस्स बुत्तंतं ॥५४६॥ तुट्ठेण तओ रण्णा जयसेणकुमारसजुया सिग्धं । चउरंगवलसमेया सयंवरं पेम्मिया धूया ॥५४७॥ अह सहसा संखउरे असंखसिण्णं समाणयं नाउं । संखो संखुहियमणो जा चिट्ठइ रणस्सप्पउणो ॥५४८॥ ता दत्तेणाऽऽगंतुं निणत्तं संखरायणो खिप्पं । को एस समारंभो देव ! अकंढे पलयतुल्लो ? ॥५४९॥ नणु एयं तं रयणं सयंवरं एइ जमिह देवस्स । चिच्चिट्ठियं पि दिट्ठं चिट्ठइत्तद्वियं निच्च ॥५५०॥ सो एस जयकुमारो दिसि दिसि वित्थरियक्किचिपवभारो । ख्वविणिज्जियसरो संपत्तकलाजलहियारो ॥५५१॥ दाऊण कणयजीहं सयलं दत्तस्स अंगलगं च । भणइ निवो कह एयं सुंदर ! अइदुग्घडं घडियं ? ॥५५२॥ दत्तो आह हसंतो अचित्तसाहप्पयाइ देवस्स । घडइ अइदुग्घडं पि हु भण्णइ अण्णं किमम्हेहि ? ॥५५३॥ तो रण्णा पुरमज्झे पवे-

सिया सा महाविभूईए । दिण्णो वरपासाओ कालं सम्माणमसमाणं ॥५५४॥ मुमुहुत्ते सव्विह्दीए पणिीया संखराडणा एसा । गख्यपसोयपरेणं सग्खि देवी मिरिहरेण ॥५५५॥ जयसेणकुमारो वि हु सापणयं ठाविओ कइवि दियहे । कयसस्माणो गणा विसज्जिओ सनयरं पत्तो ॥५५६॥ अह सखो नगनाहो क्क्यावटए ममं अणुव्विग्गो । साणड उत्तममोए गंडं सद्धि मुरदुव्व ॥५५७॥ तीए अदंसणे णिययनिब्धुं न हु सणं पि पावेइ । नियजीवियं पि दिच्छड अत्यइ सइ तक्कहाखणिओ ॥५५८॥ अत्थाणमंडवगओ चारयल्लं व गणड अप्पाणं । तुरयाडवाहणं पि हु अभिभोगं सुणड तव्विरहे ॥५५९॥

किं बहुणा ?—रुज्जाइं कुणड अंगं चित्तं चिट्ठड क्क्यावटं जत्थ । अंतउरं पि सव्वं क्क्यावटनामयं तस्स ॥५६०॥ तणुयंगीए वि तीए रुद्धं रण्णो तहा गख्यहिययं । ओगासं वि य न लहड जह अण्णा तत्थ थेंवं पि ॥५६१॥ गलिओ सोहग्गमओ जाओ यम्मम्मि आयगं अहियं । तीए सोहग्गणुणं सोऊणं नयरनारीणं ॥५६२॥ सा पुण न मुणड वुत्तुं अलियं पेमुणमहव पग्दोस । ईसावसं न गच्छड न वहड गव्वं मुथेंवं पि ॥५६३॥ जाणड पियाइं भणिउं जाणड सव्वत्थ उचियपडिवत्ति । जाणड दुहिएमु दयं जाणड पग्गो य अणुअत्ति ॥५६४॥ निखमस्खाइगुण्णिणया वि मणवयणत्तायपग्गिमुद्धं । तह सा पालड सीलं जह देवाग वि जणड चुज्जं ॥५६५॥ अह अण्णदिणे तीए निग्गाः मुमिणम्मि सुहयमुत्ताए । दिट्ठो उच्छंणओ कंचणक्क- लसो जहुत्तगुणो ॥५६६॥ तक्कसणडिवुद्धाए गंतुं संसस्स अविखओ एसो । तेण वि वुत्तं होही पहाणवुत्तो

१ अणुत्ति अतुल्लप्रयत्तिमित्थं, । २ गुणादिता ।

पिए ! तुज्झ ॥५६७॥ इय सोउं परितुट्ठा अवितहमेयं ति पडिच्छित्ता । सुपसत्थदोहला सुहसुहेण गन्धं धरहं^१
 तत्तो ॥५६८॥ पढमं पसवाइ नारी पिउगिहे तेण पसअसमयम्मि । तीए आणयणत्थं जणएहिं पेसिया पुरिसा
 ॥५६९॥ वरकोसेल्लं च पुणो वत्थाऽऽहरणाइं राखनिवजुगं । जयसेणकुमारेणं अंगयजुयलं पुणो पवरं
 ॥५७०॥ गयसिद्धिगिहे पत्ता ते पुरिना दत्तसंजुया तत्तो । उक्कंठिया य पढमं कलावईए गिहम्मि गया
 ॥५७१॥ पणया य तेहि देवी हरिसनसुफुल्लनयणा क्कमलेहि । निवपाहुडं च तीए निदंसियं हरिसियमणाए
 ॥५७२॥ अह चिरकालाऽऽसाइअजणयपउत्ती कलावई इत्ति । रोमंचकंजुयंचियकाया सहसत्ति संजाया ॥५७३॥
 सागयमिह तुम्हाणं ? कुसल तायस्स ? नीरुया अंवा ? । नंदइ भाया मज्झं ! ति तीइ वुत्ते भणति इमे
 ॥५७४॥ तुह दंसणसुयाणं सामिणि ! सव्वेसि तेसि नणु कुसलं । अइवल्लहं खु एयं अंगयजुयलं कुमारस्स
 ॥५७५॥ दत्तेण मग्गियं पि हु नियभज्जाए कए न पुण दिणं । जयसेणकुमारेणं पैहियमिणं संखनिवजुगं
 ॥५७६॥ अह तीइ तयं गहियं रणो अहमेव सव्वमप्पिस्सं । इय वुत्तं सम्माणिय विसज्जिया ते गया पुरिसा
 ॥५७७॥ भायसिणेहेण तओ देवी नियभुलयासु परिहित्ता । निज्झाइं पयत्ता सुसंगयं अंगयं जुयलं
 ॥५७८॥ इत्थंतरम्मि देवीभवणसमीवम्मि आगओ राया । सोऊण हसियसदं गवखजालतरम्मि ठिओ
 ॥५७९॥ पिकखइ तीइ भुयासु भुवणब्भुयभूयमंगयाभरण । पच्छणं च निसामइ सहीहिं सह इय समुल्लावं
 ॥५८०॥ अमयरसेण व सिचं मह नयणजुय इमेसि दंसणओ । अहवा सो चेव मए दिट्ठो एएहि दिट्ठेहि
 ॥५८१॥ अणं च उअह चुज्जं गयसिट्ठिएण मग्गियं एयं । तहवि न हु तेण दिणं पाणपिओ सो वि जं

१ कोसल्लं प्राप्त । २ प्रहितम् । ३ उअहं 'देखो' इत्यर्थावाचको अव्यय ।

तस्स ॥५८२॥ भणियं सहीहिं सामिणि ! तुसं पि जं तस्स नेहसव्वस्सं । अण्णात्थ तारिस्सं किं समवइ ? किमित्थ क्रिं चुज्जं ? ॥५८३॥ एवं अणहियनामं उल्लावं तासि बहुविहं सोउं । ईसावसेण राया डसिओ कुवियप्पसप्पेहिं ॥५८४॥ हियस्स कयाणंदो एईए वल्लहो नरो अण्णो । अहयं त्रिणोयमित्तं वसीकओ कव-
डनेहाए ॥५८५॥ किं निहणेमि इमं चिय ? किं वा मारेमि वल्लहमिमीए ? । इय कोवजलणजालाऽऽवलीइ कल्लिओ निवो चल्लिओ ॥५८६॥ अत्थमिए दिणनाहे पच्छणं वाहरित्तु तो रणा । मायंगमहिल्लियाणं छण्णा सिक्खा सयं दिण्णा ॥५८७॥ तह निक्करुणामणेणं निक्करुणो नाम नियमडो भणिओ । पच्चूसे पच्छणं देवि उज्जसु अमुगरणे ॥५८८॥ अह सो पहायसमए पडणित्ता रहवरं तुरियतुरियं । पभणइ देवि आरुह रहम्मि एयम्मि अविलंबं ॥५८९॥ कुसुमुज्जाणे राया रमिउं संपत्थिओ गयारुढो । तुह आणयणे सामिणि ! आएसो अम्ह संजाओ ॥५९०॥ सरलसहावा एसा संसंभमा रहवरं समारुढा । तेणाऽवि चोइया तक्खणेण तुरया पवणजवणा ॥५९१॥ कित्थियदूरे राया ? सुंदरि ! एसेस अण्णओ जाइ । एवं जंपंताइं ताइं रणम्मि पत्ताइं ॥५९२॥ ताव पहाया रयणी विमलीभूयाइं दिसिवहुमुहाइं । रायाणमपिच्छती आउलहियया भणइ देवी ॥५९३॥ हा निक्करुण ! क्रियेयं न य दीसइ इत्थ कत्थइ राया ? । उज्जाणं पि न दीसइ विलयिया कीस तुमएऽहं ? ॥५९४॥ सुव्वइ य न तूरवो न जणरवो किं तु रणमेयं ति । सुमिणमिणं ? मइमोहो ? किमिदयालं ? कहसु सव्वं ॥५९५॥ इय बहुविहप्पलावं देवि दीणत्तमागयं दट्ठं । निक्करुणो वि सत्तरुणो न तरइ पडिउत्तरं दाउं ॥५९६॥ ओयरिय रहाउ तओ पुरओ कयकरयलंजली होउं । सोयभररुद्धकंठो रय-
माणो भणिउमाहत्तो ॥५९७॥ ह'द्धी धिरत्थु पावो देवि ! अहं सच्चमेव निक्करुणो । जेणेस्सिम्मि कज्जे

निओइओ ह्यकयंतेणं ॥५९८॥ सो देवि ! वरमजाओ पावणरो पावचिद्धिओ दुट्ठो । सेवोवज्जियविची धरेइ जो जीनियं पुरिसो ॥५९९॥ जुञ्जइ जणएण समं विणिवायइ भायरं सिणिद्धं पि । सेवयमुणओ नरओ पहुणा सह विराइ जलणं पि ॥६००॥ ओगरिय रहवराओ ता निविससु इत्थ सालळायाए । एसो रायाSS- एसो अणं भणिउं न घारेमि ॥६०१॥ विज्जुनिवायब्भहियं तव्वयणं गुणिय मुणियतत्तथा । ओयरसाणी सुन्धवासेण धरणिं गया देवी ॥६०२॥ इयरो वि रहं चित्तुं ख्यसाणो चेव पडिगओ नयरं । पत्ता चिरेण कह ऋहवि वेयणं अह पुणो देवी ॥६०३॥ जा विट्ठइ ख्यसाणी अइकरुणं कुलहरस्स सरिडण । ता पुव्व- निउत्ताओ पचाओ पाणं विलयाओ ॥६०४॥ कच्चियरुहाहि ताहि कोवुब्भडाभिउडिभंगभीमाहि । पच्चक्खर- क्वरणीहि व भणियसिणं भीसणं वयणं ॥६०५॥ हादुट्ठे ! पाविट्ठे ! अणिट्ठचिट्ठे ! न याणसि सुखमेव ! । रायरारि माणेउं न गुणसि निवइररा पडिक्खल ॥६०६॥ ता नियदुच्चरियफल सहसु चि पयंपिरीहि कुराहि । राहसत्ति ताहि छिणं सअंगयं तीइ वाहुजुयं ॥६०७॥ हा ताय ! माय ! क्रियमियं ? ति मुच्छिया निवडिया धरणिवट्ठे । कह कहवि लद्धसण्णा कलवई विलविउं लग्गा ॥६०८॥ हा दिव्व ! कीस मज्झं एवं कुविओडसि निग्घिणो होउ । जेण अतक्कियसेवं करेसि अइदासुणं दंडं ? ॥६०९॥ णि नत्थि तुज्झ गेहे मए ससा काडवि वालिय पाव ! । जेण न याणसि निद्धं हयविहि ! दित्तो दुहमणिद्धं ॥६१०॥ हा अज्जउत्त ! जुत्ता असंमिन्नि- यत्तारिया न ते विउणो । दहिही अहियं हियय अणुतावो नाह ! तुह विउणो ॥६११॥ जाणंतीए न कओ नाह । मए तुज्झ विष्णिगलवो वि । अण्णाणकए पिययम ! न हु जुत्तो एरिसो दंडो ॥६१२॥ कण्णेजवेण

१ पितृग्रहम् । २ श्वपचमहिला । ३ मूले । ४ अगभीक्षितकारिता-साहसकर्म इत्यर्थ । ५ तर्णेजवेन पिच्छुनेत्यर्थ ।

केणवि सिद्धं तुह किं पि तं न याणामि । सदहसु मा हु सुपिणंतरे वि सीलस्स पालिणं ॥६१३॥ खणर-
 तखणविरचा नारी पडिघणपाला पुरिसा । एसा वि जणपसिद्धी विवरीया अज्ज संजाया ॥६१४॥ इय
 विलवंती सहसा नईतीरे वणनिगुंजमज्झस्मि । रा। दारयं पत्तया देवकुमारोवंसं देवी ॥६१५॥ दट्टण तस्स
 खवं क्लायइ वाहुळेयणसमुत्थं । पसवप्पभवं च दुहं पैम्हुसिउं हरिरिया जाया ॥६१६॥ आवयगयं वि सुह-
 यइ हासइ गुत्तसोगाहियहिययं पि । मरसाणं पि जियावइ सुपुत्तरजीवणी जीवं ॥६१७॥ ाणट य पुत्त !
 सुजायं होज्जमु दीहाउओ सुही सययं । वच्छ ! क्खेमि न्निमणं वद्धावगयं तुह अहणा ? ॥६१८॥ अह सो
 तडप्फंडतो लग्गो छुहिउं मुओ नईससुहो । क्कहमवि तं चलणेहिं थरिओ अक्कंदिउं एवं ॥६१९॥ हा ! हा !
 कयंत ! निघिण ! तुट्ठोऽसि न इचिण क्कि पाव ! ? । दाऊण पुत्तरयणं पुणो वि जं हरिउमारद्धो
 ॥६२०॥ संभंता भणइ इसा भइ ! नऽडेवि ! दीणवयणाए । दुहियाइ असरणाए निहोसाए युणमु वयणं
 ॥६२१॥ जट जयइ जए सीलं निम्मललीलं कलंकिय न भए । ता दिव्वनाणनयणे ! कुण वालयपाल्लोवायं
 ॥६२२॥ इय क्खणं कंदंती कारुणगयाइ मिथुदेवीए । सोहगतएवाहुलया निरुया य क्कया खणेणेसा ॥६२३॥
 दिव्वभवेणा इसा अणुंठवरी तणुसुहं अणणुभूयं । तरयलजुएण थितं वालं संठवइ अंक्खि ॥६२४॥ रांपह
 क्किमहं काहं ? ति जाव सा चितइ भउअंता तावसमुणिणा केणट ता दिट्ठा जुणनेणेण ॥६२५॥ क्खणाट
 तेण नीया कुलवइपासरिम तेण बुचंतं । सा पुट्ठा असमन्था क्कहिउं तो तेण थणियमिणं ॥६२६॥ को

इत्थ निच्चसुह्मिओ ? कस्स व लच्छी अखंडियच्छाया ? । कस्स व सुथिरं पिम्मं ? कस्स व खलियं न संजायं ? ॥६२७॥ तो धीरत्तणमवलंविज्जण वच्छे ! इहं निययवच्छे । पालेह तावसीमज्झसंगया नियपि-
उगिहिव्व ॥६२८॥ इय धीरविया संती कलावई तावसीण मज्झगया । चिट्ठइ सुहंसुहेणं पालंती अत्तणो
तणायं ॥६२९॥ इत्तो य ताहि मायंगियाहि केउरकंकणजुयाओ । नेज्जण दंसियाओ वाहाओ ताओ नर-
वइणो ॥६३०॥ जयसेणकुमारस्स उ नामं दट्ठूण अंगएसु निवो । चित्तइ महाअकज्जं रभसवसा ही मए
विहियं ॥६३१॥ न य पच्चकसं दिट्ठं न मुयं न य पुच्छियं मए सम्मं । कुवियप्परप्पणाहि अहह ! ! कं वित्त-
डिया देवी ? ॥६३२॥ तो वाहरित्तु पुट्ठो गयसिद्धी संखराइणा सिगं । इह देवसालनयराओ संपयं आगओ
कोइ ? ॥६३३॥ तेणुत्त मम मेहे कल्ले चिय आगया पहाणनरा । देवी आणयणत्थं न तुम्ह मिलियाऽणवसर
त्ति ॥६३४॥ सद्दविज्जण रणा किमेयसंगयजुयं ? ति ते वुत्ता । कहियं च तेहिं सव्वं जह देवीसंदिरे सुक्कं
॥६३५॥ एवं च भणंताणं संखो असंखदुवसत्तो । मुच्छानिमीलियच्छो धसत्ति धरणीयले पडिओ ॥६३६॥
तत्तो हाहारवपरपरियणउवयारपउणिओ वि निवो । पुण पुण मुच्छिज्जंतो रुह कहमवि चेयणं पत्तो ॥६३७॥
चित्तइ विसणचित्तो असमिक्खियकारिया अहो ! मज्झ । अरुयणुया अहो ! मे कुकम्मवंडालया ही मे
॥६३८॥ एयस्स इत्थियणस्स मंदभग्गो अहं अजोगोऽम्हि । इय जंपंतो पासट्टिएहि पुट्ठो किमेवं ? ति
॥६३९॥ भणइ निवो सुट्ठोऽह भो ! भो ! दुच्चरियचोरचक्रेणं । जेण मए अवगणिय विजयनरिदस्स
वच्छल्लं ॥६४०॥ जयसेणकुमारमित्ति पेम्हुसिउं अकल्लिज्जण पिम्मं च । देवीकलावईए अवहीरिय कुलकलंकं
च ॥६४१॥ समाविज्जण सहसा दोसमसंभावणिज्जमवि तीए । अण्णाणंघेण हहा ! ! उदकमवियारिज्जण मए

॥६४२॥ आसणापुत्तपसवाइ जं मए ववसियं अहणणेण । तं चित्तिउं ण तीरइ किमंग ! पुण जंपिउं पावं ? ॥६४३॥
 ता सव्वहा वि संपइ असुइउवकुरुइव सुद्धिपरिहीणो । अदिट्ठव्वसुहो ऽहं विसिट्ठलोयस्स किं बहुणा ? ॥६४४॥
 ता भो मंतिपमुहा ! कट्ठेहिं चियं राह पुरवाहिं । पविसित्तु तत्थ जेणं मरासि खियं दुरप्पाऽहं ॥६४५॥
 इय निवययणमतक्कियमायणिय परियणो किमेयं ? ति । सुणो दुणो होऊण मुक्कपुक्को विलवइ चि
 ॥६४६॥ हा अज्जउत्त ! अइनिच्चियोऽसि कह ववसियं तए एवं ? । सा मुहमंडणमम्हं कत्थ ? चि भणंति
 जायाओ ॥६४७॥ हा ! रायंगणमेयं वट्ठइ सुणं च त विणा सव्वं । मा रूस पसिय आणसु साभिय ! तं
 परियणो भणइ ॥६४८॥ हा ! हा ! ह ! ति किमेयं ? धिद्धी एयारिसं विहिनिहाणं । नरनारिगणो नयरे स्यइ
 समंता इय भणंतो ॥६४९॥ दैरभुत्तयं पि भत्तं दरपीयं पाणियं पि परिचत्तं । डिंभेहि वि तस्मि दिणे मुक्कं
 थणं पि किमु अणं ? ॥६५०॥ अक्कंदसइभीमं निक्करुणाणं पि जणियकासणं । दट्ठूण पुरं राया उव्विग-
 मणो पुणो आह ॥६५१॥ भो मंति ! कि चिरावह कि न सुणह मज्झ वेयणं अंगे । हा ! निट्ठुर न फुट्ठइ
 हियं मे गरुयदुक्खं पि ॥६५२॥ अह मंतिदारसयणा सैयराहमुदाहरंति स्यमाणा । मा कुण वियक्खण !
 खए खारक्खेवं खणेणऽम्हं ॥६५३॥ जइ कहवि बुद्धिखूणं संजायं दिव्वजोगओ एणं । ता मा करेह
 वीयं दइहोवरिफोडियातुल्लं ॥६५४॥ भयकायराण सरणं हवंति धीरा धराधरत्थेज्जा । धीरा वि धीरयं
 जइ चयंति ता होउ किं सरणं ? ॥६५५॥

अणं च—चिरपरिपालियमेयं रज्जमसंपत्तसत्तुसंतावं । ह्यविप्पहयं होहिइ तुमए मुक्कं खणेणाऽवि

१ भोत त्रस्त इति । २ दर० अर्द्ध । ३ सयाराह० शीघ्रम् । ४ खूण० हाणि ।

॥६५६॥ काळण कुलच्छेयं मा पूर मणोरहे रिउजणाणं । पज्जालिऊण जलणं को किर उज्जोयए भवणं ?
 ॥६५७॥ इय सविणयं सप्पणयं गुणदोसवियारसारसवि भणियं । अवगणिऊण राया चलिओ अणुतावतत्तंगो
 ॥६५८॥ न तथा तवेइ तवणो न जलियजलणो न विज्जुनिग्घाओ । जह अवियारियकज्जं विसंवयंतं तवइ
 कज्जं ॥६५९॥ तत्तो अणुगमंतो समंतमुद्धंतमंतिमाइहि । कह कहवि अणिच्छंतो वि तुरयमारोविओ तेहि
 ॥६६०॥ दितो दुक्खं सेवयजणाण धम्मउज्जयाण वेरणं । सो अंसुवारिघोयाऽऽणणाहि तरुणीहि दीसंतो
 ॥६६१॥ वारियणीयाऽऽउज्जो वज्जियघयछत्तचमरवरचिधो । निगंतूण पुराओ पत्तो नंदणवणाऽऽसण्णं ॥६६२॥
 अह निघनिवारणोवायमणमनियंतओ गओ सिद्धी । असुहस्स कालहरणं विचिंतिउं विण्णवइ एवं ॥६६३॥
 देव ! इहऽत्थुज्जाणे जिणस्स जियरागदोसमोहस्स । भवणमिणं गंतु तहिं परमप्पा पाविउं जुत्तो ॥६६४॥
 तह संति इहेव वणेऽमियतेयगुरुए नमिय तेसि । उवएसाऽमयपाणेण देव ! पीणिज्जए अप्पा ॥६६५॥
 एयं पि ताप किज्जउ संपइ परलोयसंबलं ति निवो । गंतूणं जिणभवणे पूयइ देवं महिइहीए ॥६६६॥
 गंतुं गुरुणो नमिउं लज्जाणयकंधरो समुवविद्धो । गुरुणा नाणबलेणं अवगतत्तेण अणुसिद्धो ॥६६७॥ जम्म-
 जरमरणसल्लो इद्धवियोगाइवाडवाऽऽलीढो । एस दुरंतो पावो भवोयही दारुणो राय ! ॥६६८॥ नारयति-
 रियनरामरणईसु सव्वत्थ तिवएदुक्खाइ । पुणरुत्तमणंताइं पत्ताइं सव्वजीवेहिं ॥६६९॥ एयस्स हेउभूया
 चउरो कोहाइविसहरा घोरा । दंसिज्जइ जेहि जणो अयाणओ हिययमज्झम्मि ॥६७०॥ दट्ठो कज्जाऽकज्जं
 जुत्ताऽजुचं हियाऽहियं मूढो । वत्तव्वमऽवत्तवं साराऽसारं च न सुणेइ ॥६७१॥ किं बहुणा ? तव्वसओ तं

तं आयरइ बुद्धिंमंतो वि । इत्थ परत्थ य जुत्तो पावइ गुरुदुक्खरिओल्लि ॥६७२॥ तुमए इमो अणत्थो
 कसायवसणेण ता कओ पावो । वीओ पुण पावयरो अण्णाणाओ समारद्धो ॥६७३॥ पावेण होइ दुक्खं पावं
 पुण पाणघायणाईहिं । परघायाओ भणिओ नियपाणवहो हि पावयरो ॥६७४॥ इय अहियदुक्खहेऊ ववसाओ
 तुज्झ संतिओ एसो । भावेहि भूव ! सम्मं मा सुज्झसु सव्वकज्जेसु ॥६७५॥ पावुभ्वदुक्ख्वाणं पुण्णं थम्मसु-
 व्भवं खु पडिवक्खो । आयरसु दुक्खभीरु ! ता थम्मं जिणवराणाए ॥६७६॥ अण्णं च मए नायं नाणेण
 तुज्झ थम्मनिरयस्स । होहिइ लहु संजोगो देवीइ पुणं नवभुयाए ॥६७७॥ तिहुयणअब्भुयभूयं लद्धुण महो-
 दयं सुदीहद्धं । वज्जियरज्जो अब्बेसि नूणमणवज्जपव्वज्जं ॥६७८॥ ता पत्थिव ! दिणमेगं ठाहि मणं काउ-
 मविचलं थम्ममे । संजायपन्चओ नणु करिज्ज उवरिं जहाजुत्तं ॥६७९॥ इय सिसिमहुरायणोहि वासिओ
 नरवई नमिय स्सरि । पुरवाहिं चैव ठिओ सुमरंतो स्सरिपयकमलं ॥६८०॥ निसिसुत्तो पच्चूसे पिकखइ सुसि-
 णम्मि किर मए सहसा । दरंनिफणफलेगा छिण्णा सुरतरुसिहा पडिया ॥६८१॥ तत्थेव पुणो लग्गा
 निफणफला विसेससोहिछा । इय ददुं पडिबुद्धो संखो पच्चूससंखराया ॥६८२॥ चितइ पहिद्वचित्तो सह
 गुरुवयेणेण सवयइ सुमिणो । पयडत्थो य धुवं ता देवी पुत्तो य लहु मिलिही ॥६८३॥ अह अत्थाणनि-
 सण्णो दत्तं सदाविटं कहिय सव्वं । भणइ वणे लहु गंतुं सयं गवेसेहि तं देविं ॥६८४॥ तत्तो दत्तो खिण्णं
 पत्तो रण्णे तयं गवेसंतो । ददुं तावसमेगं पुच्छिय तं आसमम्मि गओ ॥६८५॥ कुलवइसहिओ दत्तो संपत्तो
 तावसीण मज्झम्मि । सो नियइ तत्थ देवि सिरिं व पज्जुणसुयकलियं ॥६८६॥ ददुण दत्तमह सा निर-

द्रुकठं पैरोविद्या धणियं । कोडिगुणं पिव जायइ दुवखं खलु परिचिए दिट्ठे ॥६८७॥ धीरत्तणेण धरियं पि
 हियरुद्धं दुहं अइमहंतं । रोयंतीए तीए झडिदि दत्तगणो वमियं ॥६८८॥ आसासिया य सहसा दत्तेण
 वि मंथरं सयंतेण । मा कुणसु भदणि ! खेयं एसो खलु कम्मपरिणामो ॥६८९॥ अणुभूयं सुयणु ! तए सव्वं
 अच्चंतदारुणं दुवख । इत्तो वि अणंतगुणं रण्णा वि अब्भो निमित्ताब्भो ॥६९०॥ संपद पच्छयावी इच्छइ
 सो साहिउं खलु हुयास । अब्भेव जइ न पिच्छइ तुह वयणं जीवमणीए ॥६९१॥ ता भुयसु मणुमहुणा
 कालवखेवो वि खमइ नो इत्थ । आरुह रहवरमेयं एयं चिय संपयं सेयं ॥६९२॥ कयनिच्छयं नरिद नाउं
 गमणस्सुया इमा जाया । पडिक्कलस्स वि पइणो हियमेव मणं कुलवहणं ॥६९३॥ आपुच्छिऊण तत्तो कुल-
 वइमह रहवरं समारूढा । पत्ता य पैओसे नयरवाहिरे पत्थिाऽऽवासे ॥६९४॥ संपुणतणुं दइयं ददठुं गरुयं
 हरिसवहंतो वि । लज्जानामि-यवयणो न तरइ तं पिक्खिउं राया ॥६९५॥ इत्थंतरम्मि रम्मं बद्धावणयं
 पवज्जि^१ तूरं । आरत्तियाइकज्जे समागयं पोउलं पवरं ॥६९६॥ पिमुणियपरमाणंदे मणहरंगंधव्वतरवमुहले ।
 निव्वत्तियम्मि सयले संझाकिच्चे पुहइचाहो ॥६९७॥ आणंदाऽमयंसंसित्तगतत्तासामंतमित्तिकेण । सलहिज्जंतो
 उचियं कालं दाऊण अत्थणं ॥६९८॥ अह उट्टिऊण पत्तो सुदठु सुउवकंठिओ पियापासे । भणइ अणु-
 ताव एसो चिरकालाउ व्व मिलियाए ॥६९९॥ खमसु अवरहमेयं महंतमवि मज्झ मूहहिययस्स । भणइ इमा
 ते दोसो नेसो मह किंतु कम्मणं ॥७००॥

जओ--सव्वो पुव्वकयाणं कम्मणं पावए फलविवागं । अवरहेसु गुणेसु य निमित्तमित्तं परो होइ

१ प्रकथिता । २ पदोपे-साभ्याकाटे । ३ पाठुका । ४ पिमुणिय^० कथित ।

॥७०१॥ पुच्छामि तहवि सामिय ! केरिसदोसस्स एरिसो सहसा । दंडो मह आइट्ठो ? तो राया भणइ वयणमिणं ॥७०२॥ जह नत्थि फलं वंजुलदुमेसु वडउंवेरेसु वा पुफं । तह दइए ! तुह देहे न विज्जए दोसलेसो वि ॥७०३॥ अण्णाणंघेण मए असंतदोसो वि भासिओ तुज्झ । पिच्छंति झामलच्छी दीवे मंडलमसंतं पि ॥७०४॥ तत्तो निवेण कहियं नियवुत्तं इमा तओ पुट्ठा । साहइ उवसंतमणा नियवरियं सीलविफुरियं ॥७०५॥ सोऊण तीइ चरियं संखो संखकविमलसीलइहं । विम्हियहियओ अहियं तो देविं जंपए एवं ॥७०६॥ वज्जिस्सइ मम एसो आससिद्धरं पिए ! अयसपडहो । तुह पुण सीलपडाया अप्पडिरूवा जए फुरिही ॥७०७॥ अणुतावग्गिपलित्तं विज्झाइस्सइ न माणसं मज्झ । वीसरिउमसक्कं तुज्झ दुहमिहं संभरंतस्स ॥७०८॥ जं च तुह संगमाऽऽसा जाया कारुणियपवरगुरुवयणा । तेण न मओऽम्हि सुंदरि ! दुक्खंतरं भीरुओ तुज्झ ॥७०९॥ तो भणियं देवीए मण्णे पुण्णेहिं एयवालस्स । विसमीभूया वि दसा समत्तमम्हाणसंपत्ता ॥७१०॥ धणो य गुरु भयवं निम्मलनाणावलयकलिएण । जेण तुह सुद्धबुद्धी दिण्णा कारुणपुण्णेणं ॥७११॥ दंसेहि त मुण्णिदं महाणुभावं महं पहायम्मि । एवं ति अब्भुवगयं सस्मं रणा पसण्णेणं ॥७१२॥ इय अवरुप्परनिच्चइयदुवखसाणुणयवयणनिरयाण । खीणा खणेण खैणया तेसिं नववडियनेहाणं ॥७१३॥ झरुग्गमम्मि दोहि वि पणिवट्ठो अमियतेयमुणिणाहो । तेणाऽवि कया गंभीरदेसणा सीलवयसारा ॥७१४॥

तथा हि—सीलं कुलुणइकरं सीलं जीवस्स भूसणं पवरं । सोलं परमं सोयं सीलं सयलाऽऽवययाहरणं

१ अशोकदुमेसु । २ झामररोगवाला । ३ क्षणदा-रात्री ।

॥७१५॥ सीलं दुगाइदलणं सीलं दोहगाक्रंदनिदहणं । वसवचिसुरविमाणं सीलं चितामणिसमाणं ॥७१६॥ थंभइ
खणेण जलणं वेयालव्वालभयहरं सीलं । सायरजलोहतरणं गिरिसारनीरोहरैयधरणं ॥७१७॥ सीलइदाण जणाणं
तियसा वि वहंति मत्थएणाऽऽणं । गुणमंकित्तणवग्गा कुणंति साहिज्जमेगगा ॥७१८॥ अहव सयं चिय दिट्ठ
माहप्पमिं विसुइसीलस्स । तुब्भेहिं पिययमाए देहस्स पुणणवीभवणे ॥७१९॥ जइ पुण लहइ सहायं सम्म-
त्तमहानिलं महीनाह ! । ता एस सीलजलणो खणेण कम्मियणं दहइ ॥७२०॥ तत्थ गयरागदोसो अरिहं देवो
सुसाहुणो गुरुणो । धम्मो करुणारम्मो सम्मत्तमिमिसि सदहणं ॥७२१॥ ता अहरियचित्तमणि रुप्पहुमकामधेणु-
माहप्पं । सम्मत्तमिणं पत्थिव ! आहारो सब्वसुकयाणं ॥७२२॥

इत्थंतरम्मि नमिउं कलावई विण्णवेइ गुरुमेवं । कम्मेण केण मह पहु ! एमेव भुयाओ छिण्णाओ ?
॥७२३॥ तो भणइ गुरु निमुणह इह भरहे इवंतिजणवए रम्मे । नयरी अत्थि अवंती सिरीइ विजयं पि
विजयंती ॥७२४॥ तत्थ निवो नरचंदो चंदो इव जणियजणमणाणंदो । तस्स पिया चंदजसा चंदुजलसी-
लज्जसकलिया ॥७२५॥ तीए य अत्थि एगो रायसुओ नियसुउव्व पाणपिओ । नामेण वयणसारो वयणविहि-
विसारओ मइमं ॥७२६॥ देवी परितुट्टमणा पइदियहं खाणपाणादाणेणं । पालावइ जत्तेण मणिकंचणंपजरस्संतो
॥७२७॥ नवनवकव्वकहाओ सिक्खवइ सयं पढंतयं च तयं । सोऊणं हरिसिज्जइ खणं पि न रमइ विणा
तेण ॥७२८॥ अण्णदिणे पुरवाहिं उज्जाणे देवरमणनामम्मि । सीसगणसंपरिवुडो समोसढो सुव्वयाऽऽयरिओ
॥७२९॥ तण्णमणत्थं पत्तो नरचंदनिवो पियाइ सजुत्तो । वंदिय गुरुं निसण्णो सपरियणो सुणइ इय धम्मं

॥७३०॥ धम्मो सव्वसुहाणं मूलं पावं तु सव्वदुक्खाणं । ता जइ दुहभीरुसुहेसिणो य भव्वा ! कुणह धम्मं
 ॥७३१॥ तं पुण धम्मरहसं निमुणह एगेण सारवयणेणं । अप्पडिक्कलं कम्मं परेसि न कयाइ कायव्वं
 ॥७३२॥ इय परमत्थं सोउ चंदजसाए समण्णिओ राथा । वारसवयाइ गिण्हइ सम्मं सम्मत्तमूलाइं ॥७३३॥
 वंदित्तु गुरुं पत्तो सपरियणो नियगिहम्मि नरनाहो । पालइ गिहत्थधम्मं गुरू वि अणत्थ विहरेइ ॥७३४॥
 अहमीचउदसीसु कीरेण समं सुहासणनिसण्णा । चेइयहरम्मि गंतुं चंदजसा पूअए देवं ॥७३५॥ भत्तिवहु-
 साणसार जहाविहं चेइयाइ वंदित्ता । नवनवथुइत्ताइं भणावए वयणसारेणं ॥७३६॥ अह अणदिणे केण वि
 कज्जेण न चेइए गया देवी । तो उस्सुओ सुओ सो कहमवि जिणमंदिरे पत्तो ॥७३७॥ पत्तेयं जिणविने वंदिय
 थोऊण परमभत्तीए । देवी पासे पत्तो तं दट्ठं तीइ कुवियाए ॥७३८॥ पाविट्ट ! दुट्टचिद्धिय ! कयघ्न ! सच्छं-
 दचारि ! निल्लज्ज ! इय जंपिरीइ सहसत्ति मोडियं तस्स पक्खदुगं ॥७३९॥ पच्छयायावपराए पच्छा तीए
 दुगुंछिओ अप्पा । अइरभसकयं कज्जं आजम्मं दहइ सल्लं व ॥७४०॥ तप्पभिं च पुणो सा विसेसकयउज्जमा
 परमसद्धा । पालइ सावगाधम्मं सम्मं रण्णा समं देवी ॥७४१॥ कालक्कमेण राया देवी य समाहिणा मरेऊण ।
 सोहम्मदेवलोए उवण्णा सुरवरा दीवि ॥७४२॥ जिणधम्मरागतो मरिउं सो वयणसारकीरो वि । निम्मलदह-
 सम्मत्तो तत्थेव सुरो समुप्पणो ॥७४३॥ नरचंदजिओ तत्तो चविउं जाओ तुमंसि निवसंख ! । चंदजसाइ
 जिओ पुण कलावइ ! तंसि उप्पण्णा ॥७४४॥ सो वयणसारजीओ तुम्ह सुओ एस पुणकलसु त्ति । पडि-
 पुण्णपुण्णजोगा जाओ तुम्ह वि सुहनिमित्तं ॥७४५॥ जिणधम्ममच्छरेणं तेण य पाणाइवायखल्लिणं । भदे !

कलावह ! तए बाहुच्छेओ तओ पत्तो ॥७४६॥ निम्मलसीलगुणेणं इहण्णभविणएण पुण लहुं चेव । अच्छे-
रकरं जायं पुण्णवं तुज्ज वाहुजुयं ॥७४७॥ इय सोउं पुवाभवे भवभयभीओ नमित्तु पुणवि गुरुं । देवीइ
समं राया विणवइ कयंजली एवं ॥७४८॥ संसारचारयाओ इमाओ अम्हे दहं विरत्ता उ । सिवसुक्खदाणादक्खं
दिक्खं चिय कंखिसो संवु ॥७४९॥ किं पुण एसो बालो बालतेणं अपत्तपवलवलो । उव्वोउं रज्जभरं न
खसो पहु ! तण्ण उव्वरहं ॥७५०॥ ता संपइ पसिज्जण भयवं ! अम्हाण देसु गिहिधम्मं । समए पुण
संपत्ते गिण्हिसामो समणधम्मं ॥७५१॥ तो अमित्येयगुरुणा सम्मं सम्मत्तसंजुओ रम्मो । दिण्णो गिहत्थ-
धम्मो संखस्स कलावहइ समं ॥७५२॥ तो नमित्य गुरुं नयरे पविसंते नरवरे सदेवीए । जाओ परमाणंदो
ताण नियंताण पउराण ॥७५३॥ मंगलतूरनिनाओ उदामो नहयले वियंभतो । उग्गोसंतो पयडं महा-
सईणं व माहपं ॥७५४॥ देवीकोउयदंसणमिलियाऽणिमिसिच्चिरमणिगणखुदं । जायं सहसा नयरं
विसिट्ठकमलायराऽऽयारं ॥७५५॥ काओ वि सुतोसाओ सियकुसुमंजलिजलेण देवीए । अयसमलं विव
धोयंती सीलगुणसंशुइपराओ ॥७५६॥ इय नयरजणाणंदं जणयंतीए समं पिययमाए । कयमंगलसयसहसं
राया नियमंदिरे पत्तो ॥७५७॥ आइट्ठं च विसिट्ठं वद्धावणयं तओ नरदिणं । उप्फालियसुयजम्मं चारण-
परिमोयणाइयं ॥७५८॥ मरणा निवो नियत्तो मिलिया देवी सुओ य पढसु त्ति । अमर्यमयं पिव भुवणं
जणाण जायं दिणे तम्मि ॥७५९॥ कयसयलजणच्छेरं उवहसियकुचेरिद्धिसुंदरं । दिण्णाऽवारियभत्तं वद्धा-
वणयं तहि पवत्तं ॥७६०॥ एवं पमोयसारे समइक्कंते दुवालसाऽहम्मि । सुहिसयणसम्मएणं बालस्स पइ-

द्वियं नामं ॥७६१॥ जं एस पुण्णवंतो जणणीजणयाण जीवणगुणेणं । कलससुमिणेण लद्धो ता भण्णउ
पुण्णकलसु चि ॥७६२॥ तो कुमरो जत्तेणं लालिज्जंतो सुहेण अणुदियहं । गिरिकंदरमल्लीणो वड्डहइ सो
चंपगतख्व ॥७६३॥ राया तिवग्गसारं संखो संखंकुंदधवलजसो । सहिओ कलावईए चिरकालं पालए
रज्जं ॥७६४॥ अह तत्थ समोसरिया गुरुणो सिखिमियतेयनामाणो । तण्णमणत्थं पत्तो देवीइ समणिओ
संखो ॥७६५॥ विहिपुवं वंदित्ता गुरुपयकमलं निवो सपरिवारो । उचियट्ठणनिविट्ठो अह सरी कहइ इय
धम्मं ॥७६६॥ माणुस्सखित्तजईकुलख्वाऽऽरुग्गमाउयं बुद्धी । सवणुग्गहसद्धा संजसो य लोगस्मि दुलहाइं
॥७६७॥ सामग्गीइ इमाए पत्ताए रयणभूमिणाइ व्व गिण्हह चरित्तरयणं चित्तरयणं व सुक्खकरं ॥७६८॥
इय सोउं संविग्गो राया वंदिय गुं गिहे गंतुं । रज्जंमि पुण्णकलसं ठवइ सुयं गुरुविभूईए ॥७६९॥ देवीइ
समं तत्तो पव्वइओ अमियतेयगुरुपासे । तिक्खतवचरणारओ विहरइ सव्वत्थ सह गुरुणा ॥७७०॥ सुत्तत्थगहि-
यसारो दुहाऽवि संछेहणं विहेऽण । अणसणविहिणा मरिउं सोहम्मे सुरवरो जाओ ॥७७१॥ देवी कलावई
वि हु निम्मलतवचरणसीलसुपवित्ता । मरिउं तहेव जाओ तत्थेव सुरो महिइढीओ ॥७७२॥ तत्तो चुयाइं
दुणिण वि कइ वि भवे सुरनरेसु सुक्खाइं । पाविय जहुत्तरां कमेण पावति निव्वाणं ॥७७३॥ इव भइे !
तुह कहियं सवित्थरं सीलयम्ममाहप्यं संपइ तवस्सरुवं सउदाहरणं सुणसु सम्मं ॥७७४॥

जह लंघणेहि खिज्जंति रसविकारुब्भवा गरुयरोगा । तह तिक्खतवेण धुवं कम्माइं सुचिक्कणां पि ॥७७५॥
सो पुण दुविहो भणिओ वज्झो अब्भित्तरो य जिणसमए । वज्झतवो छब्भेओ अब्भित्तरो य छब्भेओ ॥७७६॥
अणसणमूर्णीयरिया विचैीसखेवणं रसंच्चाओ । कायंकिळेसो संलीर्णया य वज्झो तवो होइ ॥७७७॥ पार्य-

च्छित्तं विणीओ वेयैवच्चं तहेव सँज्जाओ । झोणं उस्सणो वि य अब्भित्तओ तवो होइ ॥७७८॥ मंतेहि
ओसहेहि य जह विज्जो हणइ लहु बहु पि विसं । चिरसंचियं पि कम्मं दुविहेण तवेण तह जीवो ॥७७९॥ न
जं नारया न कम्मं खवंति बहुएहिं वाससहसेहिं । तं खलु चउत्थभोई जीवो निज्जरइ सुहभावो ॥७८०॥ न
तवेण विणा जीवो असंखभवसंचियं खवइ कम्मं । किं दहिउं कोइ पहु दवं विणा गरुयकंतरं ? ॥७८१॥
किंच-सव्वासिं पयडीणं परिणामवसा उवककमो भणिओ । पायसडनिकाइयाणं तवसा उ निकाइयाणं पि
॥७८२॥ जाइकुलरुवसुहिसयणलच्छिहीणो वि तिक्वतववसओ । शुव्वइ सुरेसरेण वि भत्तीए नंदिसेणुव्व
॥७८३॥ तवसा खणेण जिण्णइ कंदप्पो दलियतिजयदप्पो वि । इंदियतुरए दम्मति तह य अस्संदमेणेव
॥७८४॥ दुरियाइं जंति दूरं तिमिराइं व ससुदियम्मि तवसूरे । कल्लणाइं विसंठंति तह य कमलागराइं व
॥७८५॥ ता कायव्वा भत्ती सयावि तवसंजुयाण साहूणं । कम्मक्खयत्थमेवं तवो सयं चेव कायव्वो ॥७८६॥
संतोसथूलमूलो उवसमसंबंधसुथिरगुरुखंधो । करणजयगरुयसाहो अभयदलो सीलसुपवालो ॥७८७॥ सद्धा-
जलेण सित्तो सुरनरसुहसुरहिक्षुमुसोहिल्लो । सिवसुहफलओ तवकप्पपायवो होइ भवियाणं ॥७८८॥

अवि य—दिव्वोसहिरसवायं नहगमणविसाऽपहारकामगवी । चितामणिकप्पतरू सिज्झंति तवप्पभावेण
॥७८९॥ निम्मलतवमाहप्पा हवंति लद्धीउ इह वि जीवाणं । परलोए खलु सुत्ती उभयभवेसु पि पुण
कित्ती ७९०॥ लद्धिजुओ गुरुकज्जे करित्तु तिरुण्णइं तववलेणं । विणहुकुमारमहरिसी पत्तो सिद्धिं पसिद्धिं
च ॥७९१॥

तहाहि—इह अस्थि जंबूदीवे भरह वासम्मि हत्थिणउरम्मि । । पउसुत्तरस्स रणो जालादेवी परमसद्धी ॥७९२॥ वरसिंहसुमिणह्मइयगुणमाहण्यो इमीइ संजाओ । वररुवल्लखणायरो विण्हुकुमारु चि पहमसुओ ॥७९३॥ बीओ य महापउमो चउदसवरसुमिणह्मइओ जाओ । अहिगयकलाकलावा कमेण ते जुव्वणं पत्ता ॥७९४॥ विण्हुकुमारो पयईइ विसयविमुहो अणायरो रज्जे । ततो जुवरायपए ठविओ पियणा महापउमो ॥७९५॥ इत्तो य अवंतीए सिखिम्मो नाम नरवई अस्थि । तस्स य मंती नमुइ चि नामओ पवलयच्छित्तो ॥७९६॥ सुनिमुव्वयजिणसीसो सुव्वयनामा अहण्णयाऽऽयरिओ । वहुसीसपरीवारो पुरीइ वाहि समोसरिओ ॥७९७॥ तण्णमणत्थं पउरे वच्चंते ददटु निवइणा पुट्ठो । मंती क्रिमेस लोओ सन्विइढीए कहि जाइ ? ॥७९८॥ सो भणइ के वि समणा इहाऽऽगया अस्थि वाहिरुज्जाणे । तेसि यासे एसो मुद्धजणो गच्छए देव ! ॥७९९॥ भणइ निवो वच्चिस्सं अहं पि तो जंपइ इमं मंती । पहु ! तुह कहेमि धम्मं भणइ निवो तत्थ गच्छामि ॥८००॥ मंती जंपइ तुव्वेहि तत्थ मज्झत्थभावजुत्तेहि । ठायवं जेण अहं ते सव्वे निज्जिणिस्सामि ॥८०१॥ ते तत्थ गया मंती भणइ इमो जं व तं व तो मोणे । गुरुविहिए भणइ इमो किं तुव्वे सुणह गोणव्व ? ॥८०२॥ तो खुरी भणइ तुहं जइ जीहा खज्जए तओ वूहि । अह खुइएण एणेण जंपिओ कुणमु तं पक्खं ॥८०३॥ सो भणइ तईवज्जा तुव्वे तह असुइणो तओ अम्हं । तुव्वेहि समं जुत्तं जुत्तं बुत्तं पिय न केरिसो वाओ ? ॥८०४॥ खुट्ठो वि भणइ तुव्व वएहि सत्थेहि माहणा अम्हे । जह होमो निच्चं पि हु सुइणो य तहा निसामेह ॥८०५॥

१ ब्राह्मण-क्षत्रिय-वैश्यइतित्रयीवाक्या श्रुता इत्यर्थ ।

सुदंस्सणा-
चरियम्मि

॥१११॥

विजयकु-
मारसरुव-
परुवग
नाम
अट्टमुहेसो ।

॥११॥

जओ—सत्यं ब्रह्म तपो ब्रह्म, ब्रह्म चेन्द्रियनिग्रहः । सर्वभूतदया ब्रह्म एतद्ब्राह्मणलक्षणम् ॥८०६॥
 तथा—पंचैतानि पवित्राणि सर्वेषां धर्मचरिणाम् । अहिंसा सत्यमस्तेयं त्यागो मैथुनवर्जनम् ॥८०७॥
 तथा—ब्रह्मचर्यतपोयुक्ताः समलेष्टुककाचनाः । सर्वभूतदयावन्तो ब्राह्मणाः सर्वजातिषु ॥८०८॥
 किंच—ब्रह्मचर्यं भवेन्मूलं सर्वेषां धर्मचरिणाम् । ब्रह्मचर्यस्य भङ्गेन व्रता सर्वे निरर्थकाः ॥८०९॥
 'नैष्ठिकं ब्रह्मचर्यं तु ये चरन्ति सुनिश्चिताः । देवानामपि ते पूज्याः पवित्रं मद्गलं तथा ॥८१०॥ शीलानामुत्तमं
 शीलं व्रतानामुत्तमं व्रतम् । ध्यानानामुत्तमं ध्यानं ब्रह्मचर्यं सुरक्षितम् ॥११॥ शुचिर्भूमिगतं तोयं शुचिर्नारी
 पतिव्रता । शुचिर्धर्मपरो राजा ब्रह्मचारी सदा शुचिः ॥८१२॥
 किंच—सत्यं शौचं तपः शौचं शौचमिन्द्रियनिग्रहः । सर्वभूतदया शौचं जलशौचं तु पंचमम् ॥८१३॥
 किंच—नोदकक्लिन्नगात्रोऽपि स्नात इत्यभिधीयते । स स्नातो यो दमस्नातः स ब्राह्माभ्यन्तरः शुचिः
 ॥८१४॥ इच्चाइजुत्तिजुत्तेहिं सारयणेहि सत्यमणिएहि । बहुबुहजणपच्चक्खं खुइडेण निरुत्तरो स कओ
 ॥८१५॥ सो जुत्ताऽजुत्तविचारवज्जिओ लज्जिओ जुओ रणा । गेहे गओ निसाए वहाय पत्तो पुण सुणीणं
 ॥८१६॥ सो सुणिहणणप्पवणो सासणदेवीइ थंभिउं धरिओ । दिट्ठो पए जणेहिं तो निवपसुहो जणो बुद्धो
 ॥८१७॥ सो पुण मती अवमाणदमिओ हत्थिणाउरे पत्तो । मंती तहेव विहियो तस्य महापउमकुमरेणं
 ॥८१८॥ इत्तो पच्चंतनिवो सीहवलो नाम पवलहुगवलो । कुमरस्स महापउमस्स कुणइ देसे अवक्खंदं
 ॥८१९॥ तस्सुवरि सो मंती आणत्तो तेण तस्य त दुग्गं । भग्गं सो गहिऊणं समप्पिओ कुमरपायाणं

॥८२०॥ भणिओ य तेण मंती वरसु वरं नसुइणा वि पुण भणियं । अच्छउ पहु ! तुह पासे मणिस्सं अवसरम्मि
इमं ॥८२१॥ अह जालादेवीए कराविओ जिणरहो परमरम्मो । तीइ सर्वतीइ पुणो लच्छीदेवीइ वंभरहो
॥८२२॥ लच्छीइ निवो भणिओ नयरे परंभमउ मह रहो पढमं । जालाइ पुण भणियं जइ एवं अणसणं तो
मे ॥८२३॥ तो रणा मञ्जत्थेण ताण दुण्हवि निसोहिया जत्ता । माउदुहेणं रयणीइ निगओ अह महा-
पउमो ॥८२४॥ सोऽणेगखयरनवरकणाओ परिणिओ तहा भरहं । साहिय समगरयणो पुणो वि हत्थि-
णउरं पत्तो ॥८२५॥ पणाओ पिऊण ताणि वि संजायाइं पहिद्वचिचाइं । अह तम्मि दिणे सुव्वयनमगुरु
तत्थ संपत्तो ॥८२६॥ पउमुत्तरो वि राया सपरियणो गंतु तत्थ तं नमिउं । धम्मं सोउं पत्तो गिहम्मि अह
विण्हुमाहूय ॥८२७॥ रज्जम्मि ठविज्जंतो सो भणइ अहं पि पव्वइस्सामि । तो रणा सपणयं रज्जे ठविओ
महापउमो ॥८२८॥ तो कयनिक्खमणमहो राया सह तेण विण्हुकुमरेण । पडिबणो सामणं सुव्वयगुरुणो
समीवम्मि ॥८२९॥ तत्तो य महापउमेण निवइणा भामिओ पहिद्वेण । जालादेवीइ रहो संघेण समणिओ
नयरे ॥८३०॥ पउमुत्तरो मुणी वि हु विहरंतो सह गुरुहि कालेण । गयकम्ममलो उप्पणकेवलो निव्वुइं
पत्तो ॥८३१॥ विण्हुकुमारो वि मुणी कम्मखयकांखिरो निव्वुइइक्खो । अइतिव्वं तवइ तवं सया वि आया-
वणापरमो ॥८३२॥ छट्ठमदसमदुवालसेहिं मासद्धमासखमणेहिं । छम्मासखमणेहिं य पइणणं कुणइ तव-
चरणं ॥८३३॥ कणागावलिरयणावल्लिमुत्तात्रलिमाइं पिऽणेगविहं । चित्तमुक्कारकरं कुणइ विचित्तं तवोकम्मं
॥८३४॥ अइउग्गेणं तेणं तवसा विहिणा पयत्तचित्तेणं । लद्धीओ जायाओ विण्हुकुमारस्स बहुयाओ ॥८३५॥
गरुडुव्व वच्चइ नहे कामियरूवाइं कुणइ अमरुव्व मेरुव्व होइ तुंगो चूरइ चक्कं पि जइ कुवइ ॥८३६॥ इच्चा-

इलद्धिजुत्तो वि निम्ममो निब्भओ निरासंसो । सव्वत्थ वि उवसंतो विहरइ गुरुणा समं एसो ॥८३७॥
 अह सो सुव्वयहरी सपरिवारो वि हत्थिणउरम्मि । वासारत्तम्मि ठिओ उवस्सए कस्स वि गिहिस्स
 ॥८३८॥ विण्हुकुमारो उ मुणी पुच्छिय खूरि नहेण उप्पडओ । पत्तो सुमेरसिहरे चउमासकएण चूलाए
 ॥८३९॥ अह तेण दुट्टचिचेण नसुइणा मग्गिओ वरं राया । भूएण व छल्लनिरएण मुणिय तत्थट्टिया मुणियो
 ॥८४०॥ रणा भणियं किं देमि ? तेण बुत्तं दिणे कइवि रज्जं । मह देमु निवेण तयं रभसवसा दिण्णमेयस्स
 ॥८४१॥ अंतैउरम्मि राया ठिओ उ नसुइ पुणो कुणऽ रज्जं । वद्धाविओ य एसो आगंतुं सव्वलिगीहि
 ॥८४२॥ मुणियो न आगया इय कुविओ गंतुं उवस्सयदुवारै । भणइ इमो लोयठिं न कुणह निदह ममं
 च तुमे ॥८४३॥ तो भणइ गुरू अमहं अतिहीण न कप्पए इमं काउं । निदामो न य क्किचिवि नरनाह !
 तुमं विसैसेण ॥८४४॥ सो भणइ न मे कज्जं तुमेहि तो सुयह मह लहुं देसं । जइ सत्तदिणाणुवरि ठाहि-
 स्सह तो हणिस्सामि ॥८४५॥ अह भणइ गुरू मुणियो समत्थि लद्धीसमत्थया जस्स । सो संपयं पउजइ
 लद्धीणं अन्नसरो एसो ॥८४६॥ मुणियो भणंति छव्वरिससहसतवजायलद्धिसामत्थो । भयवं ! विण्हुकुमारो
 इक्कुचिय समुच्चिओ इत्थ ॥८४७॥ गुरुणा भणियं को तं आणिस्सइ ? तो मुणी भणइ एगो । गंतु समत्थि
 सत्ती भयवं ! मह तत्थ नाऽगंतुं ॥८४८॥ तो गुरुणा सो भणिओ वच्छ ! तुमं गच्छ सो तमाणेही ।
 तो सो खणेण पत्तो उप्पइओ मेरुगिरिसिहरे ॥८४९॥ विण्हू वि तयं दट्ठं चितइ नणु संवकज्जमावडियं ।
 जंपइ इमो वि इहं महासुणी वरिसकाले वि ॥८५०॥ अह तेण वदिज्जण विण्हुस्स निवेइय तयं कज्जं ।
 विण्हू वि तयं वित्तुं खणेण पत्तो गुरूसमीवे ॥८५१॥ भणिओ गुरूहि सो वच्छ ! जह तुम मुणसि तह इमं

कुणसु । अह सो :साहूहिं समं पत्तो निवमंदिरे विण्हू ॥८५२॥ सामंतमंतिमाईहिं वंदिओ सो विणा नसुइ-
मिक्कं । तो तस्स विण्हुमुणिणा मउयगिरा साहिओ धम्मो ॥८५३॥ भणियं च इमे मुणिणो तुह नयरे
संठिया उ चउमासे । ता चिहंतु इहं चिय विहरितु न कप्पइ जमिण्हि ॥८५४॥ किं च इमे पुव्वनिवेहि
पूउया भरहसगरमाईहिं । जं पालितो समणे तवछट्टंसं लहइ राया ॥८५५॥ जियवाहुल्ला इण्हि विहरंति न
भिवखावित्तिणो किं च । वित्ते वरिसावत्ते समयमवि जाहिति अणत्थ ॥८५६॥ इय महुरनिउणवयणेहि
विण्हुणा पभणिओ वि सो नसुई । न सुयइ नियकुगाहं मिच्छत्तल्लणमइपसरो ॥८५७॥ पडिभणइ पावंपुण्णो
तुमं पुण्णेण मज्झ पज्जतं ! मुंचह लहु मह नयरं । तो विण्हू भणइ पुणवि इमं ॥८५८॥ पुरवाहिं उज्जजाणे
चिहंतुं अकिचणा इमे मुणिणो । जं अवासिस्सइ थेवो कालो वि हु वरसयालस्स ॥८५९॥ तो भणइ इमं
नसुई गुंजारुणालोयणो फरसवयणो । किं बहुणा भणिणं ? गंधं पि सहेमि न हु तुमं ॥८६०॥ जइ जीवि-
एण कज्जं ता लहु नीहरह मज्झ देसाओ । अणह तुभ्भे सब्भे चोरव्व धुवं हाणस्सामि ॥८६१॥ नसुइवय-
णाहुईहिं फुरंतकोवानलो वि भणइ सुणी । देहि अहो मह ठाउं तेषुत्तं वियरिया तिव्वै ॥८६२॥ जइ पुण
तिव्वईइ वहिं नीहरह तुमं पि ता नशु हाणस्सं । ओमिति जंपमाणो विण्हुरिसी , फुरियगुरुकोवो ॥८६३॥
वेउव्वियलद्धीए विउव्वियं काउमपणो खवं । वरमउउडुंडुलधरो वरमालाडलंकियसरीरो ॥८६४॥ फलगाडसि-
कुलिसयणुकलियकरयलो जुणणपणामित्र । खयरे फारफुक्कारोहिं भंसंतो वड्डिउं लग्गो ॥८६५॥ पडमिणिपत्तं
व महि कंपतो पायंदइरेहि तथा । उच्छालितो अहिय जलनिहिणो पलयपवणुव्व ॥८६६॥ गुरुसेउवंधगो इव

१ कतीते । २ पापपूर्णो नसुचि । ३ त्रिपदी । ४ पादप्रहार ।

सरियाड पईवगाड कुवंतो । जोइसचक्कं च पुरो कक्करनियरं व विकिरंतो ॥८६७॥ वम्मियंमंडलं पिय गिरिवरसिहराईं दारयंतो य । वड्ढंतो मेरुसमो सुरअसुरभयंकरो जाओ ॥८६८॥ धरणीइ खिविय नमुइं बहुरूवो तिहुयणं पि खोहंतो । चिट्टइ ठविडं पाए विण्हू पुव्वावरसमुहे ॥८६९॥ कोवेण विण्हुमुणिणो तिलो-यमवि पिक्खिखं खुहियमिदो । तस्सोवसमणहेडं पट्टवइ तहि सुरवहूओ ॥८७०॥ ठाऊण कणमूले विण्हू-कुमारस्स ताओ महुरसरं । गायंति सुयरहस्सं गंधारगामअभिरामं ॥८७१॥ कोहेण जिया डब्बंन्ति तह य मुज्झंन्ति अपकज्जेसु । इहयं परत्थ नए वच्चंति अणंतदुहभरिए ॥८७२॥

किंच—जं अज्जियं चरित्तं देहणाए वि पुव्वकोडीए । तं पि कसाइयमित्तो हारेइ नरो मुहुत्तेण ॥८७३॥ परितावकरो कोहो सव्वस्सुव्वेगकारओ तहयं । वइरपरंपरजणओ भवे भवे दारुणविवागो ॥८७४॥ ता कयसव्वविरोहं म्हारसि ! एयं परिच्चयसु कोहं । उवसमसु खमसु अमहं खमापरा हुंति जं मुणिणो ॥८७५॥ तह चैव नच्चमाणा विज्जाहरअसुरकिणरीओ वि । गायंति विण्हुपुरओ उवसमसाराइ वयणाइ ॥८७६॥ राया वि महापडमो भयसंभंतो तहि समांगुं । नमिडं खमावद मुर्णि सिरेण चरणे परिसुसंतो ॥८७७॥ भयवं ! न मए नाओ मणैयं पि हु दुम्मई इमो नमुइ । कुणमाणो कूरमाणो संघस्साऽऽसायणं एवं ॥८७८॥ ता खमसु पसिय भयवं ! अदराहं मज्झ तिव्वकयमेवं । जमहं पि तुम्ह भिच्चो कयजली सरण-मणुपत्तो ॥८७९॥ ससुराऽसुरं पि शुवणं भयवं ! भयमिभलं इमं दीणं । चिट्टइ पकंपमाणं ता कोहं नाह ! संहरसु ॥८८०॥ इय तिहुयणविण्णत्ति सवणार्इयं पि पायफरिसेणं । विण्हुमुणी मुणिऊणं संघं च समाउलं

१ कीटविशेषकृतमृत्तिकास्त्रसमूहमित्यर्थ । २ मनागमपि ।

दइहुं ॥८८१॥ तत्तो उवसंतमणो करुणारसकुलहरं महाभागो । जाओ सहजसरुवो पारावारुव्व गयवेलो
॥८८२॥ संघाऽणुरोहओ पुण नमुइं पावं पि मुयइ विण्हुमुणी । निव्वासइ विसयाओ चक्की वि तयं महा-
पउमो ॥८८३॥ रयणायरपज्जंता जेण मही तिहिं कमेहि अक्कंता । भणइ जयम्मि तत्तो तिविक्कमो तेण
विण्हुमुणी ॥८८४॥ सो विण्हुकुमारमुणी एवं जिणसासणुणइं काउं । आलोइयपडिंकीतो गुरुहि सह विहरइ
महप्पा ॥८८५॥ तिव्वतवचरणनिरओ चिरकालं पालिऊण सामणं । उप्पण्णविमलनाणो संपत्तो सासयं
ठाणं ॥८८६॥ चक्की वि महापउमो तणं व चइऊण चक्कवट्टिसिरिं । पव्वइओ मुणिसुव्वयपहुपासे सिव-
पयं पत्तो ॥८८७॥ एवं तवमाहपं सुदंसणे ! तुह मए समबलायं । संपइ सव्वपहाणं सुणसु तुमं
भावणाधम्मं ॥८८८॥

इक्को चिय सुहभावो होइ धुवं दाणसीलतवहेऊ । जं धम्मो भावविणा कस्सइ कइया वि न हु
होइ ॥८८९॥ दाणं सीलं च तवो भावेण विणा चिरं पि अणुचिण्णं । कासकुसुमं व विहलं तम्हा भावु-
च्चिय पहाणो ॥८९०॥ भावरहियं तु चरणं वहुं पि अण्णाणतवमिव असारं । भावजुयं पुण वियरइ अंतमु-
हुत्तेण निव्वाणं ॥८९१॥ सामणेणं सो पुण समत्तजिणवयणसइहणरुवो । भणिओ विसेसओ पुण वारस-
हाभावणाऽणुगओ ॥८९२॥ ताओ अणिच्चअसरं संसारो ष्णअण्णअसुइत्तं । आसवसंवरणिंज्जरलोओ”
”वोही गुरुदुल्लहो ॥८९३॥ एयाओ भावणाओ समत्तगणिपिडगसारभूयाओ । पंचविहाऽऽयाररयस्स साहुणो
हुंति सयकालं ॥८९४॥ गिहिणो वि हुंति जइधम्मकंखिणो अंतरंतरा उ खणं । तस्स वि भवसयसंचिय

असंखक्कम्मखयकराओ ॥८९५॥ तो भावणा अवस्सं भव्वेहिं भव्वभावाणासारं । भावेयव्याओ सया भवभा-
वधिणासाणनिमित्तं ॥८९६॥ अधणाण कओ दाणं ? न तवो सीलं च मंदसत्ताण । साहीणा सव्वेसिं तु
भावणा सुद्धहियाणं ॥८९७॥ जं सम्मत्तं सुखस्स कारणं तं पि सुणह भावमयं । समए पसिद्धमेयं सुहप-
रिणासु त्ति सम्मत्तं ॥८९८॥

किं च—तक्कविहूणो विज्जो लक्खणहीणो य पंडिओ लोए । भावविहूणो धम्मो तिणिण वि गरुई
विडंवाणया ॥८९९॥ नेरइयतिरियनरसुरदुविखयसुहियाण अधवहिराण । सव्वाणं सामणो पावहरो
भावणाधम्मो ॥९००॥

अवि य—सुहभावसाहियनियमेण पालिण तुमे वि पुव्वभवे । सामगी संपत्ता एसा सुकुलाइया
इहयं ॥९०१॥

कि बहुणा ?—भावणभावियचित्तो सत्तो लंघित्तु सयलदुक्खाइं । धम्मं सुहं च सुगइं च लहइ
नरविक्कमनिवुव्व ॥९०२॥

तहाहि—इह भरहे कुरुदेसे भूरिहरीवहुसईसहस्सजुया । अत्थि जयंती अमरावइं पि नयरी जयंति
त्ति ॥९०३॥ तत्थ य राया रिउकरडिकरडदलणिक्कपच्चलो धणियं । गुरुयपरक्कमभयणं समत्थि सीहुव्व
नरसीहो ॥९०४॥ तस्स य दुइज्जचित्तं व राइणो परमपिम्मसव्वस्सं । चंपयपल्लवहत्था चंपयमाला महादेवी
॥९०५॥ तीइ समं विसयसुहं निसेवमाणस्स तस्स नरवइणो । वच्चइ सुहेण कालो वहुओ नयविक्कमप-
रस्स ॥९०६॥ अह अणया निसाए पच्चिमजामम्मि सुहविबुद्धस्स । केणाऽवि मागहेणं गाहाजुयल इमं

१ हरी० ही-ऋज्जा । २ पत्तवल० समर्थ ।

पढियं ॥९०७॥ विद्धि वयंतमसमं गुरुवंसं खमपइदुसुहमूलं । कमविद्धनिद्धयणपव्यपत्तसाहासमाइण्णं॥९०८॥
 कज्जभरे आरोविय पुत्तं पुरिसस्स सशुणधम्मरुई । जावज्ज वि न य वत्तइ ता कत्तो निव्वुइसुहाइं ?
 [जुयलं] ॥९०९॥ तं सोउं नरनाहो सुयचित्तागरुयसाथरे पडिओ । पिच्छसु ममंतरायस्स विलसियं अपडी-
 यारं ॥९१०॥ जं मज्झ अणेगासु वि विसिट्ठलायणरुवकलियासु । ओरोहयणइणीसुं सुयस्स एगस्स वि न
 लाहो ॥९११॥ इय चित्ता संतत्तो तत्तो कहमवि गमित्तु निसिसेसं । लहु विहियगोसक्किचो राया अस्था-
 णसुवविट्ठो ॥९१२॥ आमत्तिय मंतियणं सुयचित्तावइयरं कहिय तेसिं । भणइ निवो भो ! तुव्भे कहेह कह
 मह सुओ होही ? ॥९१३॥ तो ते भणंति कम्मं कत्ता तह वि हु उर्वकमोडवत्थि । जं पडइ नहाउ जलं
 तह चैव य भूमिखायाओ ॥९१४॥ इत्थत्थे कहवि जणो पुत्तसमुप्पत्तिकरणं कुसलो । देवाऽऽराहणहणा-
 इमूलियापाणगाइयं ॥९१५॥ एयस्मि कए कस्सइ कइया वि हु होइ कज्जनिष्फत्ती । कस्स वि य पुणो
 विहलं पि होइ पडिक्कलकम्मवसा ॥९१६॥ ता देव ! दुयं कीरउ पत्थुयकज्जम्मि संपइ जत्तो । एवं पि
 जइ न सिज्झइ कज्जं पुरिसस्स को दोसो ? ॥९१७॥ परमम्हमभिष्णओ इह संपइ पहु ! कुओ वि संपत्तो ।
 नियविण्णाणमहाशुणविम्हावियसयलनयरिणो ॥९१८॥ एसो महप्पभावो धोरसिवो नामओ महावइओ ।
 सो पुच्छिज्जउ पत्थुयपओयणे एस अम्ह मई ॥९१९॥ तो रण्णा धोरसिवो सहावेज्जण सायरं पुट्ठो ।
 भयवं ! कत्तो तुव्भे इहाऽऽगया पत्थिआ य क्कहि ? ॥९२०॥ स भणइ इहाऽऽगओऽहं संपइ सिग्गिपव्व-
 याउ नरनाह ! । गंतवं पुण जालंधरम्मि उत्तरपहे इत्तो ॥९२१॥ पुणरवि भणियं रण्णा दंससु नियस-

त्तिविळसियं क्किचि । तो तेण दंसियाइं थंभणआणिट्टिमार्हिणि ॥९२२॥ राया भणइ क्किमिमेहिं वालकीला-
वणेहिं किल अम्हं । तं कुणसु किं पि जेणं सुयलाभो होइ नणु भयवं ! ॥९२३॥ तेणुत्तमिमं क्कित्तिय-
मित्तं महं क्कित्तु मंतसिद्धीए । होसु सहाओ अहं तं रण्णा अंगीकर्यं सहसा ॥९२४॥ तो क्किहचउदसिदिणे
खग्गगहिओ कावाल्लिण्ण निवो । पत्थुयक्कज्जनिमित्तं पत्तो भीसणमसाणम्मि ॥९२५॥ आलिहिय मंडलं सो
सकलीकरणं विहाणओ काउं । नियमतं घोरसिवो थिरासणो जविउमारद्धो ॥९२६॥ भणिओ य निवो तेणं
हत्थसयाओ परेण चिट्ठ तुमं । करवालकरो मा एसु सव्वहा तं अवाहरिओ ॥९२७॥ राया तहेच रह्हिओ
कालविलवं महंतमाकलिओ । सणियं तप्पिद्धीए समागओ सुणइ से जावं ॥९२८॥ हुंफुडुसाहु चि हुणामि
नरचइं इय निसामिउं रण्णा । सो हक्किओ दुरप्पा रे रे पुरिसो हवसु इण्हि ॥९२९॥ तत्तो स कूरचित्तो
कावाली कोवजलणपज्जलिओ । विप्फुरियतरलज्जमजीहसच्छहं क्कत्तियं कुडिलं ॥९३०॥ काऊण दाहिणकरे
निब्भंछइ भिउडिभीमभालयलो । रे रे तं रायाऽहम ! कुणसु सुदिदं मणुयलयं ॥९३१॥ तत्तो
पयडपरक्कमपयंडुयदंडपहरणरउदा । जुज्जेण संपलगा ते कावाल्लियमहीवाला ॥९३२॥ दुण्णि वि
वग्गंति वणं दुण्णि वि पहरंति पयडियपहावा । दुण्णि वि रोसाऽरण्णनयणवयणविवखेवदुप्पिवखा
॥९३३॥ अहं सो खणंतरेणं निद्वयनरवइपहारज्जजरिओ । सुच्छानिमीलियच्छो पडिओ धरणीइ
कावाली ॥९३४॥ इत्थंतरम्मि विप्फुरियतणुपहापडलययडियदियंता । चदत्तरचरणरुणरुणिरनेउराऽऽरावम-
णीया ॥९३५॥ विलसंतविविहभूसणविभूसियाऽसेसविग्गहाऽवयवा । ठाउणं निवपुरओ भणिउं देवी समाढत्ता
॥९३६॥ नरसिहनरिद ! तए भदं विहियं जमेस कावाली । खत्तियकुल्लखयकरो जिणिओ जग्गडि-

अजगजगोहो ॥९३७॥ तो तुडा तुज्ज अहं महप्पभावेण तुह सुओ होही । विक्कमसारी वरकेउसुमिणाहइ-
यगुणकडंपो ॥९३८॥ एवं होउ त्ति भणिचु भणइ भूवो वैई वि क्रिह एस । खत्तियखयसंजणओ
भणिओ भवईइ कहसु इमं ? ॥९३९॥ ती उत्तमिसो पोअणपुरेसरो वीरसेणनामनिवो । रणमल्लरिउनिवेण
रज्जाओ भंसिओ नदो ॥९४०॥ पुहईपरिभमंतो एए एए परिभवं लहंतो सो । नियजीवियनिव्विण्णो
भइवपडणं समारद्धो ॥९४१॥ कहवि महाकालेणं जोगायरिएण वारिओ मरणा । तेषं चेव य
दिण्ण तह कावालियवयमिमस्स ॥९४२॥ तइल्लुक्कविजयंतो दिण्णो गुरुणा मरंतएण तहा । तह
अट्टुत्तरनरवइसएण जावो समाइदो ॥९४३॥ जहणेण कलिंगाइसु बहुया लक्खणजुयां निवा हणिया ।
देवीइ तीइ सव्वं नरसीहनिवस्स तह कहियं ॥९४४॥ इयकावालियवइयरमायणिय देवयाइ परिकहियं ।
रायासुयलाभपहिट्टमाणसो अह गथो सगिहे ॥९४५॥ आरूढो जा सिज्जं चंपयमाला अहाऽऽगया तत्थ । जंपइ
सनम्मवयणं अहो ! हु सुहिओ जणो सुयइ ॥९४६॥ पुहं रणा सुंदरि ! विसेसओ संपयं किमागमणं ? । अवरं
च किंपि हु पिए ! हरिसियहियव्व दीसिहिसि ? ॥९४७॥ ताहे पयडियविणया जोडियकरसंपुडा भणइ
देवी । आगमणकज्जमेयं पहु ! अवहियमाणसो सुणसु ॥९४८॥ अज्ज मए रयणीए समुस्सिओ सरलवंसवि-
क्खाओ । विलसंतजयपडाओ कलकिणिंसइसवणसुहो ॥९४९॥ सयलजणाणंदयरो महल्लसोहिल्लदंसणा-
महग्यो । धम्मनिही परमथओ तुम मे व सुमिणम्मि सच्चविओ ॥९५०॥ ताहे सुहसुमिणसमुब्भवंतरोमंचकं-
सुइयतणुणा । भणियं रणा सुंदरि ! सुहज्जाओ सुमिणओ एस ॥९५१॥ अम्ह कुलकेउभूयं पुतं पसविहिसि

१ कडप० कट्टय-ससुह इति । २ व्रतो अपि । ३ तदा ।

सुंदरि ! नवणहं । मासाणमुवरिअदुधुडमाणाराइंदियाणं च ॥९५२॥ सो वि चउजलह्रिपज्जंतमहिमहिलाइ नायगो
होहिइ । दुव्वारवइरिक्खिंभदलणखरनहरपंचमुहो ॥९५३॥ सा वि हु सोउं पियवयणमेरिसं भत्तुणो मणोदइयं
हरिसाऽऽऊरियहियया वंधइ वत्थे सुमिणगंठिं ॥९५४॥ जह नरवइणा तह सुविणपाढएहि वि वियारिए
सुमिणे । चंपयमाला परितुट्टमाणसा गब्भमुब्बहइ ॥९५५॥ गब्भप्पभिइदिवसाओ वड्डमाणम्मि तइयमासम्मि ।
चित्तइ चंपयमाला देवी दोहलयगुणवसओ ॥९५६॥ विविहेहि पयारेहि जइ पूयं आयरामि देवाणं । आणं-
दियसणविची करेमि भत्ति गुरुयणस्स ॥९५७॥ वियरामि विविहसुहभक्खभोज्जवत्थाइएहि वत्थूहि । दीणा-
ईणमहं जइ दाणं अनिवारियप्पसरं ॥९५८॥ सवणाऽऽमयसरिसांइं परिणामसुहाइ निव्वुइकरांइं । निष्ठुणेमि
गुरुसयासम्मि जइ अहं धम्मसत्थांइं ॥९५९॥ तत्तो मणोरहभहियवित्तवियरणगुणप्पयारेणं । रणा दोहलए
एरियम्मि पडिपुणादियहेसु ॥९६०॥ षणयजणमणवियप्पियपत्तथसंपयसप्पणप्पवणं । कप्पमहीरुहभूमिब्व
कप्पपायवमणप्पगुणं ॥९६१॥ चंपयमाला पसवइ पुत्तं पुणणप्पभावओ रणो । नियतगुक्कित्तकडप्पप्पभावपज्जोइय
दियंतं ॥९६२॥ तत्तो हरिसविंसंतुलगाइवसपरिसिद्धिलवसणधम्मिल्ला । ओरोहदासचेडी वद्धावइ वसुमईनाहं
संपइ वद्धाविज्जसि नरनाह ! तुमं जएण विजएण । जेण पत्तया पुत्तं चंपयमाला महादेवी ॥९६४॥ तो
रणा दासित्तं अवणेउंतीइ दासचेडीए । दिण्णं च परिओसियदाणं सुयजम्मत्तुट्टुणं ॥९६५॥ आणत्ता नाय-
रया जहाविभूईइ नयरिमज्झम्मि । कारवह महाऽऽणाए सुयजम्ममहामहं सिंधं ॥९६६॥ तेहि वि तहत्ति
पडिब्विज्जऊण निस्सेसनयरिमज्झम्मि । वद्धावणयं विहिणा कारवियं तं च एरिसयं ॥९६७॥ विरइज्जमाणतो-

रणवंदणमालं दुवारदेसेसु । ठाविज्जमाणचंदणचिच्चियसुहृपुण्णकलसजुयं ॥९६८॥ उब्भयीमाणानवंगवसणपरिहा-
णज्जूवसुसलसयं । पढमाणचवलतरचंडुभट्टसमाइयाइण्णं ॥९६९॥ पविंसंतऽक्खयवत्तं विद्धाजणकिज्जमाणसुथरक्खं ।
नच्चंतवारविलयं गिज्जंतसुमंगलवइह ॥९७०॥ इय गरुयविभूइए वद्धावणयं नरिंदचंदेण । आणंदियपउरजणं
कारियं पुत्तजम्मम्मि ॥९७१॥ अह नामकरणदिवसम्मि सोहणे तिहिमुत्तकरणम्मि । भोयाविज्जण नीसेस-
परियणं भोयणविहीए ॥९७२॥ सम्माणिज्जण वरषस्थरयणअसणप्पयाणओ सम्मं । पुहइवई सप्पणयं सव्वं
पि हु पुरपहाणजणं ॥९७३॥ कुलविद्धनारिनिवहेण मत्थए अक्खयखिवाणपुव्वं । नरविकमुत्ति नामं सुयस्स
कारवइ कालण्यू ॥९७४॥ संजाओ य क्रमेणं वइहंतो अट्टवरिसिओ कुमरो । सुहसियपंचमीगुरुवारपुरस्सनक्ख-
त्तकरणेसु ॥९७५॥ उवणिओ लेहायरियस्स पायमूलम्मि गुरुविभूइए । सम्माणिय ससिणेहं कलागुरुं गरुय-
भत्तीए ॥९७६॥ नियपणाइगुणेणं जणयपयत्ताउ तिव्वमभियोगा । लेहायरियस्स गओ कलाण सव्वाण सो
पारं ॥९७७॥ लेहम्मि लद्धलक्खी अहिय परिनिट्ठिओ धणुव्वेए गंधव्वकलाकुसलो पत्तच्छिज्जम्मि पत्तट्ठो
॥९७८॥ नरनारितुरयणयरहपुरवरपरमत्थलक्खणविहिण्यू । गंधगयजुत्तिनिउणो चउरमई चित्तकम्मम्मि
॥९७९॥ लोयव्ववहारविज्ज संतयओगेसु नायपरमत्थो । परचित्तगहणदक्खो विसारओ सहसत्थेसु ॥९८०॥
सा नत्थि कला तं नत्थि कोउयं तं च नत्थि विण्णाणं । जत्थ न सो पत्तट्ठो विसेसओ मल्लजुद्धम्मि
॥९८१॥ अह अणण्या य पिकखणयगीयवक्खिचत्तरायअत्थाणे । निवपाससुहासीणे सुहए नरविक्रमकुमारे
॥९८२॥ करकलियसुवण्णपयंडंडदुद्धरिसभासुरसरीरो । आंगंतूणं विण्णवइ सविणयं निवपडीहारो ॥९८३॥

हरिसरसाभिणो देव ! देवसेणस्स दारदेसम्मि । चिट्ठइ दूओ देवस्स दंसणं मेहइ कि कज्जं ? ॥९८४॥
सिग्घं भइ ! पवेससु तमिइ निउत्ते निवेण स पविट्ठो । कयससु चियपडिवत्ती एवं विण्णविउमाहत्तो ॥९८५॥
संति पहु ! मज्झ पहुणो अइसयभूयाणि दुणिण रयणाइं । नियरूवोवहसियतियससुंदरी कण्णरा एणा
॥९८६॥ अवरो य रायमल्लो पडिभडकमलाण कालमेहुव्व । नामेण कमलमेहो विणिज्जियाऽसेसमल्लगणो
॥९८७॥ तत्थऽण्णया कयाइ सुहासणत्थस्स रायअत्थाणे । सव्वालंकारमणोहरंगिया निययजणीए ॥९८८॥
पिउयायपणमणत्थं पट्टविया पुव्ववणिगया कण्णा । उच्छंमि निविट्ठा पलोइया तयणु पिउणाऽवि ॥९८९॥
वरचित्तणत्थमेसा मण्णे पउमावइइ देवीए । पट्टविया मह पासे ता को णु इमीइ अणुरूवो ॥९९०॥ होहिइ
भत्ता ? शुवणे वि विसरिसाणं कए वि संबधे । आजम्मं धरवासो दुहपासो होइ मिहुणाणं ॥९९१॥ इय
दुहियावरचित्तणजल्लहिमहावत्तसंबडे पडिओ । राया सव्वाऽवत्थासु दुहयरी होइ जेण सुया ॥९९२॥ तत्तो
रण्णा सयमेव पुच्छिया तुज्झ सीलमइ ! वच्छे ! । केरिसण्णो कहिज्जउ रूवइ हियस्स भत्तारो ?
॥९९३॥ किं चाई ? किं सूरु ? किं वा विउसो ? कयणुओ ? सुहओ ? । गंधव्वकलाकुसलो ? परोवयारी ?
दयालू वा ? ॥९९४॥ ईसि अहोयुहीए सलज्जमेइइ जंपियं ताय ! । जो तुह रोयइ तो भणइ भूवई
न हु इमं भव्वं ॥९९५॥ तो भणइ इमा एसो तुह मल्लो गहियले अपरिभूओ । जिप्पिस्सइ जेण वली
सो मह भत्ता किमवरेण ? ॥९९६॥ तो नाय नरवदणा एसा हु वलाणुराइणी वाला । ता भं परमिणिणा
सद्वेऽवि पराजिया वलिणो ॥९९७॥ तो तं विसण्णचित्तं ददट्ठु भणियं पहाणपुरिसेहिं । अज्जवि देव !
जयंतीइ अत्थि अपरिस्सओ एणो ॥९९८॥ नरसीहसुओ वलपोरिसिक्करासिओ रसायणपसिद्धो । नरविकक-

मवरकुमरो सो वि परिक्विखञ्जउ नरिद ! ९९९॥ सामत्थिऊण समं तयत्थमहमित्थ पेसिओ सामि ! ।
तो नरवङ्णा वयणं निरिविखथं नियतणयस्स ॥१०००॥ तेणाऽवि पणमिऊणं भणियं देवाणुभावओ
भव्वं । होहिइ सव्वं पेसवह ताय ! मं तत्थ कि बहुणा ? ॥१००१॥ तो मंतिऊण सामंतमंतिनारजणेण
सह रण्णा । पेसविओ हरिसउरे हिट्ठो नरविककमकुमारो ॥१००२॥ अम्मोगइयाए नियमहत्तमो देवसेण-
नरवङ्णा । कुमरस्स पैसिओ चडंगवकलिओ ॥१००३॥ तो गरुयविभूईए सोहणदिवसे पेवे-
सिओ नयरे । नरनारिनियरनयणाण हरिसभरकारओ कुमरो ॥१००४॥ सयणासणवहुपरिवारसंजुओ धवल-
धयवडसणाहो । कुमरस्स वासहेउं समप्पिओ पवरपासाओ ॥१००५॥ वीयम्मि दिणे कुमरो भणिओ रण्णा
मइऽत्थ सीलमई । नामेण कण्णागा सा पभणइ जो कालमेहमिमं ॥१००६॥ मह मल्लमपडिमल्लं जिणिस्सइ
होहिद स मं भत्ता । सह कित्तिजययडायाहि कुमर ! ता गिण्हसु तयं ति ॥१००७॥ अंगीकयम्मि कुमरेण
सज्जया नयरपरिसरे रम्मे । मंचाइमंचकलिया विच्छिण्णा मल्लरंगमही ॥१००८॥ सयलपुरलोयसहिए उवविट्ठे
देवसेणनरनाहे । सिरिकुमर-कालमेहा इहमागया रंगभूसीए ॥१००९॥ आवद्धनिविडकच्छा संजमियसिणिद्ध-
वेसपढभारा । दुण्णि वि निजुद्धनिव्वडियपोरिसा साहसिकरसा ॥१०१०॥ दट्टूण कालमेहो कुमरं संहण-
णदुद्धरिसदेहं । पुण्णखयाओ खिण्यं खुहिओ चित्तम्मि वलिओ वि ॥१०११॥ चितइ य एस रण्णो वल्ल-
हजामालओ महोयस्सी । ता जयपराजुएसुं कुओ वि मह नत्थि कल्लणं ॥१०१२॥ इयभयसंभमवसओ
फुट्टं हिययं तडत्ति मल्लस्स । कुमरस्स । साहुवाओ संजाओ रंगमज्झम्मि ॥१०१३॥ तत्तो य कलानि-

हिणो कंठे वलसालिणो कुमारस्स । पक्खित्ता वरमाला कुमरीए नेहरज्जुव्व ॥१०१४॥ अणुरूवो संजोगो
विहिणा विहिओ समाणमेयाणं । जाओ साहुंक्कारो अहो ! सुचरियं ति जणमज्जे ॥१०१५॥ तत्तो सोहणदिवसे
पाणिग्गहणं करावियं रण्णा । मंगलगीयरवेणं वज्जिजरवरतूरनिवहेण ॥१०१६॥ पइमंगलमेईए तह हयगयर-
हवराइयं दिण्णं । रण्णा जह नयरजणो सब्वो वि धुणाविओ सीसं ॥१०१७॥ अण्णादिणे कुमरेणं सपुरं
पइ पत्थिओ निवो भणइ । वच्छ ! तए सीलमई न देहछाया व मुत्तव्वा ॥१०१८॥ आमं ति भणिय
कुमरो चउरंगमहावलेण परियरिओ । सीलमईइ समेओ विढैवियससिनिम्मजसोहो ॥१०१९॥ तत्तो पिउणा
दुस्सहविओगतुइंतनेहपासेण । सिक्खविया सीलमई ससुरकुलपत्थिया तइया ॥१०२०॥ अम्मापिऊण
वच्छे ! सगुणे विगुणे वि धुवमवच्चम्मि । को वि अउव्वो नेहो तेण हियत्थं भणामि तुमं ॥१०२१॥
निपंकसुवणसमुज्जला वि सुइसीलसोरभजुया वि । केयइफडसव्व सुया परोवयाराय निम्मविया ॥१०२२॥
ता वच्छे ! तत्थ गया सुविणीया होसु ससुरवग्गस्स । अविणीओ जलणो इव जणइ पवित्तो वि संतावं
॥१०२३॥ नियनामअणुसरंती सीलम्मि मइ सय वि मा सुयसु । सीलरयणे विण्णहे न सुंदरं उभयलोगे वि
॥१०२४॥ नियमत्तुणे करिज्जसु सयमासणढोयाइयं कज्जं । भत्तारदेवयाओ नारीओ जेण एस सुइ
॥१०२५॥ पइणोऽभिम्मए मणुक्कूलकारिणी तस्स पुण अभित्तसु । विहियाऽवण्णा पियभासिणी य सब्वम्मि
परिवारे ॥१०२६॥ साहससुराईणं भत्ता नमिरा नणंदवग्गम्मि । हरिसियमणा सवत्तिसु पइवंधुयणम्मि ससिणेहा

॥१०२७॥ संसारियसुखपिवासियाण कुलवालियाण किल एवं । पइणो विसए निच्छियमंतमूलं वसी-
करणं ॥१०२८॥
अणं च—विणयभंससख्वं गवं पुण सव्वहा परिच्चयसु । धणुदंडं चिय विउसा जेणं सव्वं पसंसति
॥१०२९॥ रज्जसिरिपुमुहेसु वत्थूसु वच्चे ! तं मयं पि मा कुणसु । सुयणु ! ससिक्ख निरुत्ते झिंझइ समओ
सुयहरो वि ॥१०३०॥ दाणं पि जहाविसयं सया पयइदेसु पणयवग्गम्मि । गयसमयम्मि अदाणो करिव्व निदि-
ज्जइ जणेण ॥१०३१॥ इय सिक्खविऊण सुयं दूरमणुव्वइय देवसेणनिवो । वल्लिओ विवण्णाछाओ सुमरंतो
ताण गुणनियरं ॥१०३२॥ कुमरो अखंडपयाणएहिं पत्तो जयंतिनयरीए । नवल्लयस्स व सिहिणो पिउणो
मगं नियंतस्स ॥१०३३॥ जयकुंजरमारुढो सीलमईए समं सभज्जाए । पिउणो पुरीइ सोह पिच्छंतो विसइ
अह कुमरो ॥१०३४॥ कुमरस्स दंसणत्थं दोसु वि पासेसु रायमग्गस्स । निच्चलचित्तो नरनाहनंदणं नियइ नयणसुहं
॥१०३५॥ नियनियकज्जे सुत्तुं निस्सेसो नयरनारिनरनियरो । निच्चलचित्तो नरनाहनंदणं नियइ नयणसुहं
॥१०३६॥ जंपइ य पहिइमणो सव्वं पि हु होइ पुण्णवंताणं । जेणसो पत्तजसो सकलत्तो नियपुरि पत्तो
॥१०३७॥ इय पउरपुरजणाणं विर्यइइवयणाणि विर्यइइवयणाणि । उब्भियतोराणसुत्तियचउक्कचयचिच्चैयमेसो ॥१०३९॥
॥१०३८॥ वीइज्जंतो वत्थंचलेहिं नरनाहमंदिंरं विसइ । पिउणा वि परिपालसु रज्जपुरं एवमाइहो ॥१०४०॥
मायाए पुण पणओ चिरकालं जियसु पुत्त ! इय भणिओ । सीलमई पुण भणिया अक्खयवत्था भवसु वच्चे !
१ निश्चितम् । २ क्षयति । ३ वियइहडं विदग्ध-निपुण । ४ उब्भियं कर्त्तित । ५ चिवइयं मड्ढित ।

॥१०४१॥ नियपासायसमीवे पासायं देइ निययकुमरस्स । भोगोवभोगपरिवारसंजुयं सहरिसं जणओ ॥१०४२॥
जुवरज्जमि निवेसइ नायरजणसंमएण तं कुमरं । इय सो तत्तथविल नियाजणयपसायदुल्ललिओ ॥१०४३॥
पंचविहे कामगुणे भुंजंतो भारियाइ सह कुमरो । दोगंदुगुव्व देवो गयं पि कालं न याणेइ ॥१०४४॥ अह
अणया य नरनिवहभूसणं कुसुमसेहरकुमारं । पसवइ पसत्थदिवसे सीलमई सुमिणसुगुणइंढ ॥१०४५॥ वीयं
कमेण सिरिविजयसेहरं विजयकारयं पिउणो । तणयदुगं पि हु पिउणो निच्चं पि पियामहस्स पियं ॥१०४६॥
अह कइया वि हु मयसमयपरवसो भग्गनिब्भाराऽऽलाणो । पाडियमिठो निहलियनिविडनिगडो नयरीमज्जे
॥१०४७॥ भंजंतो भवणवयं मोडंतो विघडविडविसंघायं । पडित्तो पासाए मारंतो माणवसमूहं ॥१०४८॥
नरायपट्टहत्थी परिभमइ निरगलो अपडियरो । ताहे पुरीइ मज्जे जायं असमंजसं सहसा ॥१०४९॥ तत्तो
भणियं रणणा कारियणमिमं पहरमकरित्तो । गिण्हउ को वि जस्सऽत्थि पोरिसं सुणिउमिय सुहडा ॥१०५०॥
सव्वे पि हु सणणद्धा परमेगो वि हु जमं व तं हत्थि । न समत्थो काउ वसे बहुबुद्धीसत्तिजुत्तो वि ॥१०५१॥
भमिरेण पुरीइ तओ कत्थवि गुरुगब्भभारअसहंगी । एगा बाला वालेण तेण पत्ता पलायंती ॥१०५२॥ हा
भाय ! ताय ! हा पिय ! हा पुहईराय ! रायचरमाणा ! । तायह तायह एयाओ दुट्टकारिणो जमाउव्व ॥१०५३॥
हा ! हा ! कत्थइ किं कोइ वीरतील्लो इमम्मि महिवलए । जो मोयावइ मरणाउ मं इमाओ महासत्तो ?
॥१०५४॥ इय विलविति करुणस्सरेण भयवेविरंगितरलंछि । पच्चासणणीहुय मरणमेरिसं तं तओ बालं
॥१०५५॥ पासिउमपारयतो कुमरो करुणापरुव्व सो सहसा । हवकंतो करिरायं दुवको करिणो समीविम्मि

॥१०५६॥ तो वारितस्स वि परियणस्स निस्सेसनायरजणस्स । सिद्धो व हत्थियंघे भयरहिओ चडड चवल-
गई ॥१०५७॥ तत्तो अंकुसो अंकुसु चि कुमरस्स वाहरंतस्स । मारेउं पारद्धो तं नारि मत्तमायंगो ॥१०५८॥
तत्तो कुमरो करुणाइ तीइ विम्हारियरायआएसो । पहणइ कुंभयडे तिव्खखगौघेणूइ करिनाहं ॥१०५९॥
ताहे हत्थी सो तारिसो वि गाढपहारजज्जरिओ । निग्गयरुहिरपवाहो तह चैव अचेयणुव्व·ठिओ ॥१०६०॥
दिट्ठो जणेण छुरियप्पहारकुंभयडगलियरुहिरजलो । विञ्जू व गलियनिञ्जरणनीरपरियोधायडाउरसो ॥१०६१॥
गयणाभोअव्व अणुरत्तसंझाणुरायसंवल्लिओ । रेहइ हत्थी कुमरपहारपगलंतरुहिरोहो ॥१०६२॥ विष्फुरियवि-
ज्जुवल्याऽव्वणोद्धपणवणसक्कोयंडो । नवजलहरुव्व रेहइ करिराओ रुहिरसंछणो ॥१०६३॥ तो उयरिउं
कुमरो गइंदखंधाओ सुद्धपरिणामो । उक्खिविउं तं बालं भुंचइ निरुव्वदेवे ठाणे ॥१०६४॥ अह कुमरपुव्व-
भवसणिवद्धदारुणकुक्कम्मभरवसओ । परिपेरिओ नरिंदो सहसा करिवइयरं सोउं ॥१०६५॥ सुयवच्छलो वि
गुणालसो वि अइणेहनिभरमणो वि । धणियं कुद्धो दुद्धरिसभिउडिभासुरियभालयलो ॥१०६६॥ फुरिया-
ऽहरभयजणओ गुंजाऽरुणवयणनयणादुपिच्छो । ययसित्तुव्व हुयवहो कुमरं यइ जंपिउं लग्गो ॥१०६७॥ रे
रे कुलफंसैण ! पावकम्म ! गुरुवयणलंधण ! दुरप्प ! । अवसर दिट्ठिपहाओ मह जीवियमहकरिकयंत !
॥१०६८॥ इय दुस्सहपियपरिभवहुयवहजालापलित्तसव्वंगो । नियनिद्धल्लोयविरहं अचयंतो चित्तिउं लग्गो
॥१०६९॥ किमहं इहेव ठाउं जणयं विणएण अणुणए अहवा । गुरुवयणलंधणेणं न जुत्तमिह मज्झ ठाउं पि
॥१०७०॥ तो काउं दढचिचं एगागी निस्सरामि गेहाओ । अण्णं च परिभन्नमिमं सोहुं न वएमि जं भणियं

१ खगगधेणु० छूरी । २ अक्खण्ड० आच्छादित । ३ फसण० विध्वंसक ।

सुर्वसणा-
स्त्रियस्मि

॥१३०॥

॥१०७१॥ गयणस्मि निरालंबणमवि परिस्रक्कंति साहसिक्करसा । माणंसिणो न मणयं पि माणभंगं परि-
संहंति ॥१०७२॥ भीसणमसाणपज्जलियहुयवहं मत्थयस्मि साहसिया । सुगलभारं धारिति माणभंगं न
माणधणा ॥१०७३॥ अवि कालकूडभवखणमसुहं सुहमायरंति पियमाणा । न उणो सुयंति मरणे वि माणमो-
णिवक्कधणमणहं ॥१०७४॥ अवि समरमरणमवि देसगमणमवि वंधुमुयणमिच्छंति । माणधणा न उणो न्निद्ध-
वंधुजणियं परामवणं ॥१०७५॥ इय चित्तिज्जण कुमरो परियमाभासिज्जण सप्पणयं । सम्माणिज्जण समुचि-
यमाभरणाईहि तं भणइ ॥१०७६॥ भो ! भो ! जणयाऽऽणाए गतवं ता मए विदेसस्मि । समयस्मि पुणो
तुब्भे पुणरवि संभालइस्सामि ॥१०७७॥ ते वि हु विवोयप्सरियवाहजलाऽऽल्लल्लोयणा जाया । पियवय-
णपुव्वमाभासिज्जण धीरेण धीरविया ॥१०७८॥ सीलमई पुण भणिया पिए ! तुमं जाहि जणयगेहस्मि ।
तायमणुयत्तमाणो गमिस्समहयं विदेसस्मि ॥१०७९॥ तं सोज्जणं दुस्सहविओगदुहभारभारियसरीरा । वाह-
जलाऽऽज्जरियनयणसंपुडा रोइउं लग्गा ॥१०८०॥ किं स्यसि पिए ! आवंति आवयाओ भवे वसंताणं । जीवा-
णमओ सुंदरि ! विवेइणो हुंति धीरमणा ॥१०८१॥ ती उत्तं मणवल्लह ! धीरमणा वि हु स्यामि जमयंडे । मं
सुत्तुं वयसि तुमं तं मह गुरुदुवखमणं च ॥१०८२॥ सामि ! तुमं सिक्खविओ जइ सुमरसि तायसंतियं वयणं ।
इक्कच्चिय मह धूया छायव्व तए न सुत्तवा ॥१०८३॥ तेणुत्तं सब्वमहं सरामि सुंदरि ! परं तुमं मग्गे ।
कहमहियाससि सुहलालियाऽसि सीयाऽऽयवाइदुहं ॥१०८४॥ सा भणइ विसममणो वि मह धरंकाणणं व
कंतारं । भिक्खा वि सुहा सीयाऽऽयवाइ न दुहंकरं मज्झ ॥१०८५॥ जत्थ तुमं मह पासे किं मह जण-

१ माणक्कि० रत्तविशेष ।

विजयकु-
मारसरुच-
प्परुवग-
नाम
अट्टमुहेसो ।

॥१३०॥

एण ? किं च ससुरेण ? । मणनिव्वुइमेव सुहं सामि ! सयणा पसंसंति ॥१०८६॥ जइ एवं समदुक्खा ता पउणा होसु जेण वच्चामो । संपयमेव पयाणं किज्जइ किर किं वियप्पेणं ? ॥१०८७॥ एवं सो सकलत्तो सिसुसु- यजुयलो सुहेल्लिदुल्लल्लिओ । एगागी पयचारी पयत्थिओ साहससहाओ ॥१०८८॥ कत्थ तयं ससुरसुहं ? जणयपसायाओ कत्थ ते भोगा ? । इक्कैपयच्चिय नट्ठा अहो ! हु विहिविलसियमपुव्वं ॥१०८९॥ इय सो माणिक्कधणो दुहमसुणंतो अभिण्णसुराओ । वच्चइ विसायरहिओ पसण्णचित्तो य भणियं च ॥१०९०॥ वसणे विसायरहिया संपत्तीए अणुत्तरा ण हुंति । मरणे वि अणुव्विग्गा साहससारा य सप्पुरिसा ॥१०९१॥ अह हरिरहियव्व गुहा सुरायरहिया य रायहाणिव्व । चायरहियव्व लच्छी मुणिसाला पसमविलयव्व ॥१०९२॥ कुमाररहिया जयंती न विरायइ सेसणुणसमग्गा वि । अहवाऽवणीयपयावा कह सोहं लहइ हार- लया ? ॥१०९३॥ पच्चाणयपडिबंधो पच्छायावाऽनलेण तत्रियतणु । राया विसण्णवयणो विण्णत्तो मंतिव- ज्जेण ॥१०९४॥ देव ! क्रिमेयमयंडम्मि वज्जदंडप्पहारसमसुहं । तणुमणसंतावकरं कुमारपरिभवणमावडियं ? ॥१०९५॥ जुत्तमऽजुत्तं जाणंति देवपाया परं वयं भणिमो । अवियाणियमम्हेहिं न संगयं सामिणा विहियं ॥१०९६॥ तिलतुसमित्तं पि हु क्कज्जमण्णथा^१ जे कहिति निवपाया । मंदरगिरिगुरुयं पि हु एयं नायं न अम्हेहिं ॥१०९७॥ कहमवि करयलचडिओ पडिओ चितामणी जहा दुलहो । तह देव ! कुमारयणं पावि- स्सामो कहमहण्णा ? ॥१०९८॥ उदालियनिहिरयणा हियसव्वस्सा पणट्टपरिताणा । निव्वभग्गसेहरा सामि !

१ सुखकेण्डिहुल्लित्त -आनन्दव्यसनी इत्यर्थ । २ युगपदेव । ३ अस्माकम् ।

किं करेसो ? कर्हि जासो ? ॥१०९९॥ इय दीणमंतिवणेण चलयसुयसल्लसल्लिओ राया । लेल्लवकमुक्क-
पुक्को धसत्ति पडिभो धरणिचीढे ॥११००॥ सिंसिरोवयारकरणेण पाविओ चेयणं परियेणेण । पलवइ
राया सल्लं वल्लित्तो सयल्लोयसा ॥११०१॥ हा विहियविणय ! हा गुरुयणय ! हा दिण्णकणय ! पणयाणं । हा
विहवधणय ! हा निद्धजणय ! हा जणियरणेणय ! ॥११०२॥ वच्छ ! गयरायचडियं सुरकरिमारुढमसरनाहं
व्व । विबुहजणाणंदयरं तं दच्छिहामि कइयाइहं ॥११०३॥ हा वच्छ ! विउसमुट्ठी वि तुज्झ विरहम्मि
इरइ सुदुक्खं । हा पुत्त ! तुज्झ विरहे रायत्थाणं पि दुहजणयं ॥११०४॥ सरभसमागच्छंतं पिच्छिस्सं
वच्छ ! कत्थ पत्थावे । मह पायपणमणत्थं वियसियमुहकमलनयणजुयं ? ॥११०५॥ अंम्मि य निविसिस्सं
अघाइस्सं सिरम्मि संतुट्ठो । अद्धासणेण कइया निवेसइस्सामि वच्छ ! तुमं ? ॥११०६॥ हा वच्छ ! पुर-
रीयं परमपमोयपया वि पेयणां । तइ पवसियम्मि जाया उव्वेयकरी भयं जणइ ॥११०७॥ एवं अपरिविख-
यकारयस्स निब्बुडियस्स मह जीहा । सयखंडा कि न गया कुमरं कइयं भणंतस्स ॥११०८॥ चंपयमाला
वि तथा परिसिद्धिलियदेहवंधणा धणियं । सुयसोअविहुरियंगी विलवइ विविहप्पयारेण ॥११०९॥ हा !
मज्झ मंदभग्गाइ कह णु जीवियससो वि जणएण । विहिवसणेण अकम्हा तुममिइ निव्वच्छिओ वच्छ ! ?
॥१११०॥ तुममवि वच्छे ! सीलमइ ! बालसुयजुयलसंजुआ कहणु । पयचारेणं यच्छसि कइया वि अदि-
ट्टुहलेसा ? ॥११११॥ इय असमंजसवयणाणि पलवल्लवमाणणि ताणि पियराणि । संठावियाणि कह
कहमवि मंतिवग्गेण महुरगिरा ॥१११२॥ सो वि हु कुमरो वच्चइ सिमुसुयजुयकलियसीलमइकल्लिओ ।

अमरिसविहुरियहियओ अखंडियपयपयाणेहि ॥१११३॥ गच्छतो संपत्तो कोडीसरवणियसयसमाइणणे । दंस
णपुरस्मि वेलाउलस्मि धणकणयपउरस्मि ॥१११४॥ तत्थ परिचयविरहाओ किमवि नेहाइयं अयाणंतो ।
पविसइ पाडलयाडभिहालायारस्स गेहस्मि ॥१११५॥ सोऊणं पाडलओ पगइभइओ दुत्थिए दयालू य । सगु-
णप्पिओ पसंतो परोवयारिक्करसिओ य ॥१११६॥ भणियं च तेण चिट्ठसु मह गेहे होइ कम्मवससाणं ।
विसमो दसाविभागो जियाण को विम्हओ भइ ! ? ॥१११७॥

जओ—चंदस्स खओ न हु तारयाण रिद्धी वि तस्स न हु ताणं । गुरयाण चडणपडणं इयरा पुण
निच्चपडिय चि ॥१११८॥ चिट्ठति तत्थ मणयं सुहेण परमासि दविणजायं जं । आभरणाइं कालेण
भक्खियं तो विसणाइं ॥१११९॥ पाडलएणं भणियं ववसायविवज्जियाण किं दइवो । कत्तो सुहस्मि
पाडइ ? ता किं पि करेह ववसायं ॥११२०॥ कुमरेणुत्त भो भइ ! भणसु जं किं पि किच्चममहाणं ।
तेणाडवि भणियसुच्चिणिहि मज्झ मलएगदेसाओ ॥११२१॥ पुप्फाणि कुणह विक्रयमेवं निव्वहह निव्वि-
यप्पेणं । जुत्तमिमं ति कुमारो कुणइ तय चित्तिऊण इमं ॥११२२॥ जह जह वाएइ विही नवनवभंगेहि
निन्दुरं पडहं । धीरा पसण्णवयणा नच्चति तथा तथा चैव ॥११२३॥ तप्पभिइ कलकुसलत्तणेण कुमरो
विवित्तमालाओ । गुंथइ सीलमई पुण ताओ विक्किणइ रायपहे ॥११२४॥ पयइइ निव्वियारा जणइ विचारै
जणाण परभेसा । सिसिरो वि सयं तवणो तिलोयमवि तावए सययं ॥११२५॥

भणियं च—सुद्धाण नाम हिययाइं हरति हंत !, नेवत्थपत्थणगुणेण नियंविणीओ । छेया पुणो
पयइचंगिमाराज्जिज्जदक्खारसो न महुरिज्जइ सकराए ॥११२६॥ [वसंततिलका] अह अण्णादिणे दीवंतराओ

पत्तेण पोयवणिणएण । दिट्ठा य देहिलेणं तओ य सा मयणवसेणं ॥११२७॥ भणिया तुह पुप्फाणं
विच्छिन्ती का वि सुंदरि ? अउव्वा । ता मह इमाणि सव्वाणि सुयणु ! सुल्लेण देयाणि ॥११२८॥
अणत्थ न गंतव्वं कत्थइ सो देइ समहिंयं सुल्लं । सा वि हु धणलोभेणं पइदिंयहं देइ तस्सेव
॥११२९॥ अह अणया य भणिया सीलमई तेण पावकम्मेण । मयणाउरेण सीलस्मि निच्चला हरिउका-
मेण ॥११३०॥ जइ एहि जाणवत्ते महत्तणए तो बहूण पुप्फाण । सिंघं पि विकओ होइ साऽवि
तत्थेव संपत्ता ॥११३१॥ तीए सुद्धसहावाइ जाणवत्ते गुणालविह्लेहला । पविखत्ता वाहुलया पुप्फाण समप्पण-
निमित्तं ॥११३२॥ अइदुद्धसहावेणं चढाविया तेण जाणवत्तस्मि । संवरिया नंगरया सहसा ताडाविओ य
सिहो ॥११३३॥ चालेऊण अंच्छांइ पिह्लियं पाणिस्मि त वहणं । आयणाऽऽयंइद्वयचावमुक्कवाणुणवेणेणं
॥११३४॥ पत्तं पभूयजोयणपमाणमाणस्मि जलहिमज्झस्मि । इत्तो य गिहे कुमरो पियाइ मणं पलोएइ
॥११३५॥ जाव न पत्ता ताहे गवेसिया तेण तत्थ सब्बत्थ । अनियंतेणं कहिओ मालागारस्स दुत्ततो
॥११३६॥ तेण वि चउक्कचचरठाणेसु गवेसिया पयत्तेण । तत्तो य नयवाहिं निरुविया जाव न हु
दिट्ठा ॥११३७॥ ताहे पाडलएणं भणिओ कुमरो नईइ परक्खे । भइ ! गवेससु गंतुं कइया वि हु होइ तत्थेव
॥११३८॥ ते वि हु जणणीविरहे पिउपासं पुत्तया न मुंचंति । तो तेहिं सहिओ च्चिय गवेसणत्थं
नईइ गओ ॥११३९॥ संठाविऊणमेगं वीयं नेउं नईइ परक्खे । जावाऽऽगच्छइ पढमाऽऽनयणत्थं ताव असु-
हवसा ॥११४०॥ सहसच्चिय नइनीरं वडिंढं पत्तं तओ अवंसपाओ । पयपूरेण नईए कुमरो बुद्धिमाहत्तो

॥११४१॥ भवियव्वयाऽ पत्तं कि पि हु कट्ठाइयं नइमज्जे । तण्णिस्साए पत्तो क्कित्तियमित्थि भूभागे
॥११४२॥ उत्तरिऊण तहाविहतख्खायं पाविउ ससुवविट्ठो । चित्तं विसण्णाहियओ विहिविलसियमप्यणो
असुहं ॥११४३॥ पिच्छसु एगेपइच्चिय मह विहिणो वामया हयाऽऽस्स । जं चित्तिउं न सक्का
न या वि कहिउं न वा सहिउ ॥११४४॥

भणियं च —चित्तिज्जं न मणे जुत्तियियारेण जुज्जइ न जं च । तं पि हयासो एसो सुहमसुहं वा
विही कुणइ ॥११४५॥

तहा—खणदंसियसुरसिरिवित्थराइं खणसुण्णठाणसरिसाइ । एयाइं ताइं कम्मिदियालिणो जीवि !
ललियाइं ॥११४६॥ जणयजणणीविओगो पियाइ विरहो सुयाण विच्छोहो । भूयवल्लव्व कुडुवं दिसो-
दिसिं धैल्लियं विहिणा ॥११४७॥ न तहा जणणीजणया न तहा मह भारिया द्हइ हिययं । जह वाला
वणमज्जे मुक्का दुहदायगा अहियं ॥११४८॥ ता किं करेमि संपइ ? किं वा सरणं जणं पवज्जामि ?
विसमविसंठुलचिट्ठिय ! ऽहं विहि ! वच्चामि भण कत्थ ? ॥११४९॥ अहवा गरयाणं पि हु जायइ
वसणं विहिस्मि विवरीए । किं चुज्जं ? किं अम्हारिसाण विउसा भणंति जओ ॥११५०॥

अलङ्कारः शंकाकारनरकपालं परिजनो, विशीर्णो भृंगी वसु च वृष एको बहुवयाः । अवस्थेयं स्थाणो
रपि भवति सर्वामरुरोर्विधौ वक्रे मूर्ध्नि स्थितवति वयं के पुनरमी [शिलरिणी] ॥११५१॥ ता मह विवेय-
कलियस्स जुत्तमेवं न सोइउं णूणं । इय जा संठवइ मणं काउं धीरत्तणं कुमरो ॥११५२॥ ता जयवद्ध-

णनयरस्स सामिओ कित्तिवम्मनरनाहो । सुल्लइकयाऽऽयंकेणसुवरओ केवलमपुत्तो ॥११५३॥ तत्तो तप्पय-
समुचियसवुत्तमपुरिसरयणनाणत्थं । अह्निवासियाणि मंतीहि पंचदिव्वाणि विहिपुव्वं ॥११५४॥ हेत्थी
तुरओ चैमरा कल्लसो छत्तं च ताणि पुरमज्जे । भमिउं चउककचच्चरतिगाइठाणेसु सव्वत्तो ॥११५५॥
अणियंताणि पुराओ वाहि नीहरिय ताणि पत्ताणि । जत्थऽच्छइ नरविक्कमकुमरो तरुणो तलम्मि ठिओ
॥११५६॥ पढमं चिय गिरिगरुयं घोरोस्करं करिं निएवि इमो । चितइ वणहत्थी को वि एस ता
कुणउ जमभिमयं ॥११५७॥ एवं न ताव करियायमाणयं संपयं दम्मिस्सामि । सिक्खाविओ वि जम्हा
मरणं मह विरहियस्स वरं ॥११५८॥

जओ--विरहाओ वरं मरणं विरहो द्रमइ निरंतरं देहं । ता सेयं मरणं चिय जेण सम्पणति दुवखाइं
॥११५९॥ मरणम्मि निच्छियमई कुमरो तं जाव निएइ गयरायं । संत लीलायंतं जंभायंतं च सोमसुहं
॥११६०॥ ता तक्खणेण तुरयं छत्ताइयं च पासिउं कुमरो । चितइ मणम्मि कारणमिह किपि न एस
वणहत्थी ॥११६१॥ सुंढादंडटिणं निम्मलजलभरियपुण्णकलसेणं । अमएण व सो सित्तो गएण विरहग्गि-
तत्ततणू ॥११६२॥ तिपयाहणिय कुमारं गलणज्जियजलहिगहिरगज्जीए । उक्खिविऊण करेण सखंधमा-
रोविओ कुमरो ॥११६३॥ काउं पयाह्णिणतियं तुरओ रोमंचकुइयगतो हरिसियहियओ हिसइ पिकखंतो
कुमरसुहकमलं ॥११६४॥ हरहासहारधवलं कुमरस्स सिरम्मि संठियं छत्तं । विवं व सोमयाए विजिणं
पेसियं ससिणा ॥११६५॥ ससिसंखकुंदभवलं चामरजुयलं संयपि से ढलियं । जसकिच्चिपुंजजुयलं व
सहइ पासेसु कुमरस्स ॥११६६॥ अहिणवजलहरसामलसमुच्चकरिणसंठिओ कुमरो । मोहइ रिंहाकिसोख्व

विघ्नगिरिस्मित्यारूढो ॥११६७॥ मंचाइमंचकल्लिए पुरे पविट्टो इमो विभूर्इए । वरवत्थरइयउल्लोयरुइरविच्छि-
त्तिरमणीए ॥११६८॥ विरइयचंदणकलसे मणहरतोरणविराइयदुवारे । रायभणम्मि पविसइ कयकोउयमंगल-
पवित्तो ॥११६९॥ विलस्सिस्वारविलासिणिविरइयमुत्तियचउक्ककमणीए । सिंहासणे निसीयइ सुपसत्थ-
मुहुत्तसमयम्मि ॥११७०॥ तो समकालपवज्जिरनाणाविहत्तूरवहिरियदियंतं । पुणरवि पुरलोएणं विहो
रज्जाभिसेओ से ॥११७१॥ महरिहवत्थालंकारसारसोभंतविण्णहावयो । पणओ असेससामंततिना-
यरगणेण इमो ॥११७२॥ पणया पच्चंतनिवा सव्वे वि हु तप्पयावगुणवसओ । अणुकूलम्मकल्लिओ
पुणरवि सो मंपयावरिओ ॥११७३॥ नवरं कि पि न लग्गइ चित्ते से पुत्तपिययमाविरहे । सल्लंति ताणि हियए
खणे खणे नहसल्लं व ॥११७४॥

जओ—भुंजउ जं वा तं वा परिहिज्जउ सुंदरं व इयरं वा । इट्ठेण जत्थ जोगो तं चिय रज्जं
व सग्गो वा ॥११७५॥

इओ य—जिणससयभणियविहिणा वियाणियाऽसेससमयसंभावो । छत्तीसह्वरिगुणरयणरोहणो रुद्धम-
णपसरो ॥११७६॥ खंतीनिवासगेहं मैदवगुणभग्गमाणभडवाओ । अज्जवनिज्जियमाओ मुत्तिलखल्लियलोह-
खलो ॥११७७॥ तवैतेयदिच्चदेहो संजमसंजमियकरणहयपसरो । संच्चवसिकयधुवणो सोर्यसमुज्जलसमायारो
॥११७८॥ आकिंचणविभूसियदेहो वंभंयगुणपवित्तणू । सुविसुद्धयम्मदसभयरणसमलंकियसरीरो
॥११७९॥ दंसणमित्तेण वि भवियनिवहनिम्महियचित्तसंतावो । परमाऽल्लवणसुहारसपवाहनिव्वैवियजणहियओ

१ आलवण० सभाषण-देशना । २ निव्वविय० निर्वापित ।

॥११८०॥ विहरंतो संपत्तो संमंतभद्दाऽभिहाणमुणिवसहो । जयवद्धणपुरपरिसरबहिरुज्जाणे समोसरिओ
॥११८१॥ सोऊण तयाऽऽगमणं भत्तिव्भरुल्लसियवहलोमंचा । के वि हु वंदणवडियाइ निग्गया हूरिपायाणं
॥११८२॥ के वि हु कोउयवसओ के वि हु पत्ता पराणुवितीए । संसयवोच्छेत्यं च पत्थिया तत्थ केइ
पुणो ॥११८३॥ राया वि सुणिय मुणिनाहवइयरं विहियपवरनेवत्थो । पियपुत्तापियावुत्तंतपुच्छणत्थं समणु-
पत्तो ॥११८४॥ नमिऊण निसण्णेसुं उचियट्ठणे विसिट्ठलोएसु । मुणिनाहो नवनीरयगज्जियंगभीरवाणीए
॥११८५॥ पारद्धो धम्मकहं कहिउं कारुणपुणमणभवणो । भवियजणवोहणत्थं सुओहिनाणाऽइसय-
कलिओ ॥११८६॥

तंजहा—खणदिट्ठनट्ठविहवे खणपरियट्ठंतविविहसुहदुक्खे । खणसंजोगविओगे नत्थि सुहं किं पि
संसारे ॥११८७॥

जओ—जीयं जोव्वणलच्छीपियसंजोगाईं जं जियाण पिय । खणभंगुरस्सख्वं संसारे इत्थ तं सव्वं
॥११८८॥ खरपवणपणुणकुसगलजलविदुसणिहं जीयं । तरणिकरतवियतरुखुडियेकुसुमसरिमं च तारुणं
॥११८९॥ सुरंरायचवल्यमच्छहाओ लच्छीओ चलस्सूवाओ । विज्जुलयविलसियसमा पियसंजोगा य
जीवाणं ॥११९०॥ तम्हा सुरनरसिवसुक्खकारए सासए जिणपणीए । परमत्थवंधवे कुणह उज्जमं सुद्ध-
म्मम्मि ॥११९१॥ इय मुणिवयणविणिग्गयवयणं सोउण अमयरससरिस । संवेगभावियमणा जाया सव्वे वि
भवियजणा ॥११९२॥ राया वि हु मुणिवइणो नाणाइसयं वियाणिउं सगं । भत्तिव्भरनिव्भरगो पुणो वि

१ सुडिय० तण्णित्त उट्ठित्त इति । २ इन्द्रधनुर्लनासमाना ।

तं नमिय भणइ इमं ॥११९३॥ कहसु पसिज्जण भयवं ! पुव्वभवे किं मए कयं दुक्कं । जेण उमा मह
जाया विरहाइविडंवाणा वाढं ? ॥११९४॥ भणइ गुरू सुणसु नरिंद ! ईसि कम्मं पि देह कडुयफले । वज्झइ
हसमाणेहिं छुट्टिज्जइ न रुयमाणेहि ॥११९५॥ परदव्वहरणपरदाररणप्पमुहाइं गरुयपावाडं । भावेण अति-
व्वेण वि कयाइं तिव्वं फलं दिंति ॥११९६॥ तुमए वि पुव्वजम्मे अणायरेणं पि मूहहियएणं । विहियं
असुहं कम्मं जह तह इण्हि निसामेह ॥११९७॥

रिउचक्कअंकंपाए चंपाए आसि सोमचंदनिवो । नियमइजियसुरमती मइसारो तस्स वरमंती ॥११९८॥
सिरिसोमचंदरणो मीमालनिवो वसंतराउ त्ति । निहणइ देमं अइतिव्वलोहपसरूव्व गुणनिमहं ॥११९९॥
अवि तं निग्गहसत्तो कुओ वि तं कारणा न निग्गहइ । तो महुसमए मंती निवजणावणत्थमिय भणइ
॥१२००॥ देव ! वहिं उज्जाणे हयगयरहजोहजूहपरियरिओ । पत्तो वसंतराओ जं जाणसु कुणह तं इण्हि
॥१२०१॥ तं सोउ निवो सहसा समरभरुल्लिसिरिगरुयउच्छाहो । कंयावियरिउचक्कं लहु ताडावेइ जयहक्कं
॥१२०२॥ तस्सइसवणवसइत्तिमिलियरणसज्जपवल्कलिओ । जा मंतिजुओ गयवरमारूवो नरवरो चलिही
॥१२०३॥ अइवेगागमवसजायपवलउत्सासरुद्धकंठेणं । एगेण पहाणनरेण ताव वद्धाविओ मंती ॥१२०४॥
चक्कपुराहिजयसेणारायपासम्मि रायकज्जेणं । जो पहिओ कयकज्जो सो तुह पुत्तो इहं पत्तो ॥१२०५॥
बहुतुट्टिदाणपुव्व पहाणपुरिसं विसडिज्जण तयं । सुचिराऽऽजयवल्लहसुयमिलणत्थं पुच्छट्ट नरिंदं ॥१२०६॥
तो तिव्वखअणक्खेकडक्खिएण पमणिओ निवेण इय मंती । रणजत्ताभंगकरस्स तुज्ज मा मिलउ पियपुत्तो
॥१२०७॥ अरिविजयं काउं लहु मिलसु सुयस्स त्ति भणिय सो नीओ । रणुज्जाणे तत्थ य वसंतरायं न

पिच्छेइ ॥१२०८॥ तो कुविओ आह निवो वसंतराओ कहिणु भो मंति ! ? । सो भणइ देव ! विलसिरं वसंतराय पुनो नियह ॥१२०९॥

तथाहि—चयगइंदा गज्जंति मत्तपरंपुट्टपुट्टसइणेण । बहुविहत्तकुसुमहया हेसंते अलिउलरेवेण ॥१२१०॥ किंकिळिरहा रेहंति पट्टबुल्लसिरसत्थसंदोहा । केयइनिविडकुंडंगा जोह्वा मो(सो)हंति सण्णाद्धा ॥१२११॥ इय मंतिवयणरणणाइंरंजिओ नरवई भणइ सचिवं । सिग्घ सुयस्स मिलिय जिणिय अरिं इज्ज लहु इत्थ ॥१२१२॥ तो तुट्टमणो मंती पुत्तस्स मिलित्तु तत्थ गंतूणं । जिणित्तं वसंतरायं क्रमेण पत्तो निए नयरे ॥१२१३॥ अण्णदिणे उज्जाणे गच्छंतेणं निवेण रूववई । निज्जू^३हठिया दिट्ठा सुलसा वसुसिद्धिणो भज्जा ॥१२१४॥ तीए अज्जू^४ववणो उज्जाणे कीलियं खणं राया । कुसुमसरसरसरविसरसल्लियंगो गिहे पत्तो ॥१२१५॥ तो मज्जा रिऊहि समं दाणग्गहणाइ अत्थि ववहारो । तुह इच्चाइ असच्चं किचि वि उब्भाविडं दोसं ॥१२१६॥ गिण्हित्तु सव्वसारं वसुसिद्धिपियं सवेइ ओरोहे । सिट्ठी धणनासपियाविरहेणुम्मत्तओ जाओ ॥१२१७॥ राया पुण सुलसाए सद्धि सद्धम्मकम्मविमुद्धमणो । पंचविहविसयसुखं माणइ कालं कियंतं पि ॥१२१८॥ अण्णदिणे नियभवणे सत्तमभूमीइ मत्तवारणए । जा चिट्ठइ नरनाहो कीलंतो तीइ संजुत्तो ॥१२१९॥ ता धूलिधूसरंगो मलमल्लिणतणू विमुक्कचिहुरभरो । दंडी खंडनिवसणो तरुदलमालाऽऽविल्लेसरीरो ॥१२२०॥ गायंतो नच्चंतो विणा निमित्तं हंसंतरोवंतो । असमंजसवयणाइं कज्जमकज्जे वि जंपंतो

१ परपुट्टं परपुट्ट-कोकिल । कुडगं निकुब्ज । ३ णिज्जहं निर्युह-गवाक्ष । ४ अल्युपपन्न -अत्यन्तासक्त इत्यर्थ ।

५ गाविलं व्याप्त ।

॥१२२१॥ इय एवं पुरमज्जे हिंडंतो सोमचंदनवइणा । तह सुलसाए सहसा दिट्ठो उम्मत्तओ एगो
 ॥१२२२॥ भणियं च तीइ सामिय ! इमसुवलक्खह न व ? ति तो रणा । वुत्तं न सुणेमि तुमं जइ सुणसि
 कहेसु को एसो ? ॥१२२३॥ तीए भणियं तुभेहि जस्स हरियं धण मए सद्धिं । मह विरहे विहवखए
 सो वसुधूई भमइ एवं ॥१२२४॥ इय सोढं ती उत्तं तस्स अवत्थं च पिच्छिऊण निवो । पच्छाणुतावतत्तो
 चिंतिउमेवं समाहत्तो ॥१२२५॥ सारयससिकरधवलं कलंकियं नियकुलं मए हद्धी ! । उद्धूलियं च धिद्धी !
 अकिचिधूलीइ खुवणयलं ॥१२२६॥ दिण्णो हत्थो गुणसंचयस्स मलिणीकयं च सयणसुहं । भंइं दूरेण कयं
 सणिह्ठिओ वसणसंधाओ ॥१२२७॥ पिहियं सुगइदुवारं सुसज्जिओ दुगइपुरीमग्गो । णुणं कुणंतएणं
 परधणपरदारहरणमिणं ॥१२२८॥ ता कस्स सुहं दंसेमि कस्स साहेमि किं च काहामि ? ! उभयभवविरुद्ध-
 करो होहिस्सं कहमहमभग्गो ॥१२२९॥ इय चित्तिऊण राया पलित्तगेहं व मुत्तु गिहवासं । निक्खंतो लहु
 गंतुं गणधराऽऽयरियपासम्मि ॥१२३०॥ भवियव्वयावसेणं विज्जुनिवाएण तक्खणेण मओ । उप्पण्णो
 सोहम्मे तियसवरो भावणावसओ ॥१२३१॥ भुत्तूण तत्थ मुइरं उत्तमओए सुरंगणाहि समं । चविओ इह
 संजाओ तुमं सि नरविक्रम्मनरेस ! ॥१२३२॥ जं पुण पुब्बि विहियं परधणहरणाइयं तए पात्रं । संपट
 तस्स फलेणं जायं तुह एरिस दुक्खं ॥१२३३॥ इय सोढं पुव्वभवे जाइं मुमरित्तु भणइ नरनाहो ।
 नाह ! मह होहिइ कंइ एरिसक्कम्माण खल्ल विगमो ? ॥१२३४॥ भणइ गुरु भो नरवर ! विसेसक्कम्मक्खए
 तवो हेऊ । तत्थ वि वज्झतवाओ अर्द्धिभतरओ पहाणतवो ॥१२३५॥ तत्थ वि य पहाणयरं झाणं चिय

जिणवरेहि निदिट्ठं । जं तेण तमखणेणं खवइ जिओ निखिलकम्ममाइं ॥१२३६॥

भणियं च—कम्ममसंखिज्जभवं खवेइ अणुसमयमेव आउत्तो । अणयस्मि वि जोगे ज्ञाणम्मि पुणो विसेसेण ॥१२३७॥ तं पुण जियस्स ज्ञाणं अणिच्चयाईहि भावणाहि भवे । ता णिव ! वारस वि तुमं भाविज्जसु भावणाओ सया ॥१२३८॥ किच तुह भावणाभावियस्स सुणिजणसुसेवणपरस्स । अइरेण समाओगो पुत्तकलत्तेहि सह होहिइ ॥१२३९॥ इय सोउं सो राया दंसणमूलं गिहेवि गिहिधम्मं । गुरुचलणाय नमेउं तुट्टमणो नियगिहे पत्तो ॥१२४०॥ तप्पभिई तिवकालं पूरइ निवो जिणिदपड्डिमाओ । कुणइ य सुट्टवउत्तो आवस्सयसुभयसंझं पि ॥१२४१॥ दाणं देइ जहरिहं पालइ पाएण निस्समलं सीलं । सत्तीए तवइ तवं सज्जायं कुणइ सुद्धमणो ॥१२४२॥ वहवहुमाणपवित्तो सेवइ विमलं गुरूण पयकमलं । सवज्जकज्जभीरू पालइ रज्जं पि नयसज्जो ॥१२४३॥ पुव्वावरत्तकाले जागरमाणो ममत्तपरिचत्तो । धम्मज्ज्ञाणनिमित्तं इय भावइ भावणाओ पुणो ॥१२४४॥ रे जीव ! रूवजोव्वणधणसयणसिणेहईसरियमाइ । सव्वमणिच्चं सुमिणोवल्लद्धरिद्धिच्च जियलोए ॥१२४५॥ पियमायसाभिमार्इ न कोइ सरणं जियस्स मरणम्मि । धम्मं सुत्तुं रण्णे छुद्धयगहियस्स व मिगस्स ॥१२४६॥ निवरंकसधननिधणपहुक्किकरपहुहविविहरूवेहि । नच्चइ सुइरं जीवो रंगाऽऽयस्सिओ व रंगगओ ॥१२४७॥ इक्को पावइ जम्मं मरइ य इक्को समज्जिउं कम्मं । इक्को पावेण दुहं इक्को धम्मणेण लहइ सुहं ॥१२४८॥ चेयणगुणजीवाओ विगुणत्ता जइ सरीरमवि अणणं । ता कहणु सुत्तु दंसणनाणे अणणं ण० अणंति ॥१२४९॥ नवच्छिइइरंतमहंतकलिलमलयसरपूरिए सययं । देहे गेहे रोगाण कुणइ सुमई कह सुइत्तं ? ॥१२५०॥ जह नेहत्तुप्पियंगस्स होइ रयसंचओ तह जियस्स ।

मिच्छत्तपमुहवहुविहआसवजुत्तस्स कम्मचओ ॥१२५१॥ पिहियाऽऽसाविदुन्नारे रेणुव्व गिहे जलं व पोयम्मि ।
 संवरपवरे जीवे पावं पविसइ न कया वि ॥१२५२॥ अण्णाणपरवसत्ते जिओ संहतो खवेइ तणुकम्मं ।
 सवसो सण्णाणी उण निज्जरइ खणेण वि अणंतं ॥१२५३॥ चउदसरज्जुपमाणे लोए वालगमित्तमवि
 नत्थि । जीवेण जं न पुट्टं अणंतसो जम्मसरणेहिं ॥१२५४॥ कह कहमवि गरुयगहीरजलहिजलगलियपवर-
 रयणं व । दुलहं लहिउं बोहिं तत्थ पमाइज्ज मा कह वि ॥१२५५॥ गुणमणिरोहणगिरिणो पमायवणगह-
 णभंगवरकरिणो । सिवसुहफलवरतरुणो लब्भंति कहं पि सुहयुरुणो ॥१२५६॥ इय भावणापहाणो पइदियहं
 :- वइहमाणसंवेगो गिहियम्मं सुविसुद्धं नरविककमनरवई कुणइ ॥१२५७॥ इत्तो य नईतीरे तेसि दुणहं पि
 रायपुत्ताणं पुणेहि नरो एगो कत्तो वि समागओ तत्थ ॥१२५८॥ ते दट्टुं संभंतो चितइ नणु रायनंदणा
 ए । नलकूवरव्व रूवेण सयलनिवलक्खणसमेया ॥१२५९॥ इय चिंतिज्जण तेणं सप्पणयं गोउलम्मि ते
 नेउं । गोउलियमयंहरस्सउ समप्पिया कहिय बुत्तं ॥१२६०॥ तेण वि य अपुत्ताए ते दिण्णा नियपियाइ
 तुट्टेणं । सा वि हु पालइ अंगुभव्व परमणपाणेहिं ॥१२६१॥ अण्णादिणे सो गोउलसामी नरविककमं
 निवं दट्टुं । जयवद्धणम्मि नयरे केण वि कज्जेण संचलिओ ॥१२६२॥ तेण य सद्धि ते दोवि नंदणा
 नयरदंशणनिमित्तं । चलिया रायसमीवे पत्ता सो पणमिओ तेहिं ॥१२६३॥ जा नियइ निवो ते दोवि
 दारए अणिमिसाइ दिट्ठीए । ता नायं जह एए मज्झ सुया कहइ मह हियं ॥१२६४॥ पुट्टेण मयहरेणं
 बुत्तं साहिए जहाऽवगए । तो नेहवसा दुण्णि वि उच्छंणे ठाविया पुत्ता ॥१२६५॥ किमवि परुणो य
 निवो गलंतनयणंसुथोवियक्खोलो । भणइ सुया मह एए मिलिया सुगुरुप्पसाएण ॥१२६६॥ बीयम्मि दिणे

सुर्वसणा-
चरियम्मि

॥१४४॥

गुरुणो कहिओ सव्वो वि पुत्तवुत्ततो । भणइ गुरु भो ! किच्चियमित्तं धम्मस्स फलमेयं ॥१२६७॥ अज्जवि
होहिः उह पियमाइ जोगो वि थोवदियएहि । अहरीकयरुप्पहुमाहप्पो जेण जिणधम्मो ॥१२६८॥
हरइ दुह कुणइ सुहं जणइ समाहिं समीहियं देइ । अवणेइ आवयाओ जिणधम्मो कामधेणुव्व ॥१२६९॥
एवं राया संजायपच्चओ कुणइ तिव्वसंवेगो । सावगधम्मं सम्मं सव्वत्थ वि भावणारम्मं ॥१२७०॥ सा
पुण सीलमई देहिलेण जलहिम्मि दढमणज्जेण । नाउं हरिज्जमाणं अप्पाणं निवडिया वहणे ॥१२७१॥
मुच्छान्निमीलियच्छी विहियसिसिरोवयारगयमुच्छा । अइदुस्सहविरहभारिआ विलविउं लग्गा ॥१२७२॥
हा जलहिदेवयाओ ! हा पवहणदेवयाओ हा सुयणा ! । इह अत्थि कोइ जो मं रक्खइ पावेण हीरंति ?
॥१२७३॥ हा ताय ! दुहियवच्छल ! हा ससुर ! सिणेहसार ! हा दइय ! । मह पाणप्पिय ! तायसु हीरंति
सरणरहियं मं ॥१२७४॥ तं पिच्छिऊण सहसत्ति देहिलो विहियअंजली पणओ । भणइ इमं मा रोयसु
सुंदरि ! मह सुणसु विण्णत्ति ॥१२७५॥ वीसत्था होसु खणं अवधारसु मज्झ वयणपरमत्थं । अहमेव तायओ
सुयणु ! किं करो पसिय पसेयच्छि ! ॥१२७६॥ होसु मह विउलगिहविहवसासिणी वहसु मेहिणसइं । चयसु
विसायं तह ठवसु^१ अप्पयं वरसमाहीए ॥१२७७॥ निव्ववसु सुयणु ! मं मयणदहणतवियं ससंगमजलेण ।
इय विण्णत्तिं मह कुणसु करिय करुणं कुंगच्छि ! ॥१२७८॥ तं सोउं कोवा रत्तनयणभडभिउडिभीसण-
निडाला । फुरियाइहरुट्टुडया अपसणमुहा भणइ फरुसं ॥१२७९॥ अवसर दिट्ठिपहाओ निक्किव ! निव्व-
ग्गसेहर ! निहोण ! । निद्धम्म ! नराहम ! निव्विवेय ! निप्फुइ ! निल्लज्ज ! ॥१२८०॥ मा भणसु पुणो

१ सुगाक्षि । । ३ क्षुर । ।

विजयकु
मारसरूव-
प्परूवग-
नाम
अहमुहेसो ।

॥१४४॥

एवं मा निवडसु निरयअंधकूवम्मि ! निव्विण्णाण ! न याणसि परस्स अप्पस्स य विसेसं ॥१२८१॥ एवं तीए निव्वमिच्छओ उ सो देहिलो ठिओ मोणं । लोभाभिहयं च पुणो अप्पाणं निदइ सई सा ॥१२८२॥ हा जीव ! तया लोभेण विनंदिओ मुणसि नेव कवडमिसं । जं मह कज्जत्थमिमो समहियमत्थं पयच्छतो ॥१२८३॥ वाहियइ अहव झुट्टेण लोभियलोयजंपियं सव्वं । संपइ पुण कह सीलं पालेयव्वं ? ति तो भणइ ॥१२८४॥ जइ अत्थि मज्झ सीलं सुद्धं तो दाणवो व देवो वा । मह सीलपालणकए सणिज्झं वियरउ अवस्सं ॥१२८५॥ इय सावियम्मि सीले समागया जलहिदेवया खिष्यं । पच्चकखी होऊणं भणइ तयं देहिलं वणियं ॥१२८६॥ रे बूढ ! दुट्टविट्ठिय ! भइणिसमं पिच्छिऊण जइ एयं । अप्पसि पइणो ता तुज्झ जीवियं अण्णहा नत्थि ॥१२८७॥ इय देवयाइ वयणं आगासगयाइ देहिलो सोउं । भइणिं व पणसइ तयं तहत्ति पडिवज्जियं वयणं ॥१२८८॥ तप्पभिइ भयभीओ भोयणपयाणाइएहिं भइणि व । पालितो गंतव्वं संपत्तो वंछियं ठाणं ॥१२८९॥ विणियइऊण तत्तो विहवियदविणो गिहं पइ नियत्तो । पवणवसा से वहणं पत्तं जयवद्धणपुरम्मि ॥१२९०॥ उत्तारिऊण पणियं वणिओ धितूण पाहुडं पवरं । वच्चइ निवस्स पासे तेणाडवि सगोखं दिट्ठो ॥१२९१॥ दीवंतरवत्ताकहणवावडाणं परुप्परं मई । वेला लग्गा जावं वोलीणो जामिणीपहरो ॥१२९२॥ तो देहिलेण भणियं वहुदुव्वं देव ! पवहणं मज्झ । ता सुयह ममं पुणरवि समागमिस्सं पहायम्मि ॥१२९३॥ भवियव्वयान्निओगेण भूवई भणइ भइ ! भवउ हं । पच्चइयनियनरेहिं रक्खाविस्सासि तं वहणं ॥१२९४॥ तं पुण इहेव चिट्ठसु एवं हीउ त्ति मन्निए

सुदसणा-
कारियस्मि

॥१४६॥

वणिणा । नरवइणा पेसविया पहाणपुरिसा पवहणम्मि ॥१२९५॥ अणुक्कलकम्मवसओ कुमरा कयकोडया
जलहिवहणे । जणयं सप्पणयं विणवेति वालगहगहिया ॥१२९६॥ पवहणमदिट्ठपुवं ति ताय ! तहं-
सणत्थममहे वि । वच्चासु चि तओ ते वि पेसिया तेहि सह रणा ॥१२९७॥ रयणीइ ते पसुत्ता
तत्थेव य पवहणम्मि सिज्जाए । जाए य चरिमे जामे पडिबुद्धो भणइ लहुभाया ॥१२९८॥ भाउय !
मह कहसु तुमं अच्छेकरं कहाणयं कि पि । वच्चइ सुहेण रयणी जेणेसा तं सुणंतस्स ॥१२९९॥
जिट्ठेण तओ भणियं महंतमच्छेरयावहमपुवं । अम्हाणमेव चरियं सुणसु तुमं कि च अवरेण ? ॥१३००॥
आमं ति तेण बुत्ते जिट्ठो भाया कहेइ बुत्तंतं । नियनयरिनिग्गमाओ हरिया केणाऽवि जा जणणी ॥१३०१॥
तीए गवेसणत्थं अम्ह पिया निग्गओ नईतीरे । नरविककमो कुमारो अम्हे मुत्तुं नईक्कले ॥१३०२॥
बूढो नइपवाहेण पुणजोगेण नरवई जाओ । अम्हे पुण संपत्ता केण वि गोडलियपुरिसेण ॥१३०३॥
तेण वि सुहेण नेळं समप्पिया मयहरस्स तस्स गिह । विद्धि पत्ता पुण्णेण जोईया जणयपायाणं ॥१३०४॥
संपइ जइ अम्हाणं माया वि हु मिलइ गरुयपुण्णेहिं । देवगुरूणं पायप्पसायओ ता भवे ल्हं ॥१३०५॥
अह गुणलयणीमज्जे सयणीयगयाइ जागरंतीए । सीलमईए सवं निसामियं निययचरियमिणं ॥१३०६॥
तत्तो नेहपरवसहियया सव्वंगजायोमंचा । सुरहिव्व निययवच्छगदंसणपण्हैइरउरसिरुहा ॥१३०७॥
जामि बलिं तुम्ह सुहस्स होमि ओयारणं नियसूयाणं । इय जंपती तुदंतंकुत्या निग्गया वाहि ॥१३०८॥
एसा अलक्खणाऽहं तुम्हाण दुक्खदाइया माया । ता एह इच्चिरविरहियाइ आरुहह मह अंके ॥१३०९॥
तो ते अंके काऊण सुवक्कपुक्काइ तीइ तह रूणं । कुमरेहि समं वहणे रूआविओ जह जणो सब्वो ॥१३१०॥

१ हठो । २ सुन्दरम् । ३ पण्डइर० प्रहोतु-अरनेवाला ।

विजयकु-
मारसरूव-
प्परूवग-
नाम
अट्टसुदेसो ।

॥१४६॥

संठावियाणि निचपरिअरेण तुट्टेण एव भणिरेण । आणंदकरेऽवसरे पज्जत्तं देवि ! खेएण ॥१३११॥
 केण वि गंतुं सिग्घं निवेइओ एस वइयरो रण्णो । हरिसाऽऽऊरियहियओ सो वि हु अंगे अमायंतो ॥१३१२॥
 देवीपवेसणकए नयरम्मि महूसवं समाइसइ । वयणाणंतरनिव्वत्तियाइ वरनयरिसोहाए ॥१३१३॥ मंगलगी-
 यरेवेणं अवलोयंती समग्गपुरिसोहं । देवी पिच्छिज्जंती नरनारिसहस्सविदेहि ॥१३१४॥ वीइज्जंती सियचा-
 मरेहि कणयप्पहाकरेणुगया । विज्जुव्व विरायंती । बलायजुयजलयमालाए ॥१३१५॥ पविसइ नरिंदभवणे वि-
 छाज्जाणविहियमंगलपवित्ते । नारीहिं सैलहियगुणे आसीसदाणमुल्लाहाहि ॥१३१६॥ रायाइपुरलोओ मिलिओ सव्वो
 वि तम्मि समयम्मि । नच्चइ गायइ विलसइ हरिसियहियओ तथाऽऽगमणे ॥१३१७॥ रायाइमाणसाणं
 तेसिं मिलियाण निरुवमं सुक्खं । जं जायं तं तीरइ क्कहिंउं नऽण्णस्स केणाऽवि ॥१३१८॥ अभयप्पयाणपुव्वं
 क्कहिओ देवीइ वइयरो वणिणो । निव्विसओ आणत्तो तो सो रण्णा ससव्वस्सो ॥१३१९॥ तप्पभिंइ
 रज्जसुक्खं विसयसुहं मण्णए सुहं राया । जं हिययनिव्वुइए विउसा मण्णंति परमसुहं ॥१३२०॥ वसणे वि
 अणुविग्गा विहवं पत्ता वि हुंति न हु थद्धा । न पहुत्तणे वि तुच्छा अहो ! हु गुरुयाण पुरिम-
 वयं ॥१३२१॥ अह नरविककमराया रायसिरीए वराइ रायंतो । ससहरकरयवलजसो चिरकालं पालए
 रज्जं ॥१३२२॥ सुहभावणासमेओ सावगधम्मं पि पालिऊण चिरं । गुरुपासे निकखंतो विरत्तचित्तो महासत्तो
 ॥१३२३॥ चरणकरणं विसुद्धं सम्मं आराहिंउं समाहिपरो । मरिऊण समुप्पण्णो देवो माहिंदकप्पम्मि
 ॥१३२४॥ तत्थ वि उत्तमभोए पुव्वभत्तुभवसुभेण भावेण । अच्चव्भुयभूएणं सुंजइ सो भूरियराइं
 ॥१३२५॥ तत्तो चुओ विदेहे सुखुलुप्पत्तीइ लहिय पव्वज्जं । चरिउं विसुद्धसद्धो सिद्धिं पत्तो धुयक्किलेसो

सुर्वसणा-
धरियस्मि

॥१४८॥

॥१३२६॥ विजयकुमारो पभणइ सुदंसणे ! एस भावणाधम्मो । संखेवेण महत्थो धम्माण सिरोमणी
कहिओ ॥१३२७॥ ता कायव्वो भावो सासयसुक्खाण कारणं भणिओ । सस्सुप्पत्तिनिमित्तं गहियव्वं
जह जलं होइ ॥ १३२८॥ एरा चउव्विहधम्मो सुदंसणे ! तुह मए समक्खाओ । ता तुरियं कायव्वो
दुल्ला मणुयाइरासणी ॥१३२९॥ अण्णं च एस सेलो विमलगिरी जलहिदुग्गप्रज्जगवो । सुरसिद्धजक्ख-
विज्जाहराण कीलणपयं रम्म ॥१३३०॥ ता धम्मविणियोसिमाणमित्थ सुणिसुव्वयस्सा नाहस्स । भवणं
जुज्जइ काउं जग्हा वित्तस्स फलमेयं ॥१३३१॥ सुथिरं सुनिव्वुइकरं साहीणं सुवहुयं च जइ पुण्णं ।
विवरीएण धणेणं लब्भइ ता किं न पज्जत्तं ? ॥१३३२॥ इय सोउं सुणिवयणं सुदंसणाए सुदंसणमणाए ।
जिणभवणाविहाणत्थं आइट्ठो सुत्तहाररो ॥१३३३॥ विविहवररूत्तोरिणसुहमंडवपिच्छमंडवसुरम्मं । मणिरय-
णसालभंजियंसंजुयवहुकणयमयखंभं ॥१३३४॥ उजुंगधवलसिहरं सुमेरुनामं लसंतधवलधयं । मणिकणयय-
णघडियं जिणभवणं तेण निम्मवियं ॥१३३५॥ वरतोरिणसोवाणचउवारा विमलसलिलसंशुणा । धावी
जिणिदंमंदिरदुवारदेसम्मि तह विहिया ॥ १३३६॥ इय सिम्यं कारविउं सुदंसणा मणहरं जिणहरं तो ।
ठावइ तत्थ विसिट्ठं सिरिखुनिसुव्वयजिणप्पडिंसं ॥१३३७॥ भत्तिभरनिभरंगा सव्विड्ढीए इया सपरिवारा ।
ण्हविऊण पूइऊण वंदइ सुणिसुव्वयजिणिदं ॥१३३८॥ सीलवईइ समेया विजयकुमारं च वंदिय सुणिदं ।
चट्ठिऊण जाणवत्तं चलिया भस्यच्छपुरससुह ॥१३३९॥ सो पुण विजयकुमारो कमेण काऊण कम्म-
रिउविजयं । उप्पणविमलनाणो निव्वाणपयं समणुपत्तो ॥१३४०॥ इय सुदरिसणकहाए विवेयवर-
यणरोहणधराए । विजयकुमारसरूवप्परूवगो अट्टमुहेसो ॥१३४१॥ [इइ अट्टमुहेसो] इ/

१ सुसम्यक्कवमनस ।

विजयकु-
मारसरूव-
प्परूवग-
नाम
अट्टमुहेसो ।

॥१४८॥

अह नवमुद्देशो ।

सा आह किणारी तुह कहिओ इह विजयकुमारवुत्ततो । मुणिचंडवेगकहिओ अह भाउय ! मुणसु मूलकहं ॥१॥ ता वहिऊणाऽविग्घ एस अइरेण नम्मयदुवारं । गीयत्थव्व भयोहं तरेवि जलहि गया तीरं ॥२॥ छत्तथयचिथामरपुरंतमणिरयणकिकिणिरवड्ढो । अप्फालियजयतूरो वेडादंडो तडे पत्तो ॥३॥ सब्बो वि नयरलोओ सुणेवि जयतूरसइनिग्घोस । भीओ सुणेइ इह कितु आगओ सिंहलाहिवई ॥४॥ मुणि-ऊण तूरसइं भणियं जियसत्तुराइणा रे ! रे ! । एसो सिंहलाया समागओ मज्झ किं उविरि ? ॥५॥ ता पक्खरेहं तुरया गुडहं गइंदा भडा वि सण्हह । अप्फालहं रणतूरे सत्थाइं करेह पउणाइं ॥६॥ इय ह्यगयरहभडओहपरिगओ सण्णाहेवि जियसत्तू । वेलाउलम्मि पत्तो रणरहंसुच्छलियहल्लेवोळो ॥७॥ त सण्णद्धं दट्ठं निवसुया भणइं सिट्ठि ! किं एयं । दीसइं ह्यगयरहभडसमाललं उयहितीरस्मि ? ॥८॥ तो भणइं उसभदत्तो सुदंसणे ! एस लाडदेसपहू । दीसइं जियसत्तुनिवो जिणथम्मयुरंधरो धीरो ॥९॥ करुणासयरसखीरोदहिव्व संवेगचित्तभित्तिव्व । सुवियेययणसुनिहिव्व पसमतरुसिसिख्खायव्व ॥१०॥ तिव्वख्खरवालदारियरिउगयकुंभत्थलुच्छलत्तेहि । मुत्ताहलेहि हारो जेण कओ सुरजुवाणीणं ॥११॥

अवि य—परपरिवायचिसुक्को परदोसाऽऽयणणे वि वहिरुव्व । जम्मंथो परमहिलाऽवल्लोयणे जो खल्लु महप्पा ॥१२॥ एसो जियसत्तुनिवो तुह पिउणो चंडउत्तरायस्स । निवसइं सया ससंको जाणइं किं एस संपत्तो ? ॥१३॥ तेणेसो तुह जयतूरगहिरघोसं सुणेवि सण्णाद्धो । दीसइं इह सपत्तो रणरसियभडो-

१ रहस० रमस-ओत्तुवय । २ हल्लोळ० कोलहल । ३ सुत्तुवतीनाम् ।

हपरियरिओ ॥१४॥ तव्वयणमुणियकज्जइ जंपियं सिद्धिसंमुहं तीए । साहसु तं गत्तूण वुत्तंतिम्मिं ति
निवस्स लहुं ॥१५॥ लद्धाऽऽएसो सिद्धी एगम्मि खरैक्कयम्मि चड्डिऊणं । अप्पाणं पयंडंतो पत्तो जिय-
सत्तुपयमूले ॥१६॥ दूराउ कयपणामो साहइ आगमणकारणं जाव । रायसुयाए सिद्धी ता पत्तो पवहणस-
मूहो ॥१७॥ तो निज्जामयवयेणं को वि नियपवहणं पडिखलइ । अणो खंचेइ सिंहं अणो संवरइ
हरिणीओ ॥१८॥ अणो उण लोहमयं अहोसुहं खिवइ नंगरं झत्ति । अहवा णु लोहमइओ गरुओ वि अहो-
मुहं पडइ ॥१९॥ किज्जंतंगलसेया उत्तरिया पवहणाओ रायसुया । सीलवईए सहिया आरूढा नरविमा-
णम्मि ॥२०॥ दूराउ च्विय तीए विण्णायाऽऽगमणकारणो राया । परिओसवसविसंइंतलोयणो करइ सम्माणं
॥२१॥ तं च चिरविरहसंजणियदुक्खनिद्वहणजायपरिओसो । सीलवडं भगिणिसुयं संभासइ सायरं राया
॥२२॥ विण्णवइ उस-भदत्तो नरिद ! तुह चंदउत्तराएण । जं संदिदं निसुणेह सायरं तं समाहितो ॥२३॥

तंजहा--जे हुंति पुहइवइणो निम्मलकुलसीलजाइगुणकलिया । परिचत्तसत्तवसणा अणुज्जुया कुनय-
मग्गेसुं ॥२४॥ गुरुधम्मभारधुरधरणधीरधवला विमुद्धसम्मत्ता । ते हुति तिलयभूया धराइ पुरिसुत्तमा
विरला ॥२५॥ पढमोवयारनिरया दयावरा हुंति सब्वजीवेसु । विहल्लुद्धरणसमत्था ते पुरिसा कुपुरिसा इयरे
॥२६॥ परिभाविऊण एयं वयणमणग्धं च मज्झ सोऊण । अब्भत्थिओ मए निव ! पुणो पुणो तं सि
सप्यणयं ॥२७॥ एसा य मज्झ धूया सुदरिसणा जीवियस्स अब्भत्थिया । पुव्वभवमुणियदुक्खा भीया
संसारवासस्स ॥२८॥ परिचत्तविसयसुक्खा संवेगपरायणा परमसद्धा । तुह नयरं संपत्ता धम्मत्थे कुणसु जं

जुत्तं ॥२९॥ आयणिज्जण एयं जियसत्तू भणइ पुण धणनाह ! । उवयरिए उवयारं कुणंति जे ते न सप्पु-
रिसा ॥३०॥ निरविवक्खयाइ पढमं उवयारं जे कुणंति ते विरला । उवयरिए उवयारं उच्छिण्णं देइ सव्वो
वि ॥३१॥ ता सो धणवइ ! राया सिंघलदीवाहिवो महासत्तो । जेणेसा सीलवई समप्पिया मज्झ कुस-
लेण ॥३२॥ ताऽहं सिंघलवइणो सुकयस्स करेमि इत्थ किं सुकयं ? । परमेसा रायसिरी साहीणा तस्स
सव्वा वि ॥३३॥ अणं च एगदिवसेण महियलं कमइ जत्तियं तुरओ । तह पवणइगइंदो उवभुंजउ तत्तियं
वाला ॥३४॥ एवं भणिज्जण नराहिवेण पुव्वेण पेसिओ तुरओ । दाहिणदिसाइ हत्थी सूरत्थमणतरं जाव
॥३५॥ जत्थ तुरओ विसणो वीडागंधं तुरयपुरं जायं । जत्थ य मत्तगइंदो हत्थिउरं नाम तं नयरं ॥३६॥

अणं च- वेलाउलाइं अट्ट उ अट्टसए तह समिद्धगासाणं । दिण्णाइं निवसुयाए जियसत्तुनिवेण
तुदठेण ॥३७॥ एवं कयसम्मणा सुदंसणा कइयणेहि थुव्वंती । जियसत्तुनिवेण समं नगराभिमुहं तओ
चलिया ॥३८॥

अवि य--जत्थ जणो दाणरुई परोवयारुज्जओ वि अणवरयं । दुत्थियजणमलहंतो विहरए सुवहु-
नियहियए ॥३९॥ सुविमुद्धविमलदसविहसम्मत्तपभूयधणसमिद्धो वि । कुग्गहपख्खमिच्छत्तरिद्धिआजम्मदा-
रिदो ॥४०॥ दुज्जयकसायमहमल्लजिणाण पउणो वि उवसमपहाणो । दारुणदुक्खनिबंधणपमायभयभीरुओ
सययं ॥४१॥ देवगुरुविणयकरणुज्जओ वि आलससत्तुमहणो वि । दुग्गइगमणकारणविसयसुक्खमंदुज्जओ
निच्चं ॥४२॥ ववगयंससारसुहाऽणुरायनिद्वलियगरुयमोहो वि । संवेगंगवसओ सासयसुहविहियगुरुमोहो

॥४३॥ अवि य मणिरयणधवलहरविउलदेउलसोहियपएसं । अवलोयंती चलिया सुदंसणा साहुपासम्मि ॥४४॥
अणं च--जिणनवकारपभावा एसा किर सबलिय चि रायसुया । एरिसरिद्धी सुरसुंदरिव्व लोएहि
थुव्वंती ॥४५॥ सलहिज्जंती मागहगणेहि विबुहेहि संथुणिज्जंती । पणमिज्जंती भविएहि गुणसमूहेहि
गज्जंती ॥४६॥

किच--पयडंती व सुचरियं पडिबोहंती व भूरिभवियमणं । संसंती व महंतं जिणनवकारप्पभावफलं
॥४७॥ पच्चक्खं नियमफलं पयासयंती व रिद्धिनिवहेणं । मुणिजणपरमुयारं जणाण जाणावयंती व ॥४८॥ तह
तह सुविवेयजणाणं पणासयंती व निविडमिच्छत्तं । दंसंती व सुमगं जियाण उम्मणालगाणं ॥४९॥ तह
धम्माभिमुहाणं निर्दसयंती व धम्ममाहणं । इय सा गंतुं लग्गा पुव्वुद्धिट्ठं तमुज्जाणं ॥५०॥ जा वच्चइ
थोवपहं सपरियाणा सह निवेण सा बाला । ता नम्मयाइ तीरे पिच्छइ कोरिट्ठमुज्जाणं ॥५१॥ तत्थ वहु-
सउणवासो निहियजडत्तो सुपत्तपरिवारो । गहिरो वहलच्छाओ सुट्ठु थिरो उत्तमपहुव्व ॥५२॥ पुव्वभव-
कयनिवासो पभूयपहखिणपहियकयतोसो । रुद्धरविकिरणपसरो बालाए सो वडो दिट्ठो ॥५३॥ दट्ठूण
वडं चित्तइ सच्चं एसो दुरंतससारो । कम्मकयचित्तखा भमंति संसारिणो जत्थ ॥५४॥ एवं सा चित्तंती
जा वच्चइ समवसरणभूमीए । ता पिच्छइ सट्ठाणं जत्थ पुरा पाविंयं मरणं ॥५५॥ एवं संवेगपरा सुदंसणा
मुनिजणोचियपएसे । समवसरिया साहु अह पियखइ लद्धसुहलक्खा ॥५६॥ के वि हु वीरासणिया पउमा-
सणिया निसिज्जआसणिया । गोदोहियउक्कडिया दंडासणियो मुनी के वि ॥५७॥ के वि हु एकपयठिया
उद्धथुया के वि के वि रविदंसी । के वि हु उचाणसया के वि ठिया उद्धरणेहि ॥५८॥ इच्चाइआसणेहि

चउरासीईहि विहियउस्सग्गा । आयावणभूमीए आयावंता समणसीहा ॥५९॥ एगे चउत्थत्थट्ठट्ठमदसमदुवाल-
सद्धमासेहि । खमणेहि खवंति तणुं सुदुट्ठयम्मट्ठगंठिं व ॥६०॥ अघरे आयंविळिया संखादची य विगय-
वज्जी य । अप्पेगसिस्थभोई उड्डिक्कयधम्माइया अन्ने ॥६१॥ के वि सुयं वायंता संसयठाणाइ के वि
पुच्छंता । के वि हु परियइंता अणुपेहंता पुणो के वि ॥६२॥ जियकोहा जियमाणा जियलोहा जियपरी-
सहा धीरा । जियनिदा जियमाया जिइंदिया वि जियमोहवला ॥६३॥ एगअंसंजमरहिया दुविहेहि बंधणेहिं
परिमुक्का । इच्चाइजावतिचीसठाणजुत्ता जहाजुगं ॥६४॥

किंच—कंसे संखे जीवे गयणे वाऊ य सारए सल्ले । पुक्खरपत्ते कुम्मे विहगे खणे य भांरुडे
॥६५॥ कुंजरवसहे सीहे नगराया चेव सागरअखोभे चंदे खरे कणगे वसुंधरा चेव सुहुयहुए ॥६६॥ समए जह
निदिट्ठा इच्चाइनिदंसणेहि मुनिवसहा । वरुचंती रायसुया तह ते पिच्छइ महाभागे ॥६७॥ ते दट्ठणं चिंतइ
चंदउदहिंव उल्लसंती सा । एएच्चिय सुकयत्था धण्णा तह पुणवंता य ॥६८॥

जओ—विण्णायभवसरूवा निण्णासियसयलक्कम्मसंधाया । विसयाऽहिलासपियसुहपरियाणियदारुणावि-
वागा ॥६९॥ उवसमसीयलसल्लिप्पवाहविज्झवियकोवजलाणा वि । गाहप्परूढभववियडविडिनिइहणवणदहणा
॥७०॥ निम्महियकम्मसंताणसोसियाऽसेसनियतणुवला वि । मोहमहायवउम्पूलणिक्कवरमत्तकरिणुव ॥७१॥
नीसेसजंतुसंताणपालणे फुरियगुरुयकरुणा वि । दारियदुज्जयकंदप्पमत्तकरिवियडकुंभयडा ॥७२॥ सावज्ज-
जोगपसरंतरुद्धमणवायकायपसरा वि । निव्वाणनयरपहगमणदच्छकरणत्तएण जुया ॥७३॥ परिचत्तुंगपयो
हराऽलसाऽसेसजुवउंसंगा वि । निम्मलतवलच्छवरंगणाइ आलिगिया गाहं ॥७४॥ पणमंताऽमरंगंधव्वजक्ख-

सिरमउडधट्टलणा वि । दुविहे वि सब्वजीवे अप्पसमे तह वि मणंति ॥७५॥ निज्जियमयणा वि पसिद्ध-
सिद्धिवहुसंगसुक्खतल्लिच्छा । परिचत्तसव्वसंगा वि सुदढसंगहियचरणधणा ॥७६॥ जाइकुलरूववलसुयतवला-
भिस्सरियनावंता वि । अट्टमयमत्तवारणमयवारणहरिकिसोरुव्व ॥७७॥

अणं च—गयगंडयनउलफणिदमूसमज्जारहरिमया सुइया । उवसंतवेरभावा जेसि पासेसु निवसंति
॥७८॥ एयारिसा तवस्सी समत्तिणमणिलिट्ठुकंचना सुणिणो । समसुहदुहभवसुक्खा रायसुआ वंदए मणसा
॥७९॥ पुरओ वड्ढंतीए देवसमूहेहि देवराउव्व । चंदो व तारएहि चक्की व नरिदविदेहि ॥८०॥ परिय-
रिया सुनिवसहेहि स्सरिणो नाणभाणुनामाणो । धम्मकहं कुणमाणा सुदंसणाए गुरु दिट्ठा ॥८१॥
इय सुदरिसणकहाए बुहजणमणजणियउवसरसाए । भरुअच्छे गुरुदंसणापरूवगो नवमउहेसो ॥८२॥
[इह नवसुहेसो]

अह दसमुहेसो ।

ते गुणगुरुणो गुरुणो बहुवहुमाणुल्लसंतरोमंचा । असुजल्लिल्लियनयणा पलोइउं सायरं सहसा ॥१॥
धरणियलनिहियजाणू करयलभालयलमिलियभूमियला । भत्तिअरनिअरंगा सुदंसणा पणमए पढमं ॥२॥ सह
परियणेण पुणरवि दाउं तिपयाहिणं पणमिऊणं । पयंपकयं गुरुणं थुणेइ गाहाचउक्केण ॥३॥
तंजहा—भयवं ! चउगइंसंसारदुक्खभीयाण भव्वसत्ताणं । सरणं परं तुमं चिय सरणविहीणाण दीणाणं
॥४॥ वरूकल्लाणनिहाणं तुमह पसाएण हुंति सब्वजिया । अहवा हवंति गरुया अणिमित्तसुवधवा पूर्णं

॥५॥ भावति जे कयत्था दंसणरहिया वि दंसणं तुम्हं । भवदुक्खहरं पार्विति दंसणं ते जिणिंदस्स ॥६॥
अज्ज कयत्थ. जम्मो अज्ज कयत्थो च जीवियं मज्झ । जं तुज्झ दंसणासयरसेण सित्ताइं णयणाइं ॥७॥
एवं जा रायसुया करेइ गुणकित्तणं सुणिंदाणं । ता ते वि ओहिणाणेण जाणिउं तीइ पुव्वभवं ॥८॥
भवदुक्खदलणमंतं व अमरनरसुक्खपडिभूनिंभं च । सिवसुहसच्चंकारं व धम्मलाभं पयच्छंति ॥९॥ तो राय-
सुया सव्वे वि साहुणो वंदिउं सव्वहुमाणं । वरसावयसावीणं वंदं वंदं ति भणिउणं ॥१०॥ उचियएसम्मि
ठिया पसत्थमणवयणकायवावारा । गुरुचलणनिहियनयणा गुरुवयणे सावहाणमणा ॥११॥ अह भणइ गुरु
भदे ! तं पुव्वि सवलिया वि होऊणं । नवकारनियमसहिया मरिउं जाया नरिंदसुया ॥१२॥ जं दुक्करतवसज्झं
पाविज्जइ कह वि सुणिवरेहिं पि । तं तुह जाइसरणं जायं नियमपभावेण ॥१३॥

किंच—नियमरहिओ उ जीवो तवं चरणं च कुणइ जइ तिव्वं । तं तं न देइ बुद्धि दविणं व
कलंतरविहीणं ॥१४॥ अच्छउ ता मणुयाणं तिरियाण वि बोहिकारणं नियमो । दीसंति जे गुणइहा ते
वि हु नियमपभावेण ॥१५॥ जे अ पुण रयणिदियहं वयनियमविवज्जिया असंतुहा । अमुणियसंतोससुहा
भमंति ते नरयतिरिणसु ॥१६॥ ता कायव्वो नियमो पढं धम्मत्थियाण धम्मं । नियमरहिओ गणि-
ज्जइ पसुव्व पुरिसो अहम्मपरो ॥१७॥ जं जाइरुक्खलवलसमिद्धिसहिं सुमाणुसत्तमिणं । पत्तं बोहिनिसिंत्तं
तं नवकारपभावेणं ॥१८॥ ता नवकारो सुरमणुयसिद्धिसीक्खाण कारणं पढं । भवजलहिनिमज्जंतण
पाणिणं जाणवत्तं व ॥१९॥

अवि य —दुहियाण दुत्थियाणं आवइपडियाण वंदगहियाणं । गहरिक्खपीडियाणं पिसायवेयालग-

सियाणं ॥२०॥ गयसंडसीहवराहरिच्छचउपासरुहदेसाणं नवकारो परिताणं ताणं भवभीयसत्ताणं ॥२१॥
 जं बालत्ते वि तए जाईणाणेण पविद्या बोही । गाणीण मुनिवराणं अणुट्टियं तं तए वयणं ॥२२॥ ता
 मुणसु तुमं भदे ! । गाणं तह दंसणं चरितं च । रयणत्तयं च एयं एसो य प्हो सिवपुरस्स ॥२३॥ तत्थ
 य पढमं गाणं पंचवियपं जिणेहि पणत्तं । मइसुयओहीमणकेवलाणि गाणाणि पंच इमे ॥२४॥ अट्टावीस-
 सइमेयं मइनाणं तत्थ उग्गहईया । चउरो भेया तहियं अवगहो होइ पुण दुविहो ॥२५॥ तत्थ मणा-
 यणवज्जियकरणाणं वंजणुग्गहो चउहा । ताणं अपत्तकारित्तेण पुग्गलाहाडभावा ॥२६॥ अत्थपरिच्छेयपर
 त्ति होइ अत्थुग्गहो तहि वि छट्ठा । ईहाअवायधारणापत्तेयं छव्विहा एवं ॥२७॥ कालमसंखं संखं च धारणा
 अत्थउग्गहो समओ । सेसा अंतमुहुत्तं उक्कोसजहणओ चेव ॥२८॥ तह वहुवहुविहविह्विष्पीनिस्सियनि-
 च्छियधु'वेयरहएहि । तेहिं अडवीसेहि तिणिसया हुंति छत्तीसा ॥२९॥ मइणाणुक्कोसठिई छावट्टीअयर-
 अहियइगजीवे । एवइकालपमाणं सुयणाणं तं तु चउदसहा ॥३०॥ अक्खरसणीं सम्मं सईयं खलु सपज्जे-
 वसियं च । गमियं अंगपविट्ठं सत्त वि एए सपडिवक्खा ॥३१॥ सम्मत्तपरिगहियं सम्मसुयं लोइयं तु
 मिच्छत्तं । आसज्ज उ सोयारं लोइयलोउत्तरे भयणा ॥३२॥ ओहीणाणं दुविहं भवपच्चइयं च गुणनिमित्तं
 च । भवपच्चइयं दुविहं नेरइयाणं च देवाणं ॥३३॥ उक्कोसं तिचीसं उदही इयरं तु दससमसहस्सा ।
 अणुगामिअपडिवाई आजम्ममवट्टियमवंसं ॥३४॥ गुणपच्चइयं दुवियं तिरियाणं तह य होइ मणुयाणं ।
 जहण्णेणिकको समओ छावट्टीअयरअहिययरं ॥३५॥ दो वारे विजयाइसु तं तिणि य अच्चुएगजीयस्य ।

नरभवअहियं गाणत्तए वि एवं ठिई जिट्ठा ॥३६॥ ओहीणाणस्स पुणो अणुगामियमाइया बहुभेया । निच्छ-
यओ पच्चक्खं तं रूविदव्वविसयं च ॥३७॥ एयाइं तिणिण जियस्स सम्मदिट्ठिस्स हुंति गाणाइं । मइसु-
यनाणा जुगवं ओही जुगवं च पच्छा वा ॥३८॥ एए तिणिण वि गाणे पणिदिपज्जत्तसण्णिणो हुंति ।
सण्णिअपज्जत्ते वि हु परभवियं होइ गाणतियं ॥३९॥ एए चेव य गाणा मिच्छदिट्ठिस्स हुंति अणाणा ।
गाणफलाऽभावाओ विवरीयं अणाणाओ चेव ॥४०॥ परमोही अंतसुहु लोगहिओ वि हु सया अपडि-
वाई । मणपज्जवणाणं पुण अपमत्तजइस्स उप्पज्जे ॥४१॥ मणविसयं तं तु दुहा उजुमई अइढाइअंगुले
हूणं । समयविखत्तं पिवखइ विपुलमई पुण समजं पि ॥४२॥ जहण्णेणंतसुहुत्तं देह्खणपुव्वकोडिउक्कोसं ।
जिणवज्जं ओहिविणा वि कस्स वेयं भविज्जा वि ॥४३॥ सुयकेवलिआहारगउजुमइउवसंतगा वि हु पमाया ।
हिंइति भवमणंतं तयणंतरमेव चउगइया ॥४४॥ केवलणाणं पुण सव्वदव्वपज्जायगोयरमणंतं । सासयमस-
हायंतं भवत्थअभवत्थदुहभेयं ॥४५॥ अंतसुहुत्तजहणं पढमं देह्खणपुव्वकोडियरं । साईअपज्जविसियं अभवत्थं
केवलं गाणं ॥४६॥ सव्वेसिं गाणाणं सुयणाणं वेव उत्तमं जम्हा । सपरपयासगं दीवउव्व मूयाणि
सेसाणि ॥४७॥ जं केवली वि भासइ तं खलु वायाइ तं च सुयणाणं । जाणंतो वि हु जं मूयकेवली तरइ
न कहेइं ॥४८॥ चिरकालभत्थेणं सुयणाणेण सरित्तु पुव्वभवे । सिज्जंसो इव जीवो सपरेसिं वि
बोहओ होइ ॥४९॥

तथाहि—नयरीइ विणीयाए मरुदेवीनाभिणंदणो रिसहो । पढमजिणो पढमजिणो रूजं चइऊण
पव्वइओ ॥५०॥ मोणव्वयं पवणो परीसहे दुस्सहे वि सहसाणो । विहरइ महिं महप्पा निरविक्खो णिय-

सुदंशणा-
करियम्मि

॥१५८॥

सरीरे वि ॥५१॥ न वि ताव जणो जाणइ का भिक्खा केरिसा वि भिक्खयरा । गिहमागयस्स पट्ठणो
इय भिक्खं कोइ न हु देइ ॥५२॥ किंतु बहुभत्तिजुत्तो वत्थाऽऽभरणाऽऽसणाइ कणाओ । संयणीयजाण-
वाहणपमुहाइ ढोयए मूढो ॥५३॥ इय एवं विहरंतो पाणाऽऽसणविरहिओ अदीणमणो । वरिसंते संपत्तो
सामी सायं गयपुरम्मि ॥५४॥ पुरबाहिं उज्जाणे निसाइ पडिंमं ठिओ उसहसामी । तम्मि पुरे सोमपहो
बाहुबल्लिओ कुणइ रज्जं ॥५५॥ तस्स सुओ सेयंसो कुमरो तीए निसाइ मयणगओ । पच्छिमजामे
पिच्छइ सुमिणामिणं उल्लसिरसेओ ॥५६॥ जह मेरुगिरी सामलवणो दइडुं मिलायमाणपहो । अमयकलसेण
सित्तो मए तओ सोहिउ लग्गो ॥५७॥ सोमपपहो उ पिक्खइ जह छरो पडियरस्सिओ जाओ । सेयसेणं
रस्सीहि जोइओ तो स दिप्पेइ ॥५८॥ पुरसिद्धी नियइ पुणो जह सुहडो रिउवलेण जुज्झंतो । सिज्जंस-
सहिज्जेणं सुहेण विजयं समणुपत्तो ॥५९॥ तत्तो पहायसमए णिवअत्थाणे कंहंति ते सुमिणे । बुज्झंति न
परमत्थं भणंति सव्वे वि किं तु इमं ॥६०॥ सेयंसकुमारस्स उ अब्भुदओ को वि होहिइ अज्ज । इय बुत्तुं
णिवपमुहा मज्झणे नियगिहेसु गया ॥६१॥ अह भयवं विहरंतो नीउच्चगिहेसु गयपुरस्संतो । सेयंसगिहे
पत्तो जं से पुण्णोदओ पत्तो ॥६२॥ पासायतलाएण पियामहो तिजयजंतुताणखमो । सेयंसकुमारेणं दिट्ठो
सामी सगिहमित्तो ॥६३॥ तं दइडुं परिचितइ एरिसरूवो मए कंहिं कइया । किं वा वि दिट्ठपुव्वो न व ?
त्ति सम्मं न सुमरामि ॥६४॥ एवं ऊहापोहं तस्स करंतस्स मइसुयाऽऽवरणा । खओवसमसुवगया पुव्वभव-
वभासजोगेणं ॥६५॥ बहुभवजाइसरणं उप्पणं तस्स लहुयकम्मस्स । तो तेण इमं णायं जह एसो पढम-

रयणत्तय-
स्सरूवणप-
नाम
दसमुहेसो ।

॥१५८॥

तित्थयरो ॥६६॥ गहियवओ छउमत्थो संवच्छरमणसिओ विहरमाणो । भिक्खट्ठा मह गेहे संपत्तो मज्झ
सुकएहिं ॥६७॥ तो सहसा उत्तरिउं उवरितलाओ जिणंतिए गंतुं । तिपयाहिणी करेउं वंदइ भूमिलिय-
पंचंगो ॥६८॥ नियकेसकलावेणं पहुपायपमज्जणं कुणइ हिट्ठो । भत्तिब्भरनिव्भरंगो नियकम्मरयं अवणयंतो
॥६९॥ आणंदंसुपवाहेण पायसोयं पहुस्स पयडंतो । पक्खालइ पावमलं अणेगभवसंचियं निययं ॥७०॥
उट्ठित्तु पुरो ठाउं पिकखइ मुहंपकयं तिजयगुरुणो । अणिमिसनयणो अमरुव्व हरिसिपीऊसपाणपरो ॥७१॥
किमहं पहुणो अहुणा दलामि इय तस्स चितयंतस्स । कोसेल्लकए पुरिसेहिं आणिया इक्खुरसकुंभा ॥७२॥
पहुणो पाणितलउडे पल्लए पुक्खलेण भावेण । अइपुक्खलो वि पहुपाणिपल्लवे पुण रसो माइ ॥७३॥
अच्छिइपाणिल्लदीइ न गलए वइढए सिहा कित्तु । आचंदमंडलं पि अचित्तसत्तिस्स जगगुरुणो ॥७४॥ पहुणो
पढमे पारणगवासरे वासवा तहि सव्वे । हरिसवसा संपत्ता सन्विइहीए सपरिवारा ॥७५॥ गंधोदंगं च
बुद्धं बुद्धां दसद्धवणकुसुमां । तुट्ठेहि सुरवरेहि चेल्लुक्खेवो कओ तत्थ ॥७६॥ पहयाउ दुंदुहीओ गंभी-
रदाममहुरसदाओ । पुट्ठं च नहयलम्मि अहोसुदाणं सुदाणं ति ॥७७॥ अद्धतेरसकोडी पडिया गयणाओ
तत्थ वसुहारा । इय पाउब्भूयां पंचदिव्वां तम्मि खणे ॥७८॥

अवि य—भवणं धणेण भुवणं जसेण भयवं रसेण पडिहत्थो । अप्पा निरुवमसुक्खे सुपत्तदाणं महग्घ-
वियं ॥७९॥ अदिस्साऽऽहारविही भयवं निच्चं पि मंसचक्खूणं । पारित्ता तत्थ तओ जहासुहं विहरइ
महीए ॥८०॥ मिलिओ य तत्थ सयलो नयरजणो आगओ य सोमपहो । ते सव्वे सेयंसं वहुं बहुमाणेण

पुच्छंति ॥८१॥ सेयंसकुमार ! कहं अम्हाण अदिट्ठमसुयपुव्वमिंमं । पहुपारणगविहाणं तुमए नाय ति कहसु
फुडं ? ॥८२॥ सिज्जंसो भणइ अहं पहुणा सह हिडिओ भवे अट्ठ । ते अज्ज जाइसरणेण सुमरिया तो
मए नायं ॥८३॥ पुणरवि भणंति लोया कहसु तुमं अप्पणो भवे सब्बे । जह पहुणो सह भमिओ तो
भणइ इमो मुणह तुब्बे ॥८४॥

धायइसंढे दीवे पुव्वविदेहेसु अत्थि वरविजओ । नामेण मंगलाब्बे णंदिज्जामो तहि रम्मो ॥८५॥
तत्थ य दारिइकुले छणं धूयाण उवरि सत्तमिया । धूआ जाया तीए नामं पि कंयं न पियरेहि ॥८६॥
निणामिय चि लोएहि जंपिया जीविया य अवंसदसा । अह कम्मि वि पव्वदिने सा दट्ठुं इब्भडिंभाइ
॥८७॥ वरखज्जुज्जुत्ताइं तो लहु सा गिहम्मि गंतूणं । जंपइ जणणिं मज्झ वि किज्जउ थुज्जेण अज्ज
छणो ॥८८॥ सा छणिया भणइ अरे ! करिस्सए तुज्झ तणुच्छणो पावे ! । भोयणमिच्चं पि गिहे
एगदिणस्स वि न जं अत्थि ॥८९॥ अंवरतिलए गंतुं फलाणि खाएसु मरसु वा सिग्घं । इय
सा ताडिय तज्जिय गिहाओ निस्सारिया तीए ॥९०॥ तो ख्यमणी सा दीणमाणसा दीणवयणविगया-
स्ससा । निगंतूण गिहाओ अंवरतिलए गिरिम्मि गया ॥९१॥ लोएण समं तत्थास्सहहं लुहवाहिया
वरफलाइं । थुंजइ महादुमेसु पडियाइं सुपक्कसुरसाइं ॥९२॥ धम्मं वागरमाणा चिद्धंति तहि जुंगथरा-
स्सयरिया । चउदसपुव्वी चउणणसंगया सुरनरसहाए ॥९३॥ तो सहणुसारिणं जणेण सहिया य सा वि
तत्थ गया । दट्ठुं गुरूणो तुद्दा ते णमिज्जणं सुणइ धम्मं ॥९४॥ पत्थावं लहिज्जणं पणमित्ता पुण वि

सुर्वसणा-
वरियम्मि

॥१६०॥

हरिणो तीए । विणत्ता जं भयवं ! मह सरिसो अत्थि कोड दुही ? ॥९५॥ तो सायरेही भणिय
करुणा-रससायरेहि ह्वरीहिं । कत्तो तुह अत्थि दुहं चित्तमु णिणामिए ! सम्मं ? ॥९६॥
भहे ! भद्दाऽभद्दा सद्दा तं सुणसि सोअविसयगया । पाससि रुवाइं तद्दा मुद्दाइं असुद्दाइं विविद्दाइं
॥९७॥ एवं गंधा फासा रसा य माणेसि के वि कऱ्या वि । चंदाइच्चगद्दाइं वि निसिलोयप्पयासग ॥९८॥

किंच-अत्थि य ते पडियारो सीउण्हद्धातिसाइदुक्खाणं । सरणाइ गिहे तुह अत्थि तमसि
जोइप्पगासो वि ॥९९॥ पियसि जलं सिच्छाए फलाऱं जेमेसि वससि छायाए । निद्दाए सुयसि न
परवसाऽसि दुक्खं कओ तुज्झं ? ॥१००॥ संपड पुण सुणसु दुहं अप्पडियारं जियाण बहुयाणं ।
निसुणंताण वि हिययं केपइ जं सहियजणाणं ॥१०१॥

तद्दाहि-सत्तसु नरएसु सया खित्तसहावेण नारया दुहिया । सीउण्हद्धातण्हा इत्तो जं तेसिऽणं-
तरुणा ॥१०२॥ निच्चंधयारतमसं असुह च्चिय तेसि पंच वि विसया । निमिसं पि नेड निद्दा भयसंभंतं
मणं सययं ॥१०३॥ जा छट्टनिरयपुहवी अणुणुदीरियं पि तत्थ दुहं । तीसु आइमासु तिविहं परमाहम्मि-
यसुरकरयं पि ॥१०४॥

अवि य-अच्छिनिमीलियमित्तं नत्थि सुहं दुक्खमेव अणुवद्धं । नए नेरडयाणं अहोत्तिसिं पच्चमा-
णाणं ॥१०५॥ इय निरयदुहं दुसहं सहमाणा कम्मपरवसा जीवा । कालं नित्ति असंखं अत्ताणा असरणा

दीणा ॥१०६॥ तिरिया पुण पच्चक्खं पिवखह तिवखाइं दुक्खलक्खाइं । सीउणहतहल्लुहवंधभारवहणाइं
विसहति ॥१०७॥ रिद्धि चैव नियंती तं पुण मणुयाण अत्तणो अहियं । दुहियं मणसि अप्पं न सुणसि
दुहिया बहू मणुया ॥१०८॥

तहाहि—मायंगमेयसोवागमिच्छजाइसु के वि उप्पणा । छिच्छिक्कारिज्जंता लोएहि बहू संहंति दुहं
॥१०९॥ दुक्खा वि के वि काणा कुट्टीमूयंधवहिरकुटाइं । करचरणणासच्छिणा य नरयसरिसं संहंति दुहं
॥११०॥ के वि हुपावुदएणं दोसमदोसे वि रायपुरिसेहिं । सब्बंगं संजमिउं कारागारे खिविज्जंति
॥१११॥ बहबंधिद्धिदंभिदणउल्लंबणहडिणियंतणाइंओ । विविहाओ दुस्सहाओ विडंबणाओ संहंतेगे ॥११२॥
इद्धवियोगाडणिट्ठप्पओगदासत्तणाइदुक्खत्ता । जलजलणाइसु पडिउं मरंति केइ सुणिव्विण्णा ॥११३॥ इय पायं
पुहवीए बहुया दीसंति दुक्खिया मणुया । णिणामिए ! तुमं पुण एमेवड्ढं गणसि दुहियं ॥११४॥ अणं
च कुणसु धम्मं जेण तुमं इह परत्थ वि दुहाणं । सारीरमाणसाणं न होसि खल्ल भायणं भदे ! ॥११५॥
इय गुरूयणं सोउं भणियं तीए पहिद्धिचिचाए । धम्मस्स जस्स जुग्गा अहयं कहयंतु तं पुज्जा ॥११६॥
तो गुरूणा वागरिया जहाविहि तीइडणुव्वया पंच । अह सा ताइं पवज्जइ सम्मं सम्मत्तमूलाइं ॥११७॥
लोएण समं वंदिय गुरूणो एसा गया सठाणम्मि । पालइ निययवयाइं विसयपिवासं विमुत्तुणं ॥११८॥ तह
तिव्वं तवइ तवं चउत्थल्लुट्ठमाइणेगविहं । पढइ सुयं बहुभत्ति च कुणइ सुयणाणवुइढाणं ॥११९॥ संतो-
सपरा एवं चिरकाल पालिऊण गिहिधम्मं । पज्जंते पडिबण्णा समाहिणा अणसणं एसा ॥१२०॥

अह उसहणाहजीवो पुव्वि पंचमभवम्मि ईसाणे । ललियंगसुरो तइया सयंपहा से चुया देवी ॥१२१॥
 सोयपरं तं जंपइ पुव्वसयंबुद्धमंतिमित्तसुरो । दंससु रिद्धिं निणामियाइ सा तुह पिया होही ॥१२२॥
 एवं च तेण विहिण मरिउं निणामिया समाहीए । ललियंगरसस य जाया णामेण सयंपभा देवी ॥१२३॥
 भुत्तण तत्थ भोए कालेण चुयाइं ताइं दो वि क्कमा । इह पुव्वविदेहेसु पुरीइ पुंडरगिणीए उ ॥१२४॥
 होरुण वयरजंघो राया देवी य सिरिमई तत्तो । उत्तरक्कुरुमिहुणओ तत्तो सोहम्मे सुरा दो वि ॥१२५॥
 तो पुव्वविदेहेसु पभंकराए पुरीइऽभयघोसो । विज्जो मिचं इयरो अण्णे चउरो य से जाया ॥१२६॥ ते
 साहुचिगिच्छाए इंदसमा छप्पि अच्चुए जाया । तत्तो चवित्तु ते इह पुरीइ पुंडरगिणीए उ ॥१२७॥
 सिरिवइरसेणपहुणो पंच सुया वज्जनाहपसुहाओ । चक्किसस वज्जणाभस्स सारही छट्ठओ जाओ ॥१२८॥
 पहुपासे पव्वइया सव्वे सुयकेवली तहिं जाओ । सिरिवज्जनाहसुरी सेसा इक्कारसंगधरा ॥१२९॥ सो पुण
 सारहिसाहु जहविरियसहिज्जियं सुयं तेण । निसुयं च तहिं तइया पहुणा इयवागरिज्जंतं ॥१३०॥ जह एस
 वइरनाहो इह भरहे होहिइ जिणो पढसो । नामेण उसहणाहो एरिसल्लिणो मह सरिच्छो ॥१३१॥ ते सव्वे
 सामणं पालिचा चउदरापुव्वलक्खाओ । सव्वट्ठे छप्पि जणा देवा होउं चुया तत्तो ॥१३२॥ सो ललियं-
 गयजीवो संजाओ उसहणाहतित्थयरो । इयरे भरहो वंभी बाहुवली सुंदरी कमसो ॥१३३॥ निणामिया-
 जिओ पुण सेयंसो नाम सो अहं जाओ । अज्ज पहुदंसणाओ जाईसरणं महं जायं ॥१३४॥ पुव्वभवसुयवलेणं
 तओ मए अणायं इमं सव्वं । ता भो ! तुभे वि जणा दिज्जह दाणं अओ एवं ॥१३५॥ तो ते भणति

सुदसणा-
चरियिम्मि

॥१६४॥

लोया निवपसुहा सुदुठु वोहिया अम्हे । सेयंसकुमार ! तए अण्णाणंधा पसुगणव्व ॥१३६॥ पुणरवि भणंति रायप्पसुहा तिण्हं पि तेसि सुमिणाणं । संपइ सयमवि बुद्धो परमत्थो पायडो जम्हा ॥१३७॥ पहुपायपउ-मठाणं एयं मा कोइ अक्कमउ तहियं । सेयंसकुमारेणं निम्मविअं रयणमयपेहं ॥१३८॥ भोयणकाले निच्च अच्चेइ तयं जणो भणइ एयं । किमियं ति आइकरसंडलं ति सो आह सेयंसो ॥१३९॥ लोगो वि तओ नियनियगिहेसु पहुपायपउमठाणम्मि । कारइ तं च क्रमेणं भणइ आइच्चमडलयं ॥१४०॥ सेयंसकुमारेण अह पहुणो केवलम्मि उप्पणे । देसविरइ पवणा पढमं पहुपायमूलम्मि ॥१४१॥ तं सम्मं पालित्ता कयाइ पडिवज्जिऊण पव्वज्जं । पंचपमायविसुक्को चिरकालं पालिऊण तयं ॥१४२॥ मटसुयणाणगुणइढो गुहलेसो खवगसेहिसारुहिउं । घणघाइकरमसुक्को उप्पाडइ केवलं णाणं ॥१४३॥ केवलपरियाएणं विहरतो वोहिऊण भव्वजिए । निस्सेसकम्मरहिओ सेयंसमुणी गओ सिद्धि ॥१४४॥

जओ—मइसुयणाणे अप्परिवडिए जीवाण नूण सव्वेसिं । वरकेवलाइलाभो हुज्जा सत्तट्ठभवमज्जे ॥१४५॥ एवं सुयणाणेणं जाईसरणेण पुव्वभविएणं । सिरिसेयंसकुमारो सपरेसिं पि वोहओ जाओ ॥१४६॥

किंच—सुयणाणस्स समग्गस्स सारमाइं च होइ सामइयं । तस्स वि आईइ इमो उ वणिओ पंचन वकारो ॥१४७॥ तम्हा दुवालसंगस्स सारभूओ इमो उ नवकारो । जं सासउ ति गिज्जइ सव्वत्थ वि सव्वया वि इमो ॥१४८॥ जे के वि गया सुक्खं जे वा गच्छंति जे गमिस्संति । ते सव्वे एयजुया एयविहूणा न उ कया वि ॥१४९॥ एसो परमो मंतो एयं तंतं जयत्तयपविंचं । सुयकेवली वि अंते सेसं सुत्तुं सरइ एयं ॥१५०॥

रयणत्तय-
स्सरूवप्प-
रूवग नाम
दशसुदेसो ।

॥१६४॥

जिणसासणस्स सारो चउदसपुव्वाण जो समुद्धारो । जस्स मणे नवकारो संसारो तस्स किं कुणइ ? ॥१५१॥
 एसो य पंचमंगलमहमुयखंधो महप्भवो य । एयं चिय वरणणं मुदंसणे ! तेऽणुभयफल ॥१५२॥ गाणेण
 पुणुपावाइं जाणिउं ताण कारणाइं च । जीवो कुणइ पवित्तिं पुण्णे पावे उण निवित्तिं ॥१५३॥ पुण्णे पव-
 त्तमाणे पावइ सग्गाऽपवणसुक्खाइं । नारयतिरियदुहाण य मुच्चइ पावाओ विणियत्तो ॥१५४॥ ता गाणं
 निव्वाणस्स कारणं वारणं च कुणइणं । सुसुणी वि नाणरहिओ न क्रया वि हु पावए सुक्खं ॥१५५॥ संवि-
 णपक्खिओ वि हु जह नाणी धरइ सुदिहसम्मत्तं । गाणविहूणो न तथा तिव्वतवच्चरणनिरओ वि ॥१५६॥
 लद्धूण वि जिणदिक्खं जयणाऽजयणं फुडं अथाणंती । पवयणमणविव्वंता भंमति संसारकंतारे ॥१५७॥
 अण्णाणी तिव्वतवं कुणमाणो वि हु विवियपरिहीणो । अंधुव्व धावमाणो भवावडे पडइ किं बुज्जं ? ॥१५८॥
 भवसयसहस्सदुलहं लब्भइ जिणदंसणं पि गाणेण । नरमुरणिव्वाणसुहं साहीणं जेण होइ धुवं ॥१५९॥ गाणं
 मोहमंधयारलहरीसंहारस्सरुगमो, गाणं दिट्ठअदिट्ठइट्ठघडणांमंक्कप्पइमो । गाणं दुज्जयकम्मकुंजरघडांपंचत्त-
 पंचाणो, गाणं जीवअजीवत्तथुविसरस्साऽऽलोयणे लोयणं ॥१६०॥ [सहूलविकीडिअं] ता गाणं दिताणं
 णिणहंताणं च सुक्खपुरदारं । केवलिसिरी सयं चिय गराण वच्छत्थले कुणइ ॥१६१॥

तथा—जे सयलजयं मुत्ताहलं व करयलगयं निरिक्खंति । गहरिक्खंचंदसूराइयाण जाणंति परिमाणं ॥१६२॥
 धाउव्वाय रसायणअंजणसिद्धीओ सयलरिद्धीओ । जोऽसनिमित्तगारुडपिसायसाइणिसुहमंते ॥१६३॥ कम्मण
 परिणइओ जीवाण गईओ कालसंखा य । णगपुहविउयतिनइदहविमाणमुरसिद्धिपरिमाणं ॥१६४॥ सरिसे वि मणु-

सुदंस्त्रणा
चरियस्मि

॥१६६॥

यजम्मे एयं सयलं पि केइ कयउण्णा । जं जाणंति जए तं सुणाणदाणप्पभावेण ॥१६५॥ ता जो पढइ
अपुब्बं सया वि सो लहइ जिणवरिदिपयं । जो पुण पडावइ परं सम्मसुयं तस्स किं भणिमो ? ॥१६६॥
जो उण साहिज्जं भत्तपाणवरत्थपुत्थयाईहिं । कुणइ पढंताणं सो वि णाणदाणं पयहेइ ॥१६७॥
किच—जइवि हु दिवसेण पयं धरेहपअखेण वा सिलोगद्धं । उज्जोगं मा मुंचह जइ इच्छह सिक्खिखउं णाणं
॥१६८॥ अण्णाणी वि हु पाणी बहुवहुमाणेण मासतुसउव्व । नाणम्मि उज्जमंतो लहइ लहुं केवलं णाणं
॥१६९॥ णाणरयणास्सरूवं एयं संक्खेवओ सम्मक्खायं । वीयं दंसणरयणं सुदंसणे ! संपयं सुणसु ॥१७०॥
दंसणमिह सम्मत्तं तं पुण तत्तत्थसइहणरूवं । इगदुत्तिचउपणदसविहमहव तिहा कारगाईहि ॥१७१॥
एगविहं तत्तरुई निसग्गुवएसओ य तं दुविहं । खइयं खओवसमिअं उवसमिअं च त्ति त्तिविहं तु ॥१७२॥
मिच्छत्तस्स खएणं खाइयसम्मं तु खवगसेदीए । तुरियाइचऊसु गुणठाणेसु तीए य पट्टवओ ॥१७३॥
तत्थंतमुहुत्तेण खवइ अणंताणुवंधिणो जुगवं । जइ पुब्बं बद्धाऊ तो कोइ वि ठाइ इत्थेव ॥१७४॥ मिच्छ-
त्तस्स च उदए वंधइ ऽणंताणुवंधिणो पुण वि । इय एसि उव्वलणा उक्कोसं अट्टवाराओ ॥१७५॥ बद्धाउगो
वि को वि हु कुणमाणो खंडसेणिमखंडं । तो मिच्छत्तं मीसं सम्मं च सवेइ सुद्धमई ॥१७६॥ जइ
मरइ अणंतखए बद्धाऊ जाइ तो स देवेसु । खविए मिच्छे वीयाऽभावा न चिणइ पुण अणते ॥१७७॥
सत्तगखए वि एवं अह न मरइ जाइ चउगईओ वि । ताणमइत्ता सिज्जइ सो तइयमवे चउत्थे वा
॥१७८॥ तइए सुरनरएहिं तुरियमवे जुयलिएहि अंतरिओ । सिज्जइ खाइगदिदी तं पुण जिणकालिय-

रयणत्तय-
स्सरूवप्प-
रूवग नाम-
रसमुहेसो ।

॥१६६॥

नराणं ॥१७९॥ इयरो तहद्विउ च्विय अट्ट नपुंसित्थियेयछक्कं च । पुमवेयं च खवेइ कोहाइए उ
संजलणे ॥१८०॥ सुदंसणनाणवरणंतरायमोहक्खयम्मि सोऽवस्सं । दणघाइकम्मसुक्को उप्पाडइ केवलं णाणं
॥१८१॥ इय खइयं सम्मत्तं साइअपज्जवसियं समक्खायं । निसुणह खओवसमियं सम्मत्तं सव्वकालभवं
॥१८२॥ मिच्छत्तम्मि उइण्णे खीणे तह अणुदियम्मि उवसंते । मीसीभावपरिणयं वेइज्जंतं खओवसमं
॥१८३॥ जइपुव्वमवद्धाऊ विमाणवज्जं न वंधए आउ । छावट्ठीअयरमेयं उक्कोसजहणमंतसुहु ॥१८४॥ अह उव-
समियं सम्मं तं पुण एवं लभिज्ज भव्व जियो अब्ववहारे भमिओ अणंतपुगलपरट्टाई ॥१८५॥ भवियव्वयानि-
ओगेण कम्मपरिणइवसेण आगम्म । ववहारे तह एगिदिएसु वसिउं चिरं कालं ॥१८६॥ सुइरं तसेसु
भमिउं पायं चरिमम्मि पुगलपरट्टे । सण्णिपरिणिदिपज्जत्तवट्टंतपरिणामो ॥१८७॥ आउविणा कम्ममाणं
अभिंतरओडु कोडिकोडीए । काऊण सागराणं पट्टासंखंसज्जणठिई ॥१८८॥ गिरिसरिउवलनिहेणं जीवो उ
अहापवित्तिकरणेणं । अणभोगवत्तिएणं आगच्छइ गंठिदेसम्मि ॥१८९॥ गंठि त्ति सुटुब्बेओ कक्खडधणरूढ-
गूढगंठिव्व । जीवस्स कम्मजणियो दणरागइोसपरिणामो ॥१९०॥ इत्थ य अणंतसुत्तो आगतुं अभविया वि
पवेत्ति । दव्वसुयं न उ सम्मं पुणरवि वंधंति जिट्ठिठिई ॥१९१॥ भव्वजियो पुण गंठिं भिंदित्तु तयं अपु-
व्वकरणेणं । परिणामसरूवेणं अपत्तपुव्वेण सुद्धेणं ॥१९२॥ अणियट्ठीकरणेणं तो अनियट्ठीमहासरूवेणं । मिच्छ-
ट्टिइगुगलरूवं अंतरकरणं कुणइ जीवो ॥१९३॥ हिट्ठाइ ठियो मिच्छी तो अंतरकरणपढमसमए वि । वट्टतो
लहइ जियो एवं सम्मत्तसुवसमियं ॥१९४॥ मिच्छत्तपुगले सो विवागओ वा पएसओ वा वि । जेण
न वेयइ तेणं भणइ एयं अप्पुगालियं ॥१९५॥

सुदंसणा-
चरियम्मि

॥१६८॥

भणियं च—ऊसरदेसं दद्धिल्लयं च विज्झाइ वणदवो पप्प । इय मिच्छस्स अणुदए उवसमसम्मं ॥१९६॥ परिणामविसेसेणं पओगओ मयणकुइवाणं च । मिच्छोवरिमिठिईए तत्तो पुंजत्तयं कुणइ लइइ जीवो ॥१९७॥ सुद्धो अद्धविस्सुद्धो अविस्सुद्धो तत्थ पढमपुंजम्मि । वटंतखओवसमी वीए मिस्सीयरो मिच्छी ॥१९८॥ ॥१९७॥ सुद्धो अद्धविस्सुद्धो अविस्सुद्धो तत्थ पढमपुंजम्मि । वटंतखओवसमी तु अयरछावट्टिमुक्कोसं ॥१९९॥ जहणणेणं-
मिच्छमवइहं पुगलपरइमंतोसुहुत्तमुवसमियं । मीसं च खओवसमं तु अयरछावट्टिमुक्कोसं ॥२००॥ चउवेखुवस-
तसुहुत्तं सव्वाणि वि आभवं तु एगजिए । पणवेखुवसमसम्मं असंखवारा उ इयराणि ॥२०१॥ अणदंसणपुंसि-
मसेहीइ तत्थ उवसामियं तु सम्मत्तं । तीए पुण पट्टवओ अपमत्तजई व इयरो वा ॥२०२॥ उवसमियं सम्मत्तं खाओ-
त्थिवेयखक्कं च पुरिसवेयं च । दो दो एगंतरिए सरिसे सरिसं उवसमेइ ॥२०३॥ को वि हु अणाइमिच्छी पुब्बुत्त-
मसमं च वणियं एवं । कम्मगंथमएणं सिद्धंतमएण पुण एवं ॥२०४॥ तत्तो य सुद्धपुंज वेयंतो सो
कमेण भिदिउं गंठि । उवसमसम्मपत्तो वि कुणइ मिच्छस्स पुंजतियं ॥२०५॥ कोइ पुण पुव्वविहिणा गंठि
खओवसमसम्मी । इयरे पुण वेयंतो कमेण मिस्सी य मिच्छी य ॥२०६॥ अंतसुहुत्तम्मि गए, जहणओ
भिदित्तु अविहियतिपुंजो । अंतरकरणकमेणं, पावइ उवसमियसम्मत्तं ॥२०७॥ तो परिवहंतसम्मो, मिच्छमपत्तो
समयसेए कस्स । उवकोसं छावलिए, उदयंति अणंतबंधीओ ॥२०८॥ तो परिवहंतसम्मो, मिच्छमपत्तो
स होइ सासाणो । तो होइ मिच्छदिट्ठी पुंजाभावा न उण मिस्सी ॥२०९॥

भणियं कप्पभास्से—आलंवनमलहंती जह सट्ठाणं न पुंचए इलिया । एवं अकयतिपुंजो-मिच्छं चिय
उवसमी एइ ॥२०९॥ तथा

१ उपशमश्रेणिस्थापना चैय—अनन्ता० ४ दर्शन० ३ नपु० १ स्त्री० १ हास्यादि० ६ पुरु० १ अ० प्र० क्रो० २ स० क्रो०
१ अ० प्र० मान० २ स० मान० १ अ० प्र० माया० २ स० माया १ अ० प्र० लोभ० २ स० लोभ० १ ।

॥१६८॥

रयणत्तय-
स्सरूवप्प-
रूवग नाम
दत्तसुइसो ।

मिच्छता संकंती अविबुद्धा होइ दोसु पुंजेछु । मीसाओ वा दोसु सम्मा मिच्छं न उण मीसं ॥२१०॥
खाओवसमोवसमियसम्माणं भणणए अह विसेसो । उवसमगो नो वेयइ पएसओ वा वि मिच्छत्तं ॥२११॥
उवसंतं जं कम्मं न तओ कइइइ न देइ उदए वि । न य गसइ य परपणइं न चेव उकइइए तं तु
॥२१२॥ कळुसं व खओवसमी, पसंतसलिलं व उवसमियसम्भी । खाइयसम्मदिट्ठी नायवो विमलसलिलं
व ॥२१३॥ कम्मणंथमएणं तिविहं पि हु तक्खणेण सम्मत्तं । लहिय वरणाचरणा मरुदेवीसामिणी
सिद्धा ॥२१४॥

तहाहि—अत्थित्थ जंबूदीवे अवरविदेहेऽपराइया नयरी । नयरीइ निउणलोया परेहि न पराइया
वइया ॥२१५॥ तत्थ य समत्थि राया, राया इव सुयणकुमुयक्यहरिसो । ईसाणचंदनासो नासियनीसेसपडि-
वक्खओ ॥२१६॥ तह तत्थ अत्थि तुंगो सीलसुगंधो सुवित्तसच्छाओ । चंदणदासो सिट्ठी सुसीयलो चंद-
णट्टुमुव्व ॥२१७॥ तस्स सुओ उजुसीलो प्रियंवओ दाणविणयसीलइओ । गस्यण साणणिज्जो सारंगचंदुर-
त्ति नामेण ॥२१८॥ सो अणदिणे केण वि कज्जेण गओ निवस्स अत्थाणे । तेण वि य गउरवेणं निवे-
सिओ नियसमीवस्मि ॥२१९॥ अह विणत्तो राया नसिउं उज्जाणपालएणेवं । संपइ पहु ! वणलच्छीविसे-
सओ विलसइ वसंतो ॥२२०॥ ता काळण पसायं, माणसु नंदणवणं महिदुव्व । कुसुमकरंडुज्जाणं विरायमाणं
महुसरीए ॥२२१॥ ईसाणचंदरणा तत्तो घोसाविंयं पुरे सयले । वच्चउ सव्वो वि जणो सव्विइढीए

तडुज्जाणं ॥२२२॥ सागरचंद ! तुमं पि हु इज्ज तहिं इय भणिसु नरणाहो । सपरियणो संपत्तो कुसुम-
करंडस्मि उज्जाणे ॥२२३॥ सिद्धिसुओ वि पहिहो गंतुं नियमंदिरे समाहूय । नियमित्तस्स पसाहइ असो-
गदत्तस्स निवयुत्तं ॥२२४॥ तो दो वि तत्थ पत्ता वसंतमलयानिडुव्व सममेव । लोगो वि तत्थ पगओ
कुसुमुच्चयमाइकीलाओ ॥२२५॥ अह आसणनिगुंजाओ उट्ठिओ एरिसो जुवइसहो । रक्खह रक्खह सोढं
ति सागरो लहु तहि पत्तो ॥२२६॥ सिद्धिस्स पुण्णभदस्स तत्थ पियदंसणं नियइ धूयं । वंदीहि धरिज्जंति
'विगेहि हरिणिं व तरलच्चि ॥२२७॥ एगस्स वंदिणो मोडिऊण हत्थाओ गिण्हए छुरियं । सागरचंदो गीवं
भंजितु मणिं व उरणाओ ॥२२८॥ इय तस्स विक्कमं पिच्छिऊण ते वंदिणो भउब्भंता । नट्ठा खणेण सव्वे
वग्घा इव पज्जलियजलणं ॥२२९॥ को एस पुरिसतिलओ परोवयारिक्ककरणपवणमणो । दिट्ठीइ इहं पत्तो
आगिट्ठो मज्झ भागेहि ? ॥२३०॥ रूवविणिज्जियमयणो एसुच्चिय मज्झ होहिइ भत्ता । एवं विचितयंती
पत्ता पियदंसणा सगिहं ॥२३१॥ हियर्याम्म च हुट्ठं पिव सागरचंदो वि तं चिय सरंतो । पत्तो सगिहे
सहिओ असोगदत्तेण मित्तेणं ॥२३२॥ एसो परंपरेणं बुत्ततो तक्खणेण निखिलो वि । वंदणदासेण सुओ
अच्छइ किं तारिसं छणं ? ॥२३३॥ सो चितइ जुत्तमिणं इमस्स जं तीइ उवरि अणुरागो । ससिरीइ
जह अलज्जं नल्लिणीए रायहंसस्स ॥२३४॥ कित्तु न जुत्तं जं पोरिसस्स पुण एरिसस्स पायडणं । वणियाणं
उवसंता ठिई सया न उण इय दित्ता ॥२३५॥ अण्णं वि इमस्स संगो असोगदत्तेण कुडिलचित्तेण । वय-

रीढुमेण कयलीतरणो व न सुंदरो कइया ॥२३६॥ इय चित्तिऊण सिद्धी सागरचंदं रहम्मि आहूय । भइगयं व निसाई सामेणऽणुसासिडं लग्गो ॥२३७॥ जइवि हु ववहारविऊ समग्गसत्थत्थजाणगोऽसि सयं । तह वि हु वच्छल्लवसा वच्छ ! तुमं बुच्चसे कि पि ॥२३८॥ अम्हे वणिगया सययं वणिगकलाकोसलेण जीवामो । नंदिज्जामो न कया अउंभडायाएवेसजुया ॥२३९॥ अम्हाण सिरी वि सया कीलादाणाइगूढमेव सया । सोहइ इत्थीणं पिव सइत्तसंगोवियं व तणू ॥२४०॥ तो नियजाइकुलाणं न सोहए अणुचियं विहिज्जंतं । करहस्स जहा चरणे वडं मणिकणयहिंजीरं ॥२४१॥ तो नियकुलोइएहि विक्कमववहारमाइएहि सया । पत्थगुणाणं पहरुो दायव्वो संपयाणं व्व ॥२४२॥ सुत्तव्वो तह सगो समं असंतोहि कुडिलचित्तेहिं । सोलंक्कविस व धुवं वच्चइ कालेण विक्किरियं ॥२४३॥ एसो असोगदत्तो तणुणो सित्तं व णूण तुह मित्तं । लद्धप्पसरो पच्छा पच्छायावप्पओ होही ॥२४४॥ जम्मिस्समणे अणं वयणे अणं क्रियाए तह अणं । मायापरस्स मा वीस-सिज्ज वेसाज्जणस्सेव ॥२४५॥ इय सायरसुवइ सिडं सिद्धिम्मि ठिए इमो वि पिउपाए । ण्णमित्ता सप्पणयं जंपइ सव्वं पि सच्चमिणं ॥२४६॥ किंतु तथा ताय ! मए कर्णारसपिल्लिएण मूढेण । सा बाला विल-वंती सोऊणं ताइया रससा ॥२४७॥ एसो असोगदत्तो सहवासाइहि संगओ सुइरं । मित्ती वहिविचीए किं काहिइ मज्झ तेण समं ? ॥२४८॥ इय सागरेण बुत्तो सिद्धी पडिभणइ एवमत्थु चि । किंतु तए भवि-यव्वं सव्वत्थ वि सावहाणेणं ॥२४९॥ तत्तो चंदणदासो भावणू सागरस्स अट्टाए । गंतूण पुण्णभंदं मग्गइ

१ भत्तुद्दमत्ताचारवेमयुता । २ शृङ्खल । ३ अलंकारानविषम ।

पियदंसणं धूर्यं ॥२५०॥ अग्ने वि संगयमिणं संपइ एसोवयारकीय चि । बुत्तूण तेण दिण्णा सागरचंदस्स
सा कण्णा ॥२५१॥ तो सोहणम्मि दिवसे दुण्ह वि ताणं महाविभूर्इए । अम्मापिऊहि विहिओ पहिच्चि-
चेह वीवाहो ॥२५२॥ तो तेण विवाहेण पइइयचिचाइं ताइं जायाइं । अक्खेहि रसंताइं व चितियदायस्स
पडणेण ॥२५३॥ तप्पभिइं ताण दुण्ह वि समाणमणसाण सव्वकालं पि । वट्टइ परमा पीई परुपरं सार-
साणं व ॥२५४॥ सागरचंदेण पिया सोहइ पियदसणा पियमणेण । सहउदयवई सोमा चंदेण व चंदिया
अहियं ॥२५५॥ सरलाण सुसीलाणं ताण सुख्खाण णणु इसो जोगो । अणुख्खो संजाओ विहिणो सुइरं
घडंतस्स ॥२५६॥ ताण न कयावि जायइ परुपर पच्चया अवीसासो । सरलत्तणेण संकंति ताणि न कहि
पि विवरीयं ॥२५७॥ अह अणया कयाइ सागरचंदस्स कत्थ वि गयस्स । तग्गेहे संपत्तो असोगदत्तो कुडि-
लचित्तो ॥२५८॥ पियदंसणं पयंपइ रहम्मि धणदत्तसिद्धिसुण्हाए । तुज्झ पिओ अणुरत्तो ता भयसु ममं तुमं
सुयणु ! ॥२५९॥ सोऊण इमं सहसा कुविया पडिभणइ त पट इम सा । पाव्हि ! दुद्धचिद्धिय ! कहमेयं
चितियं तुमए ? ॥२६०॥ अहवा वि जंपियं कह लज्जामज्जायवज्जिएण तए ? । रे पाव ! मिच्चिसओ
पूणममित्तोडसि अम्हाणं ॥२६१॥ परदारेसु पवित्ति मह पइणो जं च जंपसि हयास ! । तं खलु अप्प-
सरिच्छं धिद्धी ! पिच्छेसि सव्वं पि ॥२६२॥ तुह दंसणेण पावं ता लहु नीहरसु पाव ! मह गेहा ।
इय आकुट्ठो तीए चोरुव्व स निग्गओ सिग्गं ॥२६३॥ एसो निग्गच्छंतो गोहच्चाकारउव्व मलिणसुहो ।
इंतेण सागरेणं दिट्ठो पुट्ठो दुहनमित्तं ॥२६४॥ सो कूडकवड्डाणी मुंचतो दीहओहनीसासे । कूणंतो

ओहउडं जंपइ कट्टेण दुट्टप्पा ॥२६५॥ बंधव ! ज दुण्णमित्तं व ज दुप्परियं हिमद्विवासीण । किं पुच्छसि
दुहहेउं संसारे दुक्खबंधारे ? ॥२६६॥ तह वि क्खेमि विसेस तुह हियहेउं ति अक्खणिज्जं पि । जण्णाय-
तक्करेहि विप्पसि नहि सावहाणमणो ॥२६७॥ केणाऽवि हु कज्जेण जया जया एमि तुम्ह गेहम्मि । तुम्ह
पिया एगंतं नाउं पत्थइ मसं तइया ॥२६८॥ जाणामि अहं एसा सयमेव नियत्तिही अक्खजाओ । उच्चैयकरं
जम्हा परदोसपयासणमजुत्तं ॥२६९॥ संपइ पुण पावाए अरुत्थं पत्थिओ अहं तीए । तत्तो कह कह वि
मिउच्च वागुराओ अहं भुक्को ॥२७०॥ इय सोउं संभंतो सागरचंदो वि भणइ सरलमणो । न विसाओ
कायव्वो वयंस ! तुमए मणागं पि ॥२७१॥ वरमित्त ! निययक्कमेहिं जारिसी तारिसी इमा होउ । मा
होच्च पुणो कइया अम्हाणं चित्तविस्सेसो ॥२७२॥ इय अणुणीओ सो तेण हरिसिओ तक्खणेण संजाओ ।
सक्कारयंति अप्पं कयाऽवराहा वि जं कुड्डिला ॥२७३॥ तप्पभिड पुणो तीए तदुवरि निण्णेहमाणसो वि
इमो । सुयणत्तणेण पुवं व नवरि वट्टइ मसं तीए ॥२७४॥ उवसमपराइ पियदंसणाइ सोऽसोगदत्तुत्तंत्तो ।
नऽक्खिओ नियपइणो मा होइ इमेसि मणभेओ ॥२७५॥ कारागारं व पुणो संसारं सागरो वि चिंतंतो ।
वित्तं उदारचित्तो दीणाइसु वियरइ विरत्तो ॥२७६॥ सागरचंदो पियदंसणाइ मज्झिमगुणाइ कालेण । तह सो
असोगदत्तो तिण्णि वि पत्ताइं पंचत्तं ॥२७७॥

अह इत्थ जंबूदीवे दाहिणभरहट्टमज्झिमे खंडे । ओसिप्पिणीइमीए बहुवोलीणे तइयअए ॥२७८॥
पलियट्टमससेसे सागरचंदस्स तप्पियाए य । जीवो जुयलत्तेणं उप्पणो पुण्णसुहपुण्णो ॥२७९॥ नवधणु-
सयाइ तेसिं उच्चत्तेणं सरीरपरिमाणं । पल्लिओवमदसमंसो आज्ज दुण्हं पि तम्मि भवे ॥२८०॥ दुण्हं पि हु

संघयणं पढमं पढमं च तेसि संठाणं । जुगलिणरो कणयपहो पियंगुवण्णा य से भज्जा ॥२८१॥ तत्थेव
य भूमीए मायावसओ असोगदत्तजिओ । जाओ दंती सेओ चउदंतो तियसदंती व ॥२८२॥ अह जोव्व-
णपत्तेणं इओतओ तेण परिभमतेणं । नियपुव्वजम्मामित्तो स जुगलधम्मी नरो दिट्ठो ॥२८३॥ दिट्ठम्मि
तम्मि तदुवरि तस्स सिणेहो अइव सजाओ । सिहिणो हरिसप्पसरो नवजलहरदरिसणेजेव ॥२८४॥ तो
तेण हत्थिणा सो हत्थेणुप्पाडिज्जण जुगलिनरो । आरोविओ पहिट्ठेणऽणिच्छमाणो वि नियखंधे ॥२८५॥
अणुणदंसणाओ पण्णायागब्भओ य लहु तेसिं । जाईसरणं जायं विस्सरियत्थस्स सरणं व ॥२८६॥ संखं-
ककुंदधवलं गयमारूढं तयं जणा ददुं । जंपति विमलवाहागओ इमो सोहए अहियं ॥२८७॥ इय तस्स
तेहि नामं अत्थजुयं विमलवाहणु चि कयं । चंदजस त्ति पियाए तस्स य चंदुज्जलजसाए ॥२८८॥ काला-
णुभावओ पुण कप्पतरूणं दसण्ह वि कमेणं । जाओ मंदपभावो चरिचभट्टाण व जईणं ॥२८९॥ तह मिहु-
णाण वि पुंवि अप्पमत्ताण कप्पक्खेसु । जाओ मत्तभावो संगायवेसु व जियाणं ॥२९०॥ तो पवल-
लोभवसओ अणेणंगीकयम्मि कप्पदुमे । अणस्स तस्स पुरओ ठियस्स जायइ गरुयदुकखं ॥२९१॥ तो
विमलवाहाणस्स उ जाईसरणेण नीइणिउणस्स । गंतूण वइयरं तं कहंति मिहुणगरा अणे ॥२९२॥ सो
विमलवाहाणो नरवइव्व सव्वेसि तेसि मिहुणाणं । नियरइ विरिचिज्जणं कप्पदुमे कलहरक्खट्ठा ॥२९३॥
मज्जायंभजगाणं ठावइ हवकारदंडनीइं च । तइया तदंडेणं गणइ जणो गरुयमवमाणं ॥२९४॥ हवकारभया
लोया पायं भंजंति तं न सज्जायं । मणंति वरं घाओ हक्कारो न उण अम्हाणं ॥२९५॥ एवं कुलमज्जा-
याकरणाओ कुलगरु चि सो पढमो । नियआउं परिपालइ सह चंदजसाइणुव्विग्गो ॥२९६॥ छम्मसासेसए

आउयम्मि कालाणुभावओ तत्थ । वररूवलक्खणधरं चंदजसा पसवए जुयलं ॥२९७॥ नामं च पिअहि कयं चक्खुखसं तह य चंदकंता से । अट्टसयधणुहउच्चं वण्णेण पियंगुवणं तं ॥२९८॥ पालेउं छम्मासे उप्पणो विमलवाहणो मरिउं । कणगकुमारेसु सुरो चंदजसा नागकुमारेसु ॥२९९॥ मरिउण समुप्पणो नागकुमारेसु सो वि गयराओ । पार्वति मिहुणगाइं कालसहावेण अमरत्तं ॥३००॥ हक्कारनीइनिरओ चक्खुखसं तीइ चंदकंताए । सह कुणइ कुलगरत्तं संखाइयाइं पुव्वाइं ॥३०१॥ जणिउं मिहुणं सामं जसमसुख्व त्ति धणुय-सयसगुच्चं । तप्पियरो मरिउणं जायाइं सुवण्णनागेसु ॥३०२॥ जसमं पि कुलगरत्तं पालइ हक्कारनीइसं-जुत्तो । मक्कारनीइक्का असंखपुव्वाइं ऊणाइं ॥३०३॥ तत्थ य लहुए दोसे हक्कारं मज्झम्मि मवकारं गरए दुण्णि वि जुंजइ अगयं भिसउव्व जहरोयं ॥३०४॥ जणिउं तहेव मिहुणं वण्णेणं सेयसामयं कमसो । अभिचंदो पडिख्व त्ति सइहधणुसयच्छउत्तुंगं ॥३०५॥ मरिउण समुप्पणो उदहिकुमारेसु कुलगरो जसमं । सा वि सुख्वा मरिउं नागकुमारेसु उववणा ॥३०६॥ नीइदुगसंजुओ सो अभिचंदो पालिउं कुलग-रत्तं । पडिख्वाइं समेओ ऊणयराउसंखपुव्वाइं ॥३०७॥ ताणि वि जणिउं जुयलं पसेणइचक्खुकंतमसिइपहं । छसयधणुं तप्पियरो जायाइ उदहिनागेसु ॥३०८॥ काउ पसेणइ सो तदयं धिक्कारनामियं नीइं । पालेइ कुलगरत्तं ऊणतमाउसंखपुव्वाइं ॥३०९॥ ताणि मरुदेवसिरिक्तकणयनीलप्पहं जणिउं मिहुणं । सइहपणध-णुसउच्चं जायाइं दीवनागेसु ॥३१०॥ मरुदेवो वि हु तत्तो नीइत्तयसंजुओ कुलगरत्तं । पालेइ असंखाइं ऊणतमतमाइं पुव्वाइं ॥३११॥ अह इत्थ कोइ जीवो लोएउववहारारासिमज्झम्मि । लहुकम्मो अप्पभवठिइं सया थावरत्तगओ ॥३१२॥ पुव्वमपत्ततसत्तो कयाइ भवियव्वयानिओणेणं । वब्बुलियासमीवम्मि अक्ककंव-

चणे जाओ ॥३१३॥ दाखणासीयाऽऽयवफरुसपबलगुपयावफारिसेण । नरतिरियघट्टणेण य वेयंतो वेयणं
 बहुसो ॥३१४॥ ख्वाहि य विञ्चंतो पवणेण पणुल्लियाइ कंवाए । निज्जरइ बहुकम्मं अकामओ वि हु
 चिरं कालं ॥३१५॥ अह अणो वि हु जीवो तहाविहो कोइ कम्मि वि भवम्मि । परिणामेणं केण वि हु
 सुहोदयं बंधए कम्मं ॥३१६॥ तत्तो तइया मरिउं एसो तह अक्ककंजीवो सो । अचंतथावरो वि हु
 अच्छेकरो तिहुयणस्स ॥३१७॥ मरुदेवकुलगरस्स उ सिरिकंताए पियाइ उयरम्मि । उप्पणाइं जुयल-
 चणेण सुहकम्मउदएणं ॥३१८॥ पडिपुणादिणेहि तओ लक्खणवंजणगुणियं एसा । पसवइ पसस्थ-
 जुयलं पसत्थदियहम्मि सुपसत्था ॥३१९॥ हरिसभरनिवभरेहि नामं च कयं इमेसि पियरेहिं । नाभी
 गुणाण नाभि चि देविरुवि चि मरुदेवी ॥३२०॥ पचयधणुहसयाइं पणवीसहियाइं देहमाणेणं । नाभी
 सुवणवणो पियंगुवणा य मरुदेवी ॥३२१॥ मरुदेवकुलगरो पुण मरिउं दीवेसु सुरवरो जाओ ।
 सिरिकंता पुण मरिउं नागकुमारेसु उप्पणा ॥३२२॥ एयम्मि कालचक्के अए तइयम्मि चेव वटंते ।
 खूमदूसमनामे बहुवोलीणे अणुक्कमसो ॥३२३॥ चुलसीइपुव्वलक्खेसु तह य एगूणनइपक्खेसु । ओस-
 पिणीइमीसें अवसेसेसु तथा काले ॥३२४॥ सव्वट्टविमाणओ चविउं सो वरनाहचक्किजिओ । सिरिना-
 भिकुलगरस्स उ मरुदेविपियाइ कुच्चिसि ॥३२५॥ विमलत्तिसिसरसुहवित्ताइ मुत्तामणिव्व सुत्तीए ।
 गब्भम्मि समुप्पणो आसाढे बहुलचउत्थीए ॥३२६॥ वसहायमाइएहिं चउदससुमिणेहि मुणियजिणभावा । तुट्ठा
 सुहंसुहेणं मरुदेवी वहइ तं गब्भं ॥३२७॥ चित्तवहुलट्टमीए निसीहसमयम्मि पसवए एसा । तेयसमिद्धं पुत्त

'विह्वरभूमिं वररणं ॥३२८॥ विहियम्मि सुइकम्मे छप्पणाहिं दिसिक्कुमारीहिं । चउसट्टिसुरिदेहिं ण्हविओ मेरुम्मि पढमज्जिणो ॥३२९॥ सुमिणेषु पढमसुसहो पहुणो ऊरुसु लंछणं वसहो । तेण उसहो चि नासं कयं जिणिंदस्स जणएहिं ॥३३०॥ नियअंगुट्टपएसे सुरवइसंचारियाऽमयरसेण । वहुडइ सुरपरिय-
रिओ अणुवदेसे वरहुसुव्व ॥३३१॥ असियसिरओ सुनयणो विवुट्ठो धवलदंतपंती अ । वरपउमगवभगोरो फुल्लुपलंगंधनीसासो ॥३३२॥ जाईसरो य भयवं अपपरिवडिएहिं तिहि णाणेहिं । कंतीइ य बुद्धीइ य अब्भह्तिओ तेहि मणुएहिं ॥३३३॥ इक्खायुवंसठवणा वरिसपमाणस्स निम्मिया हरिणा । कासवगुत्तं च पहुस्स पुव्वया जेण तं पीया ॥३३४॥ जयमज्जायकए सह देवीहिं सुमंगलामुणंदाहिं । हरिणा कओ विवाहो पहुस्स तारुणपत्तस्स ॥३३५॥ छपुव्वसयसहस्सा पुव्वि जायस्स जिणवरिंदस्स । तो भरहवं-
भसुंदरिवाहुवली चेव जायाइ ॥३३६॥ देवीसुमंगलाए भरहो वंभी य मिहुणयं जायं । देवीइ सुणंदाए वाहुवली सुंदरी चेव ॥३३७॥ अउणापणं जुयले पुत्ताण मुमंगला पुणो पसवे । नीईण अइक्कमणे निवेयणं उस-भसामिस्स ॥३३८॥ राया करेऽ दंडं सिट्ठे ते विति अमह वि स होउ । मग्गह य कुलगरं सो उ चेइ उसभो य भे राया ॥३३९॥ आभोएलं सक्को उवागओ जुणऽ तस्स अहिसेयं । बोलीणेषु जम्माओ वीसईपुव्वलक्खेषु ॥३४०॥ भिसिणीपत्तेहियरे उदयं धित्तुं छुहंति पाएसु । साहुविणीया पुरिसा विणीय-
नयरी अह निविट्ठा ॥३४१॥ आसा हत्थी गावो गहियाइं रज्जसंगहनिमित्तं । धित्तूण एवमाई चउव्विहं संगहं

कुणइ ॥३४२॥ उग्गा भोगा राइणाखत्तिया सगहो भवे चउहा । आरक्खिखगुख्वयंसा सेसा जे खत्तिया ते
उ ॥३४३॥ अप्पत्थियसिवासुहदायगम्मि रिसहे अउव्वक्कप्पदुमे । ओइण्णे कप्पतरू तइया हित्था इव पंडत्था
॥३४४॥ तो रिसहजिणो पयडइ जणाण करुणाइ जीयक्कप्पं ति । सिप्पसयं कम्मणि य कलाओ उण भरहमाईणं
॥३४५॥ लेहं लिवीविहाणं जिणेण वंभीइ दाहिनकरेणं । गणियं संखाणं सुदरीइ वामेण उवदंढं ॥३४६॥
इय पालिऊण रज्जं तेवट्ठिणुव्वसयसहस्साइं । सामी चरिचसमयं ओहीणाणेण सुणइ सयं ॥३४७॥ सारस्स-
यमाइं च्चा नैहीवरुणा य गंदतोया य । तुंसिया अंब्वावाहा अग्निच्चा चेव रिट्ठा य ॥३४८॥ एए
देवनिकाया भयवं वोहिति जिणवरिदं तु । सव्वजगजीवहियं भयवं ! तित्थं पवत्तेहि ॥३४९॥ संबच्छरेण
होही अभिनिक्खसणं तु जिणवरिदस्स । तो अत्थसंपयाणं पवत्तए पुव्वैस्सरम्मि ॥३५०॥
संघाडगतियचउक्कचच्चरचउमुहमहापहपेसु । दारेसु पुरवराणं रत्थासुहसज्जयारेसु ॥३५१॥ वरवरिया
घोसिज्जइ "किमिच्छियं दिज्जइ बहुविहीयं । सुरअसुरदेवदाणवनरिदमहियस्स निक्खसणे ॥३५२॥
एगा हिरणकोडी अट्टेव अपूणागा सयसहस्सा । स्सरोदयमाइयं दिज्जइ जा पायारासाओ ॥३५३॥
त्तिणेव य कोडिसया अट्ठासीयं च हुंति कोडीओ ॥ असीयं च सयसहस्सा एयं संबच्छरे दिणं
॥३५४॥ पंचसयधणुच्चतणू सामी ठविडं गुणेहि जगउच्चो । पुत्तसयं रज्जसए उत्तरकुरुसिवियमारूढो
॥३५५॥ भवणवइवाणमंतर जोइसयासी विमाणवासी य सव्विइही इसपरिसा चउव्विहा आगया देवा ॥३५६॥

१ लज्जिता । २ प्रोषिता — प्रवासमें गये । ३ प्रथमत्रहरे । ४ वरवरिका-अभिष्ट वस्तु मागने के लिए की जाती घोषणा ।
५ किमिच्छाकम्-इच्छानुसारदानम् । ६ प्रातराशात्-प्रातः कालके भोजन तक ।

पुर्वि उक्त्वित्ता माणुसेहि सा हट्टरोमक्वेहि । पच्छा वंहति सिवियं अमुरिदमुरिदनाग्निदा ॥३५७॥ कुमुमाणि
पंचवणाणि मुयंता दुंदुहीउ ताडिता । देवगणा य पहिद्वा समंतओ उच्छयं गयणं ॥३५८॥ वणासंडो व कुमु-
मिओ पउससरो वा जहा सरयकाले । सोहइ कुमुमभरेणं इय गयणयलं मुरगणेहि ॥३५९॥ 'सिद्धत्थवणं व
जहा असणवणं सणवणं असोयवणं । चूवणं व कुमुमियं इय गयणतलं सुरगणेहि ॥३६०॥ अतसिघणं व
कुमुमियं कणियारवणं व चंपयवणं व । तिलयवणं व कुमुमियं इय गयणतलं मुरगणेहि ॥३६१॥ वर-
पडहभेरिअल्लरिदुंदुहिंसखसहिइहि तूरेहिं । धरणियले गयणतले तूरनिणाओ परमरम्मो ॥३६२॥ इय सुर-
नरपरियरिओ विणीयनयरीइ मज्झमज्झेणं । निगंतुं रिसहजिणो सिद्धत्थवणम्मि संपत्तो ॥३६३॥
ठविज्जण असोयतले सीयं तत्तो पहु समुत्तरिउं । आभरणाईणि सयं मुंचइ परिभोगउम्मोयं ॥३६४॥ छट्टेणं
भत्तेणं अपाणएणं तवो चिसेसेणं । कसिणट्टमीइ चित्तस्स पोरिसीए चउत्थीए ॥३६५॥ उत्तरसाहारिक्खे
कुणइ सयं चाउमुट्ठियं लोयं । हंसपडसाडएणं सवको स पडिच्छए केसे ॥३६६॥ जिणवरमणुणाचित्ता
अंजणघणरुयगविसलसंकासा । केसा खणेण नीया खीरसरिसनामयं उदहिं ॥३६७॥ दिव्वो मणुस्सघोसो
तूरनिणाओ य सवकवयेणेणं । खिप्पामेव निळुक्को जाहे पडिवज्जइ चरितं ॥३६८॥ सिद्धे नसंसिज्जणं
खंधेणं देवदूसमादाय । जावज्जीविं सामी पच्चक्खइ सव्वसावज्जं ॥३६९॥ नरलोयसमस्सिसण्णिवमण-
दव्वगोयरं पहुणो । चरणपडिवित्तकाले चउत्थणाणं समुष्पणं ॥३७०॥ मोणेण विहरियव्वं सण्णाइ विवज्जि-
एण ताव मए । जाव न केवलणाणं ति णिणहएऽभिण्हं सामी ॥३७१॥ तह निवसहस्सचउरो पव्वइया

अपणा विहियञ्जोया । जं एस जहा काही तं तह अम्हे वि काहामो ॥३७२॥ अह तेहिं परियरिओ गयकळ-
हेहिं समं गइं दुव्व । वाउव्व अपडिवद्धो विहरइ सामी विगयमोहो ॥३७३॥ नवि ताव जणो जाणइ का
भिकखा केरिसा च भिक्खयरा । ते भिक्खवलभमाणा वणमज्जे तावसा जाया ॥३७४॥ नभिविनमीण जाएण
नागिदो विज्जदाणवेयइहे । उत्तरदाहिणसेढीसट्ठीपण्णासनयराइं ॥३७५॥ भयवं अदीणमणसो संवच्छर-
मणसिओ विहरमाणो । कण्णाहि निमंतिज्जइ वत्याभरणासणेहिं च ॥३७६॥ एवं अविचलचिचो वावीसाए
परिसहेहिं प्हू । विहरंतो संपत्तो गयउरनयरम्मि वरिसंते ॥३७७॥ सोमप्पहरायसुएण तत्थ सेयंसनामकुमरेण ।
पाराविओ वरेणं इयवुरसेणं रिसहसामी ॥३७८॥ तत्तो य आरिएसु अणारिएसु पि भूरिदेसेसु । वासस-
इससं विहरइ रिसहजिणिंदो निखवसणं ॥३७९॥ बहलीअंडबइदलाजोणगविसओ सुवण्णभूमी य । आहिडिया
भगवया उसभेण तवं चरंतेणं ॥३८०॥ बहलीयजोणगा पळगा य जे भगवया समाणुसट्ठा । अणे य
मिच्छजाई ते तइया भइया जाया ॥३८१॥ अह एवं जगगुणो विहारचरियं तवं च दुरणुचरं । बहुजणापरं-
परेणं मरुदेवीसामिणी सोडं ॥३८२॥ तन्भवसिद्धिगमा वि हु सहावसरला वि पुत्तपिम्मपरा । चितइ एग-
जामणा अतुच्छवन्छल्लपडिहत्था ॥३८३॥ मज्झ सुओ सयकालं सीयाऽऽयववासवुप्पिवासभवं । एगागी
वणमज्जे सहइ दुहं इयरलोउव्व ॥३८४॥ केण वि समं न जंपइ न सुयइ निमिसं पि किं पि श्चायंतो । नवन-
वआसणनिरओ चिट्ठइ रंति पि दियहं पि ॥३८५॥ पहखिणो वि न वाहणमारुहइ न ण्हाइ गाढगिम्हे
वि । अणुवाहणो य हिंडइ कक्करकंठइलमणे वि ॥३८६॥ तइलोयपूयणिज्जं तिहुयणचूडामणिं

तिजयनाहं । जीवंती पिक्खिस्सं पुणो वि कइयावि रिसहजिणं ॥३८७॥ इय झूरंति मरुदेविसामिणी अंशुसलि-
लधाराहि । साममुहा महीवीढं सिचइ नवजलहरसिखि ॥३८८॥ इय तीइ रयंतीए नीलीए छाइयाइं
नयणाइं । वरिसंतेण घणेणं घणाघणेणं व भवणाइं ॥३८९॥ भरहो य जया राया आगच्छइ साय-
पायनमणत्थं । पाएसु तं पडंतं सा भणइ करेहि फरिसंती ॥३९०॥ सुरलोयरज्जसरिसं
वच्छ ! तुमं माणसे सयं रज्जं । मह पुत्तो पुण दुक्खं पिक्खह तं तारिसं सहइ ॥३९१॥ ताव
मह एस अंगुभबु त्ति जायइ समत्तमित्तकए । जणयत्तेण तुह पुण ण्णमिमो दुप्पडियारो ॥३९२॥ ता
कि अत्थसि रज्जे अपत्थतुच्छम्मि सुच्छिओ वच्छ ! । तियलोक्यंधवस्स वि न कुणसि वत्ता वि पुण पिउणो
॥३९३॥ एवं पियामहीए महापवंधेणुवालाहिज्जंतो । सप्पणयं विणायपरो स भरहो पडिभणइ वयणमिणं
॥३९४॥ अंब ! तए आइइं तहत्ति तं किंतु सुणसु परमत्थं । रिद्धी सुक्खं च जहा पहुणो न तहा परस्स
जओ ॥३९५॥ रयणत्तयस्स अम्मो ! कि बुच्चइ ससुदियस्स जगगुल्लणो । इविककस्स वि अंघो न होइ
जं तिहुयणेणाऽवि ॥३९६॥ नवि अत्थि रायरायस्स देवरायस्स तं सुहं नत्थि । जं इहयं चिय सुक्खं
सुणिणो गयरगदोसस्स ॥३९७॥ ता मा अम्मो ! खेयं कुणसु मणां पि इय पवुत्ता वि । न सुयइ मणे
विसायं सद्धासुद्धत्तेण इमा ॥३९८॥ अह वरिससहसंते उवनयरे पुरिमतालनामम्मि । विहरंतो सगडमुहे
उज्जाणे आगओ भयवं ॥३९९॥ तत्थ य नग्गोहतले अट्टमभत्तेण फग्गुणे पहुणो । बहुलिककारिसिदिवसे
उप्पणं केवलं नाणं ॥४००॥ देवेहि तक्खणेणं जहविहिं विरइए समोसरणे । पविसइ पुवेणे तहि उवविसइ

चउम्मुहो भयवं ॥४०१॥ अह आगंतुं उज्जाणाआउहागारपालएहि लहुं । विणत्तो भरहनिवो विणत्तो जमगसमेणेणं
 ॥४०२॥ जमगो जंपइ संपइ रिसहजिणिंदस्स तुम्ह उज्जाणे । लोयालोयपयासं केवलणाणं समुप्पणं
 ॥४०३॥ समगो वि भणइ आउहसालाए जवखसहससंकिणं । रिउचवकचूरणखमं उप्पणं चवकरयणं ति
 ॥४०४॥ इय सोउं भरहनिवो चितइ पढमं किमित्थ पूएमि ? । गरुयाण वि अहह ! ! कहं मइमोहकरी
 विरायतण्हा ? ॥४०५॥ लहुकम्मया वि पुणरवि उल्लसिए लहु विवेगवरदीवे । अण्णाणंधयारे नेट्टे चितइ
 इमो एवं ॥४०६॥ तायस्सि पूइए चवकपूइयं पूयणाडरिहो ताओ । इहलोइयं तु चवकं परलोयगुहावहो
 ताओ ॥४०७॥ इय चित्तिऊण गतुं मरुदेविं सामिणि भणइ इण्हि । दंसेमि तुम्ह पुत्तस्स निरुवमं इड्ढि-
 सवकारं ॥४०८॥ इय बुत्तुणं जयकुंजरस्स खंधस्सि ठविय मरुदेवि । पन्छाराणे सयं पुण उवविट्ठो भरहन-
 रणाहो ॥४०९॥ पहुपायणमणत्थं सन्विड्ढीए ससं पुरजणेण । नियपरिवारजुओ तह तुरियं संपट्ठिओ
 तत्तो ॥४१०॥ रयणत्तयस्सरूवं माऊइ पुरो वियारमणं पि । साहंतो संपत्तो आसणं ससवसरणस्स ॥४११॥
 भणइ य एए तियसा समिति अम्मो ! समंतओ गयणे । किंकिणियमुहलविमाणवरगया जयगुरुसमीवे
 ॥४१२॥ एसो य सुम्मइ सरो प्हुस्स सदेसण कुणंतसरा । वाणीए जोयणगामिणीए असयाओ महुरतरो
 ॥४१३॥ भयव च साहइ तथा सब्बो जीओ ममत्तदोसेण । वंधेइ मोहणीयं कम्मं तो भमइ भवसमियं
 ॥४१४॥ सम्मत्तसंजुओ पुण जइ मुयइ ममत्तमखिलभावेसु । तो मुयइ जहणपए अंतमुहुत्तेण भवभावं
 ॥४१५॥ इय सोउं मरुदेवी अजस्ससंखणि मुयइ हरिसवसा । वासम्मि उवरए तण्णिहं व गुरुविंदुणो सुइरं

॥४१६॥ तेहि पडतेहि लहु तीए नयणाण पुण्णजोगेण । सव्वा वि गया नीली सहसा सिद्धजणेणं व
 ॥४१७॥ तो सा दुहा वि निम्मलनयणेहि भरहसंसियं सव्वं । पच्चकलं पहरिद्धि हरिरिज्जदं पिक्खिज्जण
 घण ॥४१८॥ चित्तइ य एस लोगस्स मंगलं उत्तमो य सरणं च । परमप्पा परमगुरू परमं तंच इमो चेव
 ॥४१९॥ इय चित्तंती संकाइदोसरइया समाइगुणकलिया । तिविहं पि दंसणं सा पत्ता पुव्वुत्तजुत्तीए
 ॥४२०॥ उल्लसियजीविवरिया खाइयसम्मत्तचरणंसजुत्ता । घणघाइक्खम्भुद्धका संपत्ता केवलालोयं ॥४२१॥
 विहरिय अत्तमुहुत्तं जोगनिरोहेण सेसकम्मखयं । काउं करिखंधया सरुदेवीसामिणी सिद्धा ॥४२२॥ इय
 एस पढमसिद्धुत्ति तीइ देहं सुरेहि पूइत्ता । उप्पाडिज्जण खित्तं खणेण खीरोदहिजलम्मि ॥४२३॥ अह
 हरिसविसायजुओ भरहो छायाऽऽयवेण सरउव्व । पविसित्तु समोसरणं विहिपुव्वं वंदइ जिणिंदं ॥४२४॥
 तो भणइ खुवणनाहो भो भो भव्वा ! इमम्मि भवभवणे । मोहनिसाए अण्णाणणिइत्तुत्तम्मि जियलोए
 ॥४२५॥ सव्वत्तो वि पलित्ते पमायजलणे कसायखरपवणे । डज्जंते रयणतिए अत्तहियं सुणह एगग्गा
 ॥४२६॥ णाणेण जग्गिज्जणं अमत्तदिणोदयं लहेज्जण । उवसमजलेण सिंचह संजमजोगुज्जया अयं
 ॥४२७॥ विज्जाविज्जण एयं संसारपलीवणं अणुव्विग्गा । पावेह सासयसुहं सिवमयलमणुत्तरं सिग्घं ॥४२८॥
 इय पहुक्कहियं सोडं भरहसुओ उसहसेणअभिहाणो । पुंडरियवीयानामो पहुपासे गिणहए दिक्खं ॥४२९॥ पंच
 य पुत्तसयाइं भरहस्स सत्तनत्तैयसयाइं । संयराहं पव्वइआ तम्मि कुमारा समोसरणे ॥४३०॥ चुलसीइ तह

गणहरा वंभीपमुहा य तह य समणीओ । भरूपमुहा सड्ढा सुंदरीपमुहाओ सड्ढीओ ॥४३१॥ इय पढम-
समोसरणे पढमजिणिदस्स पढमओ संघो । उप्पणो तत्थ तओ विहरइ महिमंडलं सामी ॥४३२॥ विहरित्तु
पुव्वलखं वाससहस्सणयं विवोहिता । चुलसीइसमणसहसा तिणि उ लक्ख्वाउ समणीणं ॥४३३॥ पणसहस
तिणि लक्ख्वा सड्ढाणं सावियाण पणलक्खा । चउपणं च सहस्सा अह अट्ठावयणगे पत्तो ॥४३४॥ सपलि-
यंकनिसणो तत्थ प्हू साहुदससहस्सजुओ । माहस्स बहुलतेरसिदिग्गिम्मि चउइसमभत्तेणं ॥४३५॥ पाओव-
गमनिसणो चंदेण अभीइरियखजुत्तेणं । कम्मकलंक्कविमुक्को रिसहजिणिदो गओ सिद्धिं ॥४३६॥ भरहो पुण
पूइत्ता चक्कं चक्काणुगो भरहखित्तं । सट्ठीइ वाससहसेहि साहिउं सगिहमणुपत्तो ॥४३७॥ वरचक्कवाट्टि-
भोए भुत्तूणं पंचपुव्वलक्खाइं । आयंसगिहे पावः केमललच्छि विगयरगो ॥४३८॥ विहरित्तु पुव्वलखं भरहो
भरहस्स मज्झिमे खंडे । सिंतुजसेलसिहरे संपत्तो सासयं ठाणं ॥४३९॥ इत्थ य पसंगपत्तो क्कहिओ रिस-
हाइवइयो एसो । मरुदेविसामिणीए पणयं पुण रिसहजणणीए ॥४४०॥ भुवणच्छेरयभूया जमिमा तक्ख-
णविमुद्धम्मत्ता । पुव्वमपत्तसिवपहा अच्चंतं थावरा सिद्धा ॥४४१॥ तिविहे वि हु सम्मत्ते मरुदेवीसामि-
णीइ दिट्ठतो । भुवणच्छेरयभूओ क्कहिओ अह पत्थुयं सुणसु ॥४४२॥ इय तिविहं सम्मत्तं खइयादविभेयओ
सदिट्ठंतं । क्कहियं संपइ भेदे ! भेए चउराएए रुणसु ॥४४३॥ खइयाइ सासणजुयं चउहा चेयगजुयं तु
पचविहं । तं होइ चरिमपुग्गलवेयणओ दसानिहं तु इमं ॥४४४॥ निसंग्गुवएसरुई आणारुई सुत्तवीथेरुई
मेव । अभिगमवित्थारुई किरियासंखेवधम्मरुई ॥४४५॥ सक्किरियं कारगमिह तत्तरुई रोयगं तु

सम्मत्तं । मिच्छदिद्दी तत्तं तु दीवए दीवयं तं तु ॥४४६॥ निच्छयओ सम्मत्तं विसुद्धचरणस्स अविरय-
स्सिअरं । अहवा वि दव्वभावाइंभेयओ बहुविहं सम्मं ॥४४७॥ सव्वाइं जिणेशरभासियाइं वयणाइं नऽ-
ण्णाहा हुंति । इय बुद्धी जस्स मणे सम्मत्तं निच्चलं तस्स ॥४४८॥ सम्मत्तम्मि उ लद्धे पलियपहुत्तेण
सावओ हुज्जा । चरणोवसमखयाणं सागरसंखतरा हुंति ॥४४९॥ इय अपरिवडियसम्मं सुरमणुए इगभवे च
सव्वाणि । इगसेणिवज्जियाइं सिवं व सत्तट्ठभवमज्जे ॥४५०॥ सम्मत्तरयणममलं जायड जीवस्स सुद्धहि-
ययरस । मिच्छत्तपरिच्चाएण संययं तं तओ सुणसु ॥४५१॥ आभिगगहियसर्णाभिगगहं च तह अभिनिवे-
सियं चेव । संसंइयसर्णाभोगं मिच्छत्तं पंचहा होइ ॥४५२॥ अहवा दुविहं लोइयमिच्छं देयगयं गुरुगयं
सुणेयव्वं । लोउत्तरं पि दुविहं देवगयं गुरुगयं चेव ॥४५३॥ चउभेयं मिच्छत्तं तिविहं तिविहेण जो विवज्जेड ।
अकलंकं सम्मत्तं होइ फुडं तस्स जीवस्स ॥४५४॥ कुणमाणो वि हु किरियं परिच्चयंतो वि सयणायण-
भोए । दितो वि हु हस्सउरं मिच्छदिद्दी न सिज्झइ उ ॥४५५॥ मिच्छत्तविसपसत्ता सत्ता पावेति दुक्ख-
रिछोलिं । ते चेव चइयमिच्छा सुहाइं नरसुंदरनिवुव्व ॥४५६॥

तहाहि—इह कंचीनयरीए अहाऽऽसि नरसुंदरो महीनाहो । मिच्छत्तमोहियमई नाहियवाइं किलिद्धि-
मणो ॥४५७॥ मिच्छत्तदुमदंती जिणपभणियसत्तत्तगयभती । सुमइ चि तस्स मंती नियमइनिज्जिणि-
यसुरमंती ॥४५८॥ इत्तो चंडपुरम्मि सामंतो चंडसेणअभिहाणो । अण्णदिणे नरसुंदरनरिंदसेवाइ निव्विणो
॥४५९॥ नियवालमित्तमिवक जोगिं बहुमंतंतंकुसलमइं । भणइ मह हिययसल्लं निहणसु नरसुंदरनरिंदं

॥४६०॥ जंपइ जोगी एवं करेमि तो तस्स चंडसेणनिवो । हिट्ठो वियरइ सव्वं नियंगलणं अलंकारं
॥४६१॥ तयणु स पत्तो क्विं पुरिष्ठुत्तिणो मढम्मि एगतथ । मंतकुहेडयमाईहि रंजए सयलपुरिलोयं
॥४६२॥ पत्तो परं पसिद्धि तो रण्णा कोउगेण तेडेडं । उचियासणे निवेसिय सो पुट्ठो सविणयं एवं
॥४६३॥ कत्तो जोगिंद ! तुमं इहाऽऽगओ ? सो भणइ तुह भत्ति । जोगिजणे सुणिय इहं पत्तो सिरि-
पव्वयाउ अहं ॥४६४॥ कि का वि दिव्वसत्ती तुज्झ अवंक्षफ्फला फुडं अत्थि ? । एवं णिवेण भणिए
जोगी वज्जरइ वाढं ति ॥४६५॥

तहाहि—रत्तीए वि दिणं दिजे वि रयणिं दंसेमि सेलेऽखिले, उप्पडेमि नहंगणे गहगणं पाडेमि
भूसीयले । पारावारमहं तरेमि जलण थभेमि रंभेमि वा, दुव्वारं परचक्कमत्थि न जए तं मज्झ जं दुक्करं
॥४६६॥ [सहूलविककीडिअं] अह भणइ नम्मसचिवो गुरूगलज्जं करेमि जोगिंद ! । कि पाडिएहि
उप्पाडिएहि गहसेलमाईहि ? ॥४६७॥ किंतु मह रूसिऊणं विप्पीगाम्मि कम्मि वि पडैत्था । जीइ विणा
मे भवणं न केवलं भुवणमवि सुणणं ॥४६८॥ जइ तं आपेसि लहुं तो हं ते सइहेमि सव्वं पि । आगि-
ट्ठिमंतसरणेण जोगिणा झत्ति अह तत्थ ॥४६९॥ सँभियविल्लिचहत्था कुणमाणी मंडए समणीया । सा
माहणी पहिज्जे पणव्विओ नम्मसचिवो तो ॥४७०॥ वि—महयविवसेण निवेण जंपियं कालवंचणोवायं ।
किं कम्मवि सुणसि जोगिंद ! ? आह सो जाणिमो वाढं ॥४७१॥ गिणहसु दिक्खं जेणं तयं पि देसो
तओ निवो मूढो । तप्पासे तं गिणहइ उवइट्ठं जोगिणा एवं ॥४७२॥ नियदेहे वारस अंगुलाइं नीहरइ पवि-

१ मन्त्तन्त्रादिभि । २ भारीगलेक्की गर्जना । ३ प्रोषिता-प्रवास मे गई हुई । ४ समिगा० समिता—गेह का आटा ।

सइ देसेव । पवणो तन्विवरीयं जो कुणइ स वंचए कालं ॥४७३॥ इय कूढवभमोहियमणस्स मिच्छत्ततिमि-
रच्छणस्स । जीवणहपमुहआसवपरस्स परलोयविसुहस्स ॥४७४॥ विसंभगयस्स निवस्स तस्स कइया वि
भत्तमज्झस्मि । विसपविसं दाउ लहुं नट्ठो नट्ठो सयं जोगी ॥४७५॥ तेषुगविसेण निवो वि पीडिओ
नट्टचेयणो जाओ । हाहारवमुहलमुहा सव्वे मिलिया पुरपहाणा ॥४७६॥ इक्कारिया अण्णेहि सपच्चया
मंतवाट्ठणो वहवे । विसनिग्गहोवयारो सव्वपयत्तेण तेहि कओ ॥४७७॥ नवरि स जाओ विहलो तरुणिकड-
वसुव्व वीयरागस्मि । औट्ठणो मंतिजणो भिसं विसणो पुरीलोओ ॥४७८॥ अक्कंदसइसुहलं सयलं अंते-
उरं तहि पचं । काउं मउ चि नीओ सिविंयं आरोविंय मसाणे ॥४७९॥ ठविओ चंदणदारुयनिचियाइ
चियाइ जाव ता सहसा । उम्मीलियनयणजुओ तक्कालुपण्णचेयणो ॥४८०॥ चउं चियं किमेयं ति
पभणिओ नरवई तओ सुमई । भणइ तुह देव ! दाउं विसमविसं जोगिओ नट्ठो ॥४८१॥ विहिया बहूव-
यारा न य चेयणं कहं पि भे जायं । तेण परं जं कीरइ तं काउमिणं समारद्धं ॥४८२॥ वणपवणेण वि
किह संपयं वयं निव्विसा इहं जाया ? । इय निवपुट्ठे सुमई भणेइ दिव्वो वियाणाइ ॥४८३॥ किंत्तु
तपुण्णविसिट्ठलद्धिमुणिअगलगापवणेणं । अवि जंतूण व्झिजंति आमया विसवियारा य ॥४८४॥ एयं मे
सुयपुवं ति मंतिपुत्ते निवो भणइ सुहडा ! । उवरिमभाए पिच्छह किचणनिक्किचणं समणं ॥४८५॥
ते वि गवेसित्तु लहुं कहंति रण्णो जहा इहं देव ! । पुप्फकरंडुज्जाणे सुरअसुरनरिंदनमियकमो ॥४८६॥

निम्मल्लेवल्लुओ बहुसमणजुओ अणेगलद्धिनिही । अज्जेव समोसस्सिओ ससिप्पहो नाम आयरिओ
॥४८७॥ रायाऽऽह तप्पमावं एयं संभावएमि जं इत्थ । जाओऽम्हि निव्विसोऽहं ता तप्पासम्मि गच्छामि
॥४८८॥ तो सो सपरीवारो गओ नमिच्चा पुरो समुवविट्ठो । दुंदुहिउत्तामसरं तयणु सुणी वाहइ इय धम्मं
॥४८९॥ दुलहं लहिय नरभवं भविया ! भवियव्वयान्निओणेणं । इहपरलोयहियकरं जहसत्तीए कुणह धम्मं
॥४९०॥ इय सुणिय जंपइ निवो परभवगामी घडेइ कह जीवो । जं पंचभूयमित्तं दीसइ नहु तदहियं
किं पि ? ॥४९१॥ भणइ गुरू जडपणभूयसमहिओ जइ जिओ निव ! न हुज्जा । तो युहदुहाइं को सुणइ ?
को व अहयं ति उल्लवइ ? ॥४९२॥

किच—निसुयं दिट्ठं जिधियमासाइयपुट्टचिंतियाइ एए । इय इगक्कत्तारकया इमे विगप्पा वि कह
हुज्जा ? ॥४९३॥ इच्चाइजुत्तिजुत्तं संसयरहरणधवणपडिरुवं । गुरूणो वयणं सोउं तुद्धो राया इमं
भणइ ॥४९४॥ इच्चरकालं मिच्छत्तविसमविसवारिएण सुणिणाह ! । के के जिया न हणिया किं किं
अलियं न मे भणियं ? ॥४९५॥ कि कि न परस्स धणं गहियं कि कि न मइलियं सीलं । किं कि अतु-
च्छुच्छावसेण नवि मीलिय दविणं ? ॥४९६॥ किं कि नहु निसिभुत्तं कि किं महुपिसियमार नहु
असियं । किं बहुणा अत्थि जए तं पावं जं न मे विहियं ? ॥४९७॥ इण्हिं मिच्छत्तनिसं पहुवयणाऽऽसय-
रसेण मह नट्ठं । नवरं नाहियवायं कमाणयं किह चएमि इमं ? ॥४९८॥ भणइ सुणिंदो नरवर ! एयं नहु किं
पि सह विवेगम्मि । वाही दासिइं वा कमाणयं मुच्चए कि न ? ॥४९९॥

तथाहि—केइ भंमंता वणिणो धणत्थिणोऽणुक्कमेण दददूणं । लोहतओरुप्पकाणए पुव्वग्गहिए पपुत्तूण ॥५००॥ धित्तूण पवररयणे एगे सिरिसुवस्रभायणं जाया । अण्णे तथा अक्काऊण दुत्थिया सोयसणुपत्ता ॥५०१॥ एवं तुमं पि निव ! कुलक्कमायं कुग्गहं अमुंचंतो । मा पुवं पि हु इण्हिं पि दुसहदुहभारमणुवहसु ॥५०२॥ आह नरिंदो कह प्हु ! दुस्सहदुहभरमहं सहियपुव्वो ? । भणइ गुरु णिव ! णिमुणसु नवगामो अत्थि वरगामो ॥५०३॥ तत्थाऽसि कुलपुत्तो दढमिच्छत्तो अथम्मकयचित्तो । कयकुग्गहंपंक्कजलस्मि मज्जणो अज्जुणो नाम ॥५०४॥ विणायसत्तत्तो दढसम्मत्तो पलीणमिच्छत्तो । जिणमुणिसेवणसत्तो सुहंकरो नाम से सित्तो ॥५०५॥ पत्ता सुहम्मगुरुणो बहुआगसंगया कया वि तर्हि । भणिओ सुहंकरेणं महु-रत्थिरा अज्जुणो एव ॥५०६॥ भइ ! वयामो गुरुसण्हिं सुणिमो य आगमरहस्सं । आलस्समाइएहिं आगम-सदणं जअ दुलहं ॥५०७॥

तथाहि—आलस्समोहं इवणा थंभा कोहा पंमारयकिविणत्ता । भयसंओगअण्णोणा भववेवळुज्जहला रैमणा ॥५०८॥ एएहिं कारणेहिं लळूण सुदुल्लहं पि मणुयत्तं । न लहइ सुइं हियकरिं संसारुत्तारिणिं जीवो ॥५०९॥

यतः—अंहः संहतिभूधरे कुलिशति क्रोधानले नीरति, स्फूर्ज्जज्जालितमोभरे मिहिरति श्रेयोभ्रुमे मेघति । मिथ्यात्वोग्रभुजंगभंजनविधौ विष्णुध्वजत्यन्वहं, श्रीजैनागमशुद्धसारवचनस्याऽऽकर्णनं देहिनाम् ॥५१०॥ [सहुलविक्रीडियं] अह अज्जुणो पयंपइ नायं मे मित्त ! आगमसरूवं । धुत्तेहि कया कव्वा कालेण

य आगसा जाया ॥५११॥ तो णाऊण अजुगं ति अब्जुणं पब्जुणं व चइऊण । पत्तो सुहकरो सुहगुरु-
 पासे सुणिय धम्मकहं ॥५१२॥ गुरुवरगपरिगओ कुइंभारं ठविचु जिहसुए । पवज्जं पडिवज्जिय सुग-
 ईए भागणं जाओ ॥५१३॥ आगमहीलामूलं अब्जुणओ अज्जिउं असुहकम्मं । कालक्कमेण मरिउं लगलो
 तत्थेव उववणो ॥५१४॥ अण्णादिने तणएणं मुल्लेण क्किणिय पियरकज्जम्मि । महयादुहेण हणिओ कुंभा-
 रघरे खरो जाओ ५१५॥ सीउण्हखुप्पिवासावासाइसु तिवखदुक्खरिंछोलिं । सो सहमाणो सययं बहुक्कालं
 दुत्थिओ गमइ ॥५१६॥ कइया वि गुरुभारेण पडिओ भग्गेसु सयलभंढेसु । कुविएण कुलालेणं लउडेण
 हओ गओ निहणं ॥५१७॥ विट्ठाभक्खणनिरओ तो गंडासुयरो समुप्पणो । आहेडयसुणएहिं विणासिओ
 करहओ जाओ ॥५१८॥ गुरुभारवहणखिणो नइदुत्तडिपडणदलियसव्वंओ । अइविरसमारसंतो दुस्सहपी-
 डाइ मरिऊण ॥५१९॥ गुव्वरगामे जाओ गोधणवणियस्स नंदणो मूओ । अविवेयजणेहि भिसं विणडि-
 ज्जंतो बहुपयारं ॥५२०॥ नियजीवियनिव्विणो पडिचु कूवम्मि मरणमणुपत्तो । नंदिगामे जाओ ठक्कु-
 रगेहम्मि दाससुओ ॥५२१॥ कइया वि मज्जमत्तो परमपं तदुभयं च अमुणंतो । पुणरुत्तं अक्कोसइ अस-
 व्भवयणेहि नियसामिं ॥५२२॥ कुविएण ठक्कुरेणं दासस्स इमस्स छिंदिया जीहा । पीडाभरविहुरंगो
 विरसंतो कण्णकडुयाइं ॥५२३॥ केवलकरुणाठाणं तं भूमियले लुहंतयं दट्ठं । अइसयणाणी साहू महरुणि-
 राए इमं भणइ ॥५२४॥ किं भइ ! कुणसि एवं खेयं अइदुसहदुहभरकंतो । जम्हा कयं तइच्चिय जं कम्मं
 तरस्स फलमेयं ॥५२५॥

तथाहि—अब्जुणजम्मविणिज्जिय आगमनिदाफलेण जाओऽसि । छगलो खरो वराहो तह करहो मूयगो दासो ॥५२६॥

क्किच—मिच्छत्तमोहमूहो भमिरो तं तत्थ तत्थ भवगहणे । छेयणभेयणपमुहं किं किं दुक्खं न पत्तो-
ऽसि ? ॥५२७॥ इय सोउं सरिय जाइं सो भत्तीए नमेइ मुणिणाहं । पच्छयावपरिगओ अप्पाणं सुवहुनि-
दंतो ॥५२८॥ मरिऊण एस जाओ तुममिह नरसुंदरो महीनाहो । पुव्वभवन्भासाओ नाहियवायम्मि तुह-
रंगो ॥५२९॥ सोउमिय निवो जाइं सरिय जंपइ कहेसु गिहिधम्मं । सम्महंसणमूलं तो एवं कहइ साहु
वि ॥५३०॥ तिहुयणजणनिट्ठुरदमणपवणरागारिहणणभावेण । अरिंहंतुच्चिय देवो सुरनरक्किणरविहियसेवो
॥५३१॥ सुक्खपहसाहयणाणचरणगुणधारिणो सुसाहु गुरू । केवलकरुणारम्मो धम्मो इय होइ सम्मत्तं ॥५३२॥

क्किच—जीवाइनवपयत्थे जो जाणइ तस्स होइ सम्मत्तं । भावेण सदहंतो अयाणमाणे वि सम्मत्तं
॥५३३॥ अंतोमुहुत्तमिच्चं पि फासियं जेहि दंसणं एयं । तेसिं अबड्ढणुणलपरियट्ठो चेव संसरो ॥५३४॥
जस्स मणगयणसग्गे फुरेइ दंसणदिणेषरो दित्तो । न जुमयजोइसचक्कं तस्मि पयासं पि पाउणइ ॥५३५॥
मिच्छत्तपवलहुयवहजलसरिसमिमं धरंति जे सम्मं । अल्लियइ पाणिकमले तेसि धुवं सुवखसुक्खसिरी
॥५३६॥ इय सोऊण नरिदो दंसणमूलं गहेइ गिहिधम्मं । तो गुरुणा गुरुकरुणापरणेण एवं समणु-
सिट्ठो ॥५३७॥ नरणाह ! तुडिवसेणं कर वि इमं लहिय दंसणं विमलं । सगसट्ठिभेयकलियं सया वि
पालिज्ज जत्तेणं ॥५३८॥

सुदसणा-
वरियम्मि

॥१९२॥

तथाहि—चउसदहणाति^३लिंगं देसविणयतिमुद्धिपंचंगयदोसं । अट्टपभावणभूसणलक्खेणपंचविहसंजुत्तं
॥५३९॥ छंविहजयणाऽऽर्णारं छब्भाविणभाविं च छट्ठाणं । इय सत्तसद्विदंसणभेयविगुद्धं तु सम्मत्तं ॥५४०॥
तद्विवरणगाथा जाणतस्स वि आगमब्भासो भीथेजइजणनिसेवा । वावणकुदंसणवज्जणा य सम्मत्त-
सदहणा ॥५४१॥ लिंजतियं सुस्वसा सुयस्स लुहियस्स जह वयपूरिच्छा । तणुद्धाणे जिणगुरुवेयावच्चु-
ज्जमो ररमं ॥५४२॥ जिणेसिद्धपडिमसुर्थेधम्मसंघं गुरुउज्झसाहुसम्मत्तं । विणओऽवणणाऽऽसायनासो तह
भत्तियहुमाणो ॥५४३॥ मणवयतैणुसुद्धीओ दोरा संत्ता य कंखविति^३गिच्छा । परतित्थियप्पसंसा तेहि
सम संथवो तह य ॥५४४॥ पावयणी धम्मकही वाई नेमाचेओ तवैस्सी य । विज्जा सिद्धो य कइ अट्टव
पमानगा भणिया ॥५४५॥

भूषणानि—पर्वयणथिज्जपभावणभेत्तीकोसल्लतित्थसेवा य । लक्षणानि—उर्वसमसंवेओ वि य निव्वे-
यऽणुकंपअत्थिकं ॥५४६॥ जयणा वंदेणनसंणं देणाऽणुप्ययाणभाससंभासं । परतित्थदेवयाणं न करे तग्गहिय-
पडिमाणं ॥५४७॥ राययणवलसुरेक्कमगुरेनिग्गहवि^३त्ती छच्च आणारा । भावण मूलं दारं पइट्टआहारभागनिही
॥५४८॥ अत्थ जिओ तह निच्चो कंचा धुत्ता य पुण्णपावाणं । अत्थ सिवं तदुवाओ णाणाई इय छां-
णाई ॥५४९॥ [अन्यत्र लिङ्गचतुष्टयमुच्यते] सव्वत्थ उचियकरणं गुणाणुराओ रेई य जिणवयणे । अणुणेसु य
मैज्जत्थं सम्मद्विट्ठिस्स लिंगाई ॥५५०॥ इय सत्तसद्विदंसणभेयविगुद्धं धरति जे सम्मं । पाउब्भवंति तेसिं

१ गीतार्थयतिजनसेवा ।

रयणत्तय-
ससरूवप्प-
रूवग नाम
इसमुद्देसो ।

॥१९३॥

सव्वत्तो सव्वसुक्खाइं ॥५५१॥ जणणो जणणी अत्थो वंधू सयणो सुभिच्चसंधाओ । काउं तण्ण समत्था जं
सम्मत्तं दहं चिण्णं ॥५५२॥ ईसि सविसायलोयणआलोयणहिट्ठनमिरनियवक्कं चक्कित्तं पि हु सुलहं दुलहं
सम्मत्तरयणं तु ॥५५३॥ चिंत्ताणंतरसमकालसंमिलंताऽणुक्कलसयलत्थं । अमरत्तं पि हु लब्भइ न दंसणं क्कह
वि जीवेहिं ॥५५४॥ तिहुयणसरपरिसरक्कुमुयणव्वविग्गभमफुरंतजसपसरं । वासवपयं पि पवेति पाणिणो न उण
सम्मत्त ॥५५५॥ धण्णा ल्हंति एयं धण्णा पालंति निरइयारमिणं । उव्वसणसंक्के वि हु धण्णा पारं नयंति
इसं ॥५५६॥ ता निज्जियक्कप्पद्मचिंत्तारयणं सुदंसणं ल्हिउं । तुमए सथा वि इहयं निच्चलचित्तेण होयव्वं
॥५५७॥ इच्छामि समणुसट्ठिं ति भणिय नमिउं च सुगुरुक्कम्मलं । पत्तो निवो सठाणं गुरु वि अणत्थ
विहरित्था ॥५५८॥ राया प्पटेइ णाणं करेइ नाणीणुव्वणहं सययं । सत्तसु खित्तेसु धणं वियरइ उट्ठरइ दीण-
जणं ॥५५९॥ वोसावेइ अमारिं नियदेसे धरइ समुच्चियं सीलं । सत्तीइ तवेइ तवं भावइ सुहभावणा मुसणो
॥५६०॥ अण्णादिणे नरसुदरण्णो उज्जाणपालगनरेहिं । आगंतुं विण्णत्तं ससिप्पहाऽऽयरियआगमणं ॥५६१॥
तो तेसि पीइदाणं दाळ्ळणं भत्तिपुल्लइओ राया । वहुपरिवारपरिबुडो पत्तो गुरुचरणणमणत्थं ॥५६२॥ भत्तीइ
णमिय उच्चियट्ठाणासीणे निवम्मि कहइ गुरु । मंथिज्जमाणजलनिहिउइमसरेण धम्मकहं ॥५६३॥ इय जर-
जम्मणसिल्लं बहुमच्छरमच्छकच्छमाऽऽइण्णं । उल्लसिरकोविवडवाहुयव्वहजालोल्लिदुप्पिच्छं ॥५६४॥ माणगि-
रिदुग्गमत्तरं मायावल्लीवियाणअतिगुविलं । अक्खोहलोहपायालपरिगयं मोहआवत्तं ॥५६५॥ अण्णाणपव्वणपि-
ल्लियसंजोगविओगरंगिरत्तरंगं । जइ भवजलनिहिमेयं तरिउं इच्छेह भवियजणा ! ॥५६६॥ ता सइंसणददग्गा-

द्वबंधं सुद्धभावगुरुफलहं । उद्धुरंसवरसंरुद्धसयलच्छिदं अइअणधं ॥५६७॥ वेरगगमगलणं दुत्तवतवपवणज-
णियगुरुवेगं । सण्णाणकणधारं सरहे चारिचवरपीयं ॥५६८॥ इय सुणिय निवो निरवज्जचरणगहणुज्जओ
भणइ स्सरि । काऊण रज्जसुत्थ पहु ! तुह पासे गहेमि वयं ॥५६९॥ मा पडिबंधं खणमवि काही नर-
णाह ! इय सुणिदेण । बुत्तम्मि नरणाहो पमुइयहियओ गओ सगिहं ॥५७०॥ नीसेसंत्तिसामंतमंडलं पुच्चि-
ऊण सच्छमई । सिरिअमरसेणकुमरं रज्जे अहिसिचए तुहो ॥५७१॥ तो नरसुंदरराया कइवयसामंतमंति-
माइजुओ । विहिणा गिणहइ दिक्खं ससिप्पहाऽऽरियिययमूले ॥५७२॥ जयं चरे जयं चिद्वे जयमासे जयं
सए । जयं भुंजतो भासंतो पावकम्मं न बंधइ ॥५७३॥ इय आगमुत्तविहिणा सो कुणमाणो उ सयल-
किरियाओ । गुरुवालुबुद्धंसेहोइयाण कज्जे पयइंतो ॥५७४॥ कमसो गुरुप्पसाया सुयपारावारगो जाओ । नत्त
गुरुणा गुणगणकल्लिउ त्ति जाणिउं नियपए ठविओ ॥५७५॥ मिच्छत्ततिमिरमंडलसंहरणपरायणो द्विणम-
णिव्व । अविरइरयणिविक्खो पडिचोहइ भवियकमलाइं ॥५७६॥ निर्फाईऊण सीसे वरसीसं नियपयम्मि
ठविऊणं । अंते काउमणसणं पत्तो सब्वट्ठसिद्धम्मि ॥५७७॥ तत्तो चविय विदेहे नरजम्मं लहिय सुद्धचरणं
च । नरसुंदरनिवजीवो धुयकम्मो पाविही सुक्खं ॥५७८॥ एवं मिच्छत्तफलं अणायवइरेगओ समक्खायं ।
भदे ! तस्स सरूवं अवसेसं संपयं सुणसु ॥५७९॥ मिच्छत्तमभव्याण अणाइअणतयं सुणेयव्वं । भव्याणं पि
अणाईसपज्जवसियं च सम्मत्ते ॥५८०॥ पंचाणुत्तरत्तित्थरतुरियगुणठाणगाइ सुत्तु जिए । ववहारऽव्ववहारण

१ सेह० शैक्ष-नव-दीक्षितसाधु । २ निष्पादयित्वा । ३ अन्वयव्यतिरेकत ।

होइ सव्वेसि मिच्छत्तं ॥५८१॥

किंच—भट्टेण चारिचाउ सुदुट्ठयरं दंसणं गहेअव्वं । सिञ्झति चरणरहिया दंसणरहिया न सिञ्झति ॥५८२॥ अरिहं देवो गुरुणो सुसाहुणो जिणपरूवियं तत्तं । एयं चिय सम्मत्तं विवरीयं होइ मिच्छत्तं ॥५८३॥ एवं संखेवेणं सुदरिस्से ! दंसणं समक्खायं । इण्हं चरित्तरयणं निसुणसु रयणत्तयप्पवरं ॥५८४॥ चिरसंचियकम्मचयस्स रिक्ककरणाओ होइ चारित्तं । तं अत्तणामइयं तं णाणं दंसणं चरणं ॥५८५॥ सामणो-णेगविहं चरणं सावज्जजोगाविरइमयं । जावज्जीवं तिविहा विसेसओ तं तु पंचविहं ॥५८६॥ सामाइयं च पढमं छेओवट्ठावणं भवे वीयं । तइयं च होइ चरणं परिहरविसुद्धिनामं तु ॥५८७॥ तह सुहुमसंपरायं चउ-त्थयं पंचमं तु अहक्खायं । सामाइयं तत्थ दुहा इत्तरियं आवकहियं च ॥५८८॥ पुरिमत्तिमज्जिणसाहूण होइ सामाइयं तु इत्तरिअं । तं सत्तदिणजहणं उक्कोसेणं तु छम्मासा ॥५८९॥ मज्झमयाण सुणीणं विदेहमाणं च आवकहियं तु । अंतमुहुत्तजहणं देह्णणापुव्वकोडियरं ॥५९०॥ वीयचरित्तं दुविहं अइयारजुयं च तह निरइयारं । सेहस्स निरइयारं मूलावणस्स सइयारं ॥५९१॥ सेहस्स पुणो सुपरिक्खियस्स काळेण आवकहियं च । पढिए य कहियअहिगयपरिहरउट्ठावणा तत्तो ॥५९२॥ सइयाराण वि एवं निरइयाराण तह य केसिं पि । जह पासउसहसाहूणं वीरज्जिणत्तित्थमिलियाणां ॥५९३॥ तइयं चरणं तं दुह निव्विसमाणं निविट्ठ-कायं च । निव्विसमाणं नवए गणम्मि चउरो निसेवता ॥५९४॥ चउ अणुचरगा एगो कप्पट्ठिओ तेसि वाय-णायरिओ । परिहारसेवगतवो गिम्हे सिसिरे य वासासु ॥५९५॥ जहणो चउत्थमाई छट्ठाई मज्झमो सुणे-

यव्वो । अट्टममाई जिट्ठो तिविही तिविहे वि कालस्मि ॥५९६॥ पारणए आयामं पंचसु गहदोसडभिगगहो
 भिवखे । कण्णट्टिया वि पइदिणं करंति एमेय आयामं ॥५९७॥ इय अट्टारसमासो एसो कण्णो पुणो वि तं
 कण्णं । जिणकण्ण च पवज्जंति अहव गच्छंति नियगच्छे ॥५९८॥ पडिबज्जमाणगा पुण जिणस्स पासम्मि
 तं पवज्जंति । तित्थयरसमीवाडसेवगस्स पासेव नडणस्स ॥५९९॥ इत्तो चउत्थचरणं तं पि दुहा विमुज्झ-
 माणयं पढमं । तं सेणिदुगाडरोहे किलिस्समाणं पवडओ उ ॥६००॥ सेसकसायउवसमे खए व दसमे
 गुणस्मि लोभस्स । सुहुमस्सेवोदयओ अंतमुहुत्तं तु चरणमिणं ॥६०१॥ अह पंचमं चरित्तं तं पि दुहकसा-
 यउवसमखए वा । पढमं अंतमुहुत्त वीयं पुण पुवाओहूणं ॥६०२॥ सम्मसुयदेसविरइप्पडिवत्ती इह असंखवा-
 राओ । अट्टभवा चारित्ते अणंतकालं पि दव्वसुए ॥६०३॥ तिण्ह सहस्सपुहुत्तं सयपुहुत्तं च होई विरइए ।
 एगभवे आगरिसा दुरणुचरंतेण चारित्तं ॥६०४॥ अहवडणहा चरित्तं मूलगुणुत्तरगुणेहि दुहभेयं । मूले पंच-
 महव्वयरईभोयणविरमणं च ॥६०५॥ उत्तरगुणा इहं पुण पडिलेहपमज्जणाइया वहवे । अहन दुहा चारित्तं
 भेएणं चरणकरणण ॥६०६॥ वंयसर्मणंयम्मसंजेमवेयवच्चं च वंभैगुत्तीओ । गाणाइत्तियं तैवओहैनिग्गहाई
 चरणमेयं ॥६०७॥ पिंडविसोही समिई भौवणपैडिमा य इंदियंनिरोहो । पंडिलेहणगुत्ती उण अभिग्गहे
 चेव करणं तु ॥६०८॥ अहवा दुविहं भेयंसमिइगुत्तीहि संगय चरणं । इरियाइपंचसमिइउ मणमाइत्तिणि गुत्तीओ
 ॥६०९॥ इय सव्वं पि तु चरणं समग्गसावज्जजोगमुक्कानं । समभावाण सुणीणं गिहीण पुण देसचरणमिणं

॥६१०॥ सम्मदंसणजुत्तो गिण्हंतो विरइमप्पसत्तीए । एगव्वयइचरिमो अणुमइमित्तु चि देसजुई ॥६११॥
दंसणणाजुओ वि हु न कुणइ कम्मक्खयं चरणरहिओ । णाणरइजुओ विज्जुव किरियरहिओ अरोगत्तं
॥६१२॥ केवलणाणे तह खइयदंसणे निरुवमे वि विज्जंते । सिज्जइ न सब्वसंवरचरित्तरहिओ जिओ
कइया ॥६१३॥

किंच—सावज्जकज्जसज्जो आजम्मं णाणदंसणविहीणो । अइरा चरणेण महावलुव्व सुगइं लहइ
जीवो ॥६१४॥

तहाहि—इह अवरविदेहेसुं खिइपइद्वियपुराओ सत्थाहो । वाणिज्जेणं चलिओ गिम्हम्मि धणो वसंत-
पुरं ॥६१५॥ तेण समं संचलिया बहुसीसा धम्मघोसआयरिआ । वरिसारत्ते पत्ते सत्थेण समं ठिआ रणे
॥६१६॥ सत्थियजणाण तुइं संबलए ते तओ वणरिसिन्व । जाया कंदाऽऽहारा गिण्हंति न तां तहवि
मुणी ॥६१७॥ अह अणया धणेणं विचिचित्तियं इत्थ दुक्खिओ को णु ? । नायं सुणिणो दुहिया निर-
वज्जाऽऽहारभोइ चि ॥६१८॥ तो तत्थ पैए गंतुं ते णमित्तं गिहे नेउं । पडिलाभिया घएणं
तेण विसुद्धेण भावेण ॥६१९॥ कालेण मओ उत्तरकुरसुं मिहुणत्तणेण सो होउं । सोहम्मो उववणो पलि-
याऽऽउसुरो महिइहीओ ॥६२०॥ कालेण तओ चविउं अवरविदेहेसु इत्थ दीवम्मि । वक्खारगंधमायणा-
गस्स आसणवत्तिम्मि ॥६२१॥ विजयम्मि गंधिलावइणामम्मि सिरिइ सग्गसरिसम्मि । वेयइहपव्वयवरे
तियसाण वि कीलणद्वाणे ॥६२२॥ गंधारजणवयम्मि रिद्धीसिमिद्धं धराइ तिलयं व । गंधसमिद्धं नयरं

समत्थि नयरंजियज्जणोहं ॥६२३॥ सयवलरण्णो पुत्तो अइवलनामु त्ति अत्थि तत्थ निवो । सो मिहुणसुरो
जाओ महावलो नाम तस्स सुओ ॥६२४॥ पियरम्मि उवरए सो संजाओ नरवई पणिट्ठवलो । सेविज्जंतो
खयरसेरेहिं पालइ चिरं रज्जं ॥६२५॥ पंचविहविसयसुक्खं माणइ नियमाणसस्स इच्छाए । इंदियवसगो
भवखाऽभवखाइ न किंचि चितंतो ॥६२६॥ पंचविहपमायपरो परिग्गहाऽऽरंभलालसो धणियं । कज्जम-
कज्जेसु सया वट्टइ सावज्जकज्जेसु ॥६२७॥ न पढइ नाणं न धरेइ दंसणं न मुणेइ चारिचं । विसय-
कसायपरवसो न कुणइ धम्मस्स वत्ता वि ॥६२८॥ तस्स य वालवयंसो अत्थि सयंबुद्धणामओ मंती ।
जिणवयणभावियमई सया वि हियकारओ रण्णो ॥६२९॥ अण्णो वि अत्थि मंती संभिण्णस्सोअणामओ सो
उ । सयकालपुच्छणिज्जो सन्वेसु वि रज्जकज्जेसु ॥६३०॥ अह अण्णदिणे राया जा चिट्ठइ दिव्वणाड्य-
मउव्वं । पिकसंतोऽण्णमणो अत्थाणगओ सपरिवारो ॥६३१॥ ता सहसा आंगंतुं कत्तो वि अतक्किओ
खगिदुव्व । विण्णवइ सयंबुद्धो कयंजली नरवइ एवं ॥६३२॥ सव्वं विलविअं गीअं सव्वं णट्टं विडंबणा ।
सव्वे आभरणा भारा सव्वे कामा दुहावहा ॥६३३॥ [अणुट्टुअं] एवं च ठिए सामिय ! गुरुगुणवरयणरो-
हणगिरिंद ! । एगगमणो तुरियं परलोगहिए मणं दिज्ज ॥६३४॥ इय सोउं छुणमणो महात्रलो पवल-
मणुभरमरिओ । जंपइ तं पइ कुविओ अइपिम्मपरो वि वयणमिणं ॥६३५॥ मित्त ! किमेवं जंपसि अवि-
तहवयणो पियंवओ वि तुमं । सव्वसो वि किमुय महं अयाणचं अप्पियं बुत्तुं ? ॥६३६॥ सुइअमयसमं नेयं

णयणाण महूसवं च पुण नहं । आभरणा तणुभूसा सव्वत्थ सुहंकरा कामा ॥६३७॥ तो भणइ नाऽहं अलिअं
जंपेसि अप्पियं च धुवं । एयं पि अवितहपियं जह होइ तथा सुणसु सामि ! ॥६३८॥ जह का वि
पवसियपिया सुसरंती पियगुणे उभयसंज्ञं । विरहाऽनलसंतत्ता करुणासरं गायइ वराई ॥६३९॥ तं
सविवेयजियाणं निवडइ किं नहु गहगहिओ विसंठुलो नच्चमाणओ भमइ । तह विउसाण मणम्मि विडं-
॥६४०॥ जह को वि हु गहगहिओ विसंठुलो नच्चमाणओ भमइ । तह विउसाण मणम्मि विडं-
वणा सव्वमवि नइ ॥६४१॥ जह भूणभंतीए वहंति मूढा गल्लद्वियं उवलं । तह सव्वे आभरणा पर-
मत्थेणं तु भारकरा ॥६४२॥ जह किंपागस्स फलं सुहमहुरं दारुणं पुण विवागे । तह सव्वे वि हु
कामा सव्वत्थ दुहावहा जम्हा ॥६४३॥ सल्लं कामा विसं कामा कामा आसीविसोवसा । कामे
पत्थेमाणा अकामा जंति दुग्गइं ॥६४४॥ सुह -असुहविसयपणगम्मि रच्चमाणो विरच्चमाणो य । जीवो
पावड दुक्खं विओगसंजोगजमणंतं ॥६४५॥ ता पहु ! परमत्थेणं दुहरूवं दुक्खहेउं विसयसुहं । सुत्तुं परलो-
गहिए धम्मे च्चिय उज्जमं कुणसु ॥६४६॥ पुणरवि भणइ नरिंदो वयंस ! मम इच्चिरं हिएसी वि ।
संपइ केण निमित्तेण मज्झ चिट्ठसु तुमं अहिए ॥६४७॥ निस्संसयसुवल्ले जं सुचावसि समं इमे भोए ।
णूणमणागयसंदिद्धलाभभोगाण कज्जेण ॥६४८॥ इत्थंतरम्मि लद्धावसरो छंदाणुवत्तो पहुणो । संभिणसोअ-
मंती वयणमिणं भणइ सवणसुहं ॥६४९॥ देव ! इमो खलु मंती मीयावितो तुमेहि दिट्ठसुहं । अदिट्ठसुहा-
साए जंबुक इव सोइही सुइरं ॥६५०॥ अह भणइ सयंबुद्धो साहसु संभिणसोअ ! को णु इमो ? । सो

जंपइ एयाए दरीइ निवसइ सियालजुवा ॥६५१॥ सो लहिय मंसपेसिं कचो वि सुहेण तं च धिचूणं । जा
भमइ नईतीरे ता पिच्छइ निग्गयं मच्छं ॥६५२॥ नितइ मह भाखमिमोसुइरं होहि सि सुयु तं मंसं ।
जाव सियालो धावइ नइमज्जो ता गओ मीणो ॥६५३॥ ता जंतुओ नियत्तिय धिचुमणो तं पहाविओ
मंसं । जा ताव तयं धिचूणं सवलिया उट्टिया गयणे ॥६५४॥ तत्तो दुण्ह नि चुओ अह सोअइ जंतुओ चिरं
एसो । भए ! सयंबुद्ध ! तुमं सोइहिसिं तहा इय कुणंतो ॥६५५॥ अह भणइ सयंबुद्धो संभिणस्सोअ ! तुह
इमं वयणं । को मण्णिज्ज सयणो पणंगणणं व चाउगिरं ॥६५६॥ धणसयणगिहाईणं अणिच्चयं जाणिऊण
सुविवेया । पव्वज्जं पडिवण्णा धीरा भोगे परिच्चइउं ॥६५७॥ पुणरवि भणइ कुद्धो संभिणस्सोअगामओ
मंती । तं सि सयंबुद्ध ! जडो असमयपत्तं उवइसंतो ॥६५८॥ जाणइ सव्वो वि जणो होही मरणं ति तो
मसाणम्मि । पढस चिय गंतूणं किं पेयघरम्मि सोयव्वं ? ॥६५९॥ जह सुइय उइहपाया टिट्ठिभिया
गणपडणसंकाए । तह अइपयत्तकारी तुमं पि इय विप्यारंतो ॥६६०॥ ता भो ! बुद्धजणाणं कमेण
पज्जंतसमयपत्ताणं । सोइइ सुद्धमणाणं परलोगहिय पि कज्जं तं ॥६६१॥ तो भणइ सयंबुद्धो करुणारस-
सायरो पुणवि एवं । संभिणसोअ ! निसुणसु धीनिहि ! सुट्टुत्तणं सुयु ॥६६२॥ जुज्जम्मि संपलज्जे पहर-
णनियरेसु निवयमाणेसु । जह सुट्टु वउत्तेहि वि नहु दमिज्जंति गयतुरया ॥६६३॥ तह वा गिहे पलित्ते
गिहसव्वस्सम्मि उज्जमाणाम्मि । खणिउं महंतकवं नहु सक्का सुनिउणेहि पि ॥६६४॥ अहवा वि नगरोहे
विहिज्जमाणाम्मि परवले पत्ते । न च इज्जइ चउरेहि वि कणिंभणाईहि तं भरिउं ॥६६५॥ जइ पुण इमाणि

पुंवि सुदीहदंसीहि हुंति विहियाणि । तो ताइं तम्मि काले सकज्जजणगाइं जायंति ॥६६६॥ तह परलो-
यस्स कए अणागयं जो न उज्जमइ जीवो । धणधणसयणगिहदेहसोहे वा मोहिओ अहियं ॥६६७॥
पाणेसु उक्कमंतेसु मिज्जमाणेसु मम्मठाणेसु । सिढिलेसु वंधणेसु य देहे संजायमाणेसु ॥६६८॥ आउम्मि
तुइमाणे पियमित्तकलत्तपुत्तचित्तोहे । पाणप्पिए नि विहिणा वला वि चाइज्जमाणम्मि ॥६६९॥ अच्छिण्णा-
विसयवंच्छो मणोरहे नवनवे पकुब्बंतो । एयारिसम्मि जाए हेल्लोहल्लियग्गि अइविसमे ॥६७०॥ सो किह
परलोयहियं काहिइ बहुदुक्खसोयसंतत्तो । मरणसमुवायगओ विस्सरियसमत्तकत्तव्वो ॥६७१॥ तम्मि सम-
यम्मि न खमो दाणं दाउं तवं पि तह तविउं । सीलं च समायरिउं भावेउं भावणाउ तहा ॥६७२॥
अणं पि धम्मकज्जं मणवयकायाण हीणवावारो । कह सो कुणउ वराओ परलोपहियं मणागं पि ? ॥६७३॥
अणं च विसयगिद्धा जीवा संसारसाथरे धोरे । बुहुंति करिकलेवरगिद्धा जलहिम्मि कायव्व ॥६७४॥ किर
कोइ करी बुह्ढो समुत्तरंतो नईइ गिम्हम्मि । पडिओ विसमपएसे न तीए उट्टिउं तत्तो ॥६७५॥ तत्थेव
ठिओ स मओ तस्स य विगजंशुगाइजीवेहि । खइए अवाणदेसे छिइं जायं कह वि एणं ॥६७६॥ पविंसित्तु
तेण काया आमिसगिद्धा ठिया तहिं चेव । सुक्के अवाणदेसे आयवत्तम्मि ते तुट्टा ॥६७७॥ पत्ते वरिसारत्ते
बुट्टे नवजलहरम्मि करिकायं । नइपूरेण तरंतं क्रमेण पत्तं समुइम्मि ॥६७८॥ भिण्णे अवाणदेसे सयसवि
छिइम्मि विहसिए तम्मि । ते तेण पहेण लहुं नीहरिया वायसा तत्तो ॥६७९॥ उट्टित्तु तओगंतु दिसासु

सव्वासु पारमलहता । तत्तो पडिया गंतुं चिहंति पुणो पुणो तत्थ ॥६८०॥ अह करिकाए मगराइएहि नीए अगाहनीरस्मि । ते निग्गइया काया बुद्धा सव्वे वि तत्थेव ॥६८१॥ इत्थोवणयं निसुणसु काया संसारिणो जिया नेया । जह करिकायपवेसो तेसि तह मणुयभवजम्मो ॥६८२॥ जह तस्स मंसभोगो तह मूढजियाण विसय-संपत्ती । जह तम्मग्गानिरोहो तह तत्थ जियाण पडिवंधो ॥६८३॥ जह पाउसजलखोहो जाणसु जीवाण तह मरणकालो । जह निग्गमो दिथाणं परलोयगमो तह जियाणं ॥६८४॥ जह ते काया बुद्धा अत्ताणा असरणा जलहिमज्जे । जीवा वि भवससुदे बुहंति तहा अकयसुकया ॥६८५॥ जो पुण विउसो धीरो तुच्छ-मसारं ति सुत्तु विसयसुहं । तवसंजमेसु उज्जमइ सो न सोअइ मरणसमए ॥६८६॥ जो उ विसएसु गिद्धो उविकखए मरणसमयविसंको । सो दुहोओ च्चिय होइ अगहियपाहेयपहिउव्व ॥६८७॥ ता मा तुमं पि तुच्छं इच्छंतो जंबुगुव्व सुक्खलवं । बहुदीहकालियाओ सुहाओ बुव्विकहिसि सुणसु तहा ॥६८८॥ एगाए अडवीए बहुमज्झट्टियस्मि वणनिगुंजस्मि । धणुवाणपरसुपाणी भममाणो वणयरो एगो ॥६८९॥ ददहूण तत्थ हत्थि वयंत्थमविहत्थमाणसो सिग्धं । चडिउण विसमट्के^१ कोदंडं कुणइ सज्जीवं ॥६९०॥ एगेण सरेण तओ विद्धो मम्मस्मि वणयरेण करी । पडिओ धराइ सहसा गिरिस्स तुट्टित्तु खंडं व ॥६९१॥ अज्जवि इमं सजीवं नाउजं दंतमुत्तियाण कए । सुत्तुण धणुं परसुं धित्तुं जा हत्थिमल्लीणो ॥६९२॥ ता हत्थिपड-णपेल्लियसुयगमेण झडत्ति सो दट्ठो । जाव मओ ताव तहि समागओ जंबुओ एगो ॥६९३॥ मंसरसलो-ल्याए दुयं दुयं एइ सो तहि पढमं । भीरुत्तणेण एए जीवंति नव त्ति ओसरइ ॥६९४॥ एवं दो

१ द्विकानाम्-काकानाम् । २ तरुणम् । ३ अव्याकुञ्चित्त । ४ टकं एकदिशामें छिन्नपर्वत । ५ पल्लिअ० आक्रान्त ।

तिण वाराहिं निच्छिउं सो इमे विवण त्ति । लोहाभिभूयचित्तो चित्तइ चित्तम्मि संतुट्ठो ॥६९५॥ जाव-
ज्जीवं एए मम भक्खं सप्पमणुययायदेहा । होहिंति संपह पुणो धणुवंधे ताव खाइस्सं ॥६९६॥ इय परिचि-
त्तिय मूढो धणुगुणकोडोइ खाइउं लग्गो । ताल्लएसे विद्धो जीवाइ झडत्ति तुट्टाए ॥६९७॥ अट्टवसट्ठो
जीवो अण्णाणंधो विचित्तए अण्णं । पुव्वकयकम्मजणियं हयविहिणो विलसियं अण्णं ॥६९८॥

भणियं च—अण्णं गयस्स हियए अण्णं वाहस्स संधियसरस्स । अण्णं कुल्लंयहियए अण्णं हियए कयं-
तस्स ॥६९९॥ सो जंतुओ निवुद्धी लुद्धो एमेव निहणमणुपत्तो । योवस्स कए चुक्को ताण पभूयाण
भक्खणं ॥७००॥ जीवो वि अइमुखखो कंखंतो विसयमुखमपत्तरं । हारइ परलयमुहं सुवहुं जह जंतुगो
एसो ॥७०१॥ जं पुण जंपह सामिय ! परलोगो वि हु समत्थि संदिद्धो । तत्थ वि निसुणह सम्मं ज दिट्ठं
अप्पणा चेव ॥७०२॥ तुब्भे अहं च सामिय ! कुमारभावम्मि दो वि उप्पडउं । नंदणवणम्मि पत्ता देवु-
ज्जाणम्मि रमणत्थं ॥७०३॥ तत्थ य अम्हेहिं तथा दिट्ठो देवो महद्धिओ एगो । तं दट्ठुं ओसरिया अम्हे
वेणेण भयभीया ॥७०४॥ सो देवो ताव लहुं दिव्वाइ गईइ सोममुत्तीए । ठाऊण अम्ह पुरओ एवं सो
पभणिउं वयणं ॥७०५॥ वच्छ ! महावल तुज्झ पियामहो सयवलु त्ति नामाऽहं । अणुचिण्णचारुवरणो
लंतयक्कप्पाहियो जाओ ॥७०६॥ तं तुब्भे वि हु पुत्ता ! संजमनियमुज्जमं करिज्जासु । जिणवयणेणऽप्याणं
भाविज्जह अमयभूएण ॥७०७॥ सद्धाबंधुरहियया पईसमयवइहमाणपरिणामा । सुत्तुं संसारसुहं सुगइं तुब्भे वि

जं लहह ॥७०८॥ इय बुतुं उप्पइउं तमालदल्लसामलम्मि गयणयले । दसदिसिउज्जोयंतो पत्तो तियसो
सठाणम्मि ॥७०९॥ दिहं सुयमणुभूयं ता जइ सुमरेह सामि ! तं तुब्भे । ता परल्लोगो अत्थि चि
निच्छयं किं न सदहह ? ॥७१०॥ रण्णा भणियं एयं भइ ! संयंबुद्धमंति ! सुमरामि । परल्लोगो अत्थि
धुवं ति संपयं सदहामि तथा ॥७११॥ तो परितुहमणेणं पुणरवि सयबुद्धमंतिणा एवं । पत्थावजाणएणं
भणियं लद्धवक्कासेणं ॥७१२॥ सामि ! निसुणेसु सम्मं नियपुव्वयसंगंयं विवेयकरं । निष्ठयं परंपरेणं
धम्माऽयम्मफलं पयडं ॥७१३॥

तथाहि—कुरुचंदो नाम निवो इह नयरे तुम्ह पुव्वजो आसि । पवलप्पयावकलिओ पिया य से
कुरुमई देवी ॥७१४॥ अम्मापिरुण भत्तो हरिचंदो नाम ताण वरपुत्तो । सो राया नाहियवायसमयसारे अहि-
गयट्ठो ॥७१५॥ भणइ य न अत्थि जीवो पुण्णं पावं च तह य परल्लोगो । पच्चक्खअविसयत्ता सव्वस्स वि
खरविसाणं व ॥७१६॥ जं चऽत्थि तं पच्चक्खगोयरइयमिह जहा लोए । भूयचउक्कं वहुल्लोयसम्मयं
इंदियगिज्ज ॥७१७॥ वेयणमिणं जं तं न जीवधम्मो चि तं तु भूयाणं । समुदायसंभवं चिय मज्जंगाणं
व मयसत्ती ॥७१८॥ ता पच्चक्खअविसया जीवो इच्चाइ नत्थि इह पूणं । पच्चक्खपुव्वगस्स उ अणुसा-
णस्स वि अविसयत्ता ॥७१९॥

किंच—सुकुयफलं सुरल्लोओ पावफलं तह य नत्थि नरयगई । जीवाऽभावाउ च्चिय न य कच्चित्तं
न भोइत्तं ॥७२०॥ इंदियसमागमो जो तं जीवं कप्पयंति मूढजणा । मरणं च भूयसंहइविगमो जो तं

भ्रंति पुणो ॥७२१॥ तिलसो वि हु छिज्जंते पिवखज्जइ केवलं तणुच्छेओ । कथइ न अत्थि हिंसा हिंसा-
 गहिंसिज्जविरहाओ ॥७२२॥ नत्थित्थ तहा लोए सब्वा वि हु वंचणाइया किरिया । मूढमडकप्पियाओ वंचग-
 वंचिज्जगयभावा ॥७२३॥ जीवस्मि विज्जमाणे सब्वाणि इमाणि संगयसुविति । तदसइ उवहासकराणि सीम-
 करणं व गामविणा ॥७२४॥ ता इत्थ तवो नियदेहजायणा संजसो य जो कोड । भोगाण वंचणा सा सब्वा
 वि निरत्थिया किरिया ॥७२५॥ ता भो लोया ! मडमंतसेहरा ! अप्पणो य हियकामा । मुत्तुं कुग्गहमेयं
 किरियावाइत्तणसरुवं ॥७२६॥ मिट्ठं भुंजह इट्ठं च पियह अणं पि कुग्गह सिच्छए । भक्खाऽभक्खाइविति
 मुत्तुं जल्लवचले लोए ॥७२७॥ एवं सो कुरुचंदो अपं च परं च तदुभयं च भया । सावज्जकज्जसज्जो
 बुग्गाहंतो कुणइ रज्जं ॥७२८॥ महमोहमोहियमई बहुजीवाणं वहे पयट्ठंतो । चिट्ठइ पाविककरुई खुरइव
 एगंतधरो सो ॥७२९॥ तह चेव य निक्करुणो खरकरनियरेण करणवसवत्तो । संतावइ धरणियलं खर-
 किरणो गिम्हसमइव ॥७३०॥ अह पत्ते पज्जंते असायवेयणीयकम्मवहुलत्ता । पंच वि इदियविसया विवरीया
 तस्स संजाया ॥७३१॥ गीयं सुइमहुरं पि हु चितइ खरकरहकायसरसरिसं । रुवं च सुंदरं पि हु पिच्छइ
 विकरालवीभत्थं ॥७३२॥ कप्पूराऽगुरुगंधं पि गणइ अरुवंतपूइदुगंधं । खंडमहुसक्कराइ वि मणइ ल्निवाउ
 कइययरं ॥७३३॥ पट्टउलहंसतूलं कंटगसेज्जं व जाणइ हयासो । गोसीसंचंदणरसं मुम्भुरफरिसं व वेएइ
 ॥७३४॥ एवं पडिक्खेहिं वाहिज्जतो स इदियत्थेहिं । महिमुव आरडंतो चिट्ठइ रत्तिं पि दियहं पि ॥७३५॥
 उज्जल्लइ लुगइ धरणीयलस्मि आहणइ निययअंगां । पासट्ठियाण पालाजणाण संजणइ भयमतुलं ॥७३६॥

अह सा कुरुमइदेवी हरियंदकुमारसंजुया कह वि । लडंती पच्छणं पडियरइ तयं सुदीणमणा ॥७३७॥
 एवं सो कुरुचंदो बहुपावो परदुक्खअभिभूओ । निरयपडिरूववियणं वेयंतो मरणमणुपत्तो ॥७३८॥
 तो हरिचंदकुमारो पिउणो काऊण देहसवकारं । बहुजणउवरोहेणं उवविट्ठो कह वि रज्जस्मि ॥७३९॥
 पिउमरण सुमरंतो चितइ खलु अत्थि पुण्णपावफलं । ता दिट्ठपच्चओ हं न करिस्सं एरिस्सं पावं ॥७४०॥
 तो गंधसमिद्धपुरं पालइ गंधारज्जणवयसमणं । गायपरो जचेणं मालागारूव आरामं ॥७४१॥ अह हरिचंदनिवेणं
 भणिओ एणो य खत्तियकुमारो । पयइइ धम्मसुद्धो सुबुद्धिणामा नियवयंसो ॥ ७४२॥ सुणस्सि तुमं जत्थ
 जया वयणं सद्धम्मसंगयं किंचि । तं तं सह साहिज्जसु एसुच्चिय तुज्ज वावारो ॥७४३॥ आमं ति सो
 पबुत्तुं जं सुणइ कहिंचि धम्मसंगयं । तं तं राहइ रणो सो वि हु सद्दहइ तं सब्वं ॥७४४॥ अण्णदिणे
 पुरवाहि देवुज्जोयं च देवमहिंसं च । ददुं हरिचंदनिवो पुच्छइ भो मंति ! किमिंसं ति ॥७४५॥ सो जंपइ
 त नाउं सुणिणो एगस्स केवलं णाणं । उप्यणं तो तियसा केवलमहिम इय कुणंति ॥७४६॥ तत्तो हरिचं-
 दनिवो पसुइयचिचो सुबुद्धिसंजुत्तो । वंदणवडियाइ गवो केवलनाणिस्स पासम्मि ॥७४७॥ भत्तीइ तयं
 णमिलं उवविट्ठो समुच्चियस्मि ठाणम्मि । अह धम्मदेसणं कुणइ केवली तीइ परिसाए ॥७४८॥ भो
 सन्वा ! एस जिओ अणाइनिहणो अणाइकम्मजुओ । बहुदुहदवसंतत्तो भमइ चिरं चउगइभवोहे
 ॥७४९॥ णाणाइत्तियं लहियं कहमवि आराहितं च तं सम्मं । काऊणं कम्मखयं अवस्वयसुक्खं लहइ सुक्खं
 ॥७५०॥ इत्थंतरस्मि राया अवगयतत्तो णमित्तु पुणवि सुहं । सद्धासंवेगपरो विण्णवइ कयंजली एवं ॥७५१॥

परलोको अत्थि धुवं ति ताव एयं मए परिणायं । देवाण दरिसणाओ संपड तह धम्मसवणाओ ॥७५२॥
 मज्झ पिआ पुण मरिउं तारिससीलो कहि गओ भयवं ! ? । पसिउण साहसु तहा नाहियवायस्स पडिवायं
 ॥७५३॥ भणइ गुरू तुज्झ पिआ कंदंतो क्रिहलेसपरिणामो । रुइज्झाणोवगओ सत्तमनए गओ मरिउं
 ॥७५४॥ निसुणसु पुणो इयाणिं नाहियवायस्स जुत्तिवियलस्स । मिच्छत्तमूलकंदस्स उत्तरं जुत्तिसंजुत्तं
 ॥७५५॥ जीवो अत्थि अवस्सं नियलक्खणवंतंसेसभावब्ब । चेयणलक्खणवंतो पच्चक्खो नाणदिट्ठीणं ॥७५६॥
 दंसणणाणसरूवो सेसाण पुणो अमुत्तिमंतो वि । साणुभवपमिइग्गमो अणुमाणपमाणग्गमो य ॥७५७॥ अह-
 मिइ पच्चयग्गमो सुही दुही एवमाइभावेहिं । साणुभववेइएहिं पच्चक्खो सब्वजीवाणं ॥७५८॥ निसुयं
 दिट्ठं धारं भुत्तं पुट्ठं च सुमरियं च मए । एवंविहभावेसु वि णाया दिट्ठो जिओ चेव ॥७५९॥
 न य इत्थ जाणगांइं सवणाइंणि न तां जाणंति । संताणि वि जियविगमे जीवाऽणुवओगकाले य ॥७६०॥
 न य धम्मो भूयाणं चेयणं कित्तु जीवधम्मो तं । जमचेयणाणि तां तस्समुदाए वि तं न जओ ॥७६१॥
 जं सव्वहा न वीसुं न होइ तं ससुट्टए वि जं तिल्लं । वीसुमसंतं सिकयाक्कणेसु तस्ससुदए वि न तं
 ॥७६२॥ एवं अणुभवसिद्धो जीवो जाणिज्जए सए देहे । परदेहे विऽणुमिज्जइ समसुहहुक्खाइनाणाओ
 ॥७६३॥ क्विच इमं वइचित्तं जयस्स जह के वि सुत्थिया इहयं । सुकुलीणा रायाणो महत्तमा सिद्धिसत्थाहा
 ॥७६४॥ सेणावइणो प्हुणो सुविणीया ईसरा सुरूवा य । सुहगा धीरा सुसरा वियक्खणा तह सुहायारा

॥७६५॥ अण्णे उण विवरीया दीसंति जिया सुदुक्खसंतत्ता । काणा अथा बहिरा मूया पंगू कुल्ला य
 ॥७६६॥ दासा पेसा दमगा दरिद्धिणो दुब्भगा खला नीया । सुक्खा कूरा कुट्ठी के वि हु विरहईदुह-
 विहुरा ॥७६७॥ एवं सुहदुक्खमयं तरतमजोगेणऽणंतभेयमयं । जीवाणं वइचित्तं अणिमित्तं होइ नहु कइया
 ॥७६८॥ न य कारणं विणा पुण कत्थ य खलु होई कज्जनिप्फत्ती । जह अंकुरगमो इह न य भूमि-
 जलं विणा होइ ॥७६९॥ न य तं इहलोयकयं सित्तेसु जहा तरुण मूलेसु । दीसइ दलाइ उवरिं परलोए
 फलइ तह कम्मं ॥७७०॥ जं च निमित्तं तं पुव्वभवकयं सुकयदुक्कयं कम्मं । तं खलु जीवेण कयं
 कत्तुरभावे कुओ कम्मं ? ॥७७१॥ जीवदयाए पुण्णं पावं पुण होइ जीवयाएण । जारिसयं वाविज्जइ
 लुण्णिज्जए तारिसं चेव ॥७७२॥ ता अत्थि जिओऽवस्सं पुण्णं पावं च तह य परलोओ । तवसंजमाइ-
 किरिया न कया वि निरत्थया तह य ॥७७३॥ किंच हरिचंदनरवर ! असेसकम्मकखयस्सखो उ ।
 सुक्खो वि अत्थि सो पुण विसिद्धतवसंजमपभवो ॥७७४॥

अणं च—जीवो य अपुगल्लिओ कम्मसरीराइपुगल्लुओ उ । तणुवावीवेयणं व संमिलिओ खीरनीरं
 व ॥७७५॥ ससरीरी तणुमित्तो लोगाऽसंखंसउव इलियगई । केवलियसमुग्घाए अहवा लोगप्पमाणो सो
 ॥७७६॥ असरीरी पुण जीवो चरिमभवतिभागमित्तखित्तमिओ । लोयग्गे अक्किरिओ निच्चो चउणंतसंजुत्तो
 ॥७७७॥ संसारी कुणइ सुहं असुहं च कसायजोगमार्हिं । मिउदंडचक्कचीवरसामग्गीवसा कुलालव्व ॥७७८॥
 भुंजइ सयं चिय कयं नासो पुण नत्थि सकयकम्मस्स । अकयस्स नत्थि भोगो अण्णह सुक्खे वि सो

हुज्जा ॥७७९॥ निच्चाऽनिच्चसख्या भावा सन्वे वि ताव तियलोए । उप्पायविगमठिइधम्मसंगया ते पुणो एवं ॥७८०॥ कुंडलविगमो मडुप्पाओ कणां अवट्ठियं च जहा । तह सन्वे वि पयत्था जीवो नेओ पुणो एवं ॥७८१॥ पुव्वभवपज्जएणं विगमो इहभवगएण उपपत्ती । जीवद्ववेण ठिई निच्चाऽनिच्चत्तमेवं तु ॥७८२॥ दव्वट्ठयाइ निच्चं सव्वमणिच्चं तु पज्जवट्ठाए । आविबभावतिरोभावदव्वभावेण वट्ठं ॥७८३॥ इगजीवस्स पएसा महंततगुणो य अपपतणुणो य । अस्संखिज्जा लोगप्पएसतुल्ला मुणेयव्वा ॥७८४॥ संक्रोयिकोएहिं पईवकंतिव्व मल्लगगिहेसु । हत्थिस्स कुंथुस्स व पएससंखा समा चेव ॥७८५॥ असरीरि-जीवदव्व्वाणि सव्वया हुंतिऽणंतंगताणि । तेसिं पि अणंतगुणा ससरीरा इगनिगोए वि ॥७८६॥ तह सपरपज्जएहिं सन्वे भावा अणंतधम्माणो । नेयत्तमुत्तऽमुत्तयवणाऽवणत्तमाईहि ॥७८७॥ जीयाण दुक्खकरणं मारणदुद्धीइ जो पहारो य । सा हिसा मरणं पुण जिययपागाण जो भेओ ॥७८८॥ एवं संखेवेणं जीय-सख्वं मए समखायं । वित्थरओ उ ण तीरइ कहिउं वहुणा वि कालेण ॥७८९॥ इय सव्वहा अजुत्तं अकि-रियवायं विमुत्तु नरणाह ! । जुज्जइ तुह सक्किरियं काउं सुविवेयजुत्तस्स ॥७९०॥ इय केवल्लिगा कहियं हरियंदनिवो मुणित्तु नियपिउणो । दाखणदुग्गइगमणं नाहियवायस्स तह य फलं ॥७९१॥ संसारविरत्तमणो गुरुपयकमलं पुणो वि पणमित्ता । निययगिहे गंतूणं रज्जम्मि निवेसए पुत्तं ॥७९२॥ भणइ सुबुद्धिसमुहं संपइ संजममहं गहिस्सामि । तं पुण धम्मवएसं दिज्जा पच्छा मह सुयस्स ॥७९३॥ भणइ इमो जइ सौमिय ! तुव्वेहि समं गहेमि नो दिक्खं । केवल्लिकहिओ धम्मो रम्मो न सुओ मए नाह ! ॥७९४॥ ता

तुब्भेहि समं चिय संजमरज्जं अहं पि गिणिहस्सं । धम्मोवएसदाणं काहिइ पुण नंदणो मज्झ ॥७९५॥ तो ते
दुण्णि वि तुरियं पलिचगेहं व सुत्तु गिहवासं । केवलपासे गंतुं पव्वइया गरुयसंवेगा ॥७९६॥ गुरुपयसे-
वानिरया चिरकालं पालिऊण चारित्तं । निट्टवियअट्टकम्मा ठाणं अपुणागमं पत्ता ॥७९७॥ अण्णं च तुम्ह
वंसे जाओ दंडो निवो अइपयंडो । तस्स य सुओ पयावी मणिमाली अंसुमालिब्ब ॥७९८॥ पुत्तकलत्तध-
णाइसु सुच्छावंतो अईव दंडनिवो । कालेण मओ नियसिरिघरम्मि सो अयारो जाओ ॥७९९॥ तत्थ य
जो जो पविसई तं तं सो अयगरो गसइ कूरो । मणिमाली पविसंतो अहण्णया तेण सो
दिट्ठो ॥८००॥ तदंसणेण संजायजाइसरणो इमो तओ तस्स । दंसइ पसंतसुत्तिचणाइणा पुब्ब-
भवपिम्मं ॥८०१॥ मणिमाली तं दइत्तुं चउरमई चितए इमं चित्ते । अम्हाणं कोइ एरो सुअंगमो
पुब्बभववंधू ॥८०२॥ अइसयसुणिणो पासे वुत्तंते पुच्चिणए तओ नाए । मणिमालिणा पयत्तेण
साहिओ तस्स जिणधम्मो ॥८०३॥ तो सो अणसणविहिणा मरिउं सगगे सुरो समुप्पणो । तेणा-
ऽऽगंतुं मणिमालियस्स दिण्णो वरो हारो ॥८०४॥ तत्तो परंपरेणं देव ! महावलनरिद ! वरहारो ।
सो एस तुम्ह हियए दीसइ दसदिसिकउज्जओ ॥८०५॥ इय हरिचंदनरेसरवंसे संखाइएसु भूवेसु ।
वोलीणेषु धम्मुककएसु तुब्भे इहपुप्पणा ॥८०६॥ धम्मनिरएसु मंतिसु तह चैव सुवुद्धिमंतिवस्मि । तीएसु
समुप्पणो सो देव ! सयंबुद्धनामो हं ॥८०७॥ इत्थिकालं च इमो परंपराए समागओ अम्ह । अणवच्छिण्णो
धम्ममाहिगारविसओ सुवावारो ॥८०८॥ ज पुण संपइ तुब्भे अप्पत्थावे वि देव ! विण्णविद्या । तत्थऽत्थि

गरुयकारणमविलंबसहं तयं सुणसु ॥८०९॥ अज्ज अहं उप्पइउं सामिय ! नंदणवणम्मि जा पत्तो । ता तत्थ
ठिया दिट्ठा चारणसमणा मए दुण्णि ॥८१०॥ एगो आइच्चजसो वीओ पुण अभियतेयणासु त्ति । धम्मबुव्व
मुत्तिमंता ते अइसयणाणसजुत्ता ॥८११॥ मत्तिभरनिम्भरेण तओ मए वंदिऊण ते पुट्ठा । भयवं ! महावल
निनो क्कित्तियमित्तं धरइ आउं ? ॥८१२॥ एवं च पुच्छिएहि तो उवउत्तेहिं तेहि कहियमिणं एगो मामो
सेसो भइ ! सयंबुद्ध ! तुह पहुणो ॥८१३॥ इय सोउं संभंतो देव ! अहं इत्ति आगओ इहयं । एवं
च ठिए नरवर ! परलोगहिंयं करिज्ज लहुं ॥८१४॥ एवं सोऊण निवो सुणो वुणो विवणलायणो ।
अप्पसहणंमणो विसायविच्छायक्कायरुई ॥८१५॥ अंसुजलाविलनयणो सोयानलउम्हफुरियसेयभरो । लग्गो
खणेण विलिउं अपक्कंशुवा जलभरिओ ॥८१६॥ भवभयकंपंततणू अत्थाणठिओ समुट्ठिउं सहसा । त चेव
सयंबुद्धं कम्मंजली सरणमणुपत्तो ॥८१७॥ भणइ सयंबुद्ध ! कहं होहिस्समहं जमित्तिंयं कालं । विसयकसा-
यपरवसो पवत्तिओ पावकज्जेसु ॥८१८॥

क्किच--चउरंगो जिणवम्मो न कओ चउरंगसरणमवि न कयं । चउरंगभवच्छेओ न कओ हा !
हारिओ जम्मो ॥८१९॥ इण्हि तु आउसेसे अप्तरे कहमहं करिस्सामि ? । मणयं पि परत्तहिंयं धीर !
सयंबुद्ध ! कहए तुयं ॥८२०॥ अह भणइ सयंबुद्धो सामिय ! मा भाहि धरसु धीरत्तं । धणोऽसि तुमं
इण्हि पि जस्स जाया मई एसा ॥८२१॥ बहुभवकयं पि कम्मं जं खिवइ चरित्तमप्यकालं पि । चिरसंचि-
इंधणभरं राणेण निइइड जह जलणो ॥८२२॥ एगदिवसं पि जीवो पव्वज्जमुगाणओ अणणमणो । जइवि

न पावइ सुक्खं अवस्सं वेमाणिओ होइ ॥८२३॥ अळउ ता एगदिणं अंतमुहुत्तं पि चारुवरण जुओ । खवइ असंखिज्जभवडज्जियं पि जीवो बहुकम्मं ॥८२४॥ कइया वि दव्ववरणं विणा वि कस्सइ विसुद्धभावस्स । जायइ भाववरित्तं तस्स य एयारिसं विरियं ॥८२५॥ सब्वजियाण वि कम्माइ खवइ एगो वि खवग-
सेहिगओ । जइ तेसिं कम्माणं तज्जाणे होइ संकंती ॥८२६॥ सुइरं पि चरित्तिविणा न दिंति नाणं च दंसणं च सिवं । वरचारित्तजुयाइं खणेण ताइं सिवफलाइं ॥८२७॥ एएण विणा तेहिं असंखभवपाविएहि वि न सुक्खो । सो पुण चरणजुएहिं अट्ठभवबभंतरे नियमा ॥८२८॥ चरणस्स होइ भयणा दंसणनाणाण नूण लाभे वि । चारित्तसंभवे पुण नियमा इयणा संपत्ती ॥८२९॥ ता देव ! तुमं धणो जस्सज्जवि अत्थि मासमित्ताऽऽऊ । तो निव्विगंधं सिग्घं परलोगहिंए कुणसु जुत्तं ॥८३०॥ इय धीरविओ राया तुट्ठो पुत्तं ठवित्तु नियरज्जे । अट्ठाहियमहिमाओ कारावेऊण जिणभवने ॥८३१॥ संथारगपव्वज्जं पवज्जिउं निम्मसो निरासंसो । निरहंकारो कुणइ चउव्विहाऽऽहारपरिहारो ॥८३२॥ सिद्धाययणस्मि गओ सिद्धंतस्सवणज-
णियसंवेगो । पाओवगमपहाणं सुणमाणो पुव्वसुणिचरियं ॥८३३॥ समसत्तुमित्तिचित्तो संसाराऽऽसारयं विभा-
वंतो । अणसणसहिअं चरणं पालइ सो अमयसित्तुव्व ॥८३४॥ पंचनमोक्कारपरो मासंते पाविऊण पंचंतं । ईसाणे उप्पणो ललियंगो नाम पवरसुरो ॥८३५॥ पुव्वभवचरियचरणप्पभावओ तत्थ दिव्वभोगाइं । वर-
अळराहि सद्धिं भुंजंतो गमइ बहुकालं ॥८३६॥ निणांमियाइ जीवो अणसणाविहिणा समाहिणा मरिउं । जाया ललियंगस्स उ सयंपभानामया देवी ॥८३७॥ तीइ समं विसयसुहं ललियंगो माणिउं तओ चविउंस्मि

उप्पणो अट्ठभवे तीइ समं नरसुरनिवासो ॥८३८॥ चरिमस्मि भवग्गहणे महावल्जिओ उ इत्थ भरहम्मि ।
 नाभिमरुदेवीसुओ जाओ उसहु त्ति पढमजिणो ॥८३९॥ सो पुव्वसयसहस्सं सुदुक्करं पालिऊण चारित्तं ।
 भवियाण य उवइसिउं संपत्तो सासयं ठाणं ॥८४०॥ निणाभियाइ जीवो सो पुण होऊण इत्थ सेयंसो ।
 चरिऊण पवरचरणं सिवमयलमणुत्तरं पत्तो ॥८४१॥ एवं महावल्जिओ आजम्मं अकयमुकयलेसो वि ।
 चारित्तस्स पभावा सुगईए भायणं जाओ ॥८४२॥ ता नाऊण पयत्थे सदहिऊणं च तो ससत्तीए । चरणं
 चरिज्ज जेणं अइरेणं लहइ सिवसुखं ॥८४३॥ णणु अण्णेहि तु पढमं दंसणसुत्तं इहं तु किमु नाणं ।
 भणइ तं पाहण्णा कारणभावाउ नाणस्स ? ॥८४४॥ कारणकज्जविभागो दीवपगासाण जुगवजम्मै वि । जुग-
 बुप्पणं पि तहा हेऊ नाणस्स सम्मत्तं ॥८४५॥ इय पुण पढियं पढमं नाणं चिय जेण कज्जपाहण्णा ।
 तह सव्वसत्थवहुमयलोयव्वहारपरत्तयओ ॥८४६॥ विणया नाणं नाणाओ दंसणं दंसणाओ चारित्तं ।
 चारित्ताओ सुखं सुखे सुखं निरावाहं ॥८४७॥ चारित्तवज्जियाणं नाणीण वि जेण दुल्लाहा सुगई ।
 पंगुव्व वणदवेणं दज्जइ पासं नियंतो वि ॥८४८॥ पवणेण विणा न तरइ उयहिं जह पउणजाणवत्तं पि ।
 तह चारित्तविहूणो न तरइ नाणी वि भवजल्लहिं ॥८४९॥ जह पुण अंधाऽऽरुहो पंगू लंवेइ वणदवं सिग्धं ।
 तह चारित्तसमेओ नाणी वि भवाडविं तरइ ॥८५०॥

जओ—नाणं पयासयं सोहओ तवो संजमो य गुत्तिकरो । तिण्हं पि समाओगे मुक्खो जिणसासणे
 भणिओ ॥८५१॥ नाणं चरित्तहीणं लिंग्गहणं च दंसणविहीणं । संजमहीणं च तवं जो चरइ निरत्थयं

तस्स ॥८५२॥ गाणं चरणपहाणं लिंगगहणं च दंसणसमेयं । संजमसहिअं च तवं जो कुणइ भव-
वखओ तस्स ॥८५३॥ एयाइं नाणदंसणचरिचरूवाइं तिणिण रयणाइं । जे धोरेंति जए ते दुलहा जिणसा-
सणे भणिथा ॥८५४॥ गाणं च दंसणं तह चरणं चाऽऽराहिउं कमेण जिओ । नरसुरासिवसुवखाइं लहइ
लहुं जिणवसहुव्व ॥८५५॥

तहाहि—अत्थि इह भरहखित्ते खेमपुरी पुरवरी उ परखेमा । तत्थ नयविणयपणो नयदत्तो नाम
वरसिद्धी ॥८५६॥ तस्स पिया वसुणंदा सीलाइगुणोहकयज्जाणंदा । ताण य पुत्तो जिहो धणदत्तो
गुणगणरिद्धो ॥८५७॥ वीओ वि माणणीओ मणंसिणं किटु ईसिमाणधणो । वसुदत्तो नामेणं नियभा-
ऊवच्छलो अहियं ॥८५८॥ तत्थऽत्थि दिओ पयइइ वामओ वामदेवनासु त्ति । सो ताण सिद्धिपुत्ताण
वालमित्तो कहवि जाओ ॥८५९॥ अण्णो वि तत्थ इब्भो समुददत्तु त्ति अत्थि वरसिद्धी । तस्स य धूआ
नामेण गुणवई गुणमहग्घविआ ॥८६०॥ धणदत्तस्स य दिण्णा नयदत्तसुअस्स बहुज्जाणसमक्खं । गरुण्ण
गउरवेण सा कण्णा गुणवई पिउणा ॥८६१॥ अह तत्थ अत्थि अण्णो वि सिद्धिपुत्तो अईवसिसिंमंतो ।
नामेणं सिरिकंतो रूवाइगुणोहसंजुत्तो ॥८६२॥ तग्गुणगणरत्तेणं तेण वणिणा समुदत्तेण । सिरिकंतस्स विइण्णा
कहमवि सा गुणवई कण्णा ॥८६३॥ तो तेण कुमित्तेणं वसुदत्तस्स य पुरो इमं भणियं । पिच्छह अहो !
अकज्ज समुदत्तेण कह विहियं ॥८६४॥ धणदत्तस्स य दिण्णा पुब्बि अब्भत्थिअण नियक्कणा । अण्णस्स
पुणो दिण्णा धिट्ठेणं वयणभट्ठेणं ॥८६५॥ इच्छाइवयणइंधणसंधुविक्रयकोवज्जलत्तणेणं । वसुदत्तेण पयइइ

माणिणा भणियमिय वयणं ॥८६६॥ सा जीवन् यः परावज्ञादुःखदग्धोऽपि जीवति । तस्याऽजननिरेवाऽस्तु
जननीवलेशकारिणः ॥८६७॥ तत्तो कोबंधेणं सिरिक्तो तेण कह वि खणेणं । निहओ तेण वि कहमवि
वसुदत्तो वि हु हओ असिणा ॥८६८॥ इय तीइ कए तेसिं अंक्रो उगओ वहरत्तणो । जो पउमदसासाणं
सीयाकज्जे फडो जाओ ॥८६९॥ अह ते अट्टञ्जाणेण दो वि अण्णोऽण्णं असिपहारहया । मरिऊण
समुप्पणा एग्गिम्म वणे सिगत्तेणं ॥८७०॥ अह सा पिउणा भणिया सोयपरा पुत्ति ! मा कुणसु खेय । पावस्स
फलं एयं धम्मं चिय तो तुमं कुणसु ॥८७१॥ इय भणिया वि हु एसा न कुणइ धम्मुज्जमं गरुयकम्मा ।
गुणवंतेसु पओसं वरइ य धम्मं च निदेइ ॥८७२॥ वेहव्वदुहक्कंता कयाइ सा पाविऊण पंचत्तं । तत्थेव
वणे भवियव्वयाइ हरिणी समुप्पणा ॥८७३॥ अण्णम्मि दिणे दइदुं हरिणिं ते सिगा करुतीए । जुञ्जंता
मरिऊणं महिसत्तेणं समुप्पणा ॥८७४॥ सा वि हु हरिणी मरिउं जाया महिसी पुणो वि तीइ कए । जुञ्जिय
मरिउं जाया ते महिसा मत्तमायंगा ॥८७५॥ सा वि हु महिसी मरिउं जाया करिणी वणम्मि तत्थेव ।
इय तिरियत्ते तिणिण वि संहति ते बहुविहं सुदुहं ॥८७६॥ सो पुण धणदत्तो दुट्टचिड्डियं तं च ताण
दइदूणं । गुरुवेरगसुवगओ एगागी निगओ गेहा ॥८७७॥ भमडंतो सपत्तो रायपुरं पट्टणं कयाइ इमो ।
तत्थ य निसाइ कत्थइ दिट्ठा तेणं महासुणिणो ॥८७८॥ छुहतहपीडिणं अयाणमाणेण सुनिसमायारं ।
ते तेण मग्गिया भोयणं ति तो विति ते एवं ॥८७९॥ निस्संगत्ता कुवखीसवलभावेण अम्मह वसहीए ।
पाएणं दिवसे वि हु न धरिज्जइ अण्णपाणाई ॥८८०॥ रयणीइ विसेसेणं कत्तो रयणीयराऽसणं अम्मह ? ।

तुञ्ज वि न भद्र ! जुत्तं निसिभत्तं जेणिमं भणिय ॥८८१॥ संति संपाइमा सत्ता अडिस्सा मंसचक्खुणो ।
तेसिं संरक्खणट्ठाए वज्जियं निसिभोयणं ॥८८२॥

अपि च—आयुर्वर्षगतं लोके तदर्द्धं स उपोषितः । करोति विरति धन्यो यः सदा निशिभोजने
॥८८३॥ घटिकाद्धं घटीमात्रं यो नरः कुरुते व्रतम् । स स्वर्गां किं पुनर्यस्य व्रतं यामचतुष्टयम् ? ॥८८४॥
जीवित देहिना यस्मादनेकाऽपायसंकुलम् । कथञ्चिद्वैद्ययोगात् स्यान्नक्तं सोऽनगानी भवेत् ॥८८५॥ इच्चाइ
साहुऋहियं जिणवरधम्मं निसामिउं रम्मं । सम्मजुयं गिहिधम्म धणदत्तो गिणहए सम्मं ॥८८६॥ पालित्तु
निरइयारं सावगधम्मं समाहिसंजुत्तो । कालक्कमेण मरिउं सोहम्ममे सुरवरो जाओ ॥८८७॥

अह भरहे रयणपुरे तुंगो मेरुव्व लोयमज्झत्थो । सुमणप्पिओ य सिट्ठी समत्थि मेरुप्पमो नाम
॥८८८॥ दोसागराइ भोए सो देवो माणिउं तओ चविउं । मेरुप्पमस्स पुत्तो जाओ पंकयमुहो नाम ॥८८९॥
सो सव्वकलाज्जुसलो उदग्गसोहग्गरुव्वलायणो । जिणमुणिवंदणपरमो तारं तारुणमणुत्तो ॥८९०॥ अणम्मि
दिणे सो मित्तसंजुओ वाहवाहणनिमित्तं । नंदणवणस्सियाए संपत्तो वाहियालीए ॥८९१॥ तत्थेग वरतुरयं
खिल्लावंतेण कत्थइ पएसे । पंकयमुहेण सहसा दिट्ठो जरज्जरो गोणो ॥८९२॥ तं च अइदुब्बलंगं
निट्ठियधाउं विमुत्तु चम्मऽट्ठि । विषयाऽऽणणं विरुव्वं पीहपत्राहाउलियनयणं ॥८९३॥ मुच्चंतल्लगणमुत्तं
विलिहंतभुवं च चऊहि चरणेहि । भट्ठच्छायमतुच्छुच्छलंतउत्सासदुप्पिच्छं ॥८९४॥ कंपंतसयलगत्तं पणट्ठदंतं
चलंतउट्ठउडं । दट्ठूण जिणवसहं संवेगगओ स चित्तेइ ॥८९५॥ कत्थ गयं तं जुद्धं इमस्स ? तं कत्थ

रुवलायणं ? । कथं यत् 'द्विक्रियं खणभंगुरयं अहह ! ! सव्वं ॥८९६॥ तमिमस्स मरंतस्स उ करेमि
 किंचिवि परत्तपरिताणं । इय च्चित्तिय सो चउरो तुरियं तुरयाउ उत्तरिओ ॥८९७॥ ठाऊण कण्णमूले कंठा
 ऽऽगयजीवियस्स वसहस्स । वियरइ विसुद्धवणं महुमहुरगिराइ नवकारं ॥८९८॥ सो वि हु अवगयतत्तो
 निवभंतो असुहझाणपरिचत्तो । कणंजलीहि घुटइ अमय व तयं वसहवसहो ॥८९९॥ सुयत्ताणस्स समगस्स
 सारमज्झं व दैहिविरोलस्स । नवकारं सुमरंतो सो गोणो मरणमणुपत्तो ॥९००॥ तत्थेव य सत्त-
 च्छयरणो सुवणस्सिरीइ देवीए । कुच्चिसि स गोणजिओ पुत्तचाए समुप्पणो ॥९०१॥ वरवसहसुमिणसु-
 पसत्थदोहल्लुपत्तिस्सइयणोहो । पडिपुण्णदिगेहि इमो जाओ जणजणियगुरुहरिसो ॥९०२॥ तो गल्यविभूईए
 वद्धावणयं निवेण काऊणं । सुमिणाणुसारओ से नामं वसहद्धउ त्ति कयं ॥९०३॥ लालिज्जतो य इमो नव-
 नवलायणरुवकंतीहिं । वइइइ अणुक्कमेणं सियपक्खसारयसिन्व ॥९०४॥ जाओ य अट्टवरिसो दव्वैविच्छेण
 छत्तसालाए । सत्तच्छएण रण्णा छत्ताऽऽयरियस्स उवणीओ ॥९०५॥ अकिल्लेसेण वि तेणं पुव्ववभत्थेण
 नाणजोगेण । अप्पेण वि कालेणं सयलाउ कलाउ गहिआओ ॥९०६॥ संपत्तो तारुणं कुमरो लायणल-
 च्छिपरिपुणं । जं तरुणीलीयणच्छप्पयाण पंकेरुहवणं व ॥९०७॥ अह अणया कुमरो कयसिगारो पभूयपरि-
 वारो । तुरयारुहो पत्तो पुव्वुत्ते नंदनवणम्मि ॥९०८॥ तत्थ य सो कीलंतो सिच्छाइ इओ तओ परिभमंतो ।
 तं ठाणं संपत्तो जत्थ स गौणो पुरा हुंतो ॥९०९॥ चित्तइ य कर्हि कइया इमो पएसो पुरा वि मे दिट्ठो ।
 इय ऊढापोहपरो जाईसरणं समणुपत्तो ॥९१०॥ इह चिणं इह पीयं इहासियं इत्थ भंतमिह सुत्तं । इच्चाइ
 पुव्वभवियं सम्भं सुमरामि नियचरियं ॥९११॥ किंतु न मुणेमि जेणं दिण्णो मह परमबंधवेणेव । अमयसमो

नवकारो करुणारससायरेण तयं ॥९१२॥ जस्स पभावेण मए आजम्मं अकयसुकयलेसेण । रोरेण व पवरनिही
रज्जसिरी पाविया एसा ॥९१३॥ तं परमगुरुं परमोवयारिणं सव्वहाडभिगमणिज्जं । अग्निंतु अपूइत्ता हा !
कह निरणो भविस्सामि ? ॥९१४॥

अणं च—तिच्चिय गरुया पुरिसा अणुवकए जे कुणंति उवयारं । पच्चुवयारे वि न जे कउज्जमा
का गई ताणं ? ॥९१५॥ तो तं कहमवि नाउं दिणाए तस्स पुव्वभवगुरूणो । रज्जसिरीए एयाइ वृणा
मह निव्वुई होही ॥९१६॥ इय च्चित्तं नियत्तिय उज्जाणाओ गिहरिमि गंतूणं । वसहद्धएण कहिओ वुत्तंतो
सो निवाईणं ॥९१७॥ रणा भणियं मा होसु उस्सुओ वच्छ ! तुज्झ चरिएणं । चित्ते लिहिएण सुहं स
नज्जिही तुज्झ पुव्वगुरू ॥९१८॥ तो वसहद्धयकुमरेण तम्मि नंदणवर्णम्मि सुविलासं । कारवियं जिण-
भवणं तुंगत्तणविजियसुरसेलं ॥९१९॥ तम्मि य कम्मि पएसे चित्ते लिहिओ स तारिसो वसहो । सुद-
मूले पासद्वियनरेण दिज्जंतनवकारो ॥९२०॥ भणिया य निउत्तनरा जो कोइ निरिक्खिउं इमं चित्तं । पुच्छइ
लिहियंकेण वि मेलियव्वो स मज्झ लहुं ॥९२१॥ इत्तो य पंकयसुहो कयाइ तत्थाऽऽओ जिणगिहम्मि । दट्टूणं
तयं चित्तं सुविम्हओ माणसे वाढं ॥९२२॥ पुच्छइ निउत्तणुरिसे आलिहियं केणिमं ति ते गंतुं । कुमरस्स कहंति
तयं सो वि हु लहुं आगओ तत्थ ॥९२३॥ आलिंगिय सिट्ठिसुखं सप्पणयं साहियं सबुत्तं । भणइ य तुम्ह
पसाएण संपया मे इमा पत्ता ॥९२४॥ एयं रज्जं एसो य परियणो देसफोसकुट्टारो । सव्वं च तुहाऽऽयत्तं अहं च
आइससु करणिज्जं ॥९२५॥ अह देववंदणत्थं समागओ तत्थ धम्मरुइसाह । अइसयणाणी वंदित्तु सो जिणं

सुहसमासीणो ॥९२६॥ पंक्यमुहेण वसहद्वएण सहिएण वंदितं विहिणा । पुट्टो भयवं ! साहसु अमह रय-
णत्तयसरूवं ॥९२७॥ भणइ मुणी नाणेणं मुणित वसहद्वयस्स पुव्वभवं । णाणं च दंसणं तह चरणं च
तहिं तु नाणमिणं ॥९२८॥ सव्वं पि हु सुयणाणं तस्स वि आईइ पंचनवकारो । तस्स य तुभेहि फलं
दिट्ठं अह सुणह सेसदुगं ॥९२९॥ तत्थ य दंसणरणं रयणत्तयत्तमं जओ तम्मि । संतम्मि नाणच-
रणाणि संति नो ताणि तेण विणा ॥९३०॥ तं पुण अरिह देवो जावज्जीवं सुसाहुणो गुरुणो । जिण-
भणियं चिय तत्तं इय बुद्धी होइ सम्मत्तं ॥९३१॥ चारित्तं पुण सावज्जजोगपरिवज्जणेण जहजुणं । देसेण व
सव्वेण व गिहिसाहुणं जिणुदिट्ठं ॥९३२॥ रयणत्तयं च एयं सव्वगुणस्सेणिमूलमक्खायं । सव्वो वि इमं
फासित्तु नियससो पावए सुक्खं ॥९३३॥ इय सोउं ते दुणिण वि धम्मरुइमुणिस्स पायमूलम्मि । सम-
णोवासागधम्मं सम्मत्तजुयं पवज्जंति ॥९३४॥ तो पुणरवि नमिय मुणि पहिद्वचित्ता गिहेसु ते पत्ता ।
अह वसहद्वयकुमरो रज्जम्मि निवेसिओ पिउणा ॥९३५॥ जुव्वरज्जपए तेण ठविओ पंक्यमुहो सव्वहु-
माणं । तो दो वि परमपीईसहिआ माणंति रज्जसुहं ॥९३६॥ कालविणयाइअट्टपयारआयारसंजुयं नाणं । सव्वु-
ज्जमेण तह ते पढंति पाढंति तह अण्णं ॥ ९३७॥ तह पूयंति तिसंभं देवं निसंक्रियाइगुणकलिया । मेरुव्व निप्प-
कंपा धरंति सम्मत्तवररणं ॥९३८॥ पालंति निरइयारं सावगधम्मं दुवालसविहं पि । अणिगूहियवलविरिया
तवंति तिव्वं तवं च सया ॥९३९॥ तिविहं पि दिंति दाणं धरंति सीलं च तिगरणविसुद्धं । भावंति
भावणाओ फुरंतसंवेगनिव्वेया ॥९४०॥ इय देसओ उ सम्मं पालिय रयणत्तयं चिरं कालं । कालम्मि
समावडिए पडिवण्णा अणसणं दो वि ॥९४१॥ आराहिज्जण सम्मं तमिक्कमासं समाहिणा मरिउं । ईसा-

णदेवलोए इंदसमाणा सुरा जाया ॥९४२॥ दो सागरोवमाइं अहियाइं तत्थ दो वि अविउत्ता । भुंजंति दिव्वभोए पुव्वभवज्जियसुकयवसओ ॥९४३॥ वसहद्धयस्स जीवो तत्तो चविउं इहेव भरहम्मि । किक्किंधपुरे जाओ सुग्गीवो खेयरहिवइं ॥९४४॥ इत्थेव दाहिणइंढे मज्झिमखंडे अउज्झणयरीए । इक्खागुकुले दसरहरणो अपराजिया देवी ॥९४५॥ चउपवरसुमिणहइयवज्जम्मो सगओ चुओ तत्तो । पंक्रयमुहस्स जीओ उववणो तीइ कुच्छीए ॥९४६॥ पडिपुण्णवासरेहि सुमुहुत्ते जणियजगमणाणंदो । पउमु चि विहि-यनामो सो जाओ अट्टमो सीरी ॥९४७॥ एसो धणदत्तजिओ वसुदत्तजिओ उ भमिय तिरियगइं । पउ-मस्स सीरिणो लक्खणु चि जाओ लहू वंधू ॥९४८॥ सिरिकंतजिओ वि भवं भमित्तु तिरियत्तणम्मि भूरिभवे । थीलोलो पडिविण्हू उप्पणो सो दसग्गीनो ॥९४९॥ जा पुण गुणवडक्कणा सा वि हु भमि-ऊण भूरिभवगहणे । धूया जणयनिवइणो संजाया जाणइंनामा ॥९५०॥ सा पउमेण परिणिया अहडणया दसमुहेण सा हरिया । तीउ कए जुञ्जतो पडिविण्हू निहणिओ हरिणा ॥९५१॥ पउमेण समं पीई जाया सुग्गीवखेयरिदस्स । अविउत्तेहिं तेहिं सुइरं परिपालियं रज्जं ॥९५२॥ भववासविरत्तेणं सुग्गीवेणं कयाइं गुरुपासे ॥ पव्वज्जा पडिवण्णा पउमेण वि भायविरहेण ॥९५३॥ तो सव्वपयत्तेणं णाणं तह दंसणं चरित्तं च । आराहियं तह जहा तम्मि भवे निच्चुया दो वि ॥९५४॥ एवं संखवेणं चरियं सुग्गीवपउमनिवइंणं । भणियं विसेसओ पुण नायव्वं पउमचरियाओ ॥९५५॥ इय नाउं माहण्यं नाणाइतियस्स जुणवसहरायं । भो भो भव्वा ! भव्वं तम्मि पयत्तं कुणह निच्चं ॥९५६॥ ता सलु पूएयव्वा रयणत्तयधारिणो सया मुणिणो ।

तेसिं दणं देयं तिगणसुद्धेण भावेण ॥९५७॥ तित्थस्स मुणी मूलं मुणीण मूलं हवंति असणाई । जो देइ ताणि तेसि तु तेण तित्थुण्णई विहिया ॥९५८॥ तित्थंतरेसु वि जओ केवल्लिरहिएसु अज्जखित्तेसु । उवया-
रपरा मुणिणो जिणधम्मधुरंधरा भणिया ॥९५९॥ होही जो तित्थयो अपच्छिमो इत्थ भारहे खित्ते । मुणि-
दाणाउ तेणाऽवि पाविया दुल्लहा बोही ॥९६०॥ चउरो परमंगाइं मुग्खस्स इमाइं हुंति दुल्लहाइं । मंणुयत्तं
धम्मसुइं सैम्मत्तं संजमे विरियं ॥९६१॥ दसच्चुल्लगाइणाएहि दुल्लहं लहिय एयसामग्गि । सव्वं पि कुणह
सहलं सुदंसणे ! काउ जिणधम्मं ॥९६२॥ ता जाव न जीयं नलिणिपत्तजलविंदुसरिससुहुडेइ । करिक्कणचला
लच्छी वि जा न वच्चइ खणद्धेण ॥९६३॥ जाव न गिरिसरिसल्लिप्पवाहचवलं च गलइ लायणं । जरर-
क्खसी वि न गसइ जाव य जीवाण तारुणं ॥९६४॥ ता जिणभवणं विवं किज्जइ पूइज्जए चउहसंधो । तह
कायव्वा भत्तो नाणस्स तहा सुणाणीणं ॥९६५॥ एएसु सत्तखित्तेसु भावओ जो ववेइ धणवीयं । थोवं पि हु
सो पावइ अणंतयं सुक्खसुक्खफलं ॥९६६॥ इय सुदरिसणे ! नाउं इहेव अस्साववोहतित्थम्मि । समवसर-
णस्स ठाणे जुज्जइ तुह जिणहरं काउं ॥९६७॥

जओ— जिणभवणविंवपूयाजत्तावल्लिहाणानादाणाइ । एसा णु सुधम्मपवा देया भवियाण वोहिकरी
॥९६८॥ इय सुदरिसणकवाए बुहमाणसहंसमाणससराए । रयणत्तयस्सरूपरूपगो दसमउं देसो ॥९६९॥
[इइ दसमुहेसो]

अह इन्कारसमुद्देशो ।

अस्साववोहित्थं भरुअच्छे जह सुदसणे ! जायं । तह तुह कहेमि संपइ भणइ इमं नाणभाणुगरू ॥१॥
 तथाहि—जंबुद्वीवे दीवे भारहखिचस्स मज्झिमे खंडे । पुव्वदिसिदेवयासयलदलियदोसो सुकयकोसो ॥२॥
 पवहंतुल्लोलजलपवाहसुरसिंधुपुल्लिणकयसोहो । नयरपुरागामगोउल्लतलायपुक्खारिणिरमणीओ ॥३॥ देसाण तिल-
 यभूओ मगहदेशो सुरिद्धिसंपुण्णो । जं पिच्छंतो धम्मालसो वि धम्मत्थमुज्जमइ ॥४॥ तत्थुत्तुंगनिंतरधवलियध-
 वलहरसोहियपएसं । जिणभवणसिहरविरइयसियधयवडरुद्धरविकरणं ॥५॥ रायगिह रायगिहं व तत्थ नयरं जयम्मि
 सुपसिद्धं । जत्थ जणसुकयसेदोमियव्व सुयिरा सिरी वसइ ॥६॥ तत्थुल्लूरियरित्तरायलच्छिसोहो विसालभुय-
 दंडो । णामेण सुमित्तनिगो सुणयजणाणं सुमित्तुव्व ॥७॥ तस्सइत्थि पिया पवरा महासई सुगणजणियपरिओसा ।
 उवसग्गसारिचोरा वि जीइ नामेण नासंति ॥८॥ सीलगुणरयणसोहा देवी पउमावइ त्ति नामेण । दाणविण-
 यप्पहाणा जिणधम्मपरा महुरवाणी ॥९॥ सुणिसुव्वओ जिणिदो पाणयकप्पाओ तीइ उयरम्मि । अवयरिओ
 सावणपुण्णिमाइ भविथाण भवहरणे ॥१०॥ दिसिदेवीकयसुपचित्तसंगलो सयलमंगलनिही वि । जिट्ठकसिण-
 ट्टमीए जाओ सुणिसुव्वओ सामी ॥११॥ मेरुसिहरम्मि सित्तो नमंतसुरसउडलीढपयवीढो । अब्बट्टमवरिसस-
 हस्सं कीलिओ वालभावम्मि ॥१२॥ मइसुयअवहिपहाणो वाससहस्साइ पंचदस रज्जं । काऊण तिण व विव-
 जिजऊण भोए महासत्तो ॥१३॥ फग्गुणसियवारसीइ नीलगुहाए सुरिदकयपूओ । सिरिसुणिसुव्वयसासी गहि-
 यवओ छट्टभत्तेणं ॥१४॥ एक्कारगसुयरणभूसिओ चउसुणाणसंजुत्तो । कयमोणो छउमत्थो एक्कारस विहरिओ

मासे ॥१५॥ नीलगुहाए पुणरवि फग्गुणकसिणवारसीइ सवणम्मि । अवरण्हे मुणिसुव्वयत्तिथयो केवलं पत्तो ॥१६॥ सुरवइकयकेवलनाणमहिमचउतीसअइसयसमेओ । विहरंतो मरहट्ठे पइद्दणपुरम्मि संपत्तो ॥१७॥ तत्थ य बहुभव्वजिए पडिवोहिऊण दिव्वनाणेण । नियपुव्वजम्ममित्तं इत्थुप्पणं नियइ तुरयं ॥१८॥ तस्स पडिवोहणत्थं एगाइ निसाइ जोअणे सट्ठि । वहिऊण आगओ इह असंखसुरकोडिससुत्तो ॥१९॥ सुरइयसमोसरणे मणिमयसिंहासणम्मि उवविट्ठो । मुणितीससहस्ससमणिपण्णाससहस्सपरियरिओ ॥२०॥ अमरिदनरिदफणिदचंदखयरिदनमियपयकसलो । मिच्छत्तिसिरतरणिव्व वोहए भवियकमलाइं ॥२१॥ नाऊण समोसरियं तित्थयरं नयरवाहिरुज्जाणे । चलिओ जियसत्तुनिवो सपरियणो सामिनमणत्थं ॥२२॥ चडिओ तत्थ तुरंगे महाविभूइएत्थ आगम्म । ओयरिउं तुरगाओ पविसिय विहिणा समवसरणे ॥२३॥ काउं पयाहिणतिगं भत्तीइ जिणं नमित्तु उवविट्ठो । उचियद्दणम्मि निवो तो भणियं भगवया एवं ॥२४॥ जो कारिज्ज जिणहरं जिणाण जियरागदोसमोहाणं । सो पावइ अण्णभवे भवमहणं धम्मवररयणं ॥२५॥ तित्थयरमुहविणिग्गययणामिणं निष्ठुणिऊण वरतुरओ । ऊहापोहपवण्णो जाईसरणं समणुपत्तो ॥२६॥ तो अग्गखुरेहि महि पुणो पुणो खणइ हिसए गहिरं । उल्लसियसयलगतो हरिसवसुफुल्लनयणजुओ ॥२७॥ जणसंकुले वि निहुअं गंतुं सुव्वयजिणस्स पयमूले । तिपयाहिणं विहेउं पुणो पुणो वंदए सामि ॥२८॥ अह जियसत्तुनरिदो हयहिययं दट्ठु हरिसभग्गरियं । विम्भियहियओ वट्ठिय जिणेसर जंपए एवं ॥२९॥ तं नहु चोज्जं जं जिणवयणेण तिरिक्खया वि वोज्जंति । तं चोज्जं जं एसो हरिस्स एयस्स हरिसभरो ॥३०॥ सिरिसुणिसुव्वयसामी अह जंपइ सजलजलहरगिराए । निमुणसु नरिद ! सम्मं हरिस्स हरिस्स हेउमिणं ॥३१॥ इत्थेव भरहखित्ते सुपसिद्धं

अत्थि पडमिणीखंडं । तत्थ जिणम्मसिद्धी निवसइ जिणधम्ममयहुसलो ॥३२॥ तत्थ य नयरपहाणो सागरदत्तो य पउरजणनाहो । दक्खो दक्खिणनिही दयाल्लुओ अत्थि वरसिद्धी ॥३३॥ सो मित्तं जिणधम्मस्स तस्स संसगओ इमो जाओ । जिणधम्माभिमुहमई विसेसओ दाणविणयरई ॥३४॥ तेण य कयाइ पुब्बि तम्मि पुरे कारियं सिवाययणं । तप्पूयाइ निउत्ता सहवा बहुदव्वनिणिओगा ॥३५॥ अह अणया कयाइ जिणधम्मजुओ गओ सुणिसमीवे । तं वंदिउं निसण्णो वयणमिणं सुणइ गुरुवयणा ॥३६॥ भविणाण अगगओ दाणधम्मपपाए कहिज्जमाणम्मि । जो कारिज्ज जिणहर इच्चाईवयणसंबंधं ॥३७॥ त वयणं सुमरंतो पुणरुत्तं नियमाणम्मि विहसंतो । सिद्धी सागरदत्तो जिणधम्म सुवहु मणंतो ॥३८॥ जिणधम्ममित्तवयणेण जिणहरं कारवेइ सो रम्मं । विवं च जिणस्स वरं तत्थ पइद्दवियि तेण ॥३९॥ अह अणया कयाइ तत्थ कयत्थियसमचटुत्थजणो । सिसिरसमओ पयट्टो पफुल्लियकुंदकुसुमभरो ॥४०॥ उभयभुयपाउंयाइं सिसिरसमीरणसमीरियंगाइं । वायंति दंतवीणं दरिइडिभाइ जत्थ चिरं ॥४१॥ सीयभरेण हयाइं जत्थ मिलायंति कमल्लिणिवणाइं । सुयणमणाइ व मम्माणुवेहिणा महुरवयणेण ॥४२॥ हेमंता अकंता तुसारसंभारसंगमेण जहि । वट्टीहुंति जलोहा नीया इव विहवनिवहेण ॥४३॥ इय एरिसम्मि सिसिरे सइवेहिं सिवगिहे समाहूओ । सागरदत्तो सिद्धी अहण्णया लिंगपुरणए ॥४४॥ तत्थ घयगंधवसओ घएलियाओ बहुभमंतीओ । सइववरणेहि निहयाउ पिच्छिउं भणइ इय सिद्धी ॥४५॥ किं तुज्ज जुत्तमिणं सुणीण मज्जे गणिज्जमाणं । तो ते रुद्धा भणिउं ददुट्ठा निहटुरं लग्गा ॥४६॥ तं सिद्धि ! सुट्टुनिद्धिय ! नहु दिट्ठो धम्मिओ

तुंम इत्थ । उदुसु इमाउ ठाणउ इत्थ किं चिट्ठसे कट्टं ? ॥४७॥ इय असंमंजसवयणेहि दूमिओ सम्मओ वि सो सिट्ठी । उट्ठिता नियगेहे पत्तो परिभवविहुरचित्तो ॥४८॥ अट्टदुहट्टवसट्ठी संसयमिच्छत्तसमणुण- यचित्तो । आउखएण मरिउं उप्पणो तिरियजोणीए ॥४९॥

अवि य-नरसुरभोगविलासी रोगविओगाइपत्थणापरसो । अप्पवहंचित्तणपरो अट्टज्झाणी सुणेयव्वो ॥५०॥ जीववहंचित्तणपरो सोसरुई परधणिककहरणमणो अच्चंतविसयगिद्धो रुहज्झाणी स विण्णेओ ॥५१॥ सज्झायज्ञानतवनियमकरुणगुरुविणयमच्चिसंजुत्तो । छज्जीवरक्खणपरो धम्मज्झाणी हवइ जीवो ॥५२॥ खवियकसायउको समसुहट्टुक्खो समाणभवमुक्खो । सव्वाऽऽसंसविमुक्को वट्टइ सुक्कम्मि ज्ञाणम्मि ॥५३॥ अट्टेण तिरियजोणी रुहज्झाणेण गम्मए नरयं । धम्मेण देवलोयं सुक्कज्झाणेण निव्वाणं ॥५४॥ अह सिट्ठि- जिओ भमिउं भूरिभवे भीमभवसमुदम्मि । संपइ सो उप्पणो तुह पट्टतुरंगसो एसो ॥५५॥ नरवर ! इण्हि अप्पाऽऽउयस्स एयस्स पुव्वमित्तस्स । आसस्स वोहणकए तुरियं इह आगया अम्हे ॥५६॥ जो कारिज्ज जिणहरं इच्चाइ अणेण वयणमिह सोउं । पुव्वभवब्भासाओ नियजाई सुमरिया सिग्गं ॥५७॥ तो भवविरत्त- चित्तो अवगायतत्तो फुरंतसम्मत्तो । मह वयणाऽऽमयसित्तो पमोयभरमेरिसं पत्तो ॥५८॥ अह तुरओ पहुपासे पडिबज्जइ अणसणं पसंतमणो । राया वि तस्स महिसं सपरियणो पइदिणं कुणइ ॥५९॥ पिकखंतो पहुव- यणं अणिमिसनयणो समुल्लसियसवणो । निभुणंतो पहुवयणं सो तुरओ सावहाणमणो ॥६०॥ पणरसदिण- अवसाणे पंचनमुक्कारसुमरणपहाणो । मरिज्जण समुप्पणो अमरवरो सो सहस्सारे ॥६१॥ जाव पउंजइ अवहिं निएइ ता नियकलेवरं एसो । उवयारं सुमरंतो जिणपयमूलम्मि संपत्तो ॥६२॥ जोयणपमाणमित्तं नाणाम-

णिरयणकणयकुसुमेहि । पूरेइ सुरो सुव्वयजिणस्स चउपासमवि भूमि ॥६३॥ वरवेणुवीणीगेयारवेण नच्चंतसुर-
जुवाणीहिं । काउं वरपिच्छणयं जिणसंथवणं कुणइ एवं ॥६४॥

तद्यथा—भगवन् ! भवजलधिपु यानपात्र ! भवभीतभव्यजनशरणम् त्वय्यपि सौख्यविधातरि जन्मान्धाः
किं भ्रमन्त्यपरे ? ॥६५॥ सपदि त्वद्भचनसुबोधितेन लब्धं मयेदमरत्वम् । संप्रत्यपवर्गसुखेन मे प्रसीद प्रस-
न्नाक्ष ! ॥६६॥ इय जयगुरुणो काऊण संथवं पयडिऊण अत्ताणं । अमरसुहरणं तुट्ठो निययावासं गओ विउहो
॥६७॥ भयवं पि य भरुयच्छे कइवि दिणे वोहिऊण भव्वजिए । विहरइ बहुखित्तेंसु वोहितो भवियकमलाइं
॥६८॥ इय भरहे अद्दट्टमवाससहस्साइ विहरिऊण पहु । किण्हनवमीइ जिट्ठे सम्मेए सिवसुहं पत्तो ॥६९॥
एयाइ पंचकल्लाणयाइं एयासु पंचसु तिठीसु । उववासविलिन्विचयएक्कासणगेण जो कुणइ ॥७०॥ तह
सुणिसुव्वयपडिभं भत्तीइ कराविऊण उज्जमइ । सो नरसुरसुखखाइं सुत्तुं पावइ सिवं खिप्पं ॥७१॥ इय
तइया सुणिसुव्वयजिणेण जं इह विवोहिओ अस्सो । अस्साववोहतित्थ भरुयच्छे तेण विक्खायं ॥७२॥ ता
सुपचित्तं एवं जिणपयकमलं कियं विमुक्कमलं । इत्थाऽऽओ य भडे ! लहइ अहम्मो वि सम्मत्तं ॥७३॥
कमलधयकलसचवं कियकमजुयलं ठवेइ जत्थ जिणो । भूमी वि सा पणासइ पावं भवभीयमवियणं ॥७४॥
एएण कारणेणं भरहेणऽट्ठावयम्मि सित्तुज्जे । तुं (तुं) कारमहासेले करावियाइं जिणहरां ॥७५॥

अणं च—जिणभवणविवपूयाजत्तावलिहवणदाणमाइंयं । भावत्थयस्स कारणमेसो दव्वत्थओ भणिओ

अवि य-सोमं थिरं विसालं जिणविवं पिच्छिउं अहम्मो वि । पावड सुवोहिवीयं जह वेयइठे तए पत्ते ॥७७॥
 एवं क्रमेण परलोयसाहणं साहियं मए तुज्झ । जिणभवणविप्रययाविहिं च संपइ निसामेह ॥७८॥
 जाइकुलवित्तयुरुविणयसयणसत्तभत्तिसंजुत्ता । रगाइदोसत्ता उदारचित्ता महासत्ता ॥७९॥ जिणभवणविवरुणे
 एए अहिगारिणो उ उक्कोसा । अट्टगुणा भज्झत्था इत्तो हीणा उ पडिसिद्धा ॥८०॥ एयारिसिगुणकलिया तुमं
 च ता इत्थ तुज्झ अहिगारो । ता समवसरणठाणे जुज्जइ तुह जिणहरं काउं ॥८१॥ एयं पवित्तठाणं जिण-
 पयफरिसेण जयविगयदोसे । भणिगुणयिजोहि विहिणा कायव्वं मंगलं तहवि ॥८२॥ विहिणा सव्वं पि कयं
 बहुफलं होइ उत्तमं कज्ज । विहिवज्जियं कुणंतो न पावए तं फलं पुरिसो ॥८३॥ कयकिच्चा भगवंतो तित्थ-
 यरा तियसविहियवरपूआ । इय तित्थुण्णइहेउं इत्थ वि जुत्तो विहिं काउं ॥८४॥ दिसिदेवयाउ पुज्जा पढमं
 तह इत्थ दिज्जए दाणं । सम्माणिज्जइ सयणो पूइज्जइ नयरलोओ य ॥८५॥ जिणभवणत्थं च दंलं सनिमित्त
 तं विसेसमुल्लेण । गहिअव्वं जयणाए जम्हा धम्मत्थमारंभो ॥८६॥ सल्लाइसयलदोसे भूमीए सोहिज्जण जत्तेण ।
 कायव्वं जिणभवणं पभावणं होइ जेण सया ॥८७॥ विण्णाणियकम्मारा विसेसदाणेण तोसिया काले इच्छंति
 कज्जसिद्धि सकज्जसिद्धीइ निव्वणं ॥८८॥ वीसयणुमाणमरगयमणिमयेदेहस्स सुव्वयजिणस्स । तह कायव्वं
 विवं आणंदयरं जहा होइ ॥८९॥

एवं च—जो जिणभवणं दंसणपभावणत्थं करेइ भावेण । अत्तूण सयलपुहई सो कीलइ सुरविमाणेसु
 ॥९०॥ सोमं थिरं विसालं पावहर जो करेइ जिणविवं । अमरच्छपरियरिओ विलसइ सो देवलोएसु ॥९१॥

सुवसणा-
भरियस्मि

॥२२८॥

तहाहि—सुइसुपविचो भत्तोइ सुरहिकुसुमेहि करइ जिगडूअ । सो देवकुसुममालाअलंकिओ वसइ सुरलोए ॥२२॥ वलिजतापेच्छगयं करेइ उवइसइ अह पसंसेइ । संयुगइ कुगइ मेयं सो शुवइ अमरमणीअहिं ॥२३॥ जो देइ जिगतराणं कुंडलेकरहारवतिलयं । सो सुरलोए निवसइ मणिरयणाहरियरदेहो ॥२४॥ भिंगाराऽऽत्तियकल-सपरधूनदहनसंखजयवंटा । जो देइ जिगायणे महिद्धिओ सो सुरो होइ ॥२५॥ काहलहुडुकहककाझल्लरि-कंसालवसनरवीणा । जो देइ अहव वायइ तत्स पुरो वज्जए एयं ॥२६॥ धयल्लत्तचिंधासरविचिच्चंदोदयं च जो देइ । सो छत्तचसरसाईहि सोहिओ रमइ सुरलोए ॥२७॥ अह जिगभवणं विव पमज्जए निद्धणो विभावेण । संथवणनट्टगेयं करेइ अणुमोयइ परं वा ॥२८॥ लहिकुण परमवोहिं भोए भुत्तण अमररलोए । सो पावइ सुत्तिमुहं अट्टभवभंतरं नियमा ॥२९॥ ता कायवं संवं एयं भत्तोइ नियमसत्तोए । जिगभवगविंवयूया-इयं च जयणाइ सुनिसुद्धं ॥३०॥ तुह एयं साहोणं सत्तं पि क्रमेण जइ मए रुहियं । ता तह करिज्ज विहिणा सिवसुहजणयं जहा होइ ॥३१॥ इय सवेणसाऽऽमयकुंडनिहाए सुइरिसगरुहाए । अस्सावोहवित्थप्पल्लवओ इगदसुहेसो ॥३२॥ [इइ एम्कारससुहेसो]

अह दुवालसमो उवेसो ।

सिरिनाणभाणुगुखयणनिगयं निमुणिकुण वयणमिणं । पुण नमिउं सपरियागा सुइंसणा उट्टिया ततो ॥३१॥ सीलवईइ समेया जियसत्तुनिवेण निपमिहे नेउं । सुंजाविकुण सम्मणिया य गुरुगउरवेण इमा ॥३२॥ दिण्णं विसालभवणं मणिं चणारयणपडिपुणं । दिणो तोइ सहाओ धम्मत्थे उत्तमइत्तो सो ॥३३॥

सवलिया-
विहारव-
णणो नाम
दुवालससु-
हेसो ।

॥२२८॥

इत्थंतरम्मि कमला नरिदधूआइ सायरं भणिया । सिंघलदीवे गमणं तुह जुज्जइ तायपयमूले ॥४॥ एसा कुसलपउत्ती गंतूण कहेह जणणिजणयाणं । सम्मत्तथिरीकरणं सुणिदंसणमिह विसेसेण ॥५॥ लद्धाएसा कमला नमेवि चलणेसु रायधूयाए । चडिऊण जाणवत्तं संचलिया दाहिणाभिमुह ॥६॥ अह अणया कयाई रायसुयाए पहाणदिवसम्मि । पूएवि समणसंघं पउरजणं आगमविहीए ॥७॥ पूएवि सुत्तहारो विणए-णउभत्थिऊण सो भणियो । एसा मह रायसिरी साहीणा तुज्ज सव्वा वि ॥८॥ परिभाविऊण एणं करेह तह जिणहरं मणहरं तु । जह पिच्छिऊण विघुहा वि हुंति गुणक्किचणे पउणा ॥९॥ एसो य उसभदत्तो निल्ल-वियो तुह मए तह सहाओ । जेण समीहियकज्जं असहायाणं न सिज्जेइ ॥१०॥ तह सो सिट्ठी भणियो रायसुयाए सुभइ ! जइवि तुमं । जिणसमए कुसलमई तहवि मए इह भणेयव्वो ॥११॥ जं जह सुणीहि भणियं जिणभयणं भइ ! तुज्ज पच्चक्खं । तं तह विहिणा तुरियं जयणाइ तुमं कराविज्जा ॥१२॥ एवं लद्धाएसो कयसम्ममाणो य उसभदत्तो सो । वरसुत्तहारसहिओ गओ समोसरणठाणम्मि ॥१३॥ काउ संति-विहारं सिलानिवेसं करेवि सुमुहुत्ते । पूएवि सुत्तहारं पारद्धं जिणहरं तुग ॥१४॥ पारद्धे जिणभवणे विसेसओ निवसुया जिणगिहम्मि । ण्हवणच्चणाइविहिणा पइदियहं मंगलं कुणइ ॥१५॥ दीणाण दुत्थियाणं बहुदाणं देइ पूए संधं । वाहिविहुराण वियरइ करुणाए ओसहाईणि ॥१६॥ घोसावेइ अमारिं सव्वथामेण भव्वजीवाणं । अणं पि धम्मकज्जे सुसंगयं कुणइ भावेण ॥१७॥ बहुभक्खमुज्जतंबोलपुप्फवत्थेहि निवसुया निच्चं । विणाणियकम्मारा तोसेइ तहा पसंसेइ ॥१८॥ भणियं च धम्मकज्जे निवद्धुल्लस्स तह विसेसेण । अहि-

ययरं दायवं जेण पसंसेइ सव्वो वि ॥१९॥ एस पसंसाधम्मो दूहवियव्वो न कोइ कइया वि । जत्थेवं जीवदया तत्थ सुहं सासयं भणियं ॥२०॥ एवं सुहंसुहेणं वीलीणा तत्थ जाव छम्मासा । निव्विग्घं जिणभ-
वणं निष्फणं ता मत्तातुंगं ॥२१॥

तं च केरिसं ?— फालिहसिलानिबद्धं धरणियलं तस्स गाउयपमाणं । किज्जइ रायसुयाए अइथिरं सम्मत्तपेहं व ॥२२॥ चउपासनिवेसियपिहुलदीहफलिहमयंतुंगपागारं । कणयमयमरतोरणनिवेसियं उत्तराभिमुहं ॥२३॥ हेममयपट्टनिम्मियणाणामणिरथणजडियरुकवाडं । संजमियलोहमयदिढसुयगलं जंतकयविसमं ॥२४॥ चउपासत्रद्वपीढं कंचणमणिरयणरइयसोवाणं । मणिरयणजडियकचणथंभसहस्सुसियं रम्मं ॥२५॥ अण्णोणवि-
णिज्जियरूवसोहपुत्तलियरेहिररुरोडं । वरथंभनिवेसियसालभंजिपंतीइ रमणीयं ॥२६॥ ससिद्धरकंतमणिरयण-
खचियसिहरगलगनहमगं । दिप्पंतरयणरुनियरपरिभविज्जंतरविकिरणं ॥२७॥ सिहरगनिवेसियरयणजडि-
यकणयमयकलसकयसोह । वररूवनिवेसियकणयसिहरसिंहकनामकं ॥२८॥ विल्लंतधवलधयवडमिसेण नीसे-
समणहरनिसेहं । कुणमाणं पिन परिभवियसुरविमाणं व जिणभवणं ॥२९॥ मरगयमयीसधणुप्पमाणसुव्वय-
जिणस्स वरबिंबं । इंदपयम्मि गजंसे निवेसियं दारनिट्टाए ॥३०॥

तं च केरिसं ? कमलदलदीहनयणं विसालभालत्थलं वरकवोलं । विंबुट्टं तुंगनासं सोममुहं छेणससि-
समाणं ॥३१॥ सव्वंगकंतिंसंचयनिज्जियससिद्धरक्रिरणपब्भारं । संपलियंक्रनिसणं नासियजयीवसतावं

॥३२॥ चउपासेसु विसालं चउवीसजिणालयं करावेइ । गयणगलग्गवरधवलधयवडाडोवरमणीयं ॥३३॥
उचियप्पमाणनियनियवणञ्जुयाओ जिणण पडिमाओ । काराविऊण विहिणा निवेसिआओ सठाणेसु ॥३४॥
तत्थ पइत्तासए मेलित्तु चउव्विहं समणसंधं । घोसाविऊण अभयं दसदिवसे सव्वदेसम्मि ॥३५॥ वहु-
भक्खभोयखुञ्जगविचित्तवलिपुप्फउत्तमफलाइं । अक्खयजवारयाइं जं किं पि जिणेहि परिकहिय
॥३६॥ तं सव्वं सविसेसं संपुणं ढोइऊण जिणपुरओ । सव्वोसहिमाइंयं मेलित्तु समगसामग्गि ॥३७॥
जाइकुलसुद्धसुइवंभयारिसंपुण्णदेहसियवत्था । वत्तीस हुंति इंदा सुसावया जिणमए कुसला ॥३८॥ अट्ट
कुलीणाउ सुवासिणीओ सिरठवियक्कणयक्कलसाउ । उच्चरियमंगलाओ कयसिगारा अविहवाओ ॥३९॥ सुमु-
हुत्ते अहिवासिय जिणविवे सुद्धलग्गसुहअसे । पत्ते पसंतचित्तो नियक्किच्चे कुणइ इत्थ गुरु ॥४०॥

तंजहा — शुइदाणमंतणासो आहवणं तह जिणण दिसिबंधो । नित्तुम्मीलग्गदेसणगुरुअहिगारा इहं
कप्पे ॥४१॥ गायंतमहुरसरगायणेहि वज्जंतविविहूरेहिं । नच्चंततियसरमणीरमणीयतराहि रमणीहिं ॥४२॥
इयएवमाइजयजरवेण दिज्जंतभूरिदाणेणं । जिणपडिमाण पइट्ठा करावियां रायधूयाए ॥४३॥ तह सुइभूया वि-
हिणा सुदरिसणा करइ पंचविहपूया । वरकुसुमाऽऽहरणपमत्थवत्थवत्थलिथुइसुत्तेहिं ॥४४॥ गोसीससुरहिंकुक्कममय-
णाहिविलेवणेण वहवेणं । भत्तिभरपुलइयंगी विलिपए सुव्वयजिणिंदं ॥४५॥ इंदवइदुज्जमरगयनीलुप्पल-
चंदकंतिदिप्पंतो । जिणइंदसिरे मउडो पविरइओ रायधूयाए ॥४६॥ नाणाविहरयणमऊजालनासवियसयल-
तमनिवहो । पिहुमालयले रेहइ तिहुयणतिलयस्स वरतिलओ ॥४७॥ माणिक्कजडियंजुडलवरञ्जुयलं सहइ जिण-

कवोलतले । सुरगिरिणो पुवावरभाए ससिखरवित्रं व ॥४८॥ पिहुलउरत्थलघोलिरमुत्थिहारवलीउ रेहंति ।
जयगुरुणो निम्मलक्किक्किंदलीउव्व धवलाओ ॥४९॥ सयलजयजीववच्छलजिणिंदवच्छत्थलम्मि सिरिविच्छो ।
रेहइ सुकयनिही इव निवेसिओ रायधूयाए ॥५०॥ निज्जियतिहुयणरूवस्स वाहुजुयलेसु भुवणनाहस्स । सोहइ
केऊरजुयं सुरनरसुखवं व पच्चक्खं ॥५१॥ मंदारवउलंचंपयपाडल्लिमुचकुंदकंचणारेहिं । सयनत्तकुंदमालइपमुहेहि
सुगंधिकुमुमेहि ॥५२॥ रत्तुपलक्कमेहिं कुमुएहिं दीवएहि पमरेहिं । रायसुया तिमक्कालं पूयइ सिरिसुव्वयजि-
णिंदं ॥५३॥ इयअच्चियआहरिओ सोहइ सुणिमुव्वओ जिणारिंदो । सुरधणुवलायतडिलयसमणिओ सक्कमेहुव्व
॥५४॥ उज्जंतोऽगुरुत्तपूरवहलधूमच्छलेण जिणपुरओ । रायसुयाए नज्जइ दज्जंतो पावपुंजुव्व ॥५५॥ कंसा-
लत्तिलिमक्काहलमउंदइत्तल्लिरिहुहुत्तकरवंसा । भंभामट्टयमहलपणवमहासंखसंखायं ॥५६॥ इय नंदीत्तूरभरो निरंतरं
जिणहरम्मि वज्जंतो । णच्चइ रायसुयाए जसपडहो एस जयपयडो ॥५७॥ निज्जियरइरूवाओ चउसट्ठि-
महिलिया गुणजुयाओ । अट्टविहभरैहभावियनवविहरसपुलइयंगाओ ॥५८॥ धणक्कयसमिद्धाओ वहुयाउ विला-
सिणीउ जिणभवणे । पिच्छणयक्कारिणीओ ठवियाओ सपरिवाराओ ॥५९॥ मंडारिय-पंचैउलिय-वईगरणिय-
लेमखगाइया सच्चिना । मइमंतभत्तिमता विणिउत्ता गुट्टिया तह य ॥६०॥ तंवोलियमालियहइभवणउज्जाण-
वानिकयसोहं । पासेसु जणसमिद्धं निवेसियं वरपुरं रम्म ॥६१॥ दुहियाण दुत्थियाणं पडिपुणा सयलभवख-

१ भरइ० नुत्त । २ पच्चकुल्लिक-पचायतमो वैठकर विचारकरनेयाला । ३ वैकरणिक-राज-कर्मचारिविशेष ।

भोज्जेहि । करुणाइ दाणासाला कराविया राशुध्याए ॥६२॥ साहम्भियाण जुग्गा सुदाणसालाविसालवरसाला ।
पोसहसाला तीए कारविया धम्मणयसाला ॥६३॥ एगारसंगचउदसपुव्वथरइण समणसीहाणं । भत्तीइ देइ
दाणं रायसुया फासुएसणिग्रं ॥६४॥ अंगोवंगपइण्णापसुहस्स सुयस्स तिजयसारस्स । सुपसत्थपुत्थयाइं
लिहावए परमभत्तीए ॥६५॥ इय उल्लसियविवेया सुदंसणा इत्थ सत्तखिच्चीए । णायपवित्तं वित्तं निरंतरं
ववइ भत्तीए ॥६६॥ असोयवउलचंपयपाडलमदारपमुहतरुकलियं । सव्वजुगज्ज्जाणं दिण्णा तीए जिणाययणे
॥६७॥ इय एवमाइ सव्वं पड्डिपुण्णं कारवेवि जिणभवणं । विउसवरेहि जिहावइ तत्थ इमं सोसणं विउलं ॥६८॥

तद्यथा--भक्तिभरनम्रपति-किरीटमाणिक्यकोटिदृष्टपदः । सुरपतिवचोभिर्विभुतः, स पातु वः सुव्रत-
जिनेन्द्रः ॥६९॥ श्रीशकुनिकाविहारो, विख्यातस्त्रिशुवनेष्ययं वन्द्यः । निर्वाणनगरगोपुर-रूपटपाटनपटिष्ठः
॥७०॥ यस्या विभुधनुर्धैरप्यनेकधा पादपङ्कज विभुतम् । श्रीमज्जिनेन्द्रणदिता वाणी सा नः श्रुतं दिशतु
॥७१॥ एकद्वित्रिचतुःपठच-षट्खण्डवसुधाधिपाः । एकग्रामाधिपाद्याथ, ते शृणवन्तु वचो मम ॥७२॥ [अनु-
ष्टुभृत्तम्] भो ! भो ! कृतणुया ये, परोपकारोद्यताः कुलीनाश्च । भवभयभीतास्तेषां, करोमि विद्वान्निष्कामेताम्
॥७३॥ यस्मान्नलिनीदलगत-जललवसदृशं हि जीवितं वीक्ष्य । शरदभ्रसमामालोक्य सम्पदं कुरुत जिनधर्मम्
॥७४॥ श्रीसिंवलद्वीपसुखप्रदस्य, श्रीमच्छिळामेघनराधिपस्य । तस्याऽङ्गा नाममुदर्शनाऽहं, प्राग्जन्मविज्ञात-
विचित्रदुःखा ॥७५॥ [इन्द्रवज्रावृत्तम्]

ततश्च--संसारभ्रमिभीत्या, जातिस्मृत्या पितुः समादिष्टा । शृगुकच्छपुरे चैत्याऽ-कारि मयैतज्जिनाय-

तनम् ॥७६॥ श्रीलाटदेशराजा, जलार्धतटे नर्मदानदीतीरे । कल्याणराज्यविजयी, श्रीमञ्जितशत्रुनामाऽसौ ॥७७॥ यानि ददर्श दिनान्तर्गजतुरगाऽऽक्रान्तनगरगोष्ठाणि । ग्रामाणि चैष राजा, तेषामुपयोगमास्थामि ॥७८॥ श्रीशङ्कुनिकाविहारे श्रीमन्मुनिमुत्रताय तीर्थकृते । अष्टौ ग्रामशतानि, ग्रहृष्टजनवसतिरम्याणि ॥७९॥ वेलाकुलानि चाऽष्टौ सप्राकाराणि चाऽष्टनगराणि । प्राच्यां घोटकगंधूपुरपर्यन्तानि निखिलानि ॥८०॥ विदितश्च दक्षिणे-
नाऽपि, हस्तिमुण्डकपुरेण कृतसीमम् । एतन्मया प्रदत्तं पालयितव्यञ्च युष्माभिः ॥८१॥ दातुर्यत्पुण्यं स्यात्पाल-
यितुरसशयं तदेव स्यात् । यो भवति यदा राजा लभते स फलं तदा वीरः ॥८२॥

अन्यच्च—तत्पालयितुः पुण्यं यथा तथाऽधोगतिस्तु लोपयितुः । इति तत्पालयितव्यं, भूपालैर्न्यायिनि-
ष्णातैः ॥८३॥

किञ्च—गता गच्छन्ति यास्यन्ति, धरायां ये धराधिपाः । न केनाऽपि समं राज्ञा, गच्छत्येपा वसुन्धरा ॥८४॥ [अनुष्टुभृत्तम्] सकलधराधीशत्वं, चपलं चपलाश्च सम्पदो नृणाम् । चपलं च जीवितं निश्चलाऽत्र कीर्तिः
परं चैका ॥८५॥

अपि च—दानं विचाहृतं वाचः, कीर्तिधर्मौ तथाऽऽद्युषः । परोपकरणं कायादसारात्सारमुद्धरेत् ॥८६॥
[अनुष्टुभृत्तम्] इत्येवं भक्तिकृते, तीर्थे श्रीशङ्कुनिकाविहारे । शासनमिदं प्रसिद्धं सुदर्शना लेखयामास ॥८७॥
जिनधर्ममहाराजो सुङ्क्ते यावन्महीमिमाम् । संसारोदन्वतस्तोर्थं तावन्नन्धादिदं भुवि ॥८८॥ इय सुदरिसण-

कहाए धम्मविहिवियारसासणनिहाए । सिरिसवलियाविहारस्स वणणो वारसुद्धेसो ॥८९॥ [इइ दुवालसमुद्धेसो]
अह तेरसमुद्धेसो ।

इय पडिपुणं कांठं पइदियहं जिणहरस्मि गंतूणं । पूएइ तं जिणिंदं भत्तिवभरसायरं विहिणा ॥१॥
नवनवसंवेगपरा तिकाणहवणच्चणं च कुव्वंती । निच्च दाणं दिती गमेइ कालं समाहीए ॥२॥ अह सा
सीलवईए भणिया जिणहरमिमं जए रम्मं । इत्तो वि य भणियो जिणवरेह तवसंजमो अहिओ ॥३॥
किंच खणभंगुरस्स उ असारदेहस्स इत्तियं सारं । ज किज्जइ तवचरणं निवंधणं सासयमुहाणं ॥४॥
धम्मस्स दया मूलं दयाइ सुतवो तवस्स वरणणं । नाणस्स य निव्याणं ता जुत्तं सुयणु ! तवचरण ॥५॥

जओ--कचणमणिसोत्राणं थमसहस्ससियं सुवणणतलं । जो कारिज्ज जिणहरं तओ वि तवसंजमो
अहिओ ॥६॥ रायसुयाए भणियं जइ एवं ता गुरुहि निद्धिं । अंवे ! जुज्जइ कांठं तवं चले जोव्वणे जीवे
॥७॥ एवं सा रायसुया सीलवईए समं पयत्तेण । सर्व्वणंसुंदरं करइ चित्तमासे तवं एवं ॥८॥ सियपक्खे
जिणपूयं करेवि एंगंतरोववासेहि । एंगंतरियं च तहि पारणयं अंवलिसुद्धं ॥९॥ अंते वरजिणपूयं करेवि
दाणं सुणोण सा देइ । दुहियाण दुत्थियाण य करुणाइ तहा ससत्तीए ॥१०॥ चित्तस्स कण्हपक्खे निरुज-
सिंहनामं करइ एवं पि । कारावेइ चिगिच्छं गिलाणसुणिसावयाणं च ॥११॥ वत्तीसअंविळाइ एंगंतरिएण
एगभत्तेणं । सा करइ परमभूसणतवस्मि भणियाइ भावेण ॥१२॥ आहरणं च जिणाणं दांठं अण्णे वि कुणइ
विविहतवे । निक्खमण-नाण-निज्वाण-रुम्मपरिसुद्धणार्इणि ॥१३॥ रयणात्रलि-मुचावलि-भइ-महाभइ-सव्व-

ओभइं । एरिसतवे कुणंती तरंग ठिथा सद्विरितानि ॥१४॥ अगण्डिणे नियमाणे सुहासगत्था सुदंसणा
 देवी । सुवयसियाइ इक्काइ सायरं णमिय विणत्ता ॥१५॥ बद्धाविज्जराि सामिणि ! कुसलपउत्तीइ
 जणणिजणयाणं । कमलाइ आगमेणं च संपयं सुक्खजणएणं ॥१६॥ इत्थंतरम्मि कमला वि आगया
 पणमिऊण चरणेषु । देवीसुदरिसणाए पडिकुसलं साहए सव्वं ॥१७॥ जंपइ कमला सामिणि ! नरथ-
 र्णो चंदउत्तरायस्स । निदिट्ठे तुह कुसले सुणीण तह दंसणे सुहए ॥१८॥ तुह वंधूण ऋणिट्ठो वंसं-
 तसेणो ठनेइ तं रज्जे । तुह जणणिवंधुसहिओ पडिक्खणो नरवई दिक्खं ॥१९॥ तेणाऽवि पुणो तुह
 बंधवेण रणा वंसंतसेणेण । तुह संदिट्ठं संपइ भवंतरे मं वि वोहिज्जा ॥२०॥ तह पउमाधावीए
 वासवदत्तेण तीइ पुत्तेण । एयं चिय संदिट्ठं ममं पि वोहिज्ज जिणधम्मै ॥२१॥ सुणिऊण तीइ वयणं
 पच्चासण्ण सुणेवि नियमरण । रायसुयाए जिणवयणसारसत्रणाणुभावेण ॥२२॥ अत्र पूर्व्वगाथा-धूरुण-
 घोसनासाताराजीहाण अणुवलभम्मि । नवपंचसत्ततिण्णि य एणं च दिणं भवे जीयं ॥२३॥ धुवंचकं तह
 तिरपयं अरुंधइं जो न नियइ नियइ पुणो । विवरीयं माईहरं छम्मासे होइ जीयं से ॥२४॥ ववहा-
 रगाहा-एयं जो उवलक्खइ सया वि खलु आयरेण पइदियहं । सो जाणइ नियमच्चुं इयरो सत्थाइं
 उवहसइ ॥२५॥ एएहि रायधूया सुणेवि चिंवेहि अत्तणो मरणं । सव्वं पि नयरलोयं खमात्रए परियणं
 तह य ॥२६॥ चेइयहरेसु अट्ठाहियासु महिमाओ तह करावेइ । दाणाइ सुणित्राणं देइ अणाहाण दीणाणं
 ॥२७॥ वंदेवि जिगवरिंदे नीसंगं तह करेवि अत्ताणं । विहियकरयंजलिउडा थुणइ विरिसुवयजिणिंदं ॥२८॥

तंजहा-जय जय तिहुयणभवणप्पईव ! जय जय सुरिंदणयचलण ! । जय जय भवजलहिसु जाणवत्त !
सुणिसुव्वयजिणिंद ! ॥२९॥ जय जय निक्कारणपरमबंधु ! जय जय जईस ! सुरमहिय ! तुह चरणानं
पुरओ करेमि विण्णत्तियं एवं ॥३०॥ जम्मजरमरणगुरुलहरिभीसणे णाह ! भवसमुद्धम्मि । पावइ सुसा-
णुसत्तं जीवो जं तं तइ पसण्णे ॥३१॥ एगुणसयरिकोडाकोडीउ खवेवि मोहणीयस्स । जं होइ तुम्ह
सेवाणुसंगमो तं तुह पसाओ ॥३२॥ जो य तुमं पिच्छंतो जायइ सहसत्ति बहुपुलइयंगो । सो भव्वो
पइजम्मं हवेइ पुरिसुत्तमो लोए ॥३३॥ जो तुम्ह पुणो आणाणुपालणं कुणइ पइदिणं विहिणा । तस्स
सुरासुरमणुया कुणंति आणं पहिद्धमणा ॥३४॥ आणामित्तेण वि पणइयस्स जिण ! जं समं फलं देसि ।
तं कयकिच्चो व तुमं सब्व पि निएसि अप्पसमं ॥३५॥ सामि ! सुदुल्लहं तुम्ह दंसणं भावयंति जे सुहयं ।
ते वि सिवसुरसुक्खाण भाइणो नाह ! जायति ॥३६॥ पच्चक्खो वि तुमं जिण ! न दीससे कहवि
भावरहिण्हिं । अहवा कि कपतरू कयावि पिच्छंति निग्भगा ? ॥३७॥ तुमक्कळीहि न दीससि नाऽऽ-
राहिज्जसि पभूयपूयाहि । किंतु गुरुभत्तिराएण वयणपरिपालणेणं च ॥३८॥ रसवायखीणदेहा जे पयड-
निहिं व तं अपिच्छंता । भसडंति जं वराया तं मणे नाह ! जम्मंथा ॥३९॥ मुत्तुं तुमं पि अणं जे
के वि णमंति धम्ममुद्धीए । सब्वं पि सुन्नणमयं नियंति धत्तूरिया अहवा ॥४०॥ सुहयं गुणाण निलयं
निज्जियतियलोलच्छवरसोहं । तुम्ह वणारविदं निएवि हरिसिज्जइ न को वा ? ॥४१॥ विमलगुण-
रणजलनिहि ! भवजलनिहिपडियतराणारंड ! । जम्मजरमरणवज्जियपयणय ! परमेसर ! नमो ते ॥४२॥

इय सुव्वयजिण ! देविदणमियपय ! सुयगुणसुदंसणाइय ! सासयनिव्वाणसुहेहि कुण पसाय पसणन्छ !
॥४३॥ थुणिऊण जिणवरिंदं अरिहंतसुसिद्धस्सरिउञ्जाए । साहू य भत्तिसहिथा णमेवि भावेण रायसुया
॥४४ आलोइय दुच्चरियं मणनयकाएहि जं कयं पावं । काऊण कसायजयं इंदियइच्छानिरोहं च ॥४५॥
संसारम्मि अणंते अणंतजम्भेसु संसरंतेणं । जे के वि मए दुक्खे निजोजिया ते समावेमि ॥४६॥

तंजहा—पुदविजञ्जलणमारुयवणसइकाया विराहिया जीवा । जं मणवयकाएहिं मिच्छा मे दुक्कडं
तस्स ॥४७॥ सुरनरतिरिनरयभवे जे के वि विराहिया मए जीवा । मणवायाकाएणं मिच्छा मे दुक्कडं तस्स
॥४८॥ दसणणाणचरित्ते पडिक्कलं जं मए कहिं पि कयं । मणवायाकाएण य मिच्छा मे दुक्कडं तस्स ॥४९॥
अब्भित्तरओ रागाइदोस दव्वाइयं च वाहिरथो । दुविहमचित्तसचिचं तिविहं तिविहेण वोसिरियं ॥५०॥ चउ-
विहआहारस्स उ जावज्जीवग्गि मज्झ विणियत्ती । जस्स कए आहारो तस्स चिय अणिच्चदेहस्स ॥५१॥ एगो
निच्चो जीवो मज्झ सया णाणदंसणसमेगो । सेसा संजोगा पुण भवे भवे मज्झ वोसिरिया ॥५२॥ सामाइयं
च तिविहं तिविहेण करेइ सा जिणुदिट्ठं । अरिहंतसिद्धराहू जिणधम्मं सरणमल्लियइ ॥५३॥

तंजहा—राणदोसकसाए दुज्जयपंचिदियाणि करणतियं । जेहि इमे अरी हणिया अरिहंता मज्झ ते सरणं
॥५४॥ भवमीले रागदोससल्लिसित्तं सकम्मफलवीयं । जेसि पुणो वि न रोहइ अरुहंता मज्झ ते सरणं ॥५५॥
णागिदसुरिंदनरिंदंचंदखयरिदविहियपूयं जे । अरुहंति तह सिनगइ अरुहंता मज्झ ते सरणं ॥५६॥ खविऊण
पुणणपावं सायलमणिच्चं मुणेवि णाणेणं । जे पत्ता परमपयं ते सिद्धा मे सया सरणं ॥५७॥ चरणकरणपपहाणा

समिईशुत्तीसु निच्चवुज्जुत्ता । समसत्तुमिच्चित्ता ते मज्झ सया सुणी सरणं ॥५८॥ पंचासवपंचिंदियनिग्गहणो
चउत्तमायविजयपरो । जो केमलिपणत्तो धम्मो सो होउ मह सरणं ॥५९॥ सुक्रयाऽणुमोयणपरा । अट्टरस-
पावठाणपरिसुत्तका । समभावभावियप्पा नियदुक्कयगरहणुज्जुत्ता ॥६०॥ इय एवं फग्गणपुण्णिमाइ सा अण-
सणं करेऊण । जा चिट्ठे रायमुया अइ पत्तो गिम्हकालु चि ॥६१॥ अहियकरकंतधरो खरो कुणराहिथुव्व
दुप्पिचओ । भट्टगिसमाणअमाणत्थुदुव्वायत्तकल्लिओ ॥६२॥ जिणवयणसिसिरगोसीसचंदणेणं व सिच्चमाणा
सा । तं अणसणं पि मण्णइ सुदंसणा असयपाणं व ॥६३॥ सीलवई वि हु तम्मोहमोहिद्या तस्समीविष्ठुवविद्धा ।
निच्चं पि सरइ महुरस्सरेण असयं व सिद्धंतं ॥६४॥ इय सा संवेगपरा पंचणसुक्कारसुमरणपहाणा । वट्साहमा
ससियंपंचमीइ पचचमणुपत्ता ॥६५॥ ईसाणदेवलोए उप्पण्णा सा महिद्धिहया देवी । अमरच्छपरिरिया थुव्वंती
देवदेवीहि ॥६६॥ अह सा सीलवई वि हु तव्विरहाणलपलित्तसव्वंगा । चाऊण सव्वसंगं सुगुरुस्समीविम्मि
पव्वट्टया ॥६७॥ तेहि वि समप्पिया सा पवत्तिणीए इमा समं तीए । सह विहरंती सम्मं पढइ सुयं कुणइ
तिव्वतवं ॥६८॥ पायं पच्चासणं भरुवच्छपुरस्स विहरइ एसा । सिरिसव्वलियाविहारस्स भत्तिराएण गुरुएण
॥६९॥ इय सा सुइर कालं अक्कलं पालिऊण तवचरणं । अणसणंते काउं सुदंसणामग्गणुल्लग्गा ॥७०॥
मरिऊण समाणीए उप्पण्णा सा वि तत्थ ईसाणे । पत्रविमाणे देवी महिद्धिहया भूरिपरिवारा ॥७१॥ ता दो
वि तत्थ मिलियाउ पुव्वभवसंगयाउ सुरसुक्खं । माणंतऽणुरत्ताओ अविउत्ताओ सयाकालं ॥७२॥ कइया वि

जंति णंदीसरम्मि दीवम्मि सपरिवाराओ । अट्टाहियाउ महिमा कुणंति ता चेइएसु तहिं ॥७३॥ कइया वि मेरुपव्वयपमुहेसु महीहरेसु पवरेसु । सिद्धायणेसु कुणंति दो वि देवीउ पूआओ ॥७४॥ कइया वि जंति अट्टावयम्मि सिंतुंजसेलसिहरम्मि । अण्णेसु वि तित्थेसु कुणंति पूयं अणिच्चेसु ॥७५॥ सिरिसीमंधरसामिय-पमुहाण जिगाण विहरमाणं । वच्चंति समोसरणे सुणंति पहुदेसणं तत्थ ॥७६॥ कइया वि जंति जम्मण-महिमाइएसु जिणवरिदचंदाणं । सयं पुण भरयच्छे सुणिसुव्वयणाहभवणम्मि ॥७७॥ तत्थ य सव्विड्ढीए सुरतरुकुसुमाइएहि जिणपूयं । काउं भत्तिभरेणं कुणंति णिच्चं पि पिच्छणयं ॥७८॥ इय ताओ दो वि देवीउ देवगुरुपायपूयणपराउ । तह गुरसुहकलियाओ गयं पि कालं न याणंति ॥७९॥ इय सुदरिसणकहाए विवेगसंवेगंगसालाए । सुदरिसणासीलवईसगगमो तेरसुहसो ॥८०॥ [इइ तेरसमुहेसो]

अह चउदसमुहेसो

अह भणइ चंडवेगो सुणी ठिओ तत्थ विमलसेले सो । चंपगलयाइ पुरओ रुक्खंतरियस्स तह रण्णे ॥१॥ एयं चरियं तइया विंचं सुणिसुव्वयस्स तित्थम्मि । इत्थाऽऽगमणं संपइ तुम्हाणऽम्हाण साहेमि ॥२॥ सिरिभरुयच्छे जइया वट्टंते सुव्वयस्स तित्थम्मि । सुव्वयजिणस्स भवणं कारवियं रायभूयाए ॥३॥ एयं पि इत्थ तइया विजयकुमारस्स साहुभचीए । देवीसुदरिसणाए करावियं जिणहरं तीए ॥४॥ गणहरसुणीहि पच्छा पयडिज्जंते जिणिदधम्मम्मि । तित्थस्स वासलम्खा बोलीणा अंतरे छच्च ॥५॥ [६००००] इत्थंतरम्मि भइ ! णमित्तित्थयो इह समुप्पणो । दसवाससहस्से पयडिज्जण धम्मं गओ मुक्खं ॥६॥ [१००००] तित्थं

च तस्स पंचहि वासलत्रखेहिं वोलियं जाव । [५०००००] ता सिरिजेमिजिणिदो भारहम्मि इह समुप्पण्णो ॥७॥
वरिससहस्सं इक्कं धम्मं साहेवि भव्वसत्ताणं । [१०००] संपत्तो निव्वाणं निरुवमसुक्खं निरावाहं ॥८॥ अद्ध-
दुमसयहियवरिससहसतेयासिया अइक्कंता । [८३७५०] तो इत्थ भरहखित्ते पासजिणिदो समुप्पण्णो ॥९॥
वरिससयं पासजिणो धम्मं साहेवि सिवपयं पत्तो [१००] दोसयपंचासहिया पयत्तियं पासजिणत्तित्थं ॥१०॥
[२५०] भयवं वीरजिणिदो उप्पण्णो इत्थ भरहखित्तम्मि । वाहत्तरिवरिसाइं कहेवि धम्मं सिवं पत्तो ॥११॥
[७२] किंचूणावारसवरिसलक्खसिसिसिवलियाविहारस्स । भरुयच्छे तीइ करावियस्स कालप्पमाणमिणं ॥१२॥
[११९५१७२] ऊणाधिककाउद्देसेण—जत्थउज्जवि सुपवित्ते तित्थे साहंति मुणिवरा मुक्खं । अवसप्पिणीइ
तित्थं सुरमहियं वट्टए इण्हि ॥१३॥ एयम्मि वट्टमाणे तित्थे तित्थययवद्धमाणस्स । इह विमलसेलसिहरे
आगमणं तुज्ज साहेमि ॥१४॥ निमुणसु भइ ! तइया सिंहलदीवाउ रायधूया सा । भरुयच्छे संपत्ता जणणि
जणयं खमावेवि ॥१५॥ कमलाइ पडिनियत्ताइ साहिए धम्मवइयरे सव्वे । देवीसुदरिसणाए सोउं संविग्ग-
चित्तेणं ॥१६॥ तइया सिंहलवइणा वंसंतसेणो कणिट्टनियपुत्तो । अब्भत्थिऊज बहुसो अहिसित्तो कहवि
नियरज्जे ॥१७॥ पउमाधावीइ सुओ तस्स सहाओ निरुविओ दुडओ । जणणिव्व ताण पासै ठविआ पउमा
तहा धाई ॥१८॥ राया वि चंदत्तो सपरियणो रायलच्छिमुज्जेवि । जिणदिक्खं पडिवण्णो सुदंसणाए
विओगेण ॥१९॥ काऊणं विउलतवं मरिऊण देवल्लोयमणुपत्तो । सो पुण वंसंतसेणो सिंघलदीवे कुणइ

रज्जं ॥२०॥ कालेण सो वि रज्जं चइं पडिवडिज्जऊण तवचरणं । मरिउं विराहियवओ असुरकुमारसु
 उववण्णो ॥२१॥ संपइ सो वेयइहे दाहिणसेढीइ चंदरहणयरे । णामेण चंडवेगो राया विज्जाहरो जाओ
 ॥२२॥ वररूवलकखणधरो नवजोवणसंपयं समारूढो । सो अणया रंतो पत्तो भसुअच्छनयरम्मि ॥२३॥
 सिरिसवलियाविहारे क्किणरगंधव्वजवखखुवईणं । मेयरवं निसुणंतो संपत्तो जाव जिणभवणं ॥२४॥ ता
 महरगिरा लवणीहि मंगलं पभाणिउं सुरवहूहिं । खिविऊण कुसुमवुट्ठी पारद्धं पवरापिच्छणयं ॥२५॥ तम्मि
 य वट्टंते विविहभावइरम्मि अमरणाारीहिं । अण्यविहत्थाहि तओ एगा जुवइ समुच्चरिया ॥२६॥

तंजहा—जा सुरसेलसहियकुलपव्वय गयणि तवेइ दिणयरो, गहणवखत्तारागणसोहिओ णहि परिभमइ
 ससहरो । ता सरयमियंकमुत्ताहलखीरोयहिजलुज्जला देविसुदरिसणाइ सुरणारीहिं गिज्जउ क्किच्चिणिम्मला
 ॥२७॥ तत्तो सुदरिसणाए देवीए हिययभावकुसलाए । कयसंकेयाइ इमं भणियं अमरीइ एगाए ॥२८॥
 ससुरासुरम्मि लोए पिच्छह मोहस्स विलसियं जम्हा । विसयसुहलालसामिच्छतिमिरपडलंतरियणयणा ॥२९॥
 पिच्छंता वि न पिच्छंति के वि हियमण्णो महामूढा । अहवा क्किच्चियेयं पमायमइरापरवसाणं ॥३०॥ अह
 कयसंकेयाए अवरए अच्छराइ इय भणियं । कि पि न चुज्जं जं इह घणरागादोसवसगज्जिया ॥३१॥ पुण
 पुण वि भणिज्जंता वि केइ हियमत्तणो नहि सुणंति । अहवा क्किच्चियेयं घणच्चिक्कणनिविडकम्माणं ॥३२॥
 इय ताण अच्छराणं सोवालंभं निसामिउं वयणं । सो चंडवेगखयरो चिंतिउमेवं समाहत्तो ॥३३॥ किमहो !
 एस महप्पा अरिहतो देवयाविसेसोऽत्थ । दिट्ठो व निसुणिओ वा कयावि कत्थ वि मए पुब्बि ॥३४॥ देवी-

सुदरिसणाए अमरवहर्हि पि एरिसी कित्ती । इह जीइ पसंसिज्जइ सा मए कत्थई णिसुया ॥३५॥ तह य क्रियं अमरच्छराहि भणियं जमित्थ सोहंधा । हियमप्पणो न पिच्छंति के त्ति न सुणंति घणकम्मा ? ॥३६॥ एवं विचितयंतस्स तस्स विज्जाहरस्स वोहकए । भणियं सुदरिसणाए अत्तहियं भइ ! णिसुणेहि ॥३७॥ तइया हं वोहिकए भणिया णु तए सुबुज्ज ता इण्हि । आसि तुमं पुव्वभवे पुत्तो सिरिसिहल्लेस्सस्स ॥३८॥ संद्धिं च तए मह वंसतसेणेण पत्तरज्जेण । जह पडिवोहेयव्वो अहं तए इय तथा भणियं ॥३९॥ देवीसुदरिसणाए वयणमिणं खेयरो सुणेऊण । उप्पणजाइसरणो भणइ कयत्थो कयत्थो हं ॥४०॥ दुग्ग-इगत्तावडिओ जिणिदमयरज्जुणा तए देवि ! । उद्धरिओ जह सहसा धम्मं पि तहा कहसु मज्झ ॥४१॥ इत्थंतरम्मि तइया सित्तुंजे तियसकयसमोसरणे । भवियपडिवोहणकए वीरजिणिंदो समोसरिओ ॥४२॥ विज्जाहरो वि देवीसुदरिसणाए समं तहि पत्तो । भत्तीइ ते जिणिंदं थुणंति तिययाहिणं कांडं ॥४३॥

तंजहा—जय जय वीरजिणेसर ! जय जय तियसिंदनमियपयकमल ! । जय तिहुयणभवणुद्धरण ! सरण ! भवभीयभवियाणं ॥४४॥ जय कुगइनयरगोउरकवाड ! निव्वाणणयरपहदीव ! । तह कुण अमह पसाय निवडेसो जह न संसारे ॥४५॥ इय थोडं वीरजिणं नियनियठाणम्मि ते निविट्ठाइं । णिसुणंति धम्मदेसणामिणसो पहुणा कहिज्जंति ॥४६॥ दसत्तुल्लागाइदिट्ठंतदुल्लहं लहिय माणुसं जम्मं । वरसम्मत्तपविच्चं जिणधम्मं कुणह जत्तेण ॥४७॥

तहाहि— पुव्वुत्तकमेण जिओ गंठिं भित्ठण लहइ सम्मत्तं । सो पावइ जिणधम्मं पि सब्बओ

देसओ वा वि ॥४८॥ लङ्गण वि जिणधम्मं न निच्चलं होइ जस्स सम्मत्तं । सो परिवडेइ पुणरवि
भमइ अणंतं पि संसारं ॥४९॥ जो पुण अप्परिवडियं सम्मत्तं धरइ णिच्चल जीवो । आसणसिद्धि-
सुक्खस्स लक्खणं तस्स साहेमि ॥५०॥ जीवाइतत्तासायमसासयं जं जिणेहि पणत्तं । तं सम्मं भावतो
नीसंको सो मुणेयव्वो ॥५१॥ संसारदुक्खदुहियं पाणिगणं जो निएवि करुणाए । उवरइ सत्तिओ
सो णेओ करुणापरो भव्वो ॥५२॥ चउसु वि गईसु दुक्खं मुणेवि संसारभीरुओ वसइ । उज्जमइ
धम्मकज्जे निव्वेयपरो स विणेओ ॥५३॥ पज्जंतेसु अणिच्चं णरसुरसुक्ख पि तिणसंमं गणइ । अहिलसइ
सिद्धिसुक्खं संवेयपरं च तं जाण ॥५४॥ असुहं कम्मविधाणं णारुण कयावि जो न रूसेइ । कयदीसेसु
वि सदओ तं उवसमसंगयं सुणह ॥५५॥

अवि य—ददइण जिणवरिदं पुलइज्जइ जो संभमं सहसा । सुणिदंसाणाणुरागी साहम्मियवच्चळो
सदओ ॥५६॥ अरिहंतसिद्धपवयणगुरुत्थेरवहुस्सुयाइठाणेसु । उज्जमइ भावसारं संकाइविवज्जिओ सुमइ
॥५७॥ जीयं जीव्वणलच्छी खणभंगुरयं मुणेवि सब्बमिणं । उज्जमइ धम्मकज्जे सो भव्वो विमलस
म्मत्तो ॥५८॥

अणं च— णिस्संक्रियणिकंखियणिच्चिइणिच्छाअमूहदिट्ठी य । उववूहथिरीकैरणे वच्चल्लपभावेणे
अट्ट ॥५९॥ सम्मत्तरक्खणहं अइयारे जो इमेऽणुरक्खेइ । पायारव्व सुणयरे सम्मत्तं णिच्चलं तस्स ॥६०॥
तंजहां—जीवाइणवपयत्थे भावेण सया वि जो णु सदहइ । पेयापाइसुओ इव सुहिओ सो होइ णिस्संको

॥६१॥ छज्जीववहपयत्ते कुल्लिगिए दट्ठु कट्ठकम्मपरे । गिवकंखिओ न कंखड तुच्छाहारेण मच्चुव्व ॥६२॥
जिणधम्मफलं पइ जस्स गत्थि कइयावि णूण संदेही । सो समुहणहयलगाई विज्जागाहणेण चोरुव्व ॥६३॥
मलमल्लिणदेहवत्थे सुणिवसहे दट्ठु जो दुगच्छेड । दुग्गंधव्व दुही सो इय गाउ हव्वह अदुगंछी ॥६४॥
दिट्ठे वि कुदिट्ठिपरे अइसयवत्ते वि जो न सुज्जेइ । सो सुलससाविद्या इव अमूढदिट्ठी सुणेयव्वो ॥६५॥
चारित्तणाणदंसणसमुज्जए सुणिवरे पसंसेइ । उववृहइ जइधम्मं अभयकुमारो दसगसाहुं ॥६६॥ तवसीलणिर
यरहणेमिक्खुभरपडिवोहणेण राइमई । थिरसम्मत्ता गाउं थिरसम्मत्तेण होयवं ॥६७॥ साहम्मियवच्छल्लं मुणीणा
वाहुव्व होइ कायवं । सावयगणाण अहवा सत्तीए भरहणाहुव्व ॥६८॥ जिणकप्पियमुणिसीलपभावपयडणपरा
सुभद्वव । चंपाइ पोलिउग्घाडणेण णेया पभावणया ॥६९॥ इय अट्टगुणविमुद्धं सम्मत्तं जस्स गिच्चल
अत्थि । सो संसारसमुद्धं तरेइ अइरेण कालेण ॥७०॥ मिच्छत्तं पि य णेयं तम्मत्तं जेण निच्चलं होइ ।
अमुणियगुणदोसाणं हवेऽ गुणसंगहो किह णु ? ॥७१॥ भवसयसहस्सदुलहं सूढो हारेड विमलसम्मत्तं ।
वंतरसुग्गल्लाहगुत्तदेवयापियरूयाए ॥७२॥

अण च—पडिवज्जियजिणधम्मो अणो सवण्णुभासियं वयणं । इत्तं पि अमणंतो मिच्छहिट्ठी
सुणेयव्वो ॥७३॥ सूढा अणाइमोहा तना तथा इत्थ संपयइता । तं चेव उ मणंता अवमणंता न याणंति
॥७४॥ एए सगच्छसाहू एयं मह जिणगिहं वि मणंती । अण्णे णुण अवमण्णइ वीयं मिच्छत्तस्सस्स ॥७५॥
णत्थि मुपत्तं संपइ दाणं देमि चि क्रस्स चित्तंती । जणइ दुग्गंछं वोहिं हणेइ मिच्छत्तकंदो सो ॥७६॥

मलमइल्लुणी ददहुं न य वंदइ जो जणस्स लज्जंतो । दंसणपहा हणतो कोसो मिच्छत्तचित्तस्स ॥७७॥
जो पुण सइ सामथ्ये वसणमुक्खेइ ससणसंघस्स । सोऽणतदुक्खसंवलसंपुण्णो भमइ संसारे ॥७८॥ जो
गिहकुंडुवसामी संतो मिच्छत्तरोवणं कुणइ । तेण सयलो वि वंसो पविस्सत्तो भवसमुद्दिम्मि ॥७९॥ नवि
तं करेइ अग्गी पेय विसं पेय किण्हसप्पो वि । जं कुणइ महादोसं तिव्वं जीवस्स मिच्छत्तं ॥८०॥
मिच्छत्तमोहमूढो चउगइसंसारगुरुयकतारे । छेयणभेयणपमुहं पावइ जीवो अणंतदुहं ॥८१॥ ता एयमणेग-
विहं मिच्छत्तं सुगइगसणपडिकूलं । वज्जेयव्वं सम्मत्तरयणपडिसोहणद्वारे ॥८२॥ जह मलकलंकमुक्कं कणं
साहइ समीहियं कज्जं । तह मिच्छत्तविमुक्कं सम्मत्तं साहए सुक्खं ॥८३॥ सो पुण णरिदं ! शुक्को साहि-
ज्जइ सव्वसंगविरईए । सा सव्वसंगविरई हवइ महासत्तपुरुस्स ॥८४॥ ता चंडवेग ! खत्तियकुलसंभवखयर !
तंसि महसत्तो । उवलद्धपुण्णपावो अवगयंसंसारसव्भावो ॥८५॥ जइ सरसि पुव्वजम्मं तो तोलेऊण उत्तमं
सत्तं । सहलीकरेह मणुयत्तणं गहेऊण पव्वज्जं ॥८६॥ गिण्हित्तु तयं तुमए पयट्ठियव्वं तु सव्वकालं पि ।
अपमत्तमाणसेणं एयाइ विमुद्धकिरियाए ॥८७॥

तथाहि—छज्जीविकायरवलं कुणसु तुमं सययमायपच्चक्खं । समिइउ पंच गुत्तीउ तिणिण पालेसु अप-
मत्तो ॥८८॥ पालसु तं पंचमहव्वयाइं गिसियग्गखगधाराइं । दंसणणचरित्तस्सख्वरयत्तयं धरसु ॥८९॥
सुत्तथगहियसारो पयडीकाऊण अत्तणो विरियं । सतरसविहं पि सम्मं परिपालसु संजमं रम्मं ॥९०॥ अट्टार-
सविहवंभं नवगुत्तियुयं धरेसु सुविमुद्धं । सहए तुमं धीरमणो धावीसपरिसहे दुसहे ॥९१॥ बायालदोसरहियं

गिण्हसु आहारमंगविच्चिकए । सेवसु गुरुकुलवासं दमसु तुमं इंदियतुरंगे ॥९२॥ निज्जिणसु रागदोसे कसाय-
सुहडे तुमं निराकरसु । आरुहिज्जण सेट्ठि लहसु अहक्खायचारित्तं ॥९३॥ अपसत्थलेसरहिओ पसत्थलेसा-
णुगो विगयमोहो । रुद्धज्ञाणमुक्को धम्मज्झाणाणुगयचित्तो ॥९४॥ होज्जण सुक्कलेसो विहरित्तु जहागमं
सुहविहारं । मरिउं पंडियमरणेण वच्छ ! गच्छसु तुमं सुगइं ॥९५॥ इय सोउ सो खयरो सिरिरीरिज्जणस्स
पायमूलम्मि । सिंतुजसेलसिहरे संविगो गिण्हए दिक्खं ॥९६॥ अम्मत्थदुविहसिक्खो विहरंतो भगवया समं
एसो । तिव्वतवच्चरणरओ ओहीणाणं समणुपत्तो ॥९७॥ तोलित्ता अत्ताणं तवसत्ताईहि पंचतुल्लणाहिं । पडिन्न-
ज्जित्ता सम्मं एगल्लविहारवरपडिमं ॥९८॥ गाणेण तुमं गाउं संपइ चंपयलए ! विमलसेले । इह तुह पडि-
वोहकए समागओ सो अहं भदे ! ॥९९॥ इय सुदरिसणकहाए मिच्छत्तभुयंगगरुडसरिसाए । सुदरिसणाइ
सहोयरविवोहणो चउदसुदेसो ॥१००॥ [इहइ चउदसमुदेसो]

अह पंचदसमो उदेसो ।

अह मणइ मुणी भदे ! इमस्स चेइयहरस्स उप्पत्ती । मूलाओ तह कहिया संपइ णियवइयरं सुणसु ॥११॥
जा य तथा मह पासे सिधलवइणा निरुविया धाई । पउमा सा मरिज्जणं इत्तियकालं भवं भमिया ॥१२॥ संपइ
पाडल्लियरे जयरणो जयसिरीइ देवीए । जाया अइरमणीया धूया चंपगलया णाम ॥१३॥ सा सव्वकला-
कुसला वरलयणा पवणतारुणा । णियरुवगन्वियमणा परिणयणं निच्छइ भयच्छी ॥१४॥ अह अणदिणे

दट्ठुं पडिर्मायं चितपट्टियाल्लिहियं । महसेणणिवस्स तओ जाया सा साणुरायमणा ॥५॥ तो दूयसुहेण जएण राइणा सहिओ महासेणो । पंचवहणेहि चलिओ तो भगं पवहणं तस्स ॥६॥ तं सोउं चंपगलया विसयविरत्ता विसायसंपत्ता । दिट्ठा सुदरिसणाए देवीइ विमाणगमणाए ॥७॥ णियपुव्वजम्मथाऽ च्चि जाणिउ तीइ वोहण-मणाए । तित्थणमणत्थमेयं दिण्णं से पाउयाज्जुयलं ॥८॥ तित्थाहू णमंसती सिंतुंजईणि पाउयाह्वाहा । संपइ इह सपत्ता तुमं सि सा चंपययल्य च्चि ॥९॥ ता जे चलसस्मत्ता भेइ ! भीमस्मि भवससुहस्मि । ते परिभ-मति तुममिब इय सुणिवयणं सुणेउं सा ॥१०॥ उधणजजइसरणा जपइ चंपययलया विणायमोहा । वासवदत्तो सो मह पुत्तो कत्थित्थ निवसेइ ? ॥११॥ यणइ सुणिदो तदया काले सरिऊण अहयधम्मो सो । इत्तियकालं भमिओ कइवि भवे त्तिरियमणएसु ॥१२॥ किंचिकयसुकयत्तम्मो मलयायलणियडमलङ्गयरीए । णामेण महासेणो संपइ सो णरवई जाओ ॥१३॥ सो तुह परिणयणत्थं चलिओ जा एइ उयहिमज्जम्मि । पडिक्क-लपवणखित्तो समागओ सो वि ता इत्थ ॥१४॥ तण्हा सुसियसरीरो वावीए सो जलं पिएऊण । तुह पाउ-याण जुयलं दट्ठूण संसंभमो जाओ ॥१५॥ सो तुज्ज पायपडिच्चिवमगलणो समागओ इत्थ । जिणभवणे तुह ख्वं णिएवि मयणाउरो जाओ ॥१६॥ तुह ख्वं पिच्छतो णिवसइ किक्किल्लिपायवंतरिओ । उप्पिच्छह णियपुत्तो भणियमिणं चंडवेणेण ॥१७॥ सोऊण णियचरियं राया धाराहओ वऽत्तुव्व । गुरुळ्जजो णमिय-सिरो समागओ साहुपयमूले ॥१८॥ सुमरंतो पुव्वभवं भणइ णिवो हं तए महाभाग ! । णिदियकज्जभिभुहो णिवडंतो दुग्गइ धरिओ ॥१९॥ ता मह कुणह पसायं णिवडामि जहा पुणो न रासारे । होति उवयारणि-

रया णिवकारणवंधवा गुरुया ॥२०॥ भणइ मुणिदो भइय ! मोहतमाऽऽलियाणणयाणां । कामंधंजंतुयाणं
संसारं कित्तिंयं एयं ॥२१॥ घण-णिविडकडिणियकम्मदोसदिहरज्जुपासगलगाहिओ । मरिऊण होइ पुत्तो
पुत्तस्स वि अप्पणो कइया ॥२२॥ पुत्तो वि पिया जणणी वि भारिया भारिया वि पुण जणणी । भइणी
भज्जा धूया भइणी भइणी पुणो भज्जा ॥२३॥ मित्तो सत्तू जायइ सत्तू मित्तो सहोथरो वेरी । वेरी वंधू
सामी भिच्चो भिच्चो पुणो सामी ॥२४॥ राया दासो दासो सकम्मवसगो हवेइ पुण राया । ता मा कुणसु
विसायं संसारे कित्तिंयं एयं ॥२५॥ संपइ विसेसओ पुण कलिकालकलंकंपकल्लुसाणं । अण्णाणतिमिरयुरुभर-
अंतरियविवेगयणाणं ॥२६॥ महमोहमोहियाणं सट्ठपकंदप्पसप्पडक्काणं । मिच्छत्तविसमविसघारियाण कोह-
णिदइहाणं ॥२७॥ माणगिरिचंपियाणं मायाविसवल्लिगहणविहुराणं । धणमुच्छमुच्छरिच्छोलिवाइयाणं सुत्तुच्छाणं
॥२८॥ लोहमहोयहिडुडुण कूरुकुणाहगाहगहियाणं । आवायमहुरविसयाभिलासभावत्तंताण ॥२९॥ दुट्ठा-
भिणिवेसकिलिड्डअकलकललुत्तसव्वगत्ताण । इत्थ अकज्जपविच्ची जंतूणं कित्तिंयदुरंता ॥३०॥

अवि य—जह सणिवायजरियस्स होइ दहिदुद्रपाणयं अहियं । पित्तजरियस्स जलणोवसेयणं वा तेहंयं
वि ॥३१॥ अइविरसं विसयसुदं विसणपरिणामदारुणं विसमं । पामाकंडुयणसमं सुहियाण विसोवभोगं व
॥३२॥ किपागतर्फलं पिव परिणामसुदारुणो विसयंसगो । भवसयपरंपरासु वि दुहहेऊ तेण सुत्तव्वो ॥३३॥

किंच --वसमंसरुहिरसुत्तासुइसुक्कमलोहपूरियदुगंथे । चम्मट्टिणहारुणद्धे पडदिणसक्कारकयसोहे ॥३४॥
चम्मारकुंडसरिसे वंहतवणखेलसोणियप्पवहे । एरिसियम्मि वि देहे कुणंति मूढा दहाऽभिरइं ॥३५॥ जत्थु-

प्वज्जन्ति णरा वड्ढन्ति तहेव जेहि पीएहिं । तत्थ वि कामासत्ता कुणन्ति रागं अहो ! चुज्जं ॥३६॥
 अण्णं च—अवसप्पिणीइ संपइ दूसमदोसेण पाणिणो पायं । अइमूढमणागाढं पमायमइरामउम्मत्ता ॥३७॥
 बहुकवडकूडभरिया अकज्जणिरया कुसीलसंगरया अकयणुया कयथा चलचित्ता पवलमिच्छत्ता ॥३८॥ आरंभ-
 परा तुच्छा गिरप्पणा असहणा य मच्छरिणो । गिळ्ळज्जा गिम्मैरा गिट्ठुरवयणा गिरणुकंपा ॥३९॥

किंच—अइसइणो विरलतरा खंतिपरा मुणिवरा वि वीयसमा । अप्पतरं सम्मत्तं विरई दुविहा वि दुर-
 णुचरा ॥४०॥ अप्पीओ गुरुविणओ मित्तीभावो सकारणो लोए । अइलोहण्णहगहिओ परप्परं सुयणववहारो
 ॥४१॥ सावज्जकवडवहुलो सकिलेसो अत्थसाहणोवाओ । जणयतणयाइयाण वि सयणाण मिहो अवीसासो
 ॥४२॥ अणायकारिणो कूरमाणसा कूडळग्गुणप्पवणा । पुहइवइणो वि छलछिदपेहिणो हयपिसायच्च ॥४३॥
 पउरा धुत्ता वीसत्थघायगा गंठिभेयगा बहुया । उच्चाडणथंभणमोहणाइगुरुपाविणो सुघणा ॥४४॥ छुंत्ति
 तक्करगणा अहियकरक्कंतदुत्थिया लोया । अप्परसवीरिया ओसहिओ गावीउ तुच्छरसा ॥४५॥ तुच्छं
 मइविण्णं हयप्पयावाउ मंतविज्जाओ । अप्पाऽऽउया य मणुया बलहाणी बुद्धिहाणी य ॥४६॥ णेहस्स चंचलत्तं
 सुकुलीणाण वि तहा कुसीलत्तं । सारफलफुल्लपल्लवतुच्छत्तं वणसङ्गं च ॥४७॥ तुच्छं मेहाण जलं तुच्छं
 सस्सं च पउरदुब्बिभवखं । रोगवहुलो य लोगो कलिकालो वइए एसो ॥४८॥ अइपउरजलो संजायकंदलो
 संचरंतदोजीहो । उम्मग्गपयट्टजणो पाउसकालुच्च कलिकालो ॥४९॥ कमलयरहरियपहो पसरियजड्डो सुइ-

प्याचहरो । दोसायरवहुदओ कलिकालो सिसिरकालुव्व ॥५०॥ अहियकरकंतधरो संतावकरो य दूसहो
चंडो । अवणायसमिद्धिसासो कलिकालो गिम्हकालुव्व ॥५१॥ अविणयमई अलज्जो दुस्सीलो गुरुजणेसु
पडिक्कूलो । अणयरओ जत्थ जणो सो एसो वट्टए कालो ॥५२॥ एयरिसे कराले कलिकाले गलियसय-
लगुणजाले । धम्ममइवज्जिए पावकरणपवणे वि वट्टंते ॥५३॥ के वि पुणो भव्वजिया अज्जवि णायराएण
दव्वेण । भत्तिव्वरणिव्वभरमणा जिणभवणाईं करावेति ॥५४॥ अज्जवि चउगइंससारभीरुया जिणवराण विवाडं ।
दाऊण पउरदव्वं मणोहराईं करावेति ॥५५॥ अज्जवि विचित्तपूयावलज्जिचाहवणगेयपिच्छणयं । सुविहीइ
महापुरिसा कुणंति तित्थुण्णइणिमित्तं ॥५६॥ अज्जवि णाणाविहभवखभोज्जपमुहाइ साहुदाणाईं । इच्छाइ
दिति भाबुल्लसंतगत्ता महासत्ता ॥५७॥

अणं च—कालाइदोसओ जइवि कहवि दीसंति तारिसा न जई । सब्वत्थ तहवि णत्थि त्ति णेव कुज्जा
अणासंसं ॥५८॥ अज्जवि चएवि सुकलत्तपुत्तमिचाइसंपयं दिक्खं । अवहत्थियकलिकाला भवभीया के वि
गिण्हति ॥५९॥ कुग्गहकलंकरहिया जहसत्तिं जहासं च जयमाणा । जेण विसुद्धचरित्तं त्ति वुत्तमरिहंतसम-
यस्मि ॥६०॥ अज्जवि तिण्णपइण्णा गस्यभरुव्वहणपच्च्वला लोए । दीसंति महापुरिसा अक्खंडियसीलपव्वभारा
॥६१॥ अज्जवि तवसुसियंगा तणुयकसाया जिइंदिया धीरा । दीसंति जए जइणो वसहहिययं वियारंता ॥६२॥
अज्जवि वयसंपत्ता छज्जीवणिक्कायरक्खणुज्जुत्ता । दीसति तवस्सिगणा विक्कहविरत्ता सुउज्जुत्ता ॥६३॥ अज्जवि

१ अवहत्थिय० अपहत्तित-परियत्त इति । २ पक्कल० समर्थ ।

दयखंतिपइट्टियाइ तवणियमसीलकलियाइ । विरलाइ दूसमाए दीसंति सुसाहुरयणाइं ॥६४॥ इय जाणिऊण एवं मा दोसं दूसमाइ दाऊण । धम्ममुज्जमे विसीयह अज्जवि धम्मो जए जयइ ॥६५॥ ता तुलियणियचलाणं सत्तीइ जहागमं जयताणं । संपुण चिचग किरिया दुप्पसंहताण साहुणं ॥६६॥

अवि य—जं पुंवि सुचिरेणं तवेग एगापयारिजभाइ । अप्पेग वि कालेणं लब्भइ तं दूसमाए वि ॥६७॥ अणं च चलं जीयं गिमहुद्धवकंतविहगगलसरिसं खगदिट्टणट्ठरूना विज्जुलयाचंचला लच्छी ॥६८॥ कयलीगब्भसरिच्छ देहमसारं अणेगवाहिणिहं । तारुणं पि सुतारं गिरिणइपूरं व तरलतरं ॥६९॥ सरयब्भवि-
ब्भमा रूवसंपया सुरधणुं व लायणं । सुविणयसुखसमाणं पियसंगमसंभवं सुखं ॥७०॥ करिकणचलं व वलं कुसगजलविंदुचवल्भमिस्सरियं । खणमंगुरं सरीर यत्रणुदुयधयणिभाडभिरई ॥७१॥ घणतरवरपरिसंठिय विहगस-
रिच्छो कुंडुंबवासो वि । वेवहरयरिणसमाणं कुंडुंबपरिपोसणं मुणसु ॥७२॥ इय एवमाइ सव्वं असासयं जाणित्तं असारं च । सुहमहुरं परिणइदारुणं च परिहरह विसयसुहं ॥७३॥

अवि य—जह पूरियइ न सायर वहुजलिहि हुयवहु तित्ति न पावइ इंधणिहि । तह जिओ विसइहि तित्ति न पावइ आजम्भु विगयलज्जु सुधावइ ॥७४॥ हु लज्जइ गुरुभित्तफलचहं सुयणुवंधुदोहित्तसुत्तहं । पुक्कांतसिरपलिय न मण्णइ विसयासत्तउ जगु अवगणणइ ॥७५॥

१ सत्तारोति । २ व्यवहारक ।

पमायं सम्मं रम्मं जइ महंसि सिवसम्मं ॥९०॥ इय सोउं अणुसट्ठिं महसेणमुणी तहत्ति कुणमाणो । विहरइ
महिं महप्पा गुरुणा सह चंडवेगेण ॥९१॥ ते दो वि समणसीहा सुयसागरपारगा महाभागा । छट्ठमदसमदुवा-
लसाइ तिव्वं कुणंति तवं ॥९२॥ विहारिंतुं चिरकालं काउं संलेहण जहासुत्तं । ते दो वि महासत्ता दो मासा
अणसणं काउं ॥९३॥ धम्मज्झाणोवगया समचित्ता सुक्कलेसमणुपत्ता । इय मरिळणाऽणुत्तरविमाणवासे
समुप्पणा ॥९४॥ इय सुदरिसणकहाए सुरसिवपुरपरमदंसणणिहाए । धाईसुयमहसेणप्पबोहणो पणरसुइसो
॥९५॥ [इइ पणरसमुइसो]

अह सोलसमो उइसो ।

एवं सुदरिसणाए विजयकुमारस्स मुणिवरिदस्स । सीलवईए तह चंडवेग-महसेणसाहुणं ॥१॥ सोउं
संवेगकरं चरियं चंपगलया वि जयरणो । धूया संवेगपरा मोहेण सुदंसणाइ पुणो ॥२॥ तो विमलसेलसि-

७ नखनिपात-नखरदनजाति ८ चुवन-वक्रसंयोग ९ आरिङ्गन-गात्रसंलेष १० आदान-कुत्रापि ग्रहण ११ करणासेवन-नागरकादि
प्रारंभयत्र १२ आसेवन-मैथुनक्रिया १३ सभाष-स्मरकथा जाप १४ अनङ्गकीडा-आस्थादावधीक्रिया । असम्प्राप्तकामस्य दशावस्थास्ताचेता - १
चिन्ता-अहट्ठस्यभिलाषा २ अहो रूपदिगुणा-तद्दर्शनेच्छा ३ श्रद्धा-तत्सङ्गमभिलाषा ४ स्मरण-कल्पितरूपस्यलेखादि ५ विक्रवता-
शोकाधिकतया आवारादिनिरपेक्षा ६ लज्जानाश-गुर्वीदिसमक्ष तद्गुणोत्कीर्तन ७ प्रमाद-तदर्थं सर्वारम्भप्रवृत्ति ८ उन्माद-नष्टचित्ततो
यद्वा तद्वा जल्पन ९ तस्माव-संभ्रादिकाधारे उपविश्य तच्चिन्ताकरण १० मरण-शोकाधिकतया प्राणत्याग ।

१ काब्धसि ।

हराउ हरिसिया तित्थवंदणमिच्चं । भरुयच्छे संपत्ता उप्पइउं पाउआरूढा ॥३॥ अणुदियहं तत्थ पुणो पूयं
मुणिसुव्वयस्स कुव्वंती । कालं गमइ सरंती सुदरिसणादेविपयकमलं ॥४॥ एवं सा चिरकालं अच्चंती तत्थ
णाउ पियमरणं । चित्तइ जिणपूयाणं जइ किं पि फलं जए अत्थि ॥५॥ ता मज्झ वि देवत्तं तित्थे इत्थेव
हुज्ज मह जेण । देवीसुदरिसणाए संजोगो होइ जं बहुसो ॥६॥ एव गियाणवंधं काउं चंपालया गरिद-
सुया । पूयापुण्णफलेणं मरेवि सा किणारी जाया ॥७॥ अंतमुहुत्तेण तओ पज्जचीभावमुवगया एसा । ओही-
णाणवलेणं गियपुव्वभवं मुणेज्जण ॥८॥ तम्मोहमोहियमइ भारहसिच्चे जिणिदतित्थेसु । सम्मत्तयुया मणुयत्तव-
ज्जिया सा परिव्वभमइ ॥९॥ गिच्चं चिय भरुयच्छे सुव्वयभवणे महाविभूइए । वरकुसुममाइएहि कुणइ पूयं णव-
णवेहिं ॥१०॥ अज्जदिणे पुण उज्जितपव्वए इत्थ तित्थजत्ताए । सिरिणेमिज्जिणं गमिउं संपत्ता किणारी देवी
॥११॥ साऽहं साहम्मिय ! धम्मभाय ! धम्मधणपाल ! । पउमाधाइभवाओ कहाणयं इत्तियं मज्झ
॥१२॥ तुमए पुट्टाइ मए णियचरियं साहियं तह पसंगा । सुदरिसणाईणं पि हु तो पुणरवि भणइ सा एवं
॥१३॥ भइ ! तुमं पि हु धम्मत्थिओ मित्तं इमस्स धम्मस्स । ता धम्मपाल ! णिसुणसु धम्माऽधम्मफलं पयड
॥१४॥ जिणभणिओ च्चिय धम्मो कायव्वो जत्तओ बुहेहि जओ । धम्मेण सव्वरिद्धी धम्मेण मणिच्चियं
सुक्खं ॥१५॥ धम्मं काज्जण णरो जइ णिवसइ गिरिगुहासु पच्छणं । तत्थ वि लच्छी पेच्छइ तं पुण्णपहाइ
दीवत्तं ॥१६॥ सरिसे वि मणुयजम्मे धम्माऽधम्मस्स जं फलं इत्थ । तं दीसइ पच्चक्खं सुहदुक्खपविचिणा-
णाए ॥१७॥

तहाहि—तिहुयणपसिद्धभवणे एगे जायंति रूवगुणकलिया । अण्णे पुण पावकुले दोहग्गकलंक्रिया दुहिया ॥१८॥ एगे वसंति कप्पूररेणुभूसरियतुंगभवणेसु । अण्णे उ कोलविलधूलिपूरिए उज्जरकुडीरे ॥१९॥ दाक्खण पउरदाणं विविहाऽऽहारं च केइ खुंजंति । अण्णे णिच्चं परपत्थेण उयरं पि न भरंति ॥२०॥ चलणे धोयंति धणेसरण कम्मं कुणंति दिवसणिसि । दुप्पूरउदरपूरणआसाए विणडिया जीया ॥२१॥

अवि य — किविणाणं दाणफलं पइगेहं दुत्थिया किल कहंति । अम्हाण अदाणफलं एयं ता देह समय दाणं ॥२२॥ एगे आजम्मं देवगुरुजणे पूययंति कयउण्णा । अण्णे सेवाविचीपरायणा जिउ जिउ भणंति ॥२३॥ अणं च—जं साणसमो भिच्चो भणिओ तं दूमिओ मणे साणो । अवसो भोयणसयणे साणो न परवसो भिच्चो ॥२४॥ एगे दज्जंताऽगुरुधूवाउलिए वसंति चित्तहरे । अण्णे उण परदासे कोउेयधूमंधिया णिच्चं ॥२५॥ कुंकुमकयंगाराया एगे कालं गमंति लीलाए । अण्णे असुइविलित्ता मलमल्लिणतणू अपाउरणा ॥२६॥

एगे सयंति सयवत्तकुसुमपरिमलियपट्टलीसु । अण्णे पलालसगलावणद्धकेसा कुसत्थरए ॥२७॥ एगे घण-
पावरणा पासायंतो सयंति सिंसिरभरे । अण्णे हत्थावरणा वीणं वायंति दंतेहिं ॥२८॥ एगे जलइचंदणसित्ता विलसंति सिंसिरइपेसु । अण्णे भसंति "गिंभे गुरुभारभरेण भज्जंता ॥२९॥ एगे पाउसलच्चिंछ पिच्चंति पियाजुया गवमखगया । अण्णे विलीणचिक्खल्लित्तरणा चरंति चिरं ॥३०॥ एगे रमंति वरजुवइचाडु-
संजणियविनिहमणभावा । अण्णे कुवरिणिदुव्वयणदूमिया अट्टज्जाणपरा ॥३१॥ एगे गयतुरयगया वीइज्जंता वयंति चमरेहिं । विविहाऽऽउहत्थगया अण्णे धावंति तप्पासे ॥३२॥ एगे सुहासणत्था भमंति सिच्चइ धरिय-

सियञ्छत्ता । अण्णे वहंति तेच्चिय भारकंता णमियगत्ता ॥३३॥ कप्परकुंकुमागुरुपसुहं कयविककयं कुणंतेगे ।
 अण्णे धूलीधोया वच्चोणिहसोहगा अहया ॥३४॥ एगे मणिरयाणई सुहं पणायंति हत्थसंणाहि । अण्णे कुणंति
 कटं कट्टिसिलालोहकुट्टाई ॥३५॥ सच्चपरा णिरवज्जं चीवरमुत्ताइ ववहरंतेगे । अण्णे खरकम्मरया कालं पूरंति
 कूरतरा ॥३६॥ एगे वसणाइ णियंसयंति णिच्चं णवाइ दिव्वाइ । अण्णे रत्थावडियं देडीखंडिं पि न लहंति ॥३७॥
 एगे विभूसियंगा भुवणब्भुयभूसणगणेण । अण्णे सव्वंगं पि हु वणपट्टयेवेडिया वाहं ॥३८॥ एगे आजज्जं पि
 हु अक्खयंपंचिदिया सया सुहिया । वहिरंधमूयंपुत्तणेण अण्णे दुहियहियया ॥३९॥ एगे नियदच्छाए कीलं-
 तुज्जाणकाणणाईसु । अण्णे युत्तिणिहत्ता किरुसंति णिरुद्धकरचरणा ॥४०॥ एगे बहुल्लोयपिया रायाइणं पि
 माणगिज्जा य । अण्णे अवमाणपयं पए पए हुंति हीणगुणा ॥४१॥ एगे राया सुविणोयसयणपरिचारसंजुया
 सुहिया । अण्णे इट्ठविउत्ता अणिट्ठसंजोगदुक्खत्ता ॥४२॥ पुण्णाणुवंधिपुण्णा उभयभवेसुं पि सुत्थिया एगे ।
 पावाणुवंधिपावा सव्वत्थ वि दुत्थिया अमरे ॥४३॥ कयपुण्णा पुण्णकरा करिस्सपुण्णा सया सुही एगे ।
 विवरीया पुण अण्णे दुहिया सव्वत्थ वि वराया ॥४४॥ एगे तणं व रज्जं चएवि गिण्हति संजमं धीरा ।
 अण्णे पुण स्वप्परं पि णेअ सुयंति गस्यमोहा ॥४५॥ एगे धम्माभिसुहं करंति पडिवोहिऊण भव्वगणं ।
 अण्णे पावासत्तं अत्ताणं पि हु न वारंति ॥४६॥ इय धम्मफलं दीसइ मणुयाणं भइ ! ताव पच्चक्खं । तं
 सुरतिरिणिरयाणं क्हंति तं णाणिणो चेव ॥४७॥

१ वचोपुहसोधका । २ देही० सांधाहुभा जीणवत्त ।

सुदंसणा-
चरियस्मि

॥२५८॥

अणं च — देवा विसयपसत्ता नेरइया विविहदुक्खसंतत्ता । तिरिया विविगविगलो मणुयाणं धम्मसामग्गी
॥४८॥ तेसु कयत्था मणुया दुलहं जिणसासणं लहेज्जण । णिम्मलदहसम्मत्ता कुणंति जे चउव्विहं धम्मं ॥४९॥
सा क्किण्णरी पयंपइ संपइ पुण धम्मपाल ! सुणसु तुमं । जिणधम्मपालणाऽपालणस्स फलमिह सदिट्ठंतं ॥५०॥

तहा हि — इहभरहे अत्थि पुरी बहुपुण्णजणा पभूयधणपुण्णा । आमलकप्पा अलयव्व किंतु बहुधणकयसोहा
॥५१॥ तत्थेसाणादिसाए सव्वीउयपुफफलतरुसमिद्धं । कुट्टगणासुज्जाणं समत्थि सउणाण कयहरिसं ॥५२॥
तत्थ य जयघोसणिवो जयलच्छी वसइ जस्स वच्छयले । पवलपयावमंतप्पभावविवसा सया णयरे ॥५३॥
तस्सऽत्थि महादेवी जयावली जीइ णिययरूवेण । विजियाउ व असरीओ लज्जाइ न दंसणं दिति ॥५४॥
तीइ णयरीइ णिवसइ णयविणयपरो परोवयारकुरो । सिट्ठी सुणंदणामा सुसावओ इड्ढिहंतो य ॥५५॥
णिम्मलसीला वररूवधारिणी धारिणी पिया तस्स । जिणधम्मकम्मणिरया इक्कारस ताण वरपुत्ता ॥५६॥
अह अणया कथाइ सुरणरखयरिदणमियकमकमलो । सिरियासजिणवरिदो समोसहो कुट्टगुज्जाणे ॥५७॥
सिरियासजिणागमणं जयघोसणरेसरो णिसुणिऊणं । हरिसियहियओ जाओ सिहिव्व वणगज्जियणिणायं
॥५८॥ पहुपायपउमपणमणपउणो पुहईपहू पमोयपरो । संपत्तो तत्थ वणे सुणंदपमुहो य पउरज्जाणो ॥५९॥
त्तिपयाहिणी करेउं विहिणा वंदित्तु पासजिणणाहं । उच्चियट्ठाणिविद्धा सुणंति सव्वे वि इय धम्मं ॥६०॥
माणुस्सखित्तमाइ सुदुल्लहं लहिय सव्वसामग्गि । सग्गापवग्गसुहसाहग्गि उज्जमह जिणधम्मे ॥६१॥ इत्थं-

मूळुद्धि-
ण्यवंधप-
रूवगनाम
सोलसमो
उहेसो ।

॥२५८॥

तरम्मि पुणरवि सुणदसिद्धीणमित्तु भुवणगुरुं । भत्तिभरणिभ्रंरंगो कयंजली विण्णवइ एवं ॥६२॥ सामि !
मए उस्सभाईसेयंसंताणि णामधेयाणि । जिण्णणामसुमरणत्थं कयाणि पुत्ताणमेएसिं ॥६३॥ सुकुलुब्भवाण तह
सोयराण सायरसुसिखियाण पि । सामिय ! विलक्खणत्तं पुत्ताणमिमाण सव्वेसिं ॥६४॥

तंजहा—जिट्ठो कुरूवदेहो वीओ पुण सुरहिकमलणीसासो । तइओ य वित्तहारी चउत्थओ परम-
सोहणो ॥६५॥ पंचमओ अइधिट्ठो छट्ठो थोवे वि देहवायामे । अत्थोवज्जणकारी सत्तमओ पइखणं छुहिओ
॥६६॥ अट्टमओ मित्तुच्छप्पयंपिरो णवमओ य अइचवलो । दसमो परिमियचारी न कया वि हु
आवयं पत्तो ॥६७॥ इक्कारसमो उ सुओ वाहं सावज्जयज्जणुज्जुत्तो । णवरं वागी भोगी य णेव लामा-
इपरिहीणो ॥६८॥ इय भयवं ! मज्झ सुआ सव्वे वि त्रिभिण्णविच्चिणो जाया । साहेगु कस्स कम्मस्स
पुव्वज्जणियस्स उदएणं ॥६९॥ तो णिम्मलदंतफुरंतकंतिपडलेण धवलयंनु व्व । गयगाभोअं भुवणिक्कवंथवो
भणइ भो ! सुणसु ॥७०॥ इह चेव भरहवासे मज्झिमखंडम्मि महाविसयम्मि । कायंदिपुरीए अत्थि
सावओ सिट्ठिसिरिपुंजो ॥७१॥ सीलमई से भज्जा विणयसुसज्जा पवणगुरुलज्जा । तीए य णत्थि पुत्तु
त्ति अणया दट्ठु तं विमणं ॥७२॥ सिट्ठी तं पइ जंपट अलंघणिज्जं पुराकयं कम्मं । ण य किंचिचि
पुत्तेहिं तहवि न सा भुंचए खेयं ॥७३॥ तो देवदेविमाईण कुणइ उवयाइयाइ विविहाइं । एक्कारसणहमि-
क्किक्कवचच्छरं गुरुविभूईए ॥७४॥ सहिओ गुरुयकिल्लेसो वित्तं वट्ठयं न पाविओ युत्तो । अजरामरत्तलोभा

सुत्तो काउं न तं पत्तं ॥७५॥ अह अण्णदिणे तीइ गिहम्मि सिरियम्मघोसहरीणं । सीसा सुट्ठुवउत्ता भिक्खुद्धा आगया दुण्णि ॥७६॥ तो अन्धुद्धित्ता पुण पणमित्ता तीइ पुच्छिया एयं । भयवं ! कहेह कि मह होही पुत्तो अपुत्ताए ? ॥७७॥ अह ते भणंति सुणित्तो भदे ! गिहमागयाण साहूणं । भिक्खाविहि पयुत्तुं बुत्तुं णो कप्पए अण्णं ॥७८॥ अण्णं च अम्ह गुरुणो ससमयपरसमयमुणियपरमत्था । दब्बाइचउक्क-विज्ज कज्जाडकज्जं वि याणंति ॥७९॥ पडिल्लामिया य तत्तो सीलमईए विसुद्धसद्धाए । फासुयएसणिएणं ते सुणित्तो भत्तपाणेणं ॥८०॥ तो वीयदिणे परिवारंजुया सा गया गुरुसमीवे । ते णमिय तयं पुच्छइ अत्थी जं पिच्छइ न दोसं ॥८१॥ गुरुणो भणंति भदे ! जईण सावज्जत्रज्जणरयाणं । परउवयारपराण वि बुत्तुं पि न कप्पए पावं ॥८२॥ जओ नक्खत्तं सुमिण जोगं णिमित्तमंतभेसज्जं । गिहित्तो त न आयक्खे भूआडहिगरणं पय ॥८३॥ तं पुण भदे ! णिसुणसु दंसणम्मूलं जिणिंदवरधम्मं । नीसेसदुक्ख-दलणं संजणणं सव्वसुक्खणं ॥८४॥ जियारागदोसमोहो देवो देविंदविंदकयसेवो । पंचसमिया त्तिगुत्ता सुसा-हुणो चिय सया गुरुणो ॥८५॥ जीवाऽजीवाइपयत्थसत्थसइहणसंगओ धम्मो । एयं चिय सम्मत्तं गिहियम्मं सुणसु तुममित्तो ॥८६॥ पाणिवहंसुसावाए अदंत्तमेहुणंपरिगहे चेव । दिसिंभोगंदंडसमंदेसे तह पोसेह-विभोगे ॥८७॥ इय गिहियम्मं सम्मं कुणंति जे भावओ भवविरत्ता । सुरनरसुहाइ सुत्तुं ते जीवा जंति णिव्वाणं ॥८८॥ तो सीलमई जंपइ गहिए धम्मो इमम्मि किह भयवं ! । कुलदेवयाई पूयं काहमहं ? तो

गुरू भणइ ॥८९॥ सिवसुहकरं जिणिंदं पूइय को णाम पूअए अणं । संपत्ते कप्पटुमे किं एरंडं महइ कोइ ? ॥९०॥

अवि य—सयं सुकयं दुक्कयं सुंठुं तुट्ठो जियाण रुट्ठो वि । सक्को वि न सक्कइ काउ किचि सा केरिसी विरई ? ॥९१॥

किच—जीवेण जमिह भदे ! सुभससुभं वा कयं पुरा कम्मं । तं तेणऽणुभवियव्वं विहलो पुत्ताइवामोहो ॥९२॥ संसारम्मि अणंते के के पुत्ताइणो न संपत्ता । अहवा जाएहि वि कोइ तेहि विट्ठियो न साहारो ॥९३॥ जे इहभवे वि णेवोवयारिणो आवयाइ पडियाणं । को सइह्विज्ज ते अण्णजम्मउवयारकरणम्मि ॥९४॥ उहपरभवेय एसो धम्मो पुण ँच्छियत्थदाणखमो । तो भदे ! तत्थ सया हुज्जसु अच्चंतमुज्जुत्ता ॥९५॥

किं बहुणा ?—तं णत्थि जं न सिम्मइं मणिच्चिउयं इक्कमाणसकएणं । जिणधम्मणेणोहोमियचित्ताम-
णिक्कप्परुक्खेण ॥९६॥ इय सोउं गुरुयणं णिच्चलचित्ता गहित्तु गिहिधम्मं । सीलमई तुट्टमणा सपरियाणा तो गया मेहे ॥९७॥ सिरिपुंजसिद्धिपुरओ णियबुत्तंतं कहेइ सा सव्वं । सिट्ठी वि भणइ धण्णा कयउण्णा तंसि जेण पिए ! ॥९८॥ सुल्ला णरवररिद्धी सुरवररिद्धी वि होइ इह सुल्ला । दुल्लो पुण जीवाणं जिणि-
दवरदेसिओ धम्मो ॥९९॥ ता एयम्मि पमाओ णिमेसमित्तं पि नहु विहेयव्वो । चित्तामणिव्व दुल्ले तहचि पडिवज्जए सा वि ॥१००॥ तो ताइं दो वि देवं तिकालं पइदिणं पि पूयंति । आवस्सयाइकिरिया कुणंति

१ ओहामोय० कभित्तभू ।

तह उभयसंज्ञं पि ॥१०१॥ तिविहं पि दिति दाणं कुणंति साहम्मियाण वच्छल्लं । पालंति णिरइयारं
गिहिधम्मं इक्कचित्ताइं ॥१०२॥ अह सा सीलमइं वि अमहिज्जंती कथाइ परिकुविया । क्लदेवया पयपइ
णिसाइ होऊण पच्चक्खं ॥१०३॥ पाविह्हुदुधिदुं ! णट्टविणट्टाडसि मं अपूअंती । सयकालपूइयं पि हु न
भविस्ससि सपयं पावे ! ॥१०४॥ इय जंपिरीइ तीए घोरागारा करालकरवाला । दारुणक्रयद्दहासा मुक्का वेया-
लसंधाया ॥ १०५॥ तह डमडमंतडमरुक्करालणरसिरकवालकलियाओ । कत्तियत्तराउ क्कराउ डाइणीउ पयडियाओ
॥१०६॥ असिमासिकसिणसररीरा फारफडाडोवफुरियफुक्कारा । चलगइल्लिलियदुजीहा णिदंसिया भीस-
णशुअंगा ॥१०७॥ अइक्कुडिलकठिणदाढा सुत्तिकखक्कखडणहा अरुणयणा । दूरवियारियवयणा विहिया पंचा-
णणा समुहा ॥१०८॥ ते सव्वे सव्वत्तो सीलमइं भेसयंति समकालं । तालंता तज्जंता गज्जंता पलयजल-
यव्व ॥१०९॥ तहवि हु सा अक्खुहिया महासइं पवरसत्तसंजुत्ता । चिट्ठइ एगगमणा सुमरंती पंचणवकारं
॥११०॥ तत्तो खरयरसंभूरिरोसाइ देवयाइ इम । पुणरवि बुत्ता एवंठिए वि जइ मे णमसि सुहे !
॥१११॥ ता मुंचामि तुममहं महंतमिहरा अणत्थसंधायं । दच्चिहिसि अचिरेण चिय सीलमइए तओ बुत्ता
॥११२॥ भवे ! किमेवमेव हि खिज्जसि इक्कं जिणं विमुत्तूणं । अणं न णमामि न संभरामि थुवे न पूएमि ॥११३॥
एवं विणिच्छयं अवगयस्स जं जस्स रोयए सो तं । मज्झं करेउ अहियं मरणाओ किच ज काही ॥११४॥
तं पुण सव्वण्णुपयारविदमिण्हि मए सरंतीए । परसब्बुदयनिमित्तत्तणेण अंगीकरयं चेव ॥११५॥ दुस्सिक्खिया
वि अज्जवि इय जंपतीइ तीइ कुवियाए । आणेऊण खयंतो तप्पुरओ मारिओ भत्ता ॥११६॥ अवहरि-

यमसेसं गिहसारसुप्पाडिं च सा खित्ता । हरिहरिणसरहसडूलकोलमहिसाडले णणे ॥११७॥ तो णिसियं तरवारिं उवखविं भासिया पुणो एवं । अज्जवि मं ण णमंससि जइ ता सर देवयं इडं ॥११८॥ सीलमईए भणिय पुणरुचं जुज्जए किमिह बुत्तं । जह तह अवस्सरणे पन्थावो एरिसो कत्तो ? ॥११९॥

जओ—धीरेण वि मरियव्वं काडरिसेण चि अवस्सरमरियव्वं । दुण्णं पि हु मरियव्वं वरं खु धीरत्तणे मरिं ॥१२०॥ इय तीए णिच्छयं साहिऊण सा साहसिक्करयणणिही । अप्पाणमप्पाणच्चिय अणुसासइ मुणियजिणवयणा ॥१२१॥ रे जिय ! सुइरं एवविहेसु कूरेसु णिइय्येणेषु । हड्डी ! देवत्तधियं तमकासी मिच्छविसविवसा ॥१२२॥ तक्कम्मविवागमिणं अणेगभववेयणिज्जमिहयं पि । साहिज्जेण इमीए णिज्जरसु खणेण सुपसण्णा ॥१२३॥ तो परिसंता देवी ओहीए तीइ णिच्छयं दट्ठं । सत्तेण तुट्ठहियया उवसंहरिऊण तं डमरं ॥१२४॥ जंपिउमिमं पवत्ता देवी सेसाण धम्मथिरयाए । धम्मम्मि णिच्चलत्तं तुह सरिसं जइ तुह च्चेव ॥१२५॥ ता सुयणु ! कहसु इत्तो जं किच्चं कि पि मज्झ णणु सज्जं । तुह असरिससत्तधणेण पूण कीयम्हि दासिन्व ॥१२६॥ भणइ इमा संपत्ते इमम्मि धम्मे न किचि मह खूणं । तं पुण परलोगहिए सम्मत्ते णिच्चला होसु ॥१२७॥ आमं ति भणिय तीए बुत्तं तहवि हु वरेसु किंपि वरं । सा जंपइ जइ एवं सहाइणी हुज्ज ता धम्मे ॥१२८॥ कुलदेवयाइ भणियं एवंविहधम्मणिच्चलमणाए । तेलुक्कं पि सहायं किं पुण अम्हारिसी तुज्ज ? ॥१२९॥ इक्कारसगुडियाओ तहवि हु सुहकारिणीउ एआओ । णिण्हसु महाणुभागे ! सुंजसु सुयसंत-इणिमित्तं ॥१३०॥ तीइ अणिच्छंतीइ वि वधित्ता ताउ उत्तरीयंते । वियसियवयणा णमिं अदंसणसुवगया

देवी ॥१३१॥ सीलमईए करिओ सिद्धिस्स जहद्धिओ सयुत्ततो । सो पभणइ एयाओ कणेण भुंजसु सुहमुहुत्ते
 ॥१३२॥ ती उत्तं जावइओ सुयाइसंगो जियस्स तावइओ । वंधो कम्मस्स दुहं च ता अलं नाह ! गुडियाहिं
 ॥१३३॥ एवं ति भणइ सिद्धी तह्मा वि लोपठिई इमाऽवत्थि । जं असुयं दाइयदुज्जणेहि लुं पिज्जए मेह
 ॥१३४॥ गेलण्णे बुइत्तं च पुचारहियाण को कुणइ सारं ? । तह गियत्तारियजिणभवणविंवरपुत्थागाईणं
 ॥१३५॥ बहुरिद्धिसमिद्धाण वि पच्छा जाणइ न कोइ णामं पि । तं सुंदरि ! उवभुंजसु कमेण इविक्रियसु
 गद्धिं ॥१३६॥ ता तीइ चिंतियमिणं रासं स मीणव्य को णु पइवरितं । अप्पं णडिज्जइ य तीइ ताउ
 गिलियाओ सयलाउ ॥१३७॥ भविगव्वयाणिओगेण तह य दिवाण्णभगवो नेव । इत्तारसनरपुत्ता तीए गब्भे
 समुव्भूया ॥१३८॥ वइंतेहि तेहि तीसे णिस्तीमवेयणा जाया । ता सुमरियाइ कुलदेवयाइ सा खिण्णमवहरिया
 ॥१३९॥ सुपसत्थदोहलाए तीए पडिपुण्णवारारेहि इमे । वररूवल्लस्खणधरा जणणयणाणंदणा जाया ॥१४०॥
 हरिसभरणिब्भरेणं तो सिरिपुजेण गुरुविभूइए । वद्धवणथं काउं कयाइ इय तेसि णामां ॥१४१॥ धणदेवो
 धणररियय तह धणपालो तहेण धणमित्तो । धणगुत्तो धणधम्मो तह य धणाइच्च धणस्सम्मो ॥१४२॥
 धणवेगो धणचदो धणहरी एवं त्थेण कयणामा । धाईहि वइद्धिया ते संजाया अट्ठवारिसिया ॥१४३॥
 पिउणा गुरुरिद्धीए लेहायरियस्स अप्पिया एए । तेण विसकलफलाओ सुहेण अब्जाविया सिग्गं ॥१४४॥ संपत्ता
 तारुणं तरुणीजणणयणभंसालकमलं व । परिणाविया य पिउणा इव्वभसुगाहिं महिइहीए ॥१४५॥ वावारिया

य दव्योवज्जणठाणेसु ते जहाजुगं । अणदिणे जणणीए सपणयं जंपिया एवं ॥१४६॥ भो भो वच्छा !
तुब्भे उज्जमह धणज्जणे जहा धणियं । सब्वपुरिसत्थमूले तह धम्मे किं न खेवं पि ? ॥१४७॥

जओ--धम्माउ च्चिय अत्थो धम्माओ चेव कामपुरिसत्थो । धम्माउ च्चिय मुक्खो जायइ सव्वेसि
णियमेण ॥१४८॥ धम्माउ ख्वलायणपवरसोहग्गसस्सिरीयत्तं । संपज्जइ गिरवज्जं मणिच्छियं सिज्जइ य कज्जं
॥१४९॥ सो पुण पइदिणजिणपायपउमपूआणमंसणाइहिं । सुतवस्सिसेवणारोवणाहि सिद्धंतसवणेण ॥१५०॥
अपुव्वसत्थपहणेण पसमसंवेगगभत्तवसा य । संभवइ ता इमेसु किच्चेसु उज्जमह वच्छा ! ॥१५१॥
धणदेवाइसुएहिं भणियं अम्मो ! तुमं जमाऽऽससि । तं सब्वमेगचित्ता अक्खेवेण करिस्सामो ॥१५२॥

किंच--अम्हारिसाण वालाण सच्चहा धम्मकम्मविमुहाणं । अम्मो ! जइ न कहिस्ससि तुमसवि किच्चं
अणिव्विण्णा ॥१५३॥ ता भवकूवस्मि वयं णिवडंता फुडमुवेहिया तुमए । इत्तो बुत्ता अच्छसि जं उचियं तं
कहेज्जासु ॥१५४॥ इय धणदेवाइणं वयणं सोज्जण हरिसिया जणणी । सिरिपुंसिद्धिसमुहं महुमहुरगिराहि कइइ
इमं ॥१५५॥ गिहिवासत्तस्स फलं व पुव्वसुकएहि इय सुया जाया । उभयभवसुक्यहेऊ जं एस जणप्पवाओ वि
॥१५६॥ त्यागभोगादयो भावा इहलोकोपकारिणः । सन्ततिः शुद्धवंश्या हि इहलोके परत्र चेति ॥१५७॥ ता जइ
णियजिणभवणं कारिज्जइ तो इमे वि भत्तीए । तप्पू यणाइणिस्या जिणधम्मपरायणा हुंति ॥१५८॥ आमं ति

१ शीघ्रता से । २ उपेक्षिता ।

भणिय सिद्धी तण्णयरिणिवं अणुणविय विहिणा । कारावइ जिणभवण लसंतगुरुसिहरधवलधयं ॥१५९॥ सिरिसं-
तिणाहपडिमा अपडिमा ठाविया तहि रग्मा । तीइ पइट्टाइमहे भत्तीए तेडिओ संघो ॥१६०॥ घोसाविया
अमारी विहियं साहम्मियाण वच्छल्ल । मग्गणगणण दिणं दाणं मणवंछियब्भहियं ॥१६१॥ सिद्धी परितुट्टमणो
सकुडुवो जम्मजीवियस्स फल । मणंतो य अणुदिणं जिणभवणे कुणइ इय पूयं ॥१६२॥ णिंमत्ल्लकुसुमपूर्येण-
आरंत्तियधूवकव्वर्पणकरा । छसुया दो चासरधरा दुण्णि य वायंति आउज्जं ॥१६३॥ सिद्धी तह जिट्टसुओ
दुण्णि वि प्हाविति तत्थ जिणणाह । जस्माभिसेयपसुह वहुहि सह भणइ सीलमई ॥१६४॥ एवं च तस्स
सकुडुंबयस्स सिट्ठिस्स तुट्टहिययस्स । वच्चति के वि दिवसा सुहेण सद्धम्मणिरयस्स ॥१६५॥ अह अण्णदिणे
तीए कायंदीए पुरीइ उज्जाणे । सुणिचंदो णाम गुरू केवल्लणाणी समोसरिओ ॥१६६॥ तण्णमणत्थं सिद्धी
सकुडुंबो आगओ सपुरलोओ । विहिणा वंदित्तु गुरुं उवविट्ठो देसणं सुणइ ॥१६७॥ अह सीलमई पुच्छइ भयवं !
किं अज्जियं मए पुव्वि । जं चइउं बहुवित्तं कयाइ उवयाइयसायं ॥१६८॥ तहवि न जाओ पुत्तो जाया सय-
मेव तयणु बहुपुत्ता । मज्झ अणिच्छंतीइ वि तह जिणधम्मो मए पत्तो ॥१६९॥ तो भणइ गुरू इहयं भरहे-
वासम्मि कंचणपुरम्मि । धणवई णामा णारी कम्मयरी आसि अइदुग्गा ॥१७०॥ अह तत्थ इब्भग्गिहिणी लच्छी
णामेण तीइ गिहवाहिं । इक्कारसरयणजुओ कहि णि पडिओ पवरहारो ॥१७१॥ दट्ठूण तयं णिण्हित्तु धणवई पर-
धणम्मि लुद्धमणा । णियगेहे गतूणं संगोवइ एगदेसम्मि ॥१७२॥ लच्छी उण तं हारं णट्ठं णाऊण सुण्णवुण्ण-

मणा । कोलाहलं करंती सव्वत्थ गवेसए दुहिया ॥१७३॥ कहमवि तं अलहंती रयमणी सुक्ककुमुमंतवोला ।
इक्कारसघडियाओ गयसव्वस्सव्व जा ठाइ ॥१७४॥ ता धणवईइ ददहुं पच्छा पच्छाणुतावभरियाए । लद्धो मए त्ति
भणितीइ अप्पिओ तीइ सो हारो ॥१७५॥ लद्धम्मि तम्मि हारे अब्भत्थिय धणवई तओ तीए । इक्कारसदी-
णारा दिण्णा लच्छीइ तुहाए ॥१७६॥ तीइ पुण धणवईए परधणपरिभोगमुक्कमुच्छाए । तेहिउ दीणारेहिं करा-
विया जिणहरे प्ठआ ॥१७७॥ वंघित्तु मणुस्साउ सुवोहिवीयं च अज्जियं कमसो । मरिऊण धणवई सा सीलमई
इह तुमं जाया ॥१७८॥ पुव्वभवदुक्कएण तेणं हाराऽव्हारजणिणं । इक्कारसवरिसाई मणोदुहं दुस्सहं पत्ता
॥१७९॥ जिणप्पूआणुणेणं तेणं सुहसंपयं पुणो पत्ता । णिच्चलस्सम्मत्तगुणा गिहिधम्मपरा य संजाया ॥१८०॥
लच्छी सा पुण मरिउं तुह कुलदेवी इमा ससुप्पणा । तक्कम्मविवागेण उवसग्गा तुह कया तीए ॥१८१॥ इय
सोउं सीलमई जाई सुमरित्तु भणइ गमिय गुरुं । अहह !! भयवं ! विवागो कह असुहो ईसिपावस्स ? ॥१८२॥
जंपइ सुणिचंदगुरू भदे ! ईसिं पि गणु अमइस्स । लव्वभइ फलं दसगुणं सव्वजहण्ण पि जं भणियं ॥१८३॥
वहमारणअभवखाणदाणपरधणविलोवणाईणं । सव्वजहणो उदओ दसगुणिओ इक्कसि कयाण ॥१८४॥ तिव्व-
यरे उ पओसे सयगुणिओ सयसहस्सकोडिगुणो । कोडाकोडिगुणो वा हुज्ज विवागो बहुतरो य ॥१८५॥
इय णाउं सविवेया भवसंभवदुक्खभीरुणो भव्वा । मा हरह परयणां मा भणह विरुद्धवयणां ॥१८६॥
अह सिरिपुंजो सिट्ठी सुणिचंदगुरुं पुणो वि णमिऊण । भणइ भयवं ! इमाणं साहसु पुत्ताण गिहिधम्मं ॥१८७॥
भणइ गुरू सम्मत्तं इह पढमं तो अणुव्वया-पंच । तिणिण य गुणव्वयाइं चउरो सिवखावयाइं च ॥१८८॥ मूलं

दारं पइद्धानं आहारो भायणं णिही । दुच्छकस्साऽवि धम्मस्स सम्मतं परिकित्तियं ॥१८९॥ लब्भइ लहु
सुक्खफलं दंसणदढमूलधम्मरुक्खम्मि । दंसणपहाणदारा सुहं पवेसो य धम्मपुरे ॥१९०॥ णंदइ वयपासाओ
दंसणपीढम्मि सुप्पइद्दम्मि । धरणिव्व दंसणमिणं चरित्तजियलोगआहारो ॥१९१॥ विरइरसो अविणट्ठो दंसणव-
रवइरभायणे ठाइ । मूलुत्तरगुणरयणाण दंसणं अम्बयणिहिव्व ॥१९२॥ सम्मत्तं पुण देवो गुरू य धम्मो य तत्थ
इय देवो । गयरागदोसमोहो परमप्पा होइ अरिहतो ॥१९३॥ पंचसमिया त्तिगुत्ता पवित्तसौला सुसाहुणो गुरूणो ।
धम्मो य जिणुद्धिट्ठो जीवाइयत्थसदहणं ॥१९४॥ इय सम्मत्तं पड्विवज्जिऊण सद्धाविसुद्धसद्धागा । पड्विवज्जंति
इमाइ सत्तीइ दुवाल्लसवयाइ ॥१९५॥ पढमे अणुव्वयम्मि दुविहं त्तिविहेण जावजीवाए । संकप्पियथूलणिरावरा-
हजियघायपरिहारो ॥१९६॥ कण्णागोभूणासावहारसक्खिज्जगीयरं अलियं । थूल परिहरमाणस्सऽणुव्वयं भण्णए
वीयं ॥१९७॥ थूलं सचित्ताचित्तथगोयराऽदत्तगहणवियत्तो । खत्तखणणाइपरिघज्जणेण तमणुव्वयं तइयं
॥१९८॥ कुणमाणस्स सदारे संतोसं अहव णरत्तिरिसुराणं । परदारे परिहरओ अणुव्वयं भण्णइ चउत्थं ॥१९९॥
धेणधेणखिच्चैत्थूरुप्पसुवणणे य कुवियदुपए य । त्तिरिँसु य प्पमाणं अणुव्वयं पंचमं तमिह ॥२००॥ उइढमहे
त्तिरियम्मि य दिसासु चउमासगाइकालगयं । खिच्चपरिमाणकरणं गुणव्वयं बुच्चए पढमं ॥२०१॥ भोगोवभो-
गविसयं गुणव्वयं भण्णए इहं बीयं । सइ खुज्जइ त्ति भोगो सो पुप्फफळासणाइगओ ॥२०२॥ उवभोगो उ
पुणो पुण उवभुंजइ भुवणभूसणाइगओ । तो दुणह वि परिमाणं कायव्वं णिययइच्छए ॥२०३॥ भोयणओ

वज्जेज्जा पंचुवरिमाइयाइ दव्वाइ । बावीसअभक्खाइ वत्तीसअणंतकायाइं ॥२०४॥ तसजंतुविमिस्साइं फलाइ
फुल्लाइ तह य पत्ताइं । संघाणयं च तसथावराण जीवाण जोणि त्ति ॥२०५॥ कम्मयओ पुण
इंगालकम्मपमुहाइपणरस विवज्जे । तह गुत्तिनाल्लणाऽहिगारपमुहं च दुक्कम्मं ॥२०६॥ अवेज्जाणपमायाऽऽ-
यरियपौवउवएसहिंसदाणं च । चचारि हुति भेया गुणव्वएऽणत्थदंडम्मि ॥२०७॥ खयरामत्तरिउधा-
यचित्तणाइं तहिं अवज्जाणं । विकहाजलकीलाइं पमायचरियं अणेगविहं ॥२०८॥ खित्ताण कसह गोणे
दमेह एसाइपावउवएसं । सत्थग्गिमुत्सलजंताइ दाणओ हिंसदाणं च ॥२०९॥ एयं अणत्थदंडं चउब्बिहं
णिविडकम्मबंधकरं । वज्जिज्जं वज्ज भीरु ! मुहुत्तकालाइअवहीए ॥२१०॥ सावज्जजोगवज्जणणिरवज्जा-
सेवणस्सरूवं च । सामाइयं ति भण्णइ पढम सिक्खावयं णाम ॥२११॥ दीहरदिसिमाणस्स उ संखेवो
एगदियसमाइहिं । उवलक्खणाओ सव्वव्ययाण सिक्खावयं वीयं ॥२१२॥ तं पुण पव्वदिणेसु देसे सव्वे
व काउ सत्तीए । तप्पारणए मुणिदिणभोयणे तिहिभिभागवयं ॥२१३॥ सिक्खावयं चउत्थं इमं च एव
दुवालसवयाइं । एयाण पालणे एगसो वि विरइं भवे गिहिणो ॥२१४॥ धण्णा सुणति तह सव्वहति गिण्हति
तह ससत्तीए । पालंति य जाजीवं धण्ण च्चिय णिरइयारमिमं ॥२१५॥ मव्वाऽइयाररहियं गिहिधम्मं पालयंति
जे जीवा । सव्वविरइपहाणं धम्मं पावेति ते सिग्धं ॥२१६॥ सत्तइभवे हि तओ चारिचाराहणेण सुक्खपपय ।
पावे ति सुकुलजाइरूवारोगाइ लहिक्खण ॥२१७॥ तो भो महाणुभावा ! जइ न समत्था समग्गवयगहणे ।

इक्किक्कं पि वयं ता गिण्हिय सफलं कुणह जम्मं ॥२१८॥ इय केवल्लिणा कहिए ते धणदेवाइदससुया
कमसो । इक्किक्कं वयं गिण्हंति थूलवहविरमणार्हयं ॥२१९॥ धणहरिणा पुण सम्मं गहियं पोसहवयं सवि-
भागजुयं । सन्वे दढसम्मत्ता मण्णंति कयत्थमप्पणं ॥२२०॥ सिरिपुंजो सीलमई णिव्बुअहिययाइ दो वि
गिण्हंति । सुणिचंदगुरुसमीवे पव्वज्जं कम्मगिरिवज्जं ॥२२१॥ काऊण दुक्करतवं अकलंके पालिऊण चारि-
त्तं । खविऊण कम्मजालं दुण्णि वि पत्ताइं परमपयं ॥२२२॥ गुरुपयकमलं णमिउं धणदेवाइं सहोयरा ते उ ।
सपत्ता णियगेहे विहरइ अणत्थ सूसरी वि ॥२२३॥ ते वि सिरिपुंजपुत्ता परुप्परं परमपीइसंजुत्ता । वोळंति बहुकालं
तिव्वोसंसाहणपहाणा ॥२२४॥ वड्ढंते विहवभरे बहुमोहकरे सुयाइसंताणे । के वि न मइलंति वयं निययं पुण
के वि मइलंति ॥२२५॥ ते विरइपालणापालणेण सुगणरतिरिक्खजोणीसु । वसिऊण किं पि कालं जहारिहं
सुहदुहं सहिउं ॥२२६॥ पभणइ पासोजिण्णिदो सुणंदवरसिद्धी ! दिव्वजोगेण । तुह धारिणीपियाए ते सन्वे
णदणा जाया ॥२२७॥ संपइ पुण सुणसु तुमं एससि विलक्खणत्तणमिच्चं । पुव्वभवसुक्यदुक्कयणिय-
कम्मविसेससंजणियं ॥२२८॥ जिट्ठेण तेसि कइया भयभीएणं अही हओ तेण । तुह सिद्धि ! सुओ
जाओ एसो सो सुगुलसरीरो ॥२२९॥ तुइयसुएण तइया विहिओ लोभेण मिच्चधणदोहो । तहोसेण इमस्स
उ थोवं पि धणं न ठाइ करे ॥२३०॥ जो पुण पंचमपुत्तो सो खंडियपंचमवओ लोभा । तेणेसो धणध-
णाऽज्जणम्मि अइवाउलो जाओ ॥२३१॥ सत्तमओ पुण पुत्तो काउं भोगोवभोगवयभंगं । तिरिएसु भमिय

जाओ छुहालुओ एस तुज्ज सुओ ॥२३२॥ नवमो पुण तेसि इमो गहिए सामाइए वि अणिरोहा । मणमा-
ईणं एवं न चावलं चयइ तेणिण्हि ॥२३३॥ इक्कारसमो वि सुओ सुपोसहाउ अवज्जपरिहारी । किंतु
दुवालसमवयं कइया वि अफासिउं शुत्तो ॥२३४॥ लाभोवभोगभोगाइ णेव काउं खमो इमो सययं । अवि-
कलदाणाभावेण कहणु एयाण संपत्ती ? ॥२३५॥ सेसा पुण भइसुआ निययनियमाणुपालणवसेण । तत्त-
णिम्मलसुहफलभायणमेवं हि ते सुणसु ॥२३६॥ अणलियवयणो जो आसि णदणो तेसि वीयओ य पुरा ।
सो इह सुगंधिणीसासुंदरो तुह सुओ जाओ ॥२३७॥ जो पुण तेसि चउत्थो चउत्थवयपालुज्जओ पुव्वि ।
सो पवररूवलायणपुणसोहगवं जाओ ॥२३८॥ तत्तथावरजीवहिओ अधिराहियदिसिवओ उ जो छट्ठो ।
देसंतरगमणविरहे वि वंछियं लहइ सो अत्थं ॥२३९॥ अट्टमओ पुण पुत्तो अणत्थदंडस्स वज्जणगुणेण । णिर-
वज्जकज्जसज्जं जंपंतो लोयसुहकारी ॥२४०॥ दसमो वि सुओ देसावगासियं जेण पालियं पुव्वि । सो
आवयाण थेवं पि पूण णो भायणं जाओ ॥२४१॥ इय भो ! तुज्ज सुयाणं विसरिसभावाण संभवे हेऊ ।
वयगोयरो समग्गो वि दंसिओ लेसमिचेण ॥२४२॥ इय पहुक्कहियं सोउं ते सब्बे णंदणा उसहमाई ।
ऊहापोहपहाणा जाइसरणं समणुत्ता ॥२४३॥ तो पुणरवि पासजिणं भचीइ णमित्तु विण्णविति इमं । तरि-
यव्वो कहम्मद्देहि दुत्तरो एस भवजलही ॥२४४॥ भणइ जिणो जइधम्मं गिहिधम्मं वा ससत्तीए काउं ।
तरिऊण भवसमुदं लहेह णिव्वाणमइरेण ॥२४५॥ ते इक्कारस वि सुया सविसेससुल्लसंतवेरग्गा । पव्वज्जं

गहि उमणा भर्णति एवं जणणिजणए ॥२४६॥ अम्हे अवगतत्ता अणंतभवभमणजलणसंतत्ता । गोसीसचंदणं
पिव सेवेमो पासपयपउमं ॥२४७॥ पज्जत्तमिण्हि धणभवणसयणविसओवभोगसुक्खेहि । भुवणजणपूरियाऽऽसो
पासो इक्को परं सरणं ॥२४८॥ तेण पणीएण सिवप्पहेण गंतुं समीहिमो अम्हे । तो अणुजाणह तुब्भे
मुंचह चिरकालियं पणयं ॥२४९॥ तो विति अम्मपियरो पुत्ता ! जा जीविमो वयं ताव । चिट्ठह गिहिधम्म-
परा तुब्भे पच्छा वि पव्वयह ॥२५०॥ तो ते पुच्छंति जिणं मज्झे प्पहु ! देससव्वविरइणं । अम्हारिसाण
किं कोइ अत्थि अण्णो पवरधम्मो ? ॥२५१॥ अह भणइ भुवणणाहो भो भो भव्वा ! समत्थि गेहीणं ।
इगदसपडिमाल्लो सब्वपहाणो तयं सुणह ॥२५२॥ दंसंणवैयसासाइयपोसहपडिमो अंबंभसंच्चित्ते । आरंभपेसंउ-
ट्ठिंढ्वज्जए संभेणभूए य ॥२५३॥

तहाहि—संक्राइसल्लरहिओ थिज्जाइगुणो दयाइवरल्लिगो । अविचलसम्मत्तधरो दंसणपडिमं धरइ मास
॥२५४॥ पुव्वुत्तगुणसमणो वीयाइ दुमासऽणुव्वए धरइ । तइयाइ तिण्णि मासे सामइयं कुणइ संझदुगे
॥२५५॥ चउमासे पव्वदिणे पडिपुणणपोसहं चउत्थीए । पंचमियाए पोसहणिसिपडिमं कुणइ पणमासे
॥२५६॥ छट्ठीए छम्मासे मउलिकडो दिवसभोइ असिणाइ । बंभी य सत्तमीए सगमासे वज्जइ सचित्तं ॥२५७॥
आरभ संयं करणं अट्ठमिया अट्ठमास वज्जेइ । नवमी पुण नवमासे पेसाऽऽरंभे विवज्जेइ ॥२५८॥ खुरमुंडिच्छि-
हलिउट्ठिद्ववज्जओ दसमासे । गिद्धिपुच्छंतणियाणं जइ जाणइ कहइ नवि इहरा ॥२५९॥ खुरमुंड-

लोययहरणपत्तधारी अच्छिणामकारो । समणुव्व सयणगेहे विहरइ इक्कारस उ मासे ॥२६०॥ इय तुलिउं
 अप्पाणं कमेण इक्कारसाहि पडिमाहिं । के वि सउण्णा सम्मं पव्वज्जे संपव्वज्जति ॥२६१॥ इयरे पुत्ताइसिणे-
 हभावओ पुण उवेंति गिहवासं । उचियत्तमप्पणो जाणिऊण सुइसुहसमायारा ॥२६२॥ एवमणुट्टाणमिणं पडि-
 मापडिवद्धमक्खियमसेसं । चूडारयणप्पडिमं सावयवयधम्मकम्मस्स ॥२६३॥ एयं अणुट्टिऊणं जे पडिवण्णा
 जिणिंदवरदिकखं । दुस्सहपरीसहुच्चाऽऽहियं पि न चलइ मणो तेसिं ॥२६४॥ धण्णाणं चिय एवंविहेसु
 किच्चेसु अभिरमइ बुद्धी । पावति य पज्जंतं यत्थुयत्थस्स ॥२६५॥ करकमलोगोयरगया ताणं
 चिय परमसुक्खसंपत्ती । णित्थिण्णो वित्थिण्णो वि तेहि रुद्धो भवसमुद्धो ॥२६६॥ तेहि चिय संपत्ता विजय-
 पडागा तिलोयरणरंगे । एयाणुट्टाणपुरस्सरो य जेहिं गहिओ समणधम्मो ॥२६७॥ इय सोउ परितुट्ठो जयधो-
 सणिवो जयावलीइ समं । वारसवयाइ गिण्हइ दंसणमूलाइ पहुपासे ॥२६८॥ तह य अभिगहमेय तिविहं
 पयं तिसंझमवि णिच्चं । तिजयगुरूण जिणाणं तिगरणसुद्धो करिस्सामि ॥२६९॥ परिपालिय गिहिधम्मं
 णियमं सो तीइ संजुओ राया । अणसणविहिणा मरिउं सणंक्कुमारं समुप्पण्णो ॥२७०॥ ते वि हु सुणंदपुत्ता
 गिहिधम्मं गहिय मायपिउसहिया । सव्वे वि गया गेहे प्हू वि अणत्थ विहरेइ ॥२७१॥ समणोवासग-
 धम्मं सो सिट्ठी पालिऊण कइवि दिणे । सह धारिणीइ मरिउं समाहिजुत्तो दिवं पत्तो ॥२७२॥ ते उस-
 हमाइणो पुण कइया वि सहोयरा फुरियसद्धा । पडिवज्जिय पडिमाओ सम्मं फासित्तु सव्वाओ ॥२७३॥

सन्वे वि भवविरत्ता कुडुंभारम्भि ठविय णियणुत्ते । चाउज्जामं धम्मं पडिवण्णा सुगुरुस्समीवे ॥२७४॥
 अब्भत्थदुविहसिक्खा तिव्वतवच्चरणकरणिणचचरया । सुइरं चरित्तु चरणं गुरुआणाऽऽराहणपहाणा ॥२७५॥
 उवसमियसयल्लमोहा उवसमसम्मत्तचरणसुपवित्ता । उवसमसेढीइ गया उवसंतप्पा पसंतमुहा ॥२७६॥ इक्का-
 रसअंगथरा इक्कारसमे ठिया गुणट्ठणे । मरिज्जण समुप्पणा ते इक्कारस वि सन्वट्ठे ॥२७७॥ तिची-
 ससागराई तत्थ सुहं माणिं पयणुरागा । चविडं विदेहवासे होज्जण सिवं ल्हिस्संति ॥२७८॥ इय जिण-
 धम्मस्स फलं कहिज्जण किण्णरी सदिट्ठंतं । जंपइ दिहसम्मत्तो कुणसु तयं धम्मपाल ! तुमं ॥२७९॥

जओ—साहीणे मणुयत्ते लद्धे वि हु दुल्लहम्मि जिणधम्मै । जस्स न दिद्वसम्मत्तं विडंविओ तेण
 णियजम्मो ॥२८०॥ मणुयत्ते जिणधम्मै लद्धे वि मए णियाणदोसेण । सग्गापवग्गसुक्खं हारिय किण्णरपयं
 पत्तं ॥२८१॥ अहवा जे चिक्कणकम्मसाइणो हुंति मज्झ सारिच्छा । ते चंदकंतर्मणिणा किणंति खल्ल
 अलियल्लमणिं ॥२८२॥ तो जिणधम्मं कांडं णियाणवंधं करेइ जो मूढो । सो धम्मपाल ! मूढो कोडीए
 कागिणिं किणइ ॥२८३॥ जम्हा अविकलभत्ती जिणिदधम्मम्मि हरइ दुक्खाइं । जह दुग्गयणारीए पत्तं
 भावेण देवत्तं ॥२८४॥ चलचित्तो मह सरिसो दुलहं ल्हिज्जण माणुसं जम्मं । तुच्छसुहासाणडिओ सम्मत्तं
 हारए मूढो ॥२८५॥ आसणसिद्धिसुक्खो पणित्तंसंसारिओ य जो जीवो । सो णिच्चलसम्मत्तं धरइ सया
 सव्वगुणकलिओ ॥२८६॥

तंजहा—भासामइबुद्धिविगविणयकुसलो जियक्ख गंभीरो । उवसमगुणेहिजुत्तो णिच्छयववहारणय-
णिउणो ॥२८७॥ जिणयुरुयुभत्तिरओ हियमियपियवयणजंपिरो धीरो । संकाइदोसरहिओ अरिहो सम्म-
त्तरणस्स ॥२८८॥ इय सोउं पडिबुद्धो सधम्मपालो नमिउ नेमिजिणं । सम्महंसणमूलं गिहिधम्मं गिणइ
पहिद्धो ॥२८९॥ तो सा भणइ सतोसा दढसम्मत्तोऽसि जेण धणपाल ! । पुट्टमपुट्टं पि मए तं तुह
कहियं समित्तस्स ॥२९०॥ संपइ पुण वच्चिस्सं भस्सच्छे सवलियाविहारम्मि । अइकमइ पिच्छणारंभका-
लसमओ य मह तत्थ ॥२९१॥ इय भणिऊणं कज्जलतमालदलसमलम्मि गयणयले । उप्पइउं सट्टाणे
संपत्ता किण्णरी देवी ॥२९२॥ अह जंपइ धणपालो पिए ! अहं धम्मपालमिच्चुओ । गमिऊण वहि
रयणिं सुहपडिबुद्धो पभायम्मि ॥२९३॥ पत्तो जिणिदभवणे सथुणिउं तत्थ नेमिजिणणाहं । ओयरिउं
संपत्तो दियठाणमिणं हिरण्णउरं ॥२९४॥ णियगेहे संपत्तो तुमए पुट्टो जहित्थ उज्जिते । अज्जवि गिज्जंति
मुणी सत्त्वं किं किण्णराईहिं ? ॥२९५॥ इच्चाइपुच्छिणं तुज्ज मए साहियं पिए ! सव्वं । जह किण्णरीइ
कहियं सुदंसणाचरियमाईयं ॥२९६॥ इय धणसिरीइ सुणिउं भणियं पिय ! जत्थ एरिसं बुत्तं । तत्थुज्जिते
रम्मे ममं पि वंदावि नेमिजिण ॥२९७॥ तो धणपालो सिग्घं समगणसामणिसंगमं काउं । संघजुओ सवयंसो
पयत्थिओ तित्थजचाए ॥२९८॥ ठाणे ठाणे महया इइहीए चेइयाउं पूयंतो । गामागरणारेसुं मुणियय-
कमलं पणिवयंतो ॥२९९॥ साहम्मियवच्छल्लं कुणमाणो भत्तिणिभरो धणियं । दाणं दित्तो दुत्थि-

यज्जणाण करुणाइ अणियाणं ॥३००॥ सहजोदारगुणेणं मणोरहे मग्गणाण पूरंतो । सव्वस्स वि बहुमाणं जणयंतो
उचियविचीए ॥३०१॥ दंसणासुद्धिणिमिच्चं कुणमाणो पवयगुणाइं परमं । धणपालो मित्तजुओ पत्तो उब्जित-
सेलतले ॥३०२॥

जो य केरिसो ?—सुरहितरुकुसुमवासिसीयलजलपसरणिज्झरंतेहिं । गिज्झरणेहि गिरिदो सोहइ
गयंदुव्व मयसहिओ ॥३०३॥ जंबीरजंबुअंवयअंवाडयअंविलीकयंवेहि । खज्जूदक्खदाडिमपूगीफलणालिकेरेहिं
॥३०४॥ पुण्णागणागंचपयअसोयअंकुल्लवउलतिलएहिं । तालतमालपियालप्पालकयमालसरलेहिं ॥३०५॥ माल-
इकेइविचिकिलकरुणीमंदारकोविआरेहिं । एलतयणागकेसरकक्कोल्ललवंगपमुहेहिं ॥३०६॥ सव्वोउयक्खेहिं
सुहया गंदणवणं व आरामा । तह कोइलरवमुहला सहसंववणावली जत्थ ॥३०७॥ गयणमालगउतंगसिं-
गरेवयगिरी गवलवणो । अंजणगिरिंव्व तुंगो तं तिहुयणलगगणक्खंभो ॥३०८॥ अह तत्थ मुत्तु वाहणमाई
घित्ठूण सव्वसामग्गिं । आरुहिउं उब्जिते पत्तो सिरिणेमिज्जिणभवणं ॥३०९॥

जं च केरिसं ?—सिरिणेमिमूलभवणं धवलसमुत्तुंगेउल्लियकलियं । केलाससेलसिहरं व सहइ जं तुंग-
सिगजुयं ॥३१०॥ गुरुधवलधयवडाडोवसहियलहुसियपडागसयसहियं । भवजलहिजाणवत्तं व सहइ जं सुसि-
ढच्चिधजुयं ॥३११॥ जयजयरवं भणंतो तम्मज्जे पविसिउं सपरिवारो । अइउक्कंठियहियओ पसारियच्छो
णियइ जेमिं ॥३१२॥

तंजहा—वरविंबुयपवरअहरो पिहुलकवोलो सुणास सुहवसणो । सारयससिसमवणो विसालभालत्थलो
भयवं ॥३१३॥ दीहरबाहु गोउरउरत्थलो सरलजय वरचलणो । असरिावण्णाणिही णयणाण सुहंजणं व पहूस्य
॥३१४॥ पहुल्लवं पिच्छंतो अणिसिसणयणो जणो णिहुयत्तो । लक्खिज्जइ लवलगो णिच्चलकाओ सुजो-

गिब्व ॥३१५॥ तो तं तिपयाहिणिउ भत्तिभरुल्लसियवहरोमंचो । हरिसंसुभरियणयो पंचंग णमइ
णेमिजिणं ॥३१६॥ पुण पुण पडुमुहकमलं पलोयए पुणवि पणमइ जिणिंदं । एगगमणो तं चेष चितए
भत्तिसंजुत्तो ॥३१७॥ तो सुइतणुसियवत्थो गइंदपयकुंडपवरसाल्लेण । भरिऊण पवरकलसे कुंडुकमपूरसीसेणं
॥३१८॥ वज्जंताऽऽज्जणिणायपसरपडिसहूपूरियदियंतो । महया विच्छङ्खेणं सपरियणो णवइ नेमिजिणं
॥३१९॥ गोसीसचंदणेण सरसेण सुरहिणा विलिपित्ता । मणिकणयभूसणेहिं भूसित्ता भुवणभूसणयं ॥३२०॥
सव्वत्थचिय पसत्थं सक्कारित्ता पसत्थवत्थेहिं । पूयइ तिहुयणपुज्जं दसद्धवणेहिं कुसुमेहि ॥३२१॥

तहाहि—कुंदमुचकुंदमालइपाडलसयवत्तसत्ताइहिं । करुणीचंपयकेयइवउलसिरिपमुहकुसुमेहिं ॥३२२॥
सयलसुंगलणिलयस्स अगगओ नेमिजिणवरिदस्स । सियसालितदुलेहिं आलिहइ मंगले अट्ट ॥३२३॥ कुसुमेहि
पंचवणेहि पूअए अट्टमंगले तत्तो । सरसेण चंदणेणं दलेइ पंचगुलीतिलयं ॥३२४॥ सिवसुहफलयं पवर-
प्फलेहि णालिकेरसाइहिं । सीलसुगंधं च पडुं सुगधिगंधेहि पूइत्ता ॥३२५॥ पडुणो तिहुयणदीवस्स देइ
मणिरयणदीवयं पुरओ । कणयकडुच्छयहत्थो धूवं उक्खिवइ भत्तीए ॥३२६॥ चंदोदयं च दाउं महाधयं
छत्तचसरच्चिधधयं । आरत्तियसाइयं करेइ किरुच्चं च सुयविहिणा ॥३२७॥ एवमवारियसत्तं काउं अट्टाहियं च
वरमहिं । वंदित्ता नेमिजिणं धणपालो थोउमाढत्तो ॥३२८॥

तथा—देव ? त्रिभुवनकमलालङ्कारकरणैकतिलक !, देव ! त्रिभुवनजनतापरमानन्दसंदोहदायक !, देव !

त्रिशुवनग्रथानजनसमूहाऽभ्यर्चनीयचरणकमल !, देव स्वकीयचरणकमलन्यासपवित्रीकृतसकलपृथ्वीतल !, देव !
निर्मलाऽविकलकेवलज्ञानलोचनाऽवलोकितसकललोकालोकमण्डल !, देव ! विमलहरिवंशविशदकुमुदकुङ्कुमलविका-
शनैककौमुदीचन्द्रमण्डल !, देव ! तनुरजरतट्टणवत्सत्वारपरित्यक्तप्राज्यसाम्राज्य !, देव ! प्रत्यगोदग्रयौव-
नभरग्रवर्चमानप्रतिपालितसंयममहाराज्य !, देव ! त्रिशुवनभवनोदरणैकमहास्तंभ !, देव ! दशभनुर्दण्डमा-
नाऽन्यसमानसमाश्रितशरीरारम्भ !, देव ! निर्जिताऽशेषशुवनदुर्द्धममदनद्विरदोरुकुम्भशलाऽस्थिविदार-
णैकपञ्चानन !, देव ! तीव्रतरतपोज्वलनज्जालावलीनिर्धुष्टुष्टाष्टकर्मकानन !, देव ! समूलोन्मूलितदुरन्त-
दुरितविपवल्लीवितान !, देव ! सकलकल्याणकलापकल्पपादपसुधाकुल्यासमान !, देव ! जाज्वल्यमानसंज्वल-
नादिकपायानलसन्तापसन्तप्तसच्चसङ्गातनिर्वाणैकसज्जलधर !, देव ! सर्वथानिर्ममत्वसुतीक्ष्णकुलिशको-
टिर्भिन्नमहामोहमहीधर !, देव ! सर्वभापात्रुयायिभापातिशयरत्नभ्रमप्रकाशितजीवाजीवादिपदार्थसार्थ !,
देव ! प्रणतानेकनरानीनिरप्रदत्तचतुर्थयुर्थ !, देव ! भवअमणभीतभव्यजन्तुजातप्रकटितपरमतत्त्व !,
देव ! संक्षुभ्यमाणमहाम्भोधिशानिसमानशब्दग्रवोधितानेकभव्यसत्त्व !, देव ! निर्वाणमहानगरसन्सार्गप्रका-
शनैकाऽविश्रान्तग्रीसमहाप्रदीप !, देव ! ग्रभूतसद्भक्तिपन्धवन्युरचतुर्विधविशुधकोटीसतताऽविमुक्तसमीप !,
देव ! प्रबलतरमिथ्याज्ञानतमःपटलनिविडुपट्टपाट्टनैकप्रभाकर !, देव ! क्षमामार्द्वाज्जर्जवाधानेकशुणारत्नरत्नभाकर !,

देव ! दुःखप्रकर्षकीर्णनारकजनसङ्कीर्णनरकनगरगोपुररोधनैकदृढकपाटसम्पुट !, देव ! सम्यग्रूर्त्नत्रयाराराधनप्रधानसमाधानदुरारोहसमालूढसमुद्गन्निर्वाणनिष्कुट !, देव ! नितान्तगाथाधसंसाराम्भोधिमध्यनिमज्जज्जंतुसन्तानोचारणैकप्रयुणयानपात्र !, देव ! दुर्धरशीलाङ्गसहस्राष्टादशकभारोद्ग्रहनपवित्रचारित्रपात्र !, देव ! भक्तिभरनतसुरासुरनरेश्वरसणिष्कुटकोटिसंटकसङ्घटितनानावर्णरुचिरनकरनिकरकर्तुरितपवित्रपादनलिन !, देव ! गरिष्ठावासनावससमुल्लसितगात्रगीर्वाणमालासुखकमलविनिम्मितसद्वचोभिषुतसज्ज्ञानलक्ष्मीनिवासवासभवन !, देव ! प्रदक्षितस्वर्गापवर्णसंसर्गसन्मार्गप्रकाशनैकप्रवणप्रधानोपदेशप्रबन्ध !, देव ! दुस्त्यजपरित्यक्तमातापितृभ्रातृपत्नीप्रभृतिभक्तानुरक्तप्रभृतिज्ञातिसम्बन्ध !, देव ! समुद्रविजयप्रमुखदशशार्हमहाराजीविराजितयादवकुलसमुद्भूतसत्पुरुषलक्षावतंस ?, देव ? सतीजनमतल्लिकाश्रीशिवादेवीकुक्षिसरोवरराजहंस ?, देव ? प्रणष्टजन्मजरामरण !, देव ! जगत्रयैकसञ्जातशरण !, देव ! सर्वसुखसंसिद्धिकारण !, देव ! दुर्वाराऽन्तरैरिवारनिवारण ! देव ! विश्वविश्वोत्तमदेवाधिदेव !, देव ! अशस्तसमस्तसुरासुरविहितसेव !, देव ! विनिम्मितकर्मपरिणाममहाराजपराजय !, देव ! द्वाविंशश्रीनेमिजिनेश्वर ! सुचिरं जय ॥ धनपाल इति स्तुत्वा नेमिगणैः सुसंस्कृतैः । अर्द्धसंस्कृतसत्पद्यप्रबंधेनाऽस्तवीत्पुनः ॥३२९॥

तथाहि—हरिक्कुलविमलनभस्तलनिस्तरल्यारदनिशीथिनीनाथ ! जय जय नेमिजिनेसर ! भासुरभावलयकयसोह ! ॥३३०॥ भक्तिभरविनतशतमखशतानि शतशः समेत्य सुरशैले । तुह जम्ममज्जणं अप्प-

मज्जर्णं देव ! अकरिंसु ॥३३१॥ देव ! मधुमथनशंखः शंखगुणेन त्वया तथाऽपूरि । जह अज्जवि तरसद्वो
णो विरमइ सुवनमज्जस्मि ॥३३२॥ येन नवनलिनकुवलयविकसितशतपत्रपत्रलदलाक्षी । रायमई परिचत्ता
धणा निमयति तं नेमिं ॥३३३॥ गायन्ति गीतकुशला यस्य यशःप्रसरसरनरनार्यः । सो पयडपयाव-
निहत्तसत्तुसंधो जयउ जेमी ॥३३४॥ या देव ! पशुष्वपि सोक्षकारिणी हारिणी त्वया दृष्टिः । निहिया तइया
तं चेव अम्ह उवरिं खिवसु इण्हि ॥३३५॥ यो गिरिनारिरीश्वरशृंगं शृङ्गारयत्यलं देवः । पणमह वम्महभ-
डवायभज्जणं तं जिणं नेमि ॥३३६॥ इति निर्दग्धभवेन्धन ! पालक ! जगतोऽपि नेमिजिनचन्द्र ! ।
देविदविद्वंदिय । चंदविवज्जिय । णमो तुज्ज ॥३३७॥

अह धणपालवयसो स धम्मपालो वि धम्मधणलुद्धो । सुललियपाणयभासाइ सुललियं थुणइ पहुमेवं
॥३३८॥ कमलदलदीहणयणं पसंतवयणं सिरीइ कुलभवणं । तिहुयणकयसेवं रेवयस्मि थोसामि नेमिजिणं
॥३३९॥ पणयाण तुमं चित्तामणिव्व मणवंलियं पयच्छंतो । दिट्ठोऽसि देव ! रेवयगिरिसेहर ! गल्यपु-
ण्णेहि ॥३४०॥ अइदुग्गो मणपरिस्समो वि एसो युहावथो मज्ज ॥ तवसंजमुज्जमो इव तुह पयसेवाफलं
जरस ॥३४१॥ हसियं मुहेण नयणेहि वियसिय विहसिय कवोलेहिं । दिट्ठ तुमस्मि जयनाह ! हरिसिय
मज्ज हियएणं ॥३४२॥ अवणेइ मलं नासइ तण्हं संतावपसरमवहरइ । तुह दंसणं जियाणं गइंदवयकुंड-
सलिलं व ॥३४३॥ इह दिक्खा इह णाणं इह णिव्वाणं ति दंसियविसेसा । तुह भत्तीए हिययं हरंति

रेवयगिरिपएसा ॥३४४॥ सासि ! तुमं कयमहिमं अंवासिहरद्वियाइ अंवाए । अवलोइय अवलोयणसिहरे
मह हरिसियं हिययं ॥३४५॥ आणाइ तुम्ह कयमुज्जयंतसिहरेसु जेहि तवचरणं । पज्जुणसंनपमुहे ते
हं वंटे मुणिवरिदे ॥३४६॥ सयलनियजम्मजीवियजुव्वणविण्णणाणलच्छीए । लद्धं फलं मए वि हु
जयनाह ! तुमं नमंतेण ॥३४७॥ इय देविदंभिवदिय ! कुकम्मवणनेसि ! जिणनाह ! ! अमयंजणसमदंसण !
पुणो वि निचदंसणं दिज्जा ॥३४८॥ तत्तो य धम्मपालो तत्थाऽऽगयभुवणभाणुगुरुपासे । भवभयभीओ
गिण्हइ सामणसण्णसासणं ॥३४९॥ विहरित्तु समं गुरुणा सुइरं चरिऊण चारुचारित्तं । सोहम्ममे उववणो
तओ चुओ पाविही सुक्खं ॥३५०॥ अह धणपालो संवेण संजुओ पुणवि नमिय नेमिजिणं । पुणरुत्तं
पिच्छंतो कहवि नियत्तो जिणगिहाओ ॥३५१॥ सुत्तूण तत्थ हिययं सरीरमित्तेण धणसिरीइ समं । ओय-
रिओ संवजुओ कमेण पत्तो हिरणउरं ॥३५२॥ काउं तित्तुज्जवणं चिरकालं पालिऊण गिहिधम्मं ।
सरिऊण समाहीए सकलत्तो सो गओ सगं ॥३५३॥ भोत्तूण तत्थ दिव्वाइ भोगभोगाइं कालमपरिमियं ।
तत्तो चुओ कमेणं लहिही निव्वाणसुक्खं पि ॥३५४॥ एं किंचिवि कहियं सुदंसणापमुहभव्वजियचरियं ।
कहयंतमुणताणं भवभेयं कुणउ भवियाणं ॥३५५॥ इय सुदरिसणकहाए नवनवसंवेगसिखरिनिहाए । मूळ-
द्विद्वप्वंधपप्खगो सोलसुदुदेसो ॥३५६॥ [इइ सोलसमुदेसो]

पसत्थी—

सोलसइत्थुदेसा अहिगारा हुंति अट्ट अत्थस्स । गाहाणं सव्वणं चउरो सहस्सा दुवण्णजुआ ॥१॥
अहिगारो धणपालो सुदंसणा विजियक्कुमार सील्लवई । अस्साववोह भोया धाइसुओ धावी इय अट्ट ॥२॥ इत्थ
य जमिहुस्सुचं बुचं मह तस्स दुक्कडं मिच्छा । पसिज्जण परहियरया बहुस्सुया तं विसोहतु ॥३॥ नवनव-
गमसंगमचंगआगमो जयउ वीग्जिणणाहो । ॥४॥ जस्स पसायं पावित्तु पाणिणो सुह-
मुहेण मल्लीणा । सिवपयपासायसिरंसो गोयमगणहरो जयउ ॥५॥ तइल्लोयल्लोयविप्फुरियगरुयकुँदिदुक्कंतकिच्चि-
भरा । हुंतु सिवाय सुहम्मप्पहुप्पुहा गणहरा सव्वे ॥६॥ चित्तावालयगच्छक्कमडलं जयइ भुग्गचंदगुरु ।
तस्स विणेओ जाओ गुणभवणं देवभद्दमुणी ॥७॥ तप्पयसत्ता जगंचंदस्सरिणो तेसि दुण्णि वरसीसा ।
सिरिदेविदमुणिंदो तहा विजयचंदस्सरिवरो ॥८॥ इय सुदरिसणाइ कहा णाणतवच्चरणकारणं परसं । मूल-
कहाओ फुडत्था लिहिया देविंदस्सरीहि ॥९॥ परमत्था बहुरयणा दोगच्चहरा सुवणलंकारा । सुणिहिव्व
कहा एसा णंदउ विबुहस्सिया सुयरं ॥१०॥ [४०५२] ग्रंथाग्रंथम् [४५००] अक्षरमात्रपदस्वरहीनं व्यजनसंधि-
विवर्जितरेफम् । साधुभिरेव मम क्षमित्थं को न विमुहति शास्त्रसमुद्रे ॥१॥ श्रीमद्बृहत्तपागणनाथश्री-
सुरसुन्दरगुरुणाम् । शिष्योऽशोधयेदतां प्रति प्रयत्नेन समयमाणिक्यः ॥२॥ श्रीसुधानन्दि धाधीश्वरश्रीमही-
समुद्रवाचकेन्द्रप्रसादादियमशोधि ॥इति ॥

आ श्रीकृत्तायगगाग-

॥ समत्तं सुदंसणाचरियं पापरा रापेम भेट ता

